
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



LEGS

FAIT

A LA BIBLIOTHÈQUE DE LA VILLE DE LYON

PAR

JEAN-BAPTISTE CHARVIN,

Décédé le 21 Avril 1842.



317591

27° 19185

Armoire 1 - Rayon G

Salle d'attente

J¹²_{un} B¹²_{un} Charvin.

1918

6.2.8.3 p. 2084

LES CENT NOUVELLES NOUVELLES.

SUIVENT LES CENT NOUVELLES

CONTENANT

Les Cent Histoires Nouveaux,

Qui sont moult plaisans a raconter,
En toutes bonnes Compagnies,

Par MANIERE DE JOYEUSETE.

*Avec d'excellentes Figures en Taille-douce,
Gravées sur les desseins du fameux Mr.*



ROMAIN DE HOOGE,

& retouchées par sen

PICART LE ROMAIN.

TOME SECOND.



A COLOGNE,

Chez PIERRE GAILLARD.

M. DCCXXXVI.

T A B L E. DES CENT NOUVELLES

N O U V E L L E S.

Du II. Tome.

Les Poires payées.

46. **N**ouvelle racontée par Monseigneur de Thianges, d'un Jacopin et de la Nonnain, qui s'étoient brouillées en un préau pour faire armes à plaisir dessous un poirier, où s'étoit caché un qui sçauoit leur fait tout à propos, qui leur rompit leur fait pour cette heure; comme plus à plain vous oyés cy après déclarer. E

Les Deux Mules noyées.

47. Nouvelle par Monseigneur de la Roche, d'un Président sçachant la deshonneste vie de sa Femme, la fit noyer par sa
* 2 mule

mule, laquelle il fit tenir de boire par l'espace de 8: jours, pendant ce temps luy faisoit bailler du sel à manger, comme il vous sera recordé plus a plain. 8

La Bouche honnête.

48. Nouvelle racontée par Monseigneur de la Roche, de celle qui ne vouloit souffrir qu'on la baisast; mais bien vouloit qu'on luy remboura son bas, et habandonnoit tous ses membres fors la bouche; et de la raison qu'elle y mettoit. 14

Le Cul d'Ecarlatte.

49. Nouvelle racontée par Pierre David, de celuy qui vit sa Femme avec vn homme; auquel elle donnoit tout son corps entierement, excepté son derriere qu'elle laissoit a son Mary, lequel la fit habiller presens ses Amis d'une robe de Bureau, et fit mettre sur son derriere vne belle pièce d'escarlatte; et ainsi la laissa deuant tous ses Amis. 19

Change

T A B L E.

Change pour Change.

50. Nouuelle racontée et dite par Antoine de la Salle, d'un Pere qui voulut tuer son fils pource que il a voulu monter sur sa Mere grand, et de la responce dudit fils. 27

Les vrays Peres.

51. Nouuelle dite et racontée par l'Acteur de la Femme, qui departoit ses Enfans au lit de la mort en l'absence de son Mary qui siens les tenoit, et comme vn des plus petits en auertit son Pere. — 31

Les Trois Monumens.

52. Nouuelle racontée par Monseigneur de la Roche, de trois enseignemens, qu'un Pere bailla a son fils luy étant au lit de la mort, lesquels ledit fils mit en auant et en effet tout au contraire de ce qu'il luy auoit enseigné. Et comment il se délia d'une jeune fille qu'il auoit épousée, pource qu'il la vit coucher avec le Prêtre de la Maison, la premiere nuit de ses nopces.

36

* 3

Le

Le qui pro quo des Epousailles.

53. Nouvelle racontée par Monseigneur L'Amant de Bruxelles, de deux Hommes et deux Femmes, qui attendoient pour Epouser a la premiere Messe bien matin : et pource que le Curé ne veoit pas trop clair, il print l'une pour l'autre, et changea a chacun Homme la Femme qu'il deuoit auoir; comme vous oyres cy après.

47

L'Heure du Berger.

54. Nouvelle dite et racontée par Mahiot d'une Damoiselle de Maubeuge, qui s'abandonna a un Chareton et refusa plusieurs gens de bien : et de la reponse qu'elle fit a un Noble Cheualier, pource qu'il luy reprochoit plusieurs choses; comme vous oyres cy après.

55

L'Antidote de la Perte.

55. Nouvelle racontée par Monseigneur de Villiers, d'une jeune Fille, qui auoit l'epidemie qui fit mourir trois hommes pour auoir la compagnie d'elle; et comment le

qua-

T A B L E.

quatriesme fut sauué et elle aussy. 61

La Femme, le Curé, la Servante, le Loup.

56. Nouvelle racontée par Monseigneur de Villiers, d'un Gentilhomme, qui attrappa en un piege qu'il fit, le Curé, sa Femme, sa Chamberiere et un Loup avec eux; et brula tout la dedans, pource que le Curé maintenoit sa Femme. 68

Le Frere traitable.

57. Nouvelle par Monseigneur de Villiers, d'une Damoiselle qui épousa un Berger, de la maniere du Traitté du mariage; et des paroles qu'en disoit un Gentilhomme frere de laditte Damoiselle. 75

Fier contre Fier.

58. Nouvelle par Monseigneur le Duc, de deux Compagnons, qui cuidoient trouver leurs Dames plus courtoises vers eux, et louèrent tant du bas metier que plus n'en pouuoient; et puis dirent, pource qu'elles ne pouuoient tenir compte d'eux, qu'elles auoient comme eux joué du Cimier; comme vous oyres. 82

* 4

Le

T A B L E

Le Malade amoureux.

59. Nouvelle par Poncelet, d'un Seigneur qui contrefit le malade, pour coucher avec sa Chamberiere, avec laquelle sa femme le trouua. 87

Les Nouveaux Freres Mineurs.

60. Nouvelle racontée par Poncelet, de trois Damoiselles de Malinnes, qui accointées s'étoient de trois Cordeliers qui leurs firent faire Couronnes et vestir l'habit de Religion, afin qu'elles ne fussent aperceues; et comme il fut sceu. 97

Le Cocu Dupé.

61. Nouvelle racontée par Poncelet, d'un Marchand qui enferma en sa huche l'Amoureux de sa femme; et elle y mit un Asie secrettement, dont le Mary eut depuis bien à souffrir et se trouua confus. 104

L'Anneau perdu.

62. Nouvelle racontée par Monseigneur de 104

T A B L E.

de Commessuram de deux Compagnons,
dont l'un deux laissa un Diamant au lit de
son Hostesse, et l'autre le trouua, dont il four-
dit entre eux un moult grand debat que le
Mary de laditte Hostesse appaisa par tres
bonnes façons. 114

Montbleru, ou le Larron.

63. Nouvelle d'un nommé Montbleru,
lequel a une Foire d'Anuers déroba à ses
Compagnons leurs chemises, et leur couure-
chef qu'il auoit baillé à blanchir à la Cham-
beriere de leur Hostesse : et comment de-
puis ils pardonnerent au Larron, et puis
Montbleru leur conta le cas tout au
long. 129

Le Curé rasé.

64. Nouvelle racontée par Messire Mi-
chault de Changy, d'un Curé, qui se vouloit
railler d'un Châtreux nommé Tranche C...
mais il eut ses genitoires coupés par le
consentement de l'Hoste. 138

L'a-

T A B L E.

L'Indiscretion mortifié et non punie.

65. Nouvelle racontée par Monseigneur le Preuost de Wastenes, de la Femme que ouyt conter a son Mary qu'un Hostelier du Mont Saint Michel faisoit rage de ronciner, si alla cuidant l'esprouver; mais son Mary l'en garda trop bien, dont elle fut trop mal contente; comme vous oyres cy après. 145

La Femme au Bain.

66. Nouvelle racontée par Phelippes de Laon, d'un Tauernier de S. Omer, qui fit vne question a son petit fils, dont il se repentit après qu'il eut ouy la reponse, de laquelle sa Femme fut tres honteuse; comme vous oyres plus a plain cy après. 153

La Dame a trois Maris.

67. Nouvelle dite et racontée par Phelippes de Laon, d'un Chaperon fouré de Paris, qui vne Cordoniere cuyda tromper, mais il se trompa luy mesme bien lourdement; car il la maria a un Barbier; et cuydant d'elle estre depechée se voulut marier ailleurs;

leurs; mais elle l'en garda mieux; comme vous pourrés voir cy deffous plus a plain.

157

La Garce depouillée.

68. Nouuelle racontée par Crestien Digoine, d'un Homme marié que sa Femme trouua avec un autre; et puis trouua maniere d'auoir d'elle son argent, ses bagues, ses joyaux a tout jusqu'a la chemise, et puis l'enuoya paistre en ce point; comme cy après vous sera recordé.

163

L'Honneste Femme a deux Maris.

69. Nouuelle dite et racontée par Monseigneur, d'un Gentilhomme Cheualier de la Comté de Flandres, marié a vne moult belle et gente Damoiselle; lequel fut prisonnier en Turquie par tres longue espace, durant laquelle sa bonne et loyalle Femme, par l'admonestement de ses Amis, se remaria a un autre Cheualier; et tantost après qu'elle fut remariée, elle ouit nouvelles certaines que son premier Mary reuenoit de Turquie, donc par déplaisance se laissa mourir, pource qu'elle auoit fait

nou-

La Corne du Diable.

70. Nouuelle racontée par Monseigneur, d'un gentil Cheualier d'Allemagne moult grand Voyager en son temps, lequel après un certain voyage par luy fait, fit voeu de ne jamais faire le Signe de la Croix, par tres ferme foy et credence qu'il auoit au Saint Sacrement de Bapême, en laquelle credence il combattit le Diable, comme vous oyés cy-aprés.

174

Le Cornard Debonnaire.

71. Nouuelle racontée par Monseigneur, d'un Cheualier de Picardie, qui en la Ville de Saint Omer se logea en vne Hostellerie ou il fut amoureux de l'Hostesse de leans, avec laquelle il fut tres amoureusement; mais en faisant ce que vous scaués, le Mary de laditte Hostesse les trouua lequel tint maniere telle que cy-aprés. pourrez ouyr.

181

La

La Neceſſité eſt ingenieuſe.

72. Nouuelle par Monſieur de Commeſſuram, d'un Gentilhomme de Picardie, qui fut amoureux de la Femme d'un Cheualier ſon voiſin, lequel Gentilhomme trouua façon par bons moyens d'auoir la grace de la Dame avec laquelle il fut assigné, dont a grand peine trouua maniere d'en jouir; comme vous ouirés cy-aprés. 185

L'Oiſeau en la Cage.

73. Nouuelle par Maiſtre Jehan Lambin, d'un Curé qui fut amoureux d'une ſervue Paroiſſienne avec laquelle ledit Curé fut trouué par l'auertiffement de ſes Voiſins, et de la maniere comment ledit Curé echappa; comme vous ouirés cy-aprés. 192

Le Curé trop reſpectueux.

74. Nouuelle racontée par Phelippes de Laon, d'un Prêtre Boulyennois qui leua deux fois le Corps de noſtre Seigneur J. C. en chantant vne Meſſe, pource qu'il cuidoit, que Monſieur le Senefchal de Boulon-
gne

gne fut venu tard a la Messe ; et aussy comment il refusa de prendre la Paix, deuant Monseigneur le Senechal, comme vous pourrés ouyr cy après. 202

La Masfette.

75. Nouuelle racontée par Monseigneur de Thalemas, d'un gentil Galant demi Follet, non guérres sage, qui en grand auanture se mit de mourir et estre pendu au Gibet, pour nuire et faire déplaisir au Baillif et a la Justice, et autres plusieurs de la Ville de Troyes en Champagne, desquels il estoit hay mortellement ; comme plus a plain pourrés ouyr cy après. 205

Le Laqs d'Amour.

76. Nouuelle racontée par Phelippes de Laon, d'un Prestre Chapelain a un Cheualier de Bourgogne, lequel fut amoureux de la Gouge dudit Cheualier et de l'auanture qui luy aduint a cause de sesdites amours, comme cy dessous vous oyres. 212

La

La Robbe sans manches.

77. Nouvelle racontée par Allardin, d'un Gentilhomme des Marches de Flandres, lequel faisoit sa residence en France : mais durant le temps que en France residoit, sa Mere fut malade esdites Marches de Flandres : lequel la venoit tres souuent visiter cuidant qu'elle mourut : et des paroles qu'il disoit et de la maniere qu'il tenoit ; comme vous oyres cy dessous. 218

Le Mari Confesseur.

78. Nouvelle par Jean Martin, d'un Gentilhomme marié, lequel sa voulanté fut de faire plusieurs et lointains voyages, durant lesquels sa bonne et loyalle preude Femme de trois gentils Compagnons s'accointa, comme cy après pourrés ouyr : et comment elle confessa son cas a son Mary quand desdits voyages fut retourné, cuidant le confesser a son Curé, et de la maniere comment elle se sauua ; comme vous oyres cy après. 223

L'Am

L'Âne retrouvé.

79. Nouvelle par Messire Michault de Changy, d'un bon homme de Bourgogne, lequel alla au conseil a un sage Homme dudit lieu pour son Âne qu'il avoit perdu; et comment il croyoit que miraculeusement, il retrouva son dit Âne; comme cy-après pourrés ouir. 230

La Bonne Mesure.

80. Nouvelle par Messire Michault de Changy, d'une fille d'Allemagne qui de l'âge de quinze a seize ans ou environ, se maria a un gentil Galant, laquelle se plaignoit de ce que son Mary avoit trop petit instrument a son gré, pource qu'elle veoit un petit Âne qui n'avoit que demy an, et avoit plus grand outil que son Mary qui avoit XXIII. ans, ou XXVI. ans. 234

Le Malheureux.

81. Nouvelle racontée par Monseigneur de Vaulurain, d'un gentil Chevalier qui fut amoureux d'une tres belle jeune Dame

Dame mariée, lequel cuida bien paruenir a la grace d'icelle et auffy d'une autre sienne Voisine, mais il faillit a tous deux, comme cy après vous oyrés. 239

La Marque.

82. Nouuelle par Monseigneur de L'au-
noy d'un Bergier qui fit marché avec une
Bergiere qu'il monteroit sur elle, afin qu'il
vit plus loing par tel si, qu'il ne l'embroche-
roit non plus auant, que le signe qu'elle
même fit de la main sur l'instrument du sus-
dit Bergier, comme cy après plus a plain
pourrés ouyr. 251

Le Carme glouton.

83. Nouuelle par Monseigneur de Vau-
lurain d'un Carme, qui en un Village pres-
cha, et comment après son preschement
il fut prié de disner avec une Damoiselle,
et comment en disnant il mit grand peine de
fournir et enplir son pourpoint, comme
vous oyrés s'il vous plaist. 254

La Part au Diable.

84. Nouuelle par Monseigneur le Mar-
quis de Rotelin, d'un sien Mareschal qui se
Tom. II. * * maria

maria a la plus douce et amoureuse femme, qui fut en tout le Pays d'Allemagne, s'il est vray ce que je dis sans en faire grand serment, afin que par mon escrit menteur ne soye reputé, vous le pourrés veoir cy dessous plus a plain. 260

Le Curé Cloüé.

85. Nouuelle d'un Orfeure marié a vne tres belle douce et gracieuse femme, avec ce amoureuse par especial de son Curé leur prochain Voisin, avec lequel son Mary la trouua couchée par l'auertisement d'un sien Seruiteur, et ce par jalousie, comme vous pourrés ouïr. 263

La Terreur panique, ou l'Official Juge.

86. Nouuelle racontée et parle d'un jeune homme de Rouën qui print en mariage vne gente et jeune fille de l'aage de quinze ans ou environ lesquels la Mere, de laditte fille cuyda bien faire démarier par Monseigneur l'Official de Rouën, et de la Sentence que ledit Official en donna après les Parties par luy ouyes, comme vous pourrés voir cy après. 269

Le

Le Curé des Deux.

87. Nouvelle racontée et parle d'un gentil Cheualier lequel s'enamoura d'une très belle, jeune et gente fille, et ausly comment il luy print une très grande maladie en un oeil pour laquelle cause luy conuint auoir un Medecin, lequel pareillement deuint amoureux de laditte fille, comme vous oyres, et des paroles qui en furent entre le Cheualier et le Medecin pour l'emplastre, qu'il luy mis sur son oeil.

278

Le Cocu Sauvé.

88. Nouvelle d'un bon simple homme payfant marié a une plaisante et gente Femme, laquelle laissoit bien le boire et le manger pour aimer par amours, et de fait pour estre asseurement avec son Amoureux enferma son Mary au Coulombier, par la maniere que vous oyres.

284

D'un Curé qui oublia à annoncer le Carême.

89. Nouvelle d'un Curé qui oublia par

* * 2

negli-

negligence ou faute de sens a annoncer le Carésme a ses Paroissiens jusqu'a la Vigile de Pasques Fleuries, comme cy après pourrés ouyr, et de la maniere comment il s'excusa enuers ses Paroissiens. 290

La Bonne Malade.

90. Nouuelle est d'un bon Marchand de Brebant, qui auoit sa femme tres fort malade, doubtant qu'elle ne mourut après plusieurs remonstrances et exortations, qui luy fit pour le salut de son ame luy cria mercy : laquelle luy pardonne tout ce qu'il pouuoit luy auoir mesfait excepté tant seulement ce qu'il auoit si peu besogné en son ouuroier, comme en ladite Nouuelle pourrés ouyr plus a plein. 295

La Femme Obeissante.

91. Nouuelle parle d'un homme qui fut marié a vne jeune Femme, laquelle estoit tant luxurieuse et tant chaude sur potage que je cuyde qu'elle fut née en estuues ou a demy lieuë près du soleil, de midy ; car il n'estoit nul tant bon ouurier fut il qui la peut refroidir, et comment il

T A B L E.

il la cuyda chastier, et de la responce que luy
bailla.

299

Le Charivari.

92. Nouvelle racontée par Monseigneur de Launoy, parle d'une Bourgeoise mariée qui estoit amoureuse d'un Chanoine, laquelle pour plus couuertement aller deuers ledit Chanoine, se accointa d'une sienne Voisine, et de la noise et debat qui entre elles sourdit pour l'amour du mestier dont elles estoient, comme vous oyres cy après.

302

La Postillone sur le Dos.

93. Nouvelle racontée d'une gente femme mariée, qui feignoit a son Mary d'aller en pellerinage pour soy trouuer avec le Clerc de la Ville son amoureux, avec lequel son Mary la trouua, et de la maniere qu'il tint quant ensemble le vit faire le mestier que vous scauez, comme vous oyres.

310

Le Curé Double.

94. Nouvelle racontée d'un Curé qui portoit Courte Robbe comme ces Galans a
* * 3 marier,

T A B L E.

marier, pour laquelle cause il fut Cité devant son Juge ordinaire et de la Sentence qui en fut donnéé; aussy la deffense qui luy fut faite et des autres tromperies qu'il fit après, comme vous oyres plus a plain. 315

Le Doigt du Moine Gueri.

95. Nouvelle racontée par Monseigneur de Villiers d'un Moine qui feignit estre tres fort malade, et en danger de mort pour paruenir a l'amour d'une Femme sienne Voisine, par la maniere qui s'en suit. 321

Le Testament Cynique.

96. Nouvelle d'un simple et riche Curé de Village qui par sa simplessse auoit enterré son Chien au Cimetiere pour laquelle chose il fut cité, par devant son Euesque, et comme il bailla la somme de cinquante escus d'or audit Euesque et de ce que l'Euesque luy en dit, comme pourrés ouyr cy deffous. 328

Le

Le Hausseur.

97. Nouvelle d'une assemblée de bons Compaignons faisans bonne chere a la Tauerne, beuvans d'autant et d'autel, dont l'un d'iceux se combatit a sa femme, quand a son hostel il fut retourné, comme vous oyres cy dessous.

332

Les Amans infortunés.

98. Nouvelle racontée par Lebreton d'un Cheualier de ce Royaume lequel auoit de sa femme une belle fille et gent Dameoiselle agée de quinze a seize ans ou enuiron; mais pource que son Pere la vouloit marier a un riche Cheualier ancien lequel estoit son Voisin, elle s'en alla avec un autre jeune Cheualier son Seruiteur en amours en tout bien et tout honneur, et comment par merueilleuse fortune ils finirent leurs jours tous deux piteusement sans jamais en nulle maniere auoir habitation l'un avec l'autre, comme vous oyres cy après.

336

La

La Metamorphose des Perdrix en Poisson.

99. Nouuelle racontée d'un Euesque d'Espagne, que par defaute de poisson mangea deux Perdrix a un Vendredy, et comment il dit a ses Gens qu'il les auoit conuerties par paroles, de chair en poissons, comme cy en après plus a plain vous sera recordé.

348

Le Sage Nicaise ou l'Amant vertueux.

100. Et dernière de ces presentes Nouuelles, d'un riche Marchand de la Cité de Genes, qui se maria a une belle et gente fille, laquelle par longue absence de son Mary, et par son mesme auertissement manda querir un sage Clerc, jeune et roide pour la bien seruir et secourir, de ce dont elle auoit mestier, et de la ieune qu'il luy fit faire comme vous oyres cy après plus a plain.

354

Fin de la Table du II. Tom.



NOUVELLE XLVI. LES POIRES

PAYEES.

CEn'est pas chose estrange ne peu accoutumée que Moines hantent et frequen-

Tom. II

A

quen-



2 LES CENT NOUVELLES

quentent volentiers les Nonnains. A ce propos il aduint n'aguères que vng maistre Jacopin tant hanta et frequenta vne bonne Maison de Dames de Religion de ce Royaulme qu'il paruint a son intention laquelle estoit de couchier avec vne des Dames de leans; et puis qu'il eut ce bien s'il estoit diligent et songneux de foy trouuer vers celle qu'il aymoit plus que tout le demourant du monde, et tant y continua et hanta que l'Abesse de leans et plusieurs des Religieuses s'en apperceurent de ce que estoit dont elles furent bien mal contentes. Mais touteffois affin de esuiter esclandre elles n'en dirent mot voire au Relligieux, mais trop bien chanterent la leçon a la Nonnain, laquelle se sceut bien excuser; mais l'Abbesse qui veoit cler et estoit bien aperceuant congneut tantost a ses responses et excusances, aux manieres qu'elle tenoit et aux apparences qu'elle auoit veu qu'elle estoit coupable du fait, si voulut pourueoir de remede; car elle fist tenir bien court, accause de ceste Relligieuse, toutes les autres, fermer les huis des Cloitres, et des autres lieux de leans, et tellement fist que le pource Jacopin ne pouuoit plus venir veoir sa Dame. Si luy en desplaisoit et a elle

elle aussi il ne le faut demander, et vous dis bien qu'ils pensoient et nuyt et jour par quelle facon et moyen ilz se pourroient rencontrer, mais ilz ny scauoient engin trouuer. Tant faisoit faire sus eux le guet Madame l'Abbesse. Or aduint vng jour que vne des nieces de Madame l'Abbesse se marioit et faisoit sa feste en l'Abbaye et y auoit grosse assemblee des gens du pais, et estoit Madame l'Abbesse fort empeschee de festoyer les gens de bien que estoient venus a la feste faire honneur a sa niece. Si s'aduifa bon Jacopin de venir veoir sa Dame, et que a l'aduenture il pouroit estre si heureux, que de la trouuer en belle et il y vint comme il proposa, et de fait trouua ce qu'il queroit et accause de la grosse assemblee, et de l'empeschement que l'Abbesse et ses guettes auoient, il eut bien loisir de dire ses doleances et regretter le bon temps passe et elle que beaucoup le aymoit le vit tres volentiers, et se en elle eut este autre chiere luy eut fait, et outre autres parolles il luy dist: Helas! ma mye vous scauez qu'il y a ja long temps que point ne sceusmes deuiser ainsi que nous saoulions ie vous prie s'il est possible tandis que l'hostel de leans est fort donne a autre chose que nous

A 2

guet-

guetter, que vous me diéz ou ie pouray parler a vous a part. Ainsi m'est Dieu dist elle, mon amy, ie ne le desire pas mains que vous: mais ie ne scay penser lieu ne place ou ie le puisse faire; car tout le monde est tant par ceans qu'il ne feroit pas en moy d'entrer en ma chambre, tant y a d'estrangers que sont venus a ceste feste, mais ie vous diray que vous ferez. Vous scauez bien ou est le grant jardin de ceans, ne faiçtes pas? Saint Jehan! ouy, dist il, ie scay bien ou il est. Vous scauez que au coing de ce jardin, dist elle, y a vng tres beau preau bien enclos de belles hayes fortes et espesses, et au milieu vng grant poirier que rendent le lieu vmbrageux et couuert? Vous vous en yrez la et me attendrez, et tantost que ie pouray eschapper ie feray diligence d'y moy trouuer vers vous. Elle fut beaucoup mercyéé, et dist maistre Jacopin qu'il sy en alloit tout droit. Or deuez vous scauoir que vng ieune galand venu a la feste n'estoit gueres loing de ces deux amans, sy ouyt et entendit toute leur conclusion; et pource qu'il scauoit bien le lieu ou estoit ledit preau il s'aduifa et proposa en soy de s'en aller embuscher pour veoir le desduit et les armes qu'ils auoient entrepris de faire.

faire. Il se mit hors de la presse, et tant que piéz le peurent porter il s'en court vers ce preau, et fist tant qu'il se trouua auant le Jacopin, et luy la venu il monte sus le beau poirier qui estoit large et ramu, et tres bien vestu de feüilles et de poires, et si embuscha si bien qu'il n'estoit pas aisé a veoir. Il ny eut gueres esté que vecy bon Jacopin qui attrotte en regardant derriere luy se ame le suyuoit, et Dieu qu'il fut bien joyeux de soy trouuer en ce beau lieu! Il se garda bien de leuer les yeulx contre mont, car jamais ne se fut douté qu'il y eut eu quelqu'un; mais tousjours auoit loeil vers le chemin qu'il estoit venu. Tant regarda qu'il vit sa Dame venir le grant pas, laquelle fut tost emprés luy: si firent grant feste et bon Jacopin d'oster son manteau et son capulaire, et commença a baiser et accoler bien secrettement la belle, si voulurent faire ce pourquoy ils estoient venus, et se met chascun en point, et ce faisant commença a dire la Nonnain; Pardieu mon amy frere Aubery, je vueille bien que vous sachez que vous auez aujourd'hui a Dame et en vostre beau commandement l'vng des beaux corps de nostre Religion, je vous en fais juge, vous le voyez, regardez

dez quel tetin, quel ventre, quelles cuisses et du surplus il ny a que dire. Par ma foy, dist frere Aubery, seur Jehanne ma mye, ie congnois ce que vous dictes; mais aussi vous pouuez dire que vous auez pour seruiteur, vng des beaulx Religieux de nostre Ordre, aussi bienourny de ce que vn homme doit auoir que nul autre; et a ces mots mit la main au baton dont il vouloit faire ses armes et le brandisoit voyant sa Dame en luy disant qu'en dites vous, que vous en semble, n'est il pas beau, ne vault il pas bien vne belle fille? Certes ouy, dist elle. Et aussi l'aurez vous dist le Jacopin. Et vous auez, dist lors celluy qui estoit dans le poirier dessus eulx, de mes meilleures poires; puis prent a ses deux mains les branches du poirier, et fait tomber en bas sus eux des poires tres largement; dont frere Aubery fut tant effroyé, qu'a peu qu'il neut le sens de reprendre son manteau. Si s'en picque tant qu'il peut sans arrester et ne fut assés tant qu'il fut hors de leans.

Et la Nonnain qui fut autant effroyé que luy ne se sceut si tost mettre en chemin que le galant du poirier ne feust descendu, lequel la print par la main et luy deffendit
le

le partir et luy dist, ma mye, il vous fault payer le fruitier. Elle qui estoit prinse et surprinse voyt bien que reffus n'estoit pas de saison: si fust contente que le fruitier fist ce que Frere Aubery auoit laissé en train.



NOUVELLE XLVII.

LES DEUX MULES

NOYÉES.

EN Prouence auoit naguères vn Presi-
dent de haute et bien heureuse renom-
mée

né que tres grant Clerc et prudent estoit, vaillant aux armës, discret en conseil, et au brieſ dire, en luy estoient tous les biens dequoy on pouroit jamais loier homme. D'une chose tant ſeulement estoit noté dont il n'estoit pas cauſe, mais estoit celluy a que plus en desplaioit, auſſi la raiſon y estoit, et pour dire la note que de luy estoit, c'estoit qu'il estoit eoulx par faulte d'auoir femme aultre que bonne. Le bon Seigneur veoit et congnoiſſoit la deſloyaulté de ſa femme et la trouuoit encline, et estoit, de tous points a ſa puterie, et quelque ſans que Dieu luy eut donné, il ne ſcauoit remede a ſon cas, fors deſoy taire et faire du mort; car il n'auoit pas ſi peu leu en ſon temps qu'il ne ſceut vrayment que correction na point de lieu a femme de tel eſtat. Touttesfois vous pouuez penſer que vng homme de couraige vertueux comme ceſtuy estoit ne viuoit pas bien a ſon aiſe, mais fault dire et conclure que ſon dolent cueur portoit la paſte au four de ceſte mauldite infortune, et par dehors auoit ſemblant et maniere de rien ſcauoir et apperceuoir le gouuernement de ſa femme. Vng de ſes ſeruiteurs le vint trouuer vng jour en ſa chambre a part, et luy ya dire par grant ſans, Monſieur ie ſuis
celluy

celluy qui vous vouldroye aduertir comme ie dois de tout ce qui vous peut toucher de vostre honneur, ie me suis prins et donné garde du gouuernement de vostre femme, mais ie vous assure quelle vous garde très mal loyaulté quelle vous a promise; car assurement vng tel, qu'il luy nomma, tient vostre lieu bien souuent. Le bon President saichant bien l'estat de sa femme luy respondit tres fierement. Ha ribault ie scay bien que vous mentez de tout ce que me dictes. Je congnois trop ma femme elle n'est pas telle non, et vous ay ie noury si longuement pour me rapporter vne telle bourde, voire de celle que tant est honneste bonne et loyalle? Et vrayment vous ne m'en ferez plus, dictes que ie vous dois, et vous en allez bientost, et ne vous trouuez jamais deuant moy si chiér que vous ayez vostre vie. Le pource seruiteur, qui cuidoit faire grant plaisir a son maistre de son aduertance, dist ce qu'il luy debuoit, le President luy baille et il le receut et sen alla. Nostre bon President voyant encores de plus en plus resfréschir la desloyaulté de sa femme estoit tant mal content et si trèsfort troublé que on ne pouroit plus Si ne scauoit que penset ne ymager par quelle facon il s'en pouroit hon-

honnestement décharger, si aduifa que sa femme deuoit aller a vne nopce. Il vint a vng Varlet que la garde de ses cheuaulx auoit, et aussi d'une belle mulle qu'il auoit et luy dist garde bien que tu ne bailles a boire a ma mulle de nuyt ne de jour, tant que ie le diray, et a chascune fois que tu luy donneras son auoyne sy luy metz parmy vne bonne pongnie de sel et gardes que tu n'en sonnes mot. Non feray ie dist le Varlet. Quant le jour des nopces de la Cousine de Madame la Presidente approucha elle dist au bon President: Monseigneur si c'estoit vostre plaisir, ie me trouueroye volentiers aux nopces de ma Cousine qui se feront Dimanche prouchain en vng tel lieu. Vrayment ma mye, dist il, j'en suis tresbien content. Allez Dieu vous conduie Je vous mercie Monseigneur, dist elle, mais ie ne scay bonnement comment y aller, ie ny menasse point volentiers mon Chariot pour le tant peu que ie y ay a estre, vostre Haquenée aussi est tant desroyée que par ma foy ie n'oseroye pas bien entreprendre le chemin sus elle. Et bien prenez ma mulle. Le jour de partir vint et s'appresterent les seruiteurs de Madame la Presidente et ses femmes que la deuoient seruir et accompagner,

paigner, pareillement vont venir a cheual deux ou trois Gorgias que la deuoient accompagner que demandent se Madame est preste, et elle leur fait scauoir quelle viendroit maintenant, elle fut preste et vint en bas en la compagnie de ces gentilz gorgias auecques ses femmes et ses seruiteurs. Passa Madame la Presidente par la Ville, et se vint trouuer aux champs, et tant alla qu'elle vint arriuer en vng tres mauuais destroit auprés duquel passe la grosse riuere du Rosne: et comme ceste mulle qui n'auoit beu de huit jours aperceut la riuere courant sans demander Pont ne passage elle de plain vol saillit dedens a tout sa charge qui estoit du precieux corps de Madame. Ceux que le veirent la regardent tresbien, mais aultre secours ne luy firent; car aussi il n'estoit pas en eulx, si fut Madame noyée dont ce fut grant dommaige, et la mulle quant elle eut beu son saoul nagea tant par le Rosne qu'elle trouua lissue et saillit dehors. La compagnie fut beaucoup troublee, si s'en retourna a la Ville, et vint l'vng des seruiteurs de Monseigneur le President le trouuer en sa chambre qui n'attendoit aultre chose que les nouuelles que luy va dire tout pleurant la piteuse aduenture de Madame sa Maistresse.

Le

Le bon President plus ioyeux en cuëur que onques ne fut se monstra tres desplaisant, et de fait se laissa cheoir a terre du hault de luy ménnant tres piteux duëil en regrettant sa bonne femme. Il maudissoit sa mulle les belles nopces que firent sa femme partir ce jour, et Dieu, dist il, ce vous est grant reproche que estes tant de gens et n'avez sceu rescoure la pource femme que tant vous aymoît : vous estes lasches et meschans, et l'avez bien monstre. Le seruiteur et les autres aussi s'excuserent le mains mal qu'ils sceurent et laisserent Monseigneur le President que loüa Dieu a joinctes mains de ce qu'il est si honnestement quitte de sa femme.

NOU-



NOUVELLE XLVIII.
 LA BOUCHE
 HONNÊTE.

VNg gentil Compaignon deuint amoureux d'une jeune Damoiselle que naguères

gueres estoit marieé, et le mains mal qu'il sceut aprez qu'il eut trouué facon d'auoir vers elle accointance il luy compta son cas. Au raport qu'il fist il estoit fort malade, et a la verité dire aussi estoit il bien en pique. Elle fut si doulce et gracieuse quelle luy bail-la bonne audience et pour la premiere fois il se partit tres content de la responce qu'il eut. S'il estoit bien feru au parauant encores fut il plus touché au vif quant il eut dit son fait, si ne dormit ne nuyt ne jourde force de penser a sa Dame, et de trouuer la facon et maniere de paruenir a sa grace. Il retourna a sa queste quant il vit son point, et Dieu scait s'il auoit bien parlé la premiere fois que oncques fist il mieulx son personnaige a la deusiesme, et si trouua de son heur sa Dame assez encline a passer sa requeste dont il ne fut pas moyennement joyeux. Et pource qu'il n'auoit pas tousjours le temps ne le loisir de soy tenir vers elle, il dist a ceste fois la bonne voulenté qu'il auoit de luy faire seruice et en quelle facon. Il fut mercié de celle qui estoit tant gracieuse qu'on ne pouroit plus. Brief il trouua en elle tant de courtoisie en maintient et parler qu'il n'en sceut plus demander si se cuida aduançer de la baisser, mais il
en

en fut reffusé de tous points; mêmes quant vint au partir il ne peult oncques finer dont il estoit tres esbahy. Et quant il fut dehors de elle, il se doubta beaucoup de non point paruenir a son intencion, veu qu'il ne pouuoit obtenir d'elle vn seul baïser. Il se conforte d'autre costé des gracieuses parolles qu'il auoit eu au dire adieu, et de lesspoir qu'elle luy auoit baillé. Il retint comme les autres fois de rechief a sa queste et pour abreger tant y alla, et tant y vint qu'il eut heure assignée de dire le surplus a sa Dame a part, de ce que ne voudroit declarer entre eux deux, et pource que temps estoit il print congé d'elle si l'embrassa bien doucement et la voulut baïser et elle s'en deffendit très bien et luy dist assez rudement, ostez ostez laissez moy, ie nay cure d'estre baïlée. Il s'excusa et le plus gracieusement que onques et sur ce partit. Et quest ce, dist il, en soy mesme? Jamais ie ne veis ceste maniere en femme, elle me fait la meilleure chere du monde et si ma desja accordé tout ce que ie luy ay osé requerre, mais encores n'ay peu finer d'vng poure baïsier! Quant il fut heure il vint ou sa Dame luy auoit dit, et fist ce pourquoy il y vint tout a son beauloïsir; car il coucha entre ses bras

bras toute la belle nuyt, et fist tout ce qu'il voulut excepté seulement le baïser pour laquelle cause il sesmerueilloit moult en soy mesme. Et ie n'entens point ceste manie de faire, disoit il en son pardedens, ceste femme veult bien que ie couche avecques elle et faire tout ce qu'il me plaist, mais du baïser ie n'en fineroye n'en plus que de la vraye croix. Par la mort bieu ie ne scay entendre cecy: il faut qu'il y ayt aucun mystere, il est force que ie le saiche. Vng jour entre les autres qu'il estoit avec sa Dame a goguettes et qu'ilz estoient beaucoup de hait tous deux, il luy dist: Ma myc ie vous requiers distes moy que vous meut de me tenir si grant rigueur quant ie vous veil baïser, vous mauez bailé la joyssance de vostre gracieux et beau corps tout entierement, et d'vng petit baïser vous me faites reffus? Mon amy, dist elle, vous dictes vray, le baïser vous ay ie voirement reffusé et ne vous y attendez point, vous n'en finerez jamais, et la raison y est bonne je la vous diray. Il est vray quant jespousay mon mary que je luy promis de la bouche tant seulement beaucoup de moult belles choses, et pource que ma bouche luy a promis de luy estre loyalle ie suis celle que luy veuille

Tom. II.

B

bonne

bonne entretenir, et ne souffrirroye pour mourir qu'autre que luy y toucha, elle est sienne et a nul autre, et ne vous attendez de riens y auoir, mais mon derriere ne luy a rien promis ne juré, faictes de luy, du surplus ma bouche hors, ce qu'il vous plaira, ie le vous abandonne. L'autre commenca a rire tresfort, et dist, ma mye ie vous mercie, vous dictes tresbien, et si vous scay grant gré que vous auez la franchise de bien garder vostre promesse. A Dieu ne vueille, dist elle, que ie luy face faulte. En la facon qu'auiez ouy fust ceste femme obstinée. Le mary auoit la bouche seulement, et son amy le surplus, et se daduenture le mary se seruoit aucune fois des autres membres ce n'estoit que par maniere d'emprunt; car ils estoient a son amy par le bon d'elle; mais il veoit cest auantaige que sa femme estoit contente qu'il en prenist sur ce quelle auoit donné, mais pour riens neust souffert que l'amy eut jouy de ce qu'a son mary auoit donné.

NOU-



NOUVELLE XLIX. LE CUL

D'ECARLATTE.

N Agüères qu'en la Ville d'Arras auoit
vng bon Marchant auquel il mescheut
B 2 d'auoir

d'auoir femme espouseé qui n'estoit pas des meilleures du monde; car elle ne tenoit ferre, quelle put veoir son coup, et quelle trouua a qui, non plus que vne viellearbalestre. Ce bon Marchant se donna garde du gouuernement de sa femme, il en fut aussi aduerty par aulcuns ses plus priuez amys et voisins, si se bouta en vne grant frenesie et bien parfonde melencolie dont il ne vault pas mieulx: puis s'aduifa qu'il esprouueroit s'il scauoit par aucune bonne facon se nullement il pouroit veoir ce qu'il scait que bien peu luy plaira; c'estoit de veoir venir en son hostel et en son domicile deuers sa femme vng ou plusieurs de ceulx que on dit que sont lieutenans. Nostre Marchant feignit vng jour d'aller dehors et s'embuscha en vne chambre de son hostel dont luy seul auoit la cléf, et veoit ladite chambre sus la cour. Et par aulcuns secrets pertuis et plusieurs treilles regardoit en plusieurs autres lieux et chambres de leans. Tantost que la bonne femme pensa que son mary estoit dehors, elle fist prestement scauoir a vng de ses amys qu'il venfist vers elle, et il obeyt comme il deuoit. Car il suyuit pié a pié la meschine que l'estoit allé querir. Le mary que comme dist

est

est estoit caché en sa chambre, vit tres bien entrer celuy qui venoit tenir son lieu, mais il ne dist mot, car il veult veoir plus avant s'il peut. Quant l'amoureux fut leans la Dame le mena par la main tout deuissant en sa chambre et serra luys et se commencerent a baisier et accoller, et faire la plus grant chiere de jamais : et la bonne Damoiselle de despouiller sa robbe, et soy mettre en cotte simple, et bon Compaignon de la prendre a bons bras de corps, et faire ce pourquoy il estoit venu. Et tout ce, veoit a l'oeil le pource mary par vne petite treille, pensés s'il estoit a son aise; mesme il estoit si prest deulx quil entendoit pleinement tout ce qu'ils disoient.

Quant les armes d'entre la bonne femme et son seruiteur furent acheveés ilz se misdrent sus vne couche que estoit en la chambre et se commencerent a deuifer de plusieurs choses, et comme le seruiteur regardoit sa Dame que tant belle estoit que merueilles, il la commence a rebaisier et dist en cela faisant : Ma mye a qui est ceste belle bouche ? C'est a vous mon amy, dist elle. Et ie vous en mercie, dist il, et ees beaulx yeulx ? A vous aussi, dist elle : Et ce beau tetin, qui est si bien troussé

n'est il pas de mon compte, dist il? Ouy par ma foy mon amy, dist elle, et non autre. Il met aprez la main au ventre a son deuant, ou il ny auoit que redire, si luy demanda a que est cecy ma mye? Il ne le faut ja demander, dist elle, on scait bien que tout est vostre. Il vint aprez getter la main sur le gros derriere d'elle, et luy demanda en soubzriant a que est cecy? Il est a mon mary, dist elle, c'est sa part, mais tout le demourant est vostre. Et vrayment, dist il, ie vous en remercie beaucoup. Ie ne me dois pas plaindre, vous m'avez tres bien party, et aussi d'autre costé par ma foy pensez que ie suis tout entier vostre. Ie le scay bien dist elle, et après ces beaux dons et offres qu'ilz firent l'vng a l'autre ils recommencerent leurs armes de plus belle et ce fait le gentil seruiteur partit de leans, et le pource mary que tout auoit veu et oüy tant couroucé qu'il n'en pouuoit plus, enrageoit tout vif. Toutefois pour mieulx faire il auala ceste premiere et a lendemain fist tres bien son personnage faisant semblant qu'il venoit de dehors, et quant vint sur le point du disner il dist a sa femme qu'il vouloit auoir Dimanche prouchain son pere sa mere, telz et telz de ses parens et cousins
et

et quelle face garnison de viures, et qu'ils soient bien aises a ce jour. Elle se chargea de ce faire et luy de les inuiter. Ce Dimanche vint et le disner fut prest et tous ceux qui mandez y furent comparurent et print chascun place comme leur hôte l'ordonnoit, que estoit debout, et sa femme aussi lesquels seruirent le premier metz. Quant le premier metz fust assis, l'oste que auoit secrettement fait faire vne Robbe pour sa femme de gros bureau de gris, et a l'endroit du derriere auoit fait mettre vne bonne piece d'escarlata en maniere d'vng tafeau, si dist a sa femme venez jusqu'en la chambre, il se met deuant et elle le suit. Quant ils y furent, il luy fist despouiller sa Robbe, et va prendre celle du bureau dessusdit et luy dist. Or vestez ceste Robbe. Elle la regarde et veoit quelle est de gros bureau si en est toute esbahie et ne scait penser quil faut a son marry, ne pourquoy il la veut ainsi habiller. Et a quel propos me voulez vous ainsi houffer, dist elle? Ne vous chaille, dist il, ie vueil que la vestez. Ma foy, dist elle, ie n'en tiens compte, ie ne la vestirez jamais, faites vous du fol? Vous voulez bien faire farcer les gens de vous et de moy encores

deuant tout le monde ! Il ny a ne fol ne faige, dist il, vous la vestirez. Au mains dist elle, que ie saiche pour quoy vous le faiçtes ? Vous le scaurez cy aprez. Pour abregier force fut quelle endossa ceste Robbe qui estoit bien estrange a regarder, et en ce point fut ameneé a la table ou la pluspart de ses parens et amys estoient. Mais pensez qu'ilz furent bien esbahys de la veoir ainsi habillé, et croiez quelle estoit bien honteuse, et se la force eut esté sienne elle ne fust pas la venuë. Droit la auoit assez que demandoient que signifioit cest habillement ? Et le mary respondist qu'ils pensassent tous de faire bonne chiere, et quaprés disner ils le scauroient. Mais vous debuez scauoir que la poure femme housseé du bureau ne mangea chose que bien luy fist, et le jugeoit le cueur que le mistere de sa housseure luy seroit ennuy. Et encores eust-elle esté trop plus troubleé s'elle eut sceu du taseau d'escarlata, mais nenny. Le disner se passa, et fut la table ostée, les graces dictes et tout chascun debout. Lors le mary se met auant et commence la dire : Vous telz et telz que cy estes, s'il vous plaist, ie vous diray en brief la cause pour-
quoy

quoy ie vous ay icy assemblez , et pourquoy iay vestu ma femme de cest habilement? Il est vray que ja pieca iay esté aduerty que vostre parente que cy est me gardoit tres mal la loyaulté. quelle me promist en la main du Prestre: touteffois quelque chose que l'on m'ayt dit ie ne lay pas creu de legier: mais moy mesme lay voulu esprouuer; et qu'il soit vray il n'y a que six jours que ie faigny d'aller dehors, et membuchay en ma chambre la hault. Je n'y eu guères esté que vecy venir vng tel que ma femme mena tantost en sa chambre ou ils firent ce que mieulx leurs pleut, et entre les autres deuises l'homme luy demanda de sa bouche, de ses yeulx, de ses mains, de son tetin, de son ventre, de son deuant, de ses cuisses, a qui tout ce bagaige estoit? Et elle respondit a vous mon amy. Et quant vint a son derriere il luy dist, et a qui est cecy ma mye? A mon mary dist elle. Lors pource que je lay trouuée telle ie lay ainsy habillé. Elle a dit que delle il y a mien que le derriere; si l'ay hougé comme il appartient a mon estat; le demourant ay ie hougé de vesture qui est deuë a femme desloyalle et deshonnourée; car elle est telle; pource ie l'a vous rens. La

B f

com-

26 LES CENT NOUVELLES

compagnie fut bien esbahye d'ouïr ce propos, et la pource femme bien honteuse; mais toutesfois quoy 'que fut, oncques puis avec son mary ne se trouua ainsi deshonnouré et reprouchéé entre ses amis depuis demoura,

NOU-



NOUVELLE L. CHANGE

POUR CHANGE.

Comme jeunes gens se mettent volentiers à voyager, et prennent plaisir à veoir

veoir et chercher les aduentures du monde, il y eut n'aguères au pays de Lannois vng filz de laboureur qui fut depuis l'aage de dix ans jusqu'a l'age de vint et fix ans tous-jours hors du pais, et depuis son partement jusqu'a son retour onques son pere ne sa mere n'en eurent onques vne seule nouvelle, si penserent plusieurs fois qu'il fut mort. Il reuint toutesfois et Dieu scait la joye que fut en l'hostel, et comment il fust festoyé a son retour de tant peu de biens que Dieu leurs auoit donné. Mais que le vit volentiers, et en fist grant feste ce fust sa grant mere, la mere de son pere, que luy faisoit plus grant chiere et estoit la plus joyeuse de son retour que nulle des autres; elle le baïsa plus de cinquante fois, et ne cessoit de louer Dieu qui leur auoit rendu leur beau filz, et retourné en si beau point. Apres ceste grant chiere leure vint de dormir, mais il n'y auoit a l'hostel que deux lits, l'vng estoit pour le pere et la mere et l'autre pour la grant mere, si fut ordonné que leurdit filz coucheroit avec sa grant mere, dont elle fut bien joyeuse; mais il s'en fut bien passé, combien que pour obeir il fut content de prendre patience pour ceste nuyt. Comme il estoit couchié avec-

ques

ques elle, ne scay de quoy il luy souuint
 car il monta dessus. Et que veux tu faire,
 dist elle? Ne vous chaille, dist il, ne dictes
 mot. Quant elle vit qu'il vouloit beson-
 gner a bon escient, elle commence de crier
 tant qu'elle peut aprez son filz que dormoit
 en la chambre au plus prez, si se leua de
 son lit et s'en alla plaindre a luy de son filz
 en pleurant tendrement. Quant l'autre
 ouyt la plainte de sa mere, et la inhumani-
 té de son filz, il se leua sur piedz tres cou-
 roucé et mal meu et dist qu'il l'occira. Le filz
 ouyt ceste menace, et sault sus et s'enfuit
 par derriere. Son pere le suit, mais c'est
 pour neant, il n'estoit pas si legier du pied,
 il vit qu'il perdoit sa peine, si reuint a l'o-
 stel, et trouua sa mere lamentant accause
 de l'offense que son filz luy auoit faite. Ne
 vous chaille ma mere, dist il, ie vous en
 vengeray bien. Ne scay quans jours aprez
 ce pere vint trouuer son filz que jouoit a la
 paulme et tantost qu'il le vit il tira bonne
 dague, et marche vers luy et l'en cuida
 ferir. Le filz se detourna et son pere fut
 tenu. Aucuns qui la estoient sceurent bien
 que c'estoit le pere et le filz, sy dist l'vng au
 filz, et viens ca qu'as tu meffait a ton pere
 que te veult tuer? Ma foy, dist il, rien. Il a le
 plus

plus grant tort de jamais, il me veult tout le mal du monde pour vne poure fois que j'ay voulu ronciner sa mere, et il a bien ronciné la mienne plus de cinq cens fois, et ien'en parlay onques vng seul mot. Tous ceux qui ouyrent ceste responce commencent a rire du grant cueur, si s'emploierent a ceste occasion dy mettre paix, et fut tout pardonné d'vng costé et d'aulture.

NOU-



NOUVELLE II.
 LES VRAYS
 PERES.

A Paris n'aguères viuoit vne femme
 qui fut maricé a yng bon simple
 homme

homme qui tout son temps fut de nos amis si tres bien qu'on ne pouoit plus. Ceste femme qui belle et gente et gracieuse estoit au temps qu'elle fut neufue, pource quelle auoit l'oeil au vent, fut requise d'amours de plusieurs gens, et pour la grant courtaise que nature nauoit pas oublié en elle, elle passa legierement les requestes de ceulx que mieulx luy pleurent, et eut en son temps tant deux comme de son mary 7. ou 8. enfans. Aduint quelle fut malade et au lit de la mort acoucheé, si eut tant de grace quelle eut temps et loisir de soy confesser, penser de ses pechez, disposer de sa conscience, et elle veoit durant sa maladie ses enfans trotter deuant elle qui luy bailloient au cueur tres grant regret de les laisser, si se pensa quelle feroit mal de laisser son mary chargé de la pluspart; car il n'en estoit pas le pere combien qu'il le cuydast, et la tenoit aussi bonne femme que nulle de Paris; elle fist tant par le moien d'une femme qui la gardoit que vers elle vindrent deux hommes qui au temps passé l'auoient en amours très bien seruie, et vindrent de si bonne heure que son mary estoit allé devers les Medecins Apotiquaires pour auoir aucun bon remede pour elle et pour sa santé.

santé. Quant elle vit ces deux hommes elle fit tantost venir deuant elle tous ses enfans, si commença a dire, vous estes vng tel, vous scauez ce qui a esté entre vous et moy ou temps passé, dont il me desplaist a ceste heure amerement. Et se ce nest la misericorde de nostre Seigneur a qui ie me recommande, il me sera en l'autre monde bien chèrement vendu. Touttesfois se iay fait vne folie ie la congnois, mais de faire la seconde ce seroit trop mal fait. Vecy telz et telz de mes enfans, ils sont vostres, et mon mary cuide a la verité qu'ilz soient siens, si feray ie conscience de les laisser en sa charge; pourquoy ie vous prie tant que ie puis, que apréz ma mort que sera bresue, que vous les prénez avec vous et les entretenez, nourrissez et esleuez, et en faictes comme bon pere doit faire; car ils sont vostres. Pareillement dist a l'autre, et luy monstroist ses autres enfans, telz et telz sont a vous ie vous assure, si les vous recommande en vous priant que vous en acquittez; et se ainsi me le voulez promettre ie mouray plus aise. Et comme elle faisoit ce partaige, son mary va venir a l'hostel et fut aperceu par vng petit de ses filz que n'auoit enuiron que cinq ou six ans, qui vistes-


Tom. II.

C

ment

ment descendit en bas encontre luy effrayement, se hastia tant de deualer la montée qu'il estoit prest dehors de alaine. Comme il vit son pere a quelque méschief que ce fut il dit : Helas ! mon pere auancez vous tost pour Dieu. Quelle chose y a til de nouveau dist le pere, ta mere est elle morte ? Nenny dist l'enfant ; mais auancez vous d'aller en hault ou il ne vous demourera vng seul enfant : ils sont venus vers ma mere deux hommes , à qui elle donne tous mes freres ; se vous ny allez, bien tost elle donnera tout. Le bon homme ne scait que son filz veut dire, si monta en hault et trouua sa femme, sa garde, deux de ses voisins et ses enfans ; si demanda que signifie ce que vng tel de ses filz luy a dit ? Vous le scaurez cy aprez dist elle. Il n'en enquist plus pour leure ; car il ne se doubta de rien. Ses voisins sen alerent et commanderent la malade a Dieu et luy promidrent de faire ce qu'elle leurs auoit requis dont elle les mercia. Comme aprouchast le pas de la mort cria mercy a son mary, et luy dist la faulte quelle luy a faite durant qu'elle a esté alieé avec luy : et comment telz et telz de ses enfans estoient a tel et a tel : et telz a vng tel : c'est a scauoir ceux dont dessus est touché ; et que
aprez

apres sa mort, ilz les pendront et n'en au-
 ra jamais charge. Il fut bien esbahy d'ouyr
 ceste nouuelle : neantmoins il luy pardonna
 tout ; et puis elle mourut. Ensuite il enuoya ses
 enfans a ceux qu'elle auoit ordonné qui les
 retindrent : et par tel point il fut quitte de
 sa femme et de ses enfans ; et si eut beau-
 coup mains de regret de la perte de sa fem-
 me que de celle de ses enfans.



NOUVELLE LII.
 LES TROIS
 MONUMENS.

A Duint naguères que vng grant Gentil
 homme, saige, prudent et beaucoup
 ver-

vertueux, comme il estoit au lit de la mort, et eut fait ses ordonnances et disposé de sa conscience au mieulx qu'il peut, il appella vng seul filz qu'il auoit auquel il laissoit foison de biens temporelz; et apréz que lui eut recommandé son ame, celle de sa mere que nagueres auoit terminé vie par mort, et generalement tout le Colliege de purgatoire, il aduifa trois choses pour la derniere doctrine que jamais luy vouloit bailler, en disant: Mon tres cher filz ie vous aduertis que jamais vous ne hantez tant en l'hostel de vostre voisin que l'en vous y serue de pain bis. Secondement je vous enjoins que vous gardez de jamais courir vostre cheual en la valeé. Tiercement que vous ne prenez jamais femme d'estrange nation. Or se vous souuenez de ces trois pointz, ie ne doubte point que bien ne vous en vienne. Mais se vous faites le contraire, soyez seur que vous trouuerez que la doctrine de vostre pere vous vaulsist mieulx auoir tenuë. Le bon filz mercia son pere de son bon aduertissement, et luy promist escripre ses enseignemens au plus parfont de son cuer, et les mettre si tres bien en son entendement et en sa memoire que jamais n'yra au contraire. Tantost apres son pere mourust, et furent

rent faites les funerailles comme a son estat et a homme de tel lieu qu'il estoit appartenoit ; car son filz s'en voulut bien acquitter comme celuy qui bien auoit de quoy. Vng certain temps aprez, comme on prent accointance plus en vng lieu que en vng aultre, ce bon gentil homme qui estoit orphelin de pere et de mere et a marier, et ne scauoit que s'estoit du mesnaige, s'accointa d'vng voisin qu'il auoit, et de fait la pluspart de ses jours beuuoit et mengeoit leans. Son voisin, qui marié estoit et auoit vne tres belle femme, se bouta en la douce raige de jalousie et luy vindrent faire raport les yeulx, que nostre gentil homme ne venoit en son hostel fors a l'occasion de sa femme, et que vraiment il estoit amoureux, et que a la longue il la pouroit emporter d'assault. Si n'estoit pas bien a son aise, et ne scauoit penser comment il se pouroit honnestement de luy desarmer ; car luy dire la chose comme il la pense ne vouldroit rien ; si conclud de luy tenir telz termes petit a petit qu'il se pourra assez apercevoir s'il n'est trop beste, que sa hantise continuelle ne luy plaist pas. Et pour executer sa conclusion en lieu qu'on le souloit seruir de pain blanc il fist mettre le bis. Et
aprez

après ie ne scay quans repas nostre gentil homme s'en donna garde et luy souvint de la doctrine de son pere : si congneut qu'il auoit erré, si batit sa coupe et bouta en sa manche tout secretement vng pain bis et l'apporta en son hostel, et en remembrance le pendit en vne corde en sa grant Salle, et ne retourna plus en la maison de son Voisin comme il auoit fait parauant. Pareillement vng jour entre les autres luy qui estoit homme de desduit, comme il estoit aux champs, et que ses leuriers eussent mis vng liéure a chasse, il pique son cheual, tant quil peut après, et vint rataindre le liéure et leuriers en vne grant vallee, ou son cheual qui venoit de toute sa force faillit des quatre piedz et tomba, et ledit cheual se rompit le col dont il fut bien esbahy et fut bien heureux ledit gentil homme quant il se vit ainsi gardé de mort et d'affolure. Il eut toutesfois pour recompense le liéure, et comme il le tint il regarda son cheual que tant il aymoit : si luy souuenoit du second enseignement que son pere luy auoit baillé ; et que s'il et eut eu bien memoire, il ne eust pas ceste perte ne passé le dangier qu'il a eu bien grant. Quant il fut en sa maison il mit auprès du pain bis a vne corde en la Salle la

peau du cheual affin qu'il eut memoire et remembrance du second aduifement que son pere jadis luy bailla. Vng certain temps apréz il luy print voulenté d'aller voyager et veoir pays: si disposa ses besongnes a ce, et print de la finance dont il auoit largement et chercha maintes contrées, et se trouua en diuerfes regions et places dont en la fin il fist residence en l'hostel d'un grant Seigneur, d'une loingtaine et bien estrange marche, et se gouerna si haultement et si bien leans que le Seigneur fut bien content de luy bailler sa fille en mariage; iasoit qu'il n'eut seulement congnoissance de luy fors ses loüables moeurs et vertus. Pour abregier il fianca la fille de ce seigneur et vint le jour des nopces. Et quant il cuida la nuyt couchier auecques elle, on luy dist que la coustume du pais estoit de ne point coucher la premiere nuyt auec sa femme, et qu'il eut patience jusques a lendemain. Puis que c'est la coustume, dist il, ie ne quers ja qu'on la rompe pour moy; son espousee fut menee couchier en vne chambre, et luy en vne autre, apres les dances, et de bien venir il ny auoit que vne paroy entre ces deux chambres, qui n'estoit que de terre. Si s'aduifa pour veoir
la

la contenance, de faire vng perthuys de son especé par dedans la paroy et vit très bien a son aise son espouse se boutter ou lit, et vit aussi, ne demoura guéres après, le Chapelain de leans qui se vint boutter auprès d'elle pour luy faire compaignie, affin qu'elle n'eut paour, ou comme jespoire pour faire lessay ou prendre la disme des Cordeliers, comme dessus est touché. Nostre bon gentil homme quant il vit venir cet appareil, pensés qu'il eut bien des estouppes en sa quenoille, luy vint tantost en memoire le troisiésme aduiselement que son pere luy donna auant le trespas lequel il auoit mal retenu. Touttesfois il se reconforta et prist couraige, et dist bien en soy mesmes que la chose n'est pas si auant qu'il n'en faille bien. A lendemain le bon Chapelain son lieutenant de la nuyt et son predecesseur se leua de bon matin, et d'auenture il oubliâ ses brayes sous le cheuet du lit a lespouseé; et nostre bon gentil homme sans faire semblant de rien vint au lit d'elle et la salua gracieusement, comme il scauoit bien faire, et trouua facon de prendre les braies du Prestre sans quil fut apercû d'ame. On fist grant chiere tout ce jour. Et quant vint au soir le lit de lespouseé fut paré et ordonné tant

C 5

riche-

richement qu'a merueilles et elle y fut couchée. Si dist on au Sire des nopces que méshuy quant il luy plaira il pourra bien coucher avec sa femme. Il estoitourny de response et dist au pere et a la mere et aux parens qu'ilz le voulsissent oïyr : Vous ne scauez, dist il, que ie suis, ne a que vous avez donné vostre fille, et en ce m'avez fait le plus grant honneur que jamais fut fait a vng jeune homme estrangier, dont ie ne vous scauroye assez mércier. Neantmoins toutesfois jay conclud en moy mesmes, et suis a ce resolu de jamais coucher avecques elle tant que ie luy auray monstré et a vous aussy que ie suis, quelle chose iay, et comment ie suis logié. Le pere prinst tantost la parole et dist : Nous scauons tres bien que vous estes noble homme et de hault lieu, et na pas mis Dieu en vous tant de belles vertus sans les accompagner d'amis et de richesses. Nous sommes contens de vous, ne laissez ia a parfaire et accomplir vostre mariage, tout a temps scaurons nous plus auant de vostre estat quant il vous plaira. Pour abregier il voüa et iura de non jamais couchier avecques elle se n'estoit en son hostel, et luy ameneroit son pere et sa mere et plusieurs de ses parens et amys. Il fit met-

tre

tre son hostel a point pour les receuoir, et y vint vng jour deuant eulx, et tantost qu'il fut descendu il prit les braies du Prestre qu'il auoit et les pendit en la Salle au près du pain bis et de la peau de cheual. Tres grandement furent receus et festoyez les parens et amis de nostre bonne espousee et furent bien esbahys de veoir l'hostel du jeune gentil homme si bien fourni de vaisselle, de tapisserie, et de tous autres meubles, et se reputoient bien heureux d'auoir si bien allie leur belle fille. Comme ils regardoient par leans, ils vinrent en la grant Salle que estoit tendue de belle tapisserie, apperceurent au milieu le pain bis, la peau de cheual et vne braye qui pendoient dont ils furent moult esbahys, et en demanderent la signification a leur hoste. Le Sire des nopces leur dist que volentiers il leurs dira la cause et tout ce qui en est quant ils auront mengie. Le disner fust prest et Dieu scait s'ils furent bien seruis! Ils neurent pas si tost disne qu'ils ne demanderent l'interpretation, et la signification et le mystere du pain bis et de la peau de cheual &c. Et le bon gentil homme leur compta bien au long et dist que son pere estant au lit de la mort, comme dessus est

narré,

narré, luy auoit baillé trois enseignemens. Le premier fut que ie ne me trouuasse jamais tant en lieu, que on me seruit du pain bis. Je ne retins pas bien ceste doctrine ne cest enseignement; car puis sa mort ie hantay tant vng mien voisin qu'il se boutta en jalousie pour sa femme, et en lieu de pain blanc dequoy ie fus serui long temps on me seruit de pain bis, et en memoire et aprobacion de la verité de cest enseignement jay la fait mettre ce pain bis. Le deuxiesme enseignement que mon pere me bailla fut, que jamais ie ne courusse mon cheual en la vallee. Je ne le retins pas bien vng jour qui passa, si men print mal; car en courant en vne vallee après le lièvre et mes chiens mon cheual cheut et se rompit le col, et a peu que ie ne feusse tres bien blessé; si eschappé de belle mort, et en memoire de ce, est la pendue la peau du cheual que alors je perdis. Le troiziesme enseignement et aduise-ment que mon Pere dont Dieu ayt l'ame me baillast fut que jamais ie ne espoulassse femme d'estrange nation. Or ay ie failly, et vous diray comment il m'en est prins. Il est bien vray que la premiere nuyt que vous me reffustes le couchier avecques vostre
fille

fille qui cy est, ie fus logié en vne chambre
 au plus près de la sienne: et pource que la
 paroy qui estoit entre elle et moy n'estoit
 pas trop forte ie la perthuisay de mon espee:
 et veis venir couchier avecques elle le Cha-
 pelain de vostre hostel, que sous le cheuet
 du lit oubliâ ses brayes, le matin quant il se
 leua, lesquelles ie recouray, et sont celles
 que veez la penduës, que telmoignent et ap-
 preuuent la Chronique verité du troisiem-
 me enseignement que mon feu pere jadis
 me bailla, lequel ie n'ay pas bien retenu
 ne mis en ma memoire; mais affin que plus
 en la faulte des trois aduis precedens ne ren-
 choye ces trois bagues que vous voyez me
 feront dorefnauant sage; et pource que la
 Dieu mercy ie ne suis pas tant obligé a vo-
 stre fille quelle ne me puisse bien quitter, je
 vous prie que la remenez et retournez en
 vostre marche; car jour que je viue ne me
 fera de plus près; mais pource que ie vous
 ay fait venir de loing et vous ay bien voulu
 monstrier que ie ne suis pas vng homme
 pour auoir le remenant d'vng Prestre, ie suis
 content de payer vos depens. Les autres
 ne sceurent que dire ne que penser qui se
 voyent confus et leur tort, voyant aussi
 qu'ils sont moult loing de leur marche, et
 de

de leurs pais, et que la force nest pas leur en ce lieu; si furent tres bien contens de prendre de l'argent pour leurs depens et eulx en retourner. Dont ilz vindrent, et qui plus y a mis plus y a perdu. Par ce compte auez ouy et entendu que les trois aduis que le bon pere bailla a son fils ne sont pas de oublier; si les retienne chascun pour autant qu'il sent qu'ils luy peuuent touchier.

NOU-



NOUVELLE LIII.
 LE QUI PRO QUO
 DES EPOUSAILLES.

N Agüeres que en l'Eglise de Sainte
 Goule a Brucelles estoient en vng ma-
 tin

tin plusieurs hommes et femmes qui deuoient espouser a la premiere Messe qui se dit entre quatre et cinq heures , et entre les autres choses ils deuoient entreprendre ce doux et bon estat de mariage, et promettre en la main du Prestre ce que pour rien ne voudroient trespasser. Il y auoit vng jeune homme et vne jeune fille qui n'estoient pas des plus riches, mais la bonne volenté auoient qui estoient auprès l'vng de l'autre, et n'attendoient fors que le Curé les appellast pour espouser. Auprés deulx aussi auoit vng homme ancien et vne femme vieille qui grant cheuance et foison de richesses auoient, et par conuoitise et grant desir de plus auoir, auoient promis foy et loyauté l'vng vers l'autre et pareillement attendoient a espouser a ceste premiere Messe. Le Curé vint et chanta ceste Messe tres desirée, et en la fin comme il est de coustume deuant luy se misdrent ceux que espouser deuoient, dont il y auoit plusieurs autres sans les quatre dont ie vousay compté. Or deuéz vous scauoir que ce bon Curé qui tout prest estoit deuant l'Autel pour faire et accomplir le mistere des espousailles estoit borgne, et auoit ne scay par quel meschief, puis peu de temps en ça perdu vng oeil, et
ny

ny auoit auffi guères grant luminaire en la
 Chapelle ne sur l'Autel, c'estoit en hyuer et
 faisoit brun et noir, si faillit a choisir. Car
 quand vint a besongner et a espouser il print
 le vieil homme riche et la jeune fille poure,
 et les joignit par l'anneau du monstier en-
 semble. D'autre costé il print auffi le jeune
 homme poure et lespousa a la vieille femme,
 et ne s'en donnerent oncques garde en l'E-
 glise ne les hommes ne les femmes dont ce
 fut grant merueilles par especial des hom-
 mes; car ils osent mieulx leuer l'oeil et la
 teste quant ils sont deuant le Curé a genoux
 que les femmes qui sont a ce coup simples
 et coyés; et n'ont le regard fiché qu'en ter-
 re. Il est de coustume que au faillir des Espou-
 sailles, les amys de l'Espousé prennent l'Es-
 pousée et l'emmainent. Si fut la poure jeune
 fille a l'Hostel du riche homme menée, et
 pareillement la vieille riche fut amenée en
 la poure maisonnette du jeune gentil Com-
 paignon. Quant la jeune Espousée se trou-
 ua en la Court et en la grant Salle de l'hom-
 me quelle auoit par mesprinse espousé, elle
 fut bien esbahie et connut bien tantost qu'el-
 len'estoit pas partie de leans ce jour. Quant
 elle fut arriere en la Chambre a parer que
 estoit bien tenduë de belle tapisserie, elle

vit le beau grant feu, la table couuerte ou le beau dejeuner estoit tout prest, elle vit le beau Buffet bien fourny et garny de vaisselle; si fut plus esbahie que parauant et de ce se donne plus grant merueille quelle ne congnoit ame de ceulx qu'elle ouyoit parler. Si fust tantost desarmé de ses aour-nemens ou elle estoit bien enfermée et bien embruchée. Et comme son Espoux la vit au decouuert et les autres qui la estoient, croyez qu'ils furent et autant surpris que se cornes leurs fussent venuës. Comment dist l'Espousé est ce cy ma femme? Nostre Dame ie suis bien eueux! elle est bien changiee depuis hyer. Je croy quelle a esté a la Fontaine de Jouence. Nous ne scauons dirent ceux qui l'auoient amenée dont elle vient, mais nous scauons certainement que c'est celle que vous auez huy espousée, et que nous prîmes a l'Autel; car oncques puis ne nous partit des bras. La compaignie fut bien esbahye et longuement sans mot dire, mais qui fut simple et esbahye la pource Espousée estoit toute desconfortée, et pleuroit des yeulx moult tendrement, et ne scauoit sa contenance: elle ayma trop miculx se trouuer auecques son amy quelle cuydoit bien auoir espousé a ce jour. L'Espousé la voyant
se

se desconforter en eut grant pitié et luy dist :
 Ma mye , ne vous desconfortéz ia , vous estes
 arriuée en bon Hostel se Dieu plaist et n'a-
 yez doubte , on ne vous y fera ia mal ne des-
 plaisir : mais dictes moy si vous plaist que
 vous estes , et a vostre aduis dont vous ve-
 nez icy. Quant elle l'ouyt et entendit si
 courtoisement et si doucement parler , elle
 s'assura vng peu , et luy nomma son pere et
 sa mere , et luy dist quelle estoit de Brucel-
 les , et auoit fiancé vng tel que elle luy nom-
 ma , et le cuydoit bien auoir espousé. L'Es-
 pousé et tous ceux qui la estoient commen-
 cerent bien fort a rire , et dirent que le Cu-
 ré leur a fait ce tour. Or loué soit Dieu le
 Createur , dist l'Espousé , de ce change ie ne
 voulsisse pas tenir bien grant chose. Dieu
 vous a enuoyé a moy , et je vous prometz
 par ma foy de vous tenir bonne et loyale
 compaignie. Nenny , ce dist elle , en pleurant
 moult tendrement vous ne estes pas mon
 mary , je vueille retourner deuers celluy a
 qui mon pere m'auoit donnée. Et ainsi ne
 sera pas , dist il , je vous ay espousé en sainte
 Eglise vous n'y pouuez contredire ne aller
 allencontre , vous estes et demourerez ma
 femme , et soyez contente , vous estes bien
 eureuse. Jay-la , Dieu mercy , des biens et des

richesses assez, dont vous serez Dame et Maistresse, et si vous feray bien jolie. Il la prescha tant et ceux qui la estoient qu'elle fut contente d'obeir a son commandement. Si desjeunerent legièremment et puis se coucherent, et fist le vieil homme du mieulx qu'il feut. Or retournons a ma vieille Femme et au jeune Compaignon. Pour abregger elle fut menéé en l'Hostel du pere a la fille, qui a ceste heure est coucheé avecques le vieil homme. Quant elle se trouua leans elle cuyda bien enrager de dueil, et dist tout hault, et que fais ie ceans, que ne me maine l'en a ma Maison ou a l'Hostel de mon mary. L'Espousé que vit ceste Vieille et l'ouïyt parler fut bien esbahy, ne doutez, si furent son pere et sa mere, et tous ceux de l'assemblée. Si faillit auant le pere et la fille de leans qui congnut bien la Vieille, et scauoit très bien parler de son mariage, et dist: Mon filz, on vous a baillé la femme d'vng tel et croyez quila la vostre, et ceste faulte vient par nostre Curé que voit si mal, et ainsi mest Dieu iasoit ce que ie fusse loing de vous quant vous espousattes si me cuyday ie appercevoir de ce change. Et que en dois je faire dist l'Espousé? Par ma foy, dist son pere, ie ne my congnois pas bien,

mais

mais ie fais grant doubte que vous ne puissiez auoir autre femme. Saint Jehan! dist la Vieille, ie n'ay cure d'vng tel chetif, ie seroye bien eureuse d'auoir vng tel jeune galant qui n'auroit cure de moy, qui me despendroit tout le mien, et se j'en sonnoye mot encores auroye la torche! Ostez ostez, ostez, et mandez vostre femme et me laissez aller la ou ie doy estre. Nostre Dame! dist l'Espouse, se ie la peux recouurer, je l'ayme trop mieux que vous quelque pource quelle soit, mais vous ne vous en yrez pas, se ie ne la puis trouuer. Son pere et aucuns de ses parens et amis vindrent a l'Hostel, ou la Vieille voulsist bien estre, et vindrent trouuer la Compaignie qui desjeunoit au plus fort, et faisoient le chaudeau pour porter a l'Espouse et a l'Espousee: ils compterent tous leurs cas et on leur respondit, vous venez trop tard chascun se tienne a ce qu'il a: le Seigneur de ceans est content de la femme que Dieu luy a donnee, il la espousee et n'en veut point auoir d'autre, et ne vous en doutez ja: vous ne fustes jamais si heureux que d'auoir filleallee en si haut lieu ny en si hault endroit, vous en ferez vne fois tous riches. Ce bon Pere retourna a son hostel, et vient faire son raport. La vieil-

le femme cuida bien enraiger de deuil et dist :
Pardieu la chose ne demoura pas ainsi,
ou la Justice me fauldra ! Se la Vieille estoit
bien mal contente, encores lestoit bien au-
tant ou plus le jeune Espousé qui se veoit
frustré de ses amours, et encores leut il le-
gièrement passé s'il eut pu finer de la Vieille
à tout son argent ; mais il conuint la laisser
aller en sa maison. Si fust conseillé de la fai-
re citer deuant Monseigneur de Cambray,
et elle pareillement fist citer le vieil homme
qui la jeune femme auoit, et ont commen-
cé vng très gros procès dont le jugement
n'est pas encores rendu, si ne vous en scay
que dire plus auant.

NOU-



NOUVELLE LIV.
L' H E U R E
DU B E R G E R.

VN gentil Cheualier de la Comté de
Flandres, ieune, bruyant, jousteur, dan-
D 4 seur

seur et bien chantant, se trouua au païs de Haynault en la compaignie d'vng autre Cheualier de sa sorte, demourant ou dit païs que le hantoit trop plus que la marche de Flandres ou il auoit sa residence belle et bonne. Mais, comme souuent il aduient, amours estoit cause de sa retenance : car il estoit feru tres bien et au vif d'vne tres belle Damoiselle a Maubeuge, et a ceste occasion Dieu scait qu'il faisoit trop souuent Joustes, Mommeries et Banquetz, et generallyment tout ce qu'il scauoit qu'il peut plaire a sa Dame a luy possible il le faisoit, et il fut assez en graces pour vng temps, mais non pas si auant qu'il eut bien voulu. Son Compaignon le Cheualier de Haynault que scauoit tout son cas le seruoit au mieulx qu'il pouuoit et ne tenoit pas a sa diligence que ses besongnes ne feussent bien bonnes et meilleures qu'elles ne furent. Qu'en vouldroit le long compte? Le bon Cheualier de Flandres ne sceut onques tant faire ne son Compaignon aussi, qu'il peust obtenir de sa Dame le gracieux don de mercy, aincoys la trouua en tout temps rigoureuse puis qu'il luy tenoit langaige sus ces termes, et force luy fut toutteffois ses besongnes estantes, comme vous sçauiez, de retourner

ner

emprés vous, ie n'attendroye pas de moy
 vanger aux champs. Et que feriez vous
 dist elle? Se ie seroye en hault, ie vous le
 diroye, dist il. Vous feriez merueille, dist
 elle, a vous ouy parler; mais vous ne vous
 y oseriez trouuer. Non, dist il, et vous le ver-
 rez. Adonc il saillit ius du Chariot et en-
 tra dedans l'Hostel et monta en hault ou
 Madamoiselle estoit en cotte simple tant
 joyeuse qu'on ne pouroit plus. Il la com-
 menca d'assaillir et pour abregier le comp-
 te, elle fut contente qu'il luy tollist ce que
 par honneur donner ne luy pouuoit. Cela
 se passa et au terme accoutumé elle fist vng
 tres beau petit Charreton, ou pour mieux
 dire vng tres beau petit filz. La chose ne
 fut pas si secrette que le Cheualier de Hay-
 nault ne le sceust tantost, dont il fust bien
 esbahy, en escripuit bien en haste par vng
 propre messaigier a son Compaignon en
 Flandres, comment sa Dame auoit fait vng
 Enfant a l'aide d'vng Charreton. Pensés
 que l'autre fut bien esbahy d'ouyr ces nou-
 uelles. Si ne demoura guéres qu'il vint en
 Haynault deuers son Compaignon, et luy
 priaist qu'ils allassent veoir sa Dame et qu'il
 la veult trop bien tencer et luy dire la las-
 cheté et neanteté de son cueur. Combien
 que

que pour son meschief aduenü elle ne se montra encores guères a ce temps, si trouuerent facon ces deux gentils Cheualiers par moyens subtils qu'ils vindrent au lieu et en la place ou elle estoit. Elle fut bien honteuse et desplaisante de leur venue, comme celle qui bien scait quelle n'aura d'eux choses que luy plaise; au fort elle se assoura, et les receut comme sa contenance et sa maniere luy apporta. Ils commencerent a deuiser d'vnes et d'autres matieres et nostre bon Cheualier de Flandres va commencer son seruice et luy dist tant de villenies qu'on ne pouroit plus. Or estes vous bien, dist il, la femme du monde la plus reprouchée et mains honnouree, et auez monstré la grand lascheté de vostre cueur que vous estes habandonnée a vng grant villain Charreton, tant de gens de bien vous ont offert leur seruice et vous les auez tous reboutez. Et pour ma part vous scauez que i'ay fait pour vostre grace aquerir, et ne estoie ie pas homme pour auoir ce butin aussi bien ou mieulx que vng paillart Charreton qui ne fist oncques rien pour vous. Je vous requiers et prie, dist elle, Monseigneur ne m'en parlez plus, ce qui est fait ne peut autrement estre; mais ie vous dis bien que
si vous

si vous fussiez venu a leure du Charreton
autant enste ie fait pour vous que ie
feis pour luy. Est ce cela, dist il? Sainct Jehan
il vint a bonne heure! Le Dyable y ait part
quant ie ne fus si eureux que de scavoir
vostre heure! Vrayment, dist elle, il vint a
leure quil falloit venir. Au Dyable, dist il, de
leure et de vous aussi, et du Charreton! Et
a tant se part et son Compaignon le suit, et
oncques puis n'en tint compte et a bonne
cause.

NOU-



NOUVELLE LV.
L'ANTIDOTE
DE LA PERTE.

EN l'année du pardon de Romme derrain
passé estoit ou Daulphiné la pestilence
si

si grande et si horrible et si espouventable que la pluspart des gens de bien habandonnerent et laisserent le pais. Durant ceste persecution vne belle gente et ieune fille se sentit feruë de la maladie et incontinent se vint rendre a vne sienne Voisinne femme de bien et de grant facon, et désja sur l'aage, et luy compta son piteulx cas. La Voisinne qui estoit femme sage et assurecë ne s'effroya de rien que lautre luy compta, mesme eut tant de couraige et d'assurance et de hardiesse que elle la conforta de parolles et de tant peu de medecine quelle scauoit. Helas! ce dist la ieune fille malade, ma bonne Voisinne iay grant regret que force m'est aujourd'hui d'abandonner et laisser ce monde et les beaulx et bons passetemps que iay eu assez longuement: mais encores par mon serment, a dire entre vous et moy, mon plus grant regret est qu'il faut que ie meure sans coup frapper et sans scauoir et sentir des biens de ce monde; telz et telz mont maintesfois priéz, et si les ay refuses tout plainement, de quoy trop il me desplaist: et croyez si i'en peusse finer d'vng a ceste heure il ne m'eschapperait jamais deuant qu'il meust monstré comment ie fus gaignée: l'on me fait entendre que la fa-

con

con du faire est tant plaisante et tant bonne que ie plains et complains mon gent et jeune corps qu'il faut pourir sans auoir eu ce désir et plaisir. Et a la verité dire ma bonne Voisinne, il me semble se ie le peusse quelque peu sentir auant ma mort ma fin en seroit plus aisée et plus legière a passer, et a mains de regret: ce que plus est ie croy que ce me pouroit estre medecine a cause de garison. Pleust a Dieu, dist la Vieille, qu'il ne tenist a autre chose! vous seriez tost garie se me semble. Car Dieu mercy nostre Ville n'est pas encores si desgarnie de gens, que on ny trouua vng gentil Compaignon pour vous seruir a ce besoing. Ma bonne Voisinne, dist la jeune fille, et ie vous requiers et prie que vousallez deuers vng tel, qu'elle luy nomma, que estoit vng tres beau Gentilhomme, et qui autresfois auoit esté amoureux d'elle, et faictes tant qu'il vienne icy parler a moy. La Vieille se mist au chemin et fist tant quelle trouua ce Gentilhomme, et l'enuoya en sa maison. Tantost qu'il fut leans, la jeune fille malade, a cause de la maladie plus et mieulx coulourée, luy faillit au col et le baïsa plus de ving fois. Le jeune fils plus joyeux que oncques mais, de veoir celle que tant auoit aymée

aymée ainſi vers luy abandonnée, la faiſit ſans demeure, et luy monſtra ce que tant deſiroit. Aſſauoir ſ'elle fut honteuſe de luy requerre et prier de continuer ce qu'il auoit commencé? Et pour abregier tant luy fiſt elle recommencer qu'il nen peut plus. Quant elle vit ce, comme celle que pas n'en auoit ſon ſaoul, elle luy oſa bien dire: Mon amy, vous m'avez maintesfois prieé de ce dont ie vous requiers aujourdhuy, vous avez fait ce qu'en vous eſt, ie le ſcay bien, toutesfois ie ne ſcay que i'ay ne qu'il me fault; mais ie congnois que ie ne puis viuré ſe quelqu'un ne me fait compagnie en la facon que m'avez fait, et partant ie vous prie que vüeiliez aller vers vng tel et lamenez icy, ſi chier que vous auez la vie. Il eſt bien vray ma mye, ie le ſcay bien, qu'il fera ce que vous voudréz. Ce Gentilhomme fuſt bien eſbahy de ceſte requête; touteſſois pource qu'il auoit tant labouré que plus ne pouuoit, il fut content d'aller querir ſon Compaignon et l'amena deuers elle que tantost le miſt en beſongne, et le laſſa ainſi que l'autre. Quant elle l'eut maté comme ſon Compaignon, elle ne fut pas mains priuée de luy dire ſon courage, mais luy pria comme elle auoit fait l'autre
d'amener

d'amener vers elle vng autre Gentilhomme, il le fist. Or sont ils ja trois qu'elle a lassez et desconfitz par la force d'armes, mais vous deuez scauoir que le premier Gentilhomme se sentit malade et feru de lepidimie, tantost qu'il eut mis son Compaignon en son lieu, et s'en alla hastiuement vers le Curé et tout le mieulx qu'il sceut se confessa, et puis mourut entre les bras du Curé. Son Compaignon le deuxiesme venu tantost que au tiers il eut baillé sa place, il se sentit tres malade et demanda par tout après celuy qui estoit ja mort, et vint rencontrer le Curé pleurant et demenant grant deüil qui luy compta la mort de son bon Compaignon. Ah Monseigneur le Curé, dist il, ie suis feru tout comme luy confessez moy ! Le Curé en grant crainte se despescha de le confesser. Et quant ce fut fait ce Gentilhomme malade a deux heures prés de sa fin se vint a celle qui luy auoit baillé le coup de la mort, et a son Compaignon aussi, et la trouua celluy qu'il y auoit mené et luy dist. Mauldicte femme vous m'auiez baillé la mort, et aussi pareillement a mon Compaignon ! Vous estes digne de estre bruslée et arse et mise en cendres. Toutefois ie le vous pardonne, priant Dieu qu'il le vous vueille pardonner.

Tom. II.

E

donner.

donner. Vous auez l'epidemie et l'auez baillee a mon Compaignon qui en est mort entre les bras du Prestre , et ie n'en ay pas mains Il se partit a tant et sen alla mourir vne heure après en sa maison. Le troisieme Gentilhomme, qui se veoit en l'espreue ou ses deux Compaignons estoient morts, n'estoit pas des plus asseurez. Toutteffois il print couraige en soy mesme et mist paour et crainte arriere, et s'asseura comme celuy qui en beaucoup de perilz et de mortelz assaulz s'estoit trouué ; et vint au pere et a la mere de celle que auoit deceu ses deux Compaignons, et leur compta la maladie de leur fille et qu'on y print garde. Cela fait il se conduisit tellement qu'il eschappa du grant peril ou ses deux Compaignons estoient morts. Or deuez vous scauoir que quant ceste Ouuriere de tuer gens fut ramenée en l'hostel de son pere, tandis qu'on luy faisoit vng lit pour reposer et la faire suër, elle manda secrettement le filz d'vng Cordonnier son voisin et le fist venir en l'estable des cheualx de son pere et le mist en oeuvre comme les autres, mais il ne vesquist pas quatre heures après. Elle fut couchée en vng lit et la fist on beaucoup suër et tantost luy vindrent quatre boces dont elle fut

tres

tres bien guerrie, et dit qui en auroit a faire qu'on la trouueroit aujourd'huy ou rang de nos Cousines, en Auignon, a Beaucaire ou autre part, et dient les Maistres quelle eschappa de mort accause d'auoir sentu des biens de ce monde, que est notable et veritable exemple a plusieurs ieunes filles de point reffuser vng bien quant il leurs vient.



NOUVELLE LVI.
LA FEMME, LE
CURE, LA SERVANTE, LE LOUP.

N Aguères qu'en vng Bourg de ce Ro-
yaulme en la Duchie D'auuergne de-
mou-

mouroit vng Gentilhomme et de son malheur auoit vne tres belle jeune femme, et de sa bonté deuifera mon Conte. Ceste bonne Damoiselle saccointa du Curé qui estoit son voisin de demye lieuë et furent tant voisins et tant priuez l'vng de l'autre, que le bon Curé tenoit le lieu du Gentilhomme toutes les fois qu'il estoit dehors; et auoit ceste Damoiselle vne Chamberiere qui estoit secretaire de leur fait laquelle portoit souuent nouuelles au Curé et l'aduisoit du lieu et de leure pour comparoir seurement deuers sa Maistresse. La chose ne fut pas en la parfin si bien celeé que mestier eut esté a la compaignie; car vng Gentilhomme parent de celuy a qui ce deshonneur ce faisoit fut aduerty du cas, et en aduertit celuy a qui plus il touchoit en la meilleure facon et maniere qu'il sceut et peult. Penlez que ce bon Gentilhomme quant il entendit que sa femme s'aidoit en son absence de ce Curé qu'il n'en fut pas content et ce n'eust esté son Cousin il en eust prins vengeance criminelle et de main mise, si tost qu'il en fut aduerty. Toutefois il fut content de differer sa volenté jusqu'a tant qu'il eust prins au fait et l'vng et l'autre. Si conclurent luy et son Cousin d'aller

en pelerinaige a quatre ou six lieuës de son Hostel, et d'y mener ce Curé, pour soy micux donner garde des manieres qu'ils tiendroient l'vng vers l'autre. Au retourner qu'ils firent de ce voyage, ou Monseigneur le Curé seruit d'amours de ce qu'il peult, c'est a scauoir de oeillades, et d'autres telles menuës entretenances, le Mary se fist mandé querir par vng messaigier affaictié, pour aller vers vng Seigneur du pays. Il fist semblant d'en estre mal content et de soy partir a regret; neantmoins puis que le bon Seigneur le mande il n'oseroit desobeir. Si part et s'en va, et son Cousin l'autre Gentilhomme dist, qu'il luy feroit compaignie; car c'est assez son chemin pour retourner en son Hostel. Monseigneur le Curé et Madamoiselle ne furent jamais plus joyeux que d'oüyr ceste nouvelle, si prindrent conseil et conclusion ensemble, que le Curé se partira de leans et prendra son congié, afin que nul de leans n'ayt suspicion sur luy, et enuiron la mynuyt il retournera et entrera vers sa Dame par le lieu accoustumé et ne demoura guères; puis ceste conclusion prinse nostre Curé se partit de leans, et dist A dieu. Or deuez vous scauoir que le Mary et le Gentilhomme

homme son parent estoient en embusche en vng destroit par ou nostre bon Curé deuoit passer et ne pouuoit aller ne venir par autre lieu sans soy trop destourner de son droit chemin. Ils virent passer nostre Curé et leur jugeoit le cueur qu'il retourneroit la nuyt dont il estoit party et aussi c'estoit son intencion. Ils le laisserent passer sans l'arrester ne dire mot, et saduiserent de faire en ce destroit vng tres beau piège a l'aide d'aucuns Paysans que les seruirent a ce besoing. Ce piège fut en haste bel et bien fait, et ne demoura guères que vng Loup passant pais ne s'attrapast leans. Tantost apréz vécy maistre Curé que vient la robe courte vestuë et portant le bel espieu a son col. Et quant vint a l'endroit du piège il tomba la dedans avec le Loup dont il fut bien esbahy, et le Loup que auoit fait l'essay n'auoit pas mains de paour du Curé que le Curé auoit de luy. Quant nos deux Gentilshommes virent que maistre Curé estoit avec le Loup logié, ils en firent ioye merueilleuse, et dist bien celuy a que le fait plus touchoit, que jamais ne partira en vie et que l'occira leans. L'autre le blasma de ceste voulenté, et ne se veult accorder qu'il meure, mais trop bien est il content

qu'on luy trenche ses genitoires. Le Mary, toutteffois le veult auoir mort, et en cest estrif demourerent longuement attendans le jour et qu'il fist clér. Tandis que cest estrif se faisoit, Madamoiselle que attendoit son Curé ne scauoit que penser de quoy il tardoit tant, si se pensa d'y enuoyer la Chamberiere affin de le faire aduancer. La Chamberiere tirant son chemin vers l'Hostel du Curé trouua le piège et tomba dedens avec le Loup et le Curé. Ha dist le Curé ie suis perdu! mon fait est decouuert, quelqu'un nous a pourchassé ce passaige. Le Mary et le Gentilhomme son cousin que tout entendoient et veoient, estoient tant aises qu'on ne pouroit plus, et se penserent, comme se le Saint Esperit leur eut reuelé, que la Maistresse pouroit bien suyir la Chamberiere a ce qu'ilz entendirent d'elle que sa Maistresse l'enuoyoit deuers le Curé pour scauoir qui le tardoit tant de venir oultre leure prinse entre eulx deulx. La Maistresse voyant que le Curé et la Chamberiere ne retournoient point, et de paour que la Chamberiere et le Curé ne feissent quelque chose a son prejudice, et qu'ils se pourroient rencontrer ou petit boys qui estoit

estoit a l'endroit ou le piége estoit fait; si conclud quelle yra veoir s'elle en aura nulles nouvelles et tira pays vers l'Hostel du Curé, et elle venue a l'endroit du piége tumba dedans la fosse avecques les autres. Il ne faut ja demander quant ceste Compaignie se vit ensemble que fust le plus esbahy, et se chascun faisoit sa puissance de soy tirer de la fosse; mais c'est pour neans, chascun deux se repute mort, et deshonnouré; et les deux Ouuriers c'est a scauoir le Mary de la Damoiselle et le Gentilhomme son cousin, vindrent au dessus de la fosse saluer la Compaignie en leurs disant qu'ilz feissent bonne chiere, et qu'ilz appresteroient leur desjeuner. Le Mary qui mouroit et enrageoit de faire vng coup de sa main, trouua facon par vng subtile moyen d'enuoyer son Cousin veoir que faisoient leurs cheuaulx que estoient en vng hostel assés préz, et tandis qu'il se trouua decombré de luy, il fit tant a quelque meschief que ce fut, qu'il eust de l'effrain largement qu'il auala dedens la fosse, et y bouta le feu, et la dedens brula la Compaignie c'est a scauoir sa Femme, le Curé la Chamberiere et le Loup. Après ce il se partit du pais et

E s

manda

74 LES CENT NOUVELLES

manda vers le Roy querir sa remission laquelle il obtint de legier. Et disoient aucuns que le Roy deut dire qui ny auoit dommage que du poure Loup qui fut brulé que ne pouuoit mais du mesfait des autres.

NOU.



NOUVELLE LVII.
LE FRERE

TRAITABLE.

T Andis que lon me preste audience et
que ame ne s'advance quant a present
de

de parfournir ceste glorieuse et edifiante Oeuure de Cent Nouuelles, ie vous conteray vng cas que puis naguères est aduenu ou Dauphiné pour estre mis ou Cent et ou nombre desd. Cent Nouuelles. Il est vray que vng Gentilhomme dudit Dauphiné auoit en son Hostel vne sienne Soeur enuiron de l'aage de 18. a 20. ans et faisoit compaignie a sa femme que beaucoup l'aymoit et tenoit chière, et comme deux Soeurs se doiuent contenir et maintenir ensemble elles se conduisoient. Aduint que ce Gentilhomme fut semons d'vng sien Voisin lequel demouroit a deux petites lieues de luy de le venir veoir luy et sa Femme et sa Soeur. Ils y allerent et Dieu scait la chiere qu'ils firent et comme la Femme de luy que festoioit la Compaignie menoit a l'esbat la Soeur et la Femme de nostre Gentilhomme. Après souper deuissant de plusieurs choses elles se vindrent rendre a la maisonnette d'vng Bergier de leans que estoit auprès d'vng large et grant Parc a mettre les brebis, et trouuerent la le maistre Bergier que besongnoit entour de ce Parc; et comme Femmes scaient enquerir de maintes et diuerses choses, luy demanderent s'il auoit point froit leans. Il dist que non et qu'il estoit plus aise que

que ceux que ont leurs belles chambres ver-
 rées et natteés et paucés, et tant vindrent
 d'une parolle a autre par mots couverts que
 leurs deuises vindrent toucher du train de
 derriere. Et le bon Bergier que n'estoit ne
 fol ne esperdu leurs dir que par la mort
 bieu il oseroit bien entreprendre de faire la
 besongne huit ou neuf fois par nuyt. Et la
 Soeur de nostre Gentilhomme qui ouyt ce
 propos gettoit l'oeil souuent sur ce Bergier
 et de fait jamais ne cessa tant quelle vit son
 coup de luy dire qu'il ne laissa pour rien
 qu'il ne la vint veoir a l'Hostel de son Frere
 et qu'elle luy feroit bonne chere. Le Ber-
 gier qui la vit belle fille ne fut pas moyenne-
 ment joyeux de ces nouvelles et promist de
 la venir veoir, et brief il fist ce qu'il auoit
 promis et a leure prinse entre sa Dame et
 luy, se vint rendre a l'endroit d'une fenestre
 haute et dangereuse a monter; toutesfois
 a l'aide d'une corde qu'elle luy deuala, et
 d'une vigne qui la estoit, il fit tant qu'il fut
 en la Chambre et ne fault pas dire s'il y fut
 volentiers veu. Il monstra de fait ce dont
 il s'estoit vanté de bouche; car auant que
 le jour vint, il fist tant que le Cerf eut huit
 cornes accomplies, laquelle chose sa Da-
 me prit bien en gré. Mais vous devez sca-
 uoir

uoir et entendre que le Bergier auant qu'il
 peut paruenir a sa Dame luy failloit chemi-
 ner deux lieuës de terre et puis passoit a na-
 giër la grosse Riuere du Rosne qui batoit a
 l'Hostel ou sa Dame demouroit, et quant
 le jour venoit luy failloit arriere repasser le
 Rosne, et ainsi s'en retourna a sa Bergerie,
 et continua ceste maniere, et ceste facon
 de faire vne grande espace de temps sans
 qu'il feust decouuert. Pendant ce temps plu-
 sieurs Gentilshommes du pays demandoient
 ceste Damoiselle que estoit deuenue Ber-
 giere en mariage; mais nul ne venoit a son
 gré, dont son frere n'estoit pas trop content,
 et luy dist plusieurs fois. Mais elle estoit
 tousjours garnie d'excusacions et de respon-
 ces largement, dont elle aduertissoit son amy,
 le Bergier auquel un soir elle promist ques'il
 vouloit elle n'auroit jamais autre mary, que
 luy; et il dist que il ne demandoit autre bien;
 mais la chose ne se pouroit, dist il, conduire
 pour vostre frere et autres vos amys. Ne vous
 chaille, dist elle, laissez m'en faire i'en che-
 uiray bien, ainsi promisdrent l'vng a l'au-
 tre. Neantmoins toutteffois il vint vng Gen-
 tilhomme qui fist arriere requerer nostre
 Damoiselle Bergiere et la vouloit auoir seu-
 lement vestue et habillee comme a son estat
 appar-

appartenoit sans autre chose, a laquelle le Frere d'elle eut volentiers entendu et besongnié; et cuida mener sa Soeur a ce quelle si consentist; luy remonstra ce que on scait faire en tel cas, mais il n'en peut venir a chief dont il fut mal content. Quant elle vit son Frere indigné sur elle, le tira d'une part et luy dist: Mon Frere vous maeuez beaucoup parlé de moy marier a telz et a telz, et ie ne me y suis voulu consentir, dont ie vous requiers que vous ne me faichiez nul mal gré, et me vueillez pardonner le mautalent que auez sur moy: ie vous diray autrement la raison qu'a ce me meut et contraint en ce cas, mais que me vueillez assureur que ne me feréz ne vouldrez pis. Son Frere luy promist volentiers. Quant elle se vit assuree, elle luy dist, quelle estoit mariee autant vault, jour de sa vie autre homme n'auroit a mary que celui qu'elle luy monstrera a nuyt s'il veult. Le le vuëil bien veoir, dist il, mais qui est? Vous le verrez par temps, dist elle. Quant vint a leur accoutumeé, vey bon Bergier qui se vint rendre en la chambre de sa Dame, Dieu scait comment mouillé d'auoir passé la Riviere; et le Frere d'elle le regarda et veoir que c'est le Bergier de son Voisin; si ne fut pas

pas peu esbahy et le Bergier encores plus qui s'en cuida foïir quant il le vit. Demeure, dist il, tu n'as garde. Est ce, dist il, a sa Soeur celuy la dont vous m'avez parlé? Ouy vrayement mon Frere, dist elle. Or, luy faites dist il, bon feu pour soy seichier; car il en a bon mestier, et penlez comme du vostre; et vrayement vous n'avez pas tort se vous luy voulez du bien; car il se met en grant dangier pour l'amour de vous; et puis que vos besongnes sont en tels termes, et que vostre couraige est a cela que d'en faire vostre Mary, a moy ne tiendra il pas; et maudit soit il qui ne s'en despechera. Amen, dist elle, a demain qui voudra. Et ie le vueil dist il. Et vous Bergier, dist il, qu'en dictes vous? Tout ce qu'on veult. Il n'y a remede dist il, vous estes et soyez mon Frere, aussi suis ie piéca de la houlette, si dois je bien auoir vng Bergier a Frere. Pour abregier le Conte du Bergier, le Gentilhomme consentit le mariage de sa Soeur et du Bergier, et fut fait, et les tint tous deux en son Hostel combien qu'on en parla assez par le pays Et quant il estoit en lieu que on luy disoit que c'estoit merueilles qu'il n'auoit fait battre ou tuer le Bergier, il respondist que jamais il ne pouroit vouloir mal a riens que
sa

la Sœur aymast et que trop mieulx vouloit auoir le Bergier a beau Frere au gré de la Sœur que vng autre bien grant maistre au desplaisir d'elle; et tout ce disoit par farce et esbattement; car il estoit et est toujours très gracieux & nouveau et bien plaisant Gentilhomme; et le faisoit bon oüyr deuiser de la Sœur voire entre ses amys et priez Compaignons.



NOUVELLE LVIII.
FIER CONTRE
 FIER

JE congneuz au temps de ma verde et
 plus vertueuse jeunesse deux petits Gentils-
 hommes

hommes beaux Compaignons bien assou-
 uis et adréssés de tout ce qu'on doit louer vn
 Gentilhomme vertueux. Ces deux estoient
 tant amys aliéz et donnez l'vng a l'au-
 tre, que d'abillemens tant pour leurs corps
 que leurs gens et cheuaulx tousjours
 estoient pareils. Aduint qu'ils deuindrent
 amoureux de deux belles jeunes filles gen-
 tes et gracieuses, et le mains mal qu'ils
 sceurent firent tant quelles feurent aduer-
 ties de leurs nouuelles entreprinſes, du
 bien, du seruice, de cent mille choses que
 pour elles faire voudroient. Ils feurent
 escoutez, mais autre chose ne s'enensuyuit.
 J'espere, pource quelles estoient de serui-
 teurs pourueuës, ou que d'amours nulle-
 ment n'auoient cure; mais a la verité dire
 ilz estoient beaux Compaignons tous deux
 et valoient bien d'estre retenus seruiteurs
 d'aussi femmes de bien qu'elles estoient.
 Quoy qu'il fut, toutteffois ils ne sceurent
 oncques tant faire qu'ilz feussent en gra-
 ce, dont ils passerent maintes nuyts, Dieu
 scait a quelle peine! maudisant puis fortu-
 ne, maintenant amours, et très souuent
 leurs Dames qu'ils trouuoient tant rigou-
 reuses. Eulx estans en ceste rage et demeu-
 rée langueur, l'vng dist a son Compai-
 gnon,

gnon, nous voyons a loeil que nos Dames ne tiennent compte de nous: touttefois nous enraignons aprez, et tant plus nous monstrent de fierté et de rigueur, tant plus les desirons complaire et servir et obeir, laquelle chose est vne haute folie; ie vous requiers et prie que nous ne tenons compte d'elles emplus qu'elles font de nous, et vous verrez s'elles peuvent congnoistre que nous soyons a cela que elles enrageront aprez nous comme nous faisons maintenant après elles. Helas! dist l'autre, c'est bon conseil, que en pouroit venir a chief. J'ay trouué la maniere, dist le premier, j'ay tousjours ouï dire et Ouïde le met en son Liure du remede d'amours, que beaucoup souuent faire la chose que scauez, fait oublier et peu tenir compte de celle qu'on ayne, et dont on est fort feru. Si vous diray que nous ferons ainsi venir a nostre logis deux jeunes filles de nos Cousines, et couchons auecques elles, et leurs faisons tant la folie que nous ne puissions les rains trainer, et puis venons deuant nos Dames, au dyable l'Homme que en tiendra compte. L'autre se accorda, et comme il fut proposé et deliberé, il fut fait et accompli; car ils eurent

rent chascun vne belle fille. Aprez ce ils s'en vindrent trouuer deuant leurs Dames en vne Feste ou elles estoient, & faisoient bons Compaignons la roë & du fier; & se pourmenoient pardeuant elles, & deuisoient d'vng cousté & d'autre, & faisoient cent mille manieres pour dire, nous ne tenons compte de vous, cuidans comme ils auoient proposé que leurs Dames en deussent estre mal contentes, & quelles les deussent rapeller maintenant ou autrefois. Mais aultrement en alla, cars'ils monstroient semblant de tenir peu compte d'elles, elles monstroient tout apertement de riens y encontrer dont ils se apperceurent très bien & ne s'en scauoient assez esbahir. Sy dist l'vng a son Compaignon, scéz tu comment il est, par la mort bieu nos Dames ont fait la folie comme nous, & ne vois tu comment elles sont fieres? Elles tiennent toutes telles manieres que nous faisons, si ne me crois jamais selles ne ont fait comme nous: elles ont prins chascun vng Compaignon et ont fait jusqu'a outrance la folie, au dyable les crapaudailles laissons les la. Par ma foy, dist l'autre, ie le croy comme vous, ie n'ay pas aprins de les veoir telles. Ainzy penserent les Compaignons

paignons que leurs Dames eussent fait comme eulx ; pource qu'il leur sembla a l'eure qu'elles n'en tenissent compte ils ne tenoient compte d'elles, mais il n'en fut riens et est assez legier a croire.

NOU.



NOUVELLE LIX, LE MALADE

AMOUREUX.

EN la ville de saint Omér auoit n'agué-
res vn Gentil Compaignon Sergent de
F 4 Roy,

Roy, lequel estoit marié a vne bonne & loyale femme que autrefois auoit esté marié, & luy estoit demouré vng fils quelle auoit adrecié en mariage. Ce bon Compaignon jasoit ce qu'il eut bonne & prudente femme, neantmoins il semploioit tres bien de jour & de nuyt a seruir amours par tout ou il pouoit, et tant que a luy estoit possible: & pource que en temps d'hyuer sourdent plusieurs fois les inconueniens plus de legier que en autre temps a poutsuïr la queste, il s'aduïsa et delibera que il ne partiroit point de son hostel pour seruir amours; car il auoit vne très belle gente et jeune fille Chamberiere de sa femme avecques laquelle il trouueroit maniere destre son seruiteur. Pour abregier tant fist par dons et par promesses qu'il eut octroy de faire tout ce que luy plairoit, iasoit que a grant peine, pource que sa femme estoit tousjours sus eulx que congnoissoit la condition de son mary. Ce nonobstant amours que veult tousjours secourir ses vrays seruiteurs inspira tellement l'entendement du bon et loyal Seruant qu'il trouua moyen d'accomplir son veu. Car il feignit estre très fort malade de refroidement et dist a sa femme: Tres douce Compaigne venez, je suis si très malade que plus
ne

ne puis, il me faut aller coucher, et vous prie que vous faciéz tous nos gens couchier, affin que nul ne face noise ne bruit, et puis venez en nostre chambre. La bonne Damoiselle que estoit tres deplaisante du malade son mary, fist ce qu'il commanda et print beaux draps et les chauffa et mist sus son mary après qu'il fut couchié; et quant il fut bien eschauffé par longue espace, il dist, mame il suffist, ie suis assez bien Dieu mercy et la vostre que en auez prins tant de peine, si vous prie que vous en veniez couchier emprés moy; et elle que desiroit la santé de son mary fist ce qu'il commandoit et s'endormist le plustot qu'elle peut; et assez tost après que nostre bon mary apperceut quelle dormoit se coula tout doucement jus de son lit, et s'en alla combattre ou lit de la Dame la Chamberiere tout prest pour son veu accomplir, ou il fut bien receu et rencontré, et tant rompirent de lances qu'ils furent si las et si recreans qu'il conuint que en beaux dras demeurissent endormis. Et comme aulcunnefois aduient que quant on s'endort en aucun desplaisir ou merencolie au resueiller, c'est ce que vient premier a la personne, et est aulcunnefois mesme cause du reueil comme a la Damoiselle

aduint, et jasoit ce que grant soing eut de son mary, touttefois elle ne le garda pas bien; car elle trouua qu'il estoit de son lit party. Et au taster qu'elle fist sus son oreiller, et en sa place, trouua qu'il y auoit long tems qu'il n'y auoit esté. Adonc comme toute desesperee saillit sus et en vestant sa chemise et sa cotte simple disoit a part elle, las meschante, ores es tu vne femme perdue et gasteé et que fait bien a reprochiér quant par la negligence a laissé cet homme perdre. Helas pourquoy me suis je ennuyt couché pour ainsi m'abandonner au dormir! Or Vierge Marie, veillez mon cueur rejoyr et que par ma cause il n'ayt nul mal; car ie me tienderoye coupable de sa mort; et après tous ces regrets et lamentacions, elle se partit hastituelement, et alla querir de la lumiere et affin que sa Chamberiere luy tint compaignie a querir son mary, elle s'en alla en sa chambre pour la faire leuer, et la endroit trouua la douce paire en dormant bras a bras, et luy sembla bien qu'ils auoient ceste nuyt trauaillé; car ils dormoient si fort qu'ils ne s'cueillerent point pour personne que y entraist, ne pour lumiere que on y porta. Et de fait pour la joye quelle eut de ce que son Mary n'estoit point si mal ne sy

desuoyé

desuoyé qu'elle esperoit que son cuëur luy auoit iugé, elle s'en alla querir ses Enfans et les Varlets de l'Hostel et les mena voir la belle compagnie, et leurs enjoignit expressément qu'ils n'en feissent quelque semblant; et puis leurs demanda en basset que c'estoit ou lit de sa Chamberiere que la dormoit auecques elle; et ses Enfans responderent que c'estoit leur Pere, & les Varlets dirent que c'estoit leur Maistre. Adonques elle les ramena dehors & les fist aller couchier; car il estoit trop matin pour eulx leuer et aussi elle s'en alla en son lit; mais depuis ne dormit guères, tant qu'il fut heure de leuer. Toutteffois assez tost après, la compagnie des vrays amans s'esueilla et se despartirent l'vng de l'autre amoureuxment. Si s'en retourna nostre maistre a son lit emprés sa femme sans dire mot et aussi ne fist elle et faignit de dormir, dont il fut moult joyeux et lye pensant quelle ne sceut riens de sa bonne fortune; car il la craignoit et redoutoit a merueilles, tant pour la paix que pour l'honneur et le bien de la fille, et de fait se reprit nostre maistre a dormir bien fort. Et la bonne et gente Damoiselle qui point ne dormoit si tost qu'il fut heure de descoucher se leua pour festoier son

son mary, et luy donna aulcune chose confortatiue, après la medecine laxatiue qu'il auoit prinse ceste nuyté. Puis après la bonne Damoiselle fist leuer ses gens et appella sa Chamberiere, et luy dist, quelle print les deux plus gras chappons de la chapponnerie, et que les appointast tres bien & puis qu'elle allast a la boucherie querir la meilleure piéce de boeuf quelle pourroit trouuer, et si cuist tout a vne bonne eauë pour humer ainsy quelle le scauroit bien faire; car elle estoit maistresse et ouuriere de faire bon broiet; et la bonne fille que de tout son cuëur desiroit complaire a sa Damoiselle et encores plus a son Maistre a l'vng par amours et a l'autre par crainte dist que tres volentiers le feroit. Cependant la Damoiselle alla oïr la Messe, et au retour passa par l'ostel de son fils dont cy dessus a esté parlé et luy dist que venist dîner avecques son mary, et sy amenaist avec luy trois ou quatre Compaignons quelle luy nomma, et que son mary et elle les prioient qu'ils venissent dîner avec eulx. Quant elle eut ce dit elle se retourna a l'ostel pour entendre a la cuisine de peur que le humeau ne fust espandu comme par malice garde il auoit esté la nuyté precedente; mais

mais nenny. Car nostre bon mary s'en estoit allé a l'Eglise oyr la Messe; et tandis que le disner s'aprestoit le fils a la Damoiselle, alla prier ceux qu'elle luy auoit nommez que estoient les plus grans farceurs de toute la ville de saint Omer. Or reuint nostre Maistre de la Messe, et fist vne grande brassie a sa femme, et luy donna le bon jour, et aussy fist elle a luy, mais toutes-fois elle n'en pensoit pas mains, et luy commença a dire qu'elle estoit bien joyeuse de sa fanté dont il la remercia, et luy dist, vrayment ie suis assez en bon point Dieu mercy, ma mie veu que iestoie hyer a la vespre si mal disposé, et me semble que i'ay tres bon appetit si voudroie bien aller disner se vous voulez. Lors elle luy dit i'en suis bien contente, mais il faut vng peu attendre que le disner soit prest, et que telz et telz qui sont priéz de disner avecques vous soient venus. Priez, dist il, et a quel propos ie n'en ay cure, et aymasse mieulx qu'ils demourassent! Car ils sont si grans farceurs que s'ils scauent que i'ay esté malade, ils ne me feront que farcer, au mains, belle Dame, ie vous prie qu'on ne leurs en die riens: Et encores autre chose y a, que mangeront ils? Et elle dist, qu'il ne s'en sou-
cia

ia point et quils auroient assez a mén-
 giér; car elle auoit fait appointer et abil-
 ler les deux meilleurs chappons de leans;
 et vne tres bonne piece de boeuf pour l'a-
 mour de luy, de laquelle chose il fut bien
 joyeux, et dist que c'estoit bien fait. Et tan-
 tost après vinrent ccux que l'en auoit priez
 avecques le fils de la Damoiselle et quant
 tout fut prest, il s'en allerent seoir a table
 et firent tres bonne chiére, et par especial
 l'oste, et buuoyent souuent, et d'autant
 l'vng a l'autre, et lors l'oste commença a
 dire a son beau fils: Jehan mon amy, ie
 vuëille que vous beuez a vostre mere, et
 faites bonne chère: adonc le fils respondit
 que tres volentiers le feroit. Et ainsi qu'il
 eut beu a sa mere, la Chamberiere que ser-
 uoit, furuint a la table pour servir les affi-
 stans ainsy qu'il appartenoit comme bien et
 honnestement le scauoit faire. Et quant la
 Damoiselle la vit elle lapella et luy dist, ve-
 nez ça ma douce Compaigne beuez a
 moy et ie vous plegeray. Compaigne dea
 dist nostre amoureux! et dont vient main-
 tenant celle grant amour? Que male paix y
 puist mettre Dieu, vecy grant nouuelleté!
 Voire vrayement c'est ma Compaigne cer-
 taine et loyale, en auez vous si grant mer-
 ueille?

ueille ? Ha dea dist l'oste : Jehane gardés que vous distes , on pouroit ja penser quelque chose entre elle et moy. Et pourquoy ne feroit on , dist elle ? Ne vous ay ie point annuyt trouué couchié avec elle en son lit et dormant bras a bras ? Couchié , dist il ? Voire vraiment couchié , dist elle. Et par ma foy beaux Seigneurs , dist il , n'en est riens , et ne le fait que pour me faire despit , et aussi pour donner a la pource fille blasme ; car ie vous promets que oncques ne m'y trouuay. Non dea , dist elle ! Vous l'orrez tantost et le vous feray toute a ceste heure dire deuant vous par tous ceux de leans ; adonc appellas les Enfans , et les Varletz que estoient deuant la table , et leur demanda se ils auoient point veu leur pere couchié avecques la chamberiere et ils dirent que ouy ? Adonc leur pere respondist , vous mentez mauuais garçons vostre Mere le vous fait dire. Sauue vostre grace pere nous vous y veismes couchié , aussi firent nos Varletz. Qu'en distes vous dist la Damoiselle ? Vrayement il est vray dirent ils , et lors y eut grande risée de ceux que la estoient , et le mary fut terriblement hebahy ; car la Damoiselle leurs compta comment il s'estoit fait malade et toute la maniere de faire , ainsy qu'elle auoit

6 LES CENT NOUVELLES

auoit esté, et comment pour les festoier elle auoit fait appareiller le disner, et prier ses amys, lesquels de plus en plus renforcoient la chose dont il estoit si honteux qu'a peine scauoit il tenir maniere, et ne se feut autrement sauuer que de dire. Or auant puis que chascun est contre moy, il faut bien que ie me taise, et que je accorde tout ce qu'on veult; car ie ne puis tout seul contre vous tous; apréz commanda que la table fut ostée, et incontinent graces renduës appella son beau fils et luy dist: Jehan mon amy, ie vous prie que se les autres me accusent de cecy que me excusez en gardant mon honneur et alléz scauoir a ceste pource fille que on luy doit, et la payés si largement qu'elle n'ayt cause de soy plaindre puis la faites partir; car ie scay bien que vostre mere ne la souffrireroit plus demourer leans. Le beau fils alla incontinent faire ce qui luy estoit commandé, et puis retourna aux Compaignons qu'il auoit amenez, lesquels il trouua parlans a sa mere, et la remercioient moult grandement de ses biens et de la bonne chère quelle leurs auoit faite, puis prindrent congié et s'en allerent.

NOU-



NOUVELLE LX.

LES NOUVEAUX

FRÈRES MINEURS

A Duint n'aguères que en la Ville de
Troye auoit trois Damoiselles let-
Tom. II. Guelles

quelles estoient Femmes a trois Bourgoys de la Ville, riches et puissants, et bien aisiéz, lesquelles furent amoureuses de trois Freres Mineurs, et pour plus seurement leur fait couvrir, sous vmbre de deuotion chascun jour se leuoient vne heure ou deux deuant le jour, et quant il leur sembloit heure d'aller vers leurs amoureux elles disoient a leurs Maris quelles alloient a Matines, a la première Messe; et pour le grant plaisir qu'elles y prenoient et les Religieux aussy, souuent aduenoit que le jour les surprenoit largement; si qu'elles ne scauoient comment faillir de l'Hostel que les autres Religieux ne s'en apperceussent. Pourquoy doutant les grands perils et inconueniens que en pouuoient soudre, fut prinse conclusion par eulx toutes ensemble que chascune d'elles auroit habit de Religieux et feroient faire grande couronne sur leur teste comme selles estoient du Conuent de leans, jusques finalement vng autre certain jour quelles y retourneroient après. Tandis que leurs Maris guères ny pensoient, elles venuës es Chambres de leurs amis vng Barbier secret fut mandé, c'est a scauoir des Freres de leans qui fist aux Damoiselles chascune la couronne sur la teste; et
quant

ou six roides bons galans hors d'une chambre tous aduertis de leur fait, et prirent bons Moynes, et leur donnerent tant de biens de leans qu'ils en purent entasser sur leurs dos, puis les bouterent hors; et eurent leurs Marys plusieurs deuises qui seroient longues a racompter.



NOUVELLE LXI.

LE COCU

D U P E'.

A Duint vng jour que en vne bonne Ville
de Henault auoit vn bon Marchant
marié

quant vint au departir, elles vetirent leurs habits qu'on leur auoit appareilléz et en cest estat s'en retournoient deués leur Hostel et s'en allerent desuetir, et mettre jus leurs habits de deuocion chez vne certaine Matrosne affaictée et puis retournerent emprés leurs Maris; et en ce point continuerent grant temps sans que personne s'en apperceut. Et pource que dommaige eust esté que telle deuocion et travail neust esté congneuë: fortune voulut que a certain jour que l'une de ces bourgeois se estoit mise au chemin pour aller au lieu accoustumé, l'embusche fut decouuerte, et de fait fust prinse atout l'Habit dissimulé par son Mary, qui l'auoit poursuiuie; si luy dist? Beau Frere, vous soyez le tres bien trouué, je vous prie que retournez a l'Hostel, car j'ay a parler a vous de conseil, et en cest estat la ramena, dont elle, ne fist ja feste. Or aduint que quand ils furent a l'Hostel, le Mary commença a dire en maniere de farce: Dictes vous par vostre foy que la vraye deuocion dont ce temps d'hiver auéz esté esprinse vous fait endosser l'Habit de saint François, et porter Couronne semblable aux bons Frères? Dictes moy, ie vous requiers, que a esté vostre Recteur, ou

G 2

par



par saint François vous lamenderés? Et fist semblant de tirer sa dague. Adoncques la pourette se jetta a genoux et s'escria a haute voix ha mon Mary, ie vous crie Mercy, ayez pitié de moy, car iay esté s'esduite par mauuaise Compaignie! Je scay bien que je suis morte, si vous voulez, et que je ne ay pas fait comme je deusse; mais ie ne suis pas seule deceuë en telle maniere, et si vous me vouléz promettre que ne me ferez rien, ie vous diray tout. Adonc son Mary sy accorda. Lors elle luy dist comment plusieurs fois elle auoit esté oudit Monastere avec deux de ses Compaignes desquelles deux des Religieux sestoient enamourés, et en les accompaignans aucuneffois a faire colacion en leurs Chambres, le tiers fust espris d'amours de moy en me faisant tant de humbles et doulces requestes, que nullement ne m'en suis peu excuser et mesme-ment par l'instigacion et enhort de mesdictes Compaignes ie l'ay fait, disans que nous aurions bon temps ensemble, et si n'en scauroit on rien. Lors demanda le Mary que estoient ses Compaignes, et elle les luy nomma Adoncques sceut il qui estoient leurs Marys. Et dist le compte qu'ilz beuuoient souuent ensemble. Puis de-

demanda qui estoit leur Barbier, et les
 noms des trois Religieux. Le bon Mary
 considerant toutes ces choses avec les dou-
 loureuses admiracions et piteux regrets
 de sa femmellette dist: Or gardes bien
 que tu ne die a personne que je saiche par-
 ler de ceste matiere, et je te prometz
 que ie ne te feray ia mal. La bonne Damoi-
 selle luy promist que tout a son plaisir elle
 feroit. Adonc incontinent part et alla prier
 au disner les deux Maris et les deux Da-
 moiselles, les trois Cordeliers et le Barbier
 et promisdrent de venir, lesquelz venus le
 lendemain et eulx assis a table firent bonne
 chère sans penser a leur maladventure; et
 apréz que la table fut ostée pour conclure
 de l'escot, firent plusieurs manieres de fai-
 re mises auant joyeusement sus quoy l'escot
 seroit prins et soutenu, ce touteffois qu'ilz
 ne sceurent trouuer, ne estre d'accort tant
 que l'hoste dist: Puis que nous ne scauons
 trouuer moyen de gagner nostre escot par
 ce qui est mis en termes, je vous diray que
 nous ferons: il faut que nous le facions
 payer a ceux de la Compaignie qui la plus
 grant Couronne portent, reserué ces bons
 Religieux; car ils ne payeront riens quant a
 present, a quoy ils s'accorderent tous et

furent contens que ainſy en fuſt et le Barbier en fut fait le juge. Et quant tous ces hommes eurent monſtré leurs Couronnes, l'hoſte diſt qu'il falloir veoir, ſe les femmes en auoient nulles? Si ne fault pas demander ſ'il en y eut en la Compaignie qui eurent leurs cuëurs eſtrains, et ſans plus attendre l'hoſte priſt ſa femme par la teſte et la deſcouurit. Et quant il vit cette Couronne il fiſt vne grande admiracion ſaignant que riens n'en ſceut, et diſt il faut veoir les autres, ſelles ſont couronnees auſſy? Adonc leurs Maris les firent d'effubler, et pareillement furent trouuées comme la premiere, de laquelle choſe ils ne firent pas trop grant feſte, nonobſtant qu'ilz en fiſſent grandes riſcées, et tous en maniere de joyeuſeté dirent que vrayement l'eſcot eſtoit gaigné, et que leurs femmes le deuoient. Mais il ſaloit ſcauoir a quel propos ces Couronnes auoient eſté enchargeés, et l'hoſte qui eſtoit aſſéz joyeux leur compta tout le demené de la choſe ſoubz telle proteſtacion qu'il le pardonneroient a leurs femmes pour ceſte fois parmy la penitence que les bons Religieux porteroient en leur preſence, laquelle choſe les deux Marys accorderent et incontinent l'hoſte fiſt ſaillir quatre
ou

prometz que le rat est prins; mais il nous faut aduiser qu'il en est de faire. Et lors son Cousin et par especial la Femme qui n'aymoit point l'autre furent bien joyeux de la venue, et dirent qu'il seroit bon que l'en le monstra aux parents et amys de la Femme affin qu'ils veissent son gouuernement. Et a ceste conclusion prinse le Marchant alla a l'hostel du Pere et de la Mere de sa Femme et leurs dist qu'ilz s'en vinssent moult hastiement a son logis. Tantost faillirent sus et tandis qu'ils s'appointoient et appareilloient pour leurs en aller chez leur fille, il alla pareillement querir deux des Freres et deux des Soeurs d'elle, et leurs dist comme il auoit fait au Pere et a la Mere : et puis quant il les eut tous assemblés, il les mena en la maison de son Cousin, et il leur compta tout au long la chose ainsi quelle estoit; et leur compta pareillement la prise du rat. Or conuient il scauoir comment ce gentil Ga'ant pendant ce temps se gouerna en celle huche de laquelle il fut gaillardement deliuré attendu l'adventure. Car la gente Damoiselle que se donnoit garde souuent se son amy viendroit point, alloit deuant et derriere pour veoir s'elle en auroit point quelque nouuelle, et ne tarda my grant

pièces

pièces que le gentil Compaignon que doyot bien que lon passoit assez près du lieu ou il estoit, et si le laissoit on la, il print a heurter du poing a ceste husche tant que la Dame l'ouyt qui en fut moult espantée et neanmoins elle demanda que c'estoit, et le Compaignon respondit: Helas! tres doulce amye ce suis je que me meurs de chaud et de doubte de ce que m'y auez fait bouter, et sy ny allez ne venez. Qui fut alors bien esmerueillee ce fust elle. Ha Vierge Marie! Et pensez vous mon Amy, que je vous y aye fait mettre? Par ma foy, dist il, ie ne scay, au mains est venu vostre Varlet a moy, et ma dit que luy auez requis qu'il me mist en l'hostel, et que je entraisse en ceste huche, afin que vostre Mary ne m'y trouua, si d'adventure il retournoit pour ceste nuyt. Ha, dist elle, sur ma vie que ca esté mon Mary! A ce coup suis je une Femme perduë et est tout nostre fait decouvert. Scauez vous, dist il, comment il va? Il conuient que me mettez dehors ou ie romperay tout; car ie ne puis plus durer. Par ma foy, dist la Damoiselle, ie n'en ay point la clef, et se vous le rompez ie seray defaite, et dira mon Mary que ie l'auray fait pour vous sauuer; finalement la Damoiselle chercha tant qu'elle trouua

trouua de vieilles clefs entre lesquelles y en eut vne que deliura le pource prisonnier; et quant il fut hors il trouffa sa Dame, et luy monstra le couroux quil auoit sus elle, laquelle le print paciemment; et a tant s'en voulut partir le gentil Amoureux, mais la Damoiselle le print et accola, et luy dist que si s'en alloit ainsy, elle estoit aussi bien deshonnourée que s'il eut rompu la husche. Et qu'est il donc de faire dist le Galant? Si nous ne mettons, dist elle, quelque chose dedans et que mon Mary le treuve, ie ne me pouroye excuser que ie ne vous aye mis dehors Et quelle chose y mettrons nous, dist le Galant, affin que ie me parte? car il est heure. Nous auons, dist elle, en ceste estable vng Asne que nous y mettrons si vous me voulez aider. Ouy par ma foy, dist il. Adonc fut cet Asne getté dedans la huche et puis la refermerent. Lors le Galant prit congié d'vng doulx baiser et se partit en ce point par vne issuë de derriere, et la Damoiselle s'en alla prestement couchier et après ne demoura pas longuement le Mary, qui tandis que ces choses se faisoient assembla ses gens et les amena tous chez son Cousin, comme dist est, ou il leurs compra tout entierement l'estat de ce que on luy auoit dit,
et

et aussi comment il auoit prins le Galant a ses barres. Et adonques a celle fin, dist il, que vous ne disiez point que je vueille a vostre fille imposer blasme sans cause, ie vous monstreray a l'oeil, et au doigt le Ribault que ce deshonneur nous a fait, et prie que auant qu'il faille hors il soit tué. Adonc chascun dist que ainsi seroit il. Et aussi dist le Marchant, je vous rendray vostre fille pour telle quelle est, et de la se partirent les autres avecques luy qui estoient moult dolens des nouuelles et auoient torches et flambeaux pour mieulx chercher par tout, et que riens ne leurs peust eschapper. Ils heurterent a l'huys si rudement, que la Damoiselle y vint premiere que nulz de leans, et leurs ouurit luy. Et quant ils furent entrez elle salua son Mary, son Pere et sa Mere, et les autres, montrant quelle estoit bien esmerueillee quelle chose les amenoit et a telle heure. Et a ces mots son Mary hausse le poing et luy donne vng tres grand baffe, et dist, tu le scauras tantost faulce, telle et quelle tu es. Ha! regardez que vous distes; amenez vous pour ce, mon Pere, et ma Mere icy? Ouy dist la Mere, faulce garce que tu es, on te monstlera ton Lourdier prestement; et lors ses Soeurs vont dire, et
 pardieu

marié a vne vaillante femme, lequel très
 souuent alloit en marchandise qui estoit par
 aduenture occasion a sa femme d'aymer aul-
 tre que luy, en laquelle chose continua et
 perseuera moult longuement. Neantmoins
 en la parfin l'embusche fut descouuerte par
 vng sien Voisin que parent estoit audit Mar-
 chant, et demouroit a l'opposite de l'ho-
 stel dudit Marchant; et de sa maison, il vit
 et apperceut souuentefois vng gentil Ga-
 lant heurter et entrer de nuyt, et saillir hors
 de l'hostel dudit Marchant, laquelle chose
 venuë a la congnoissance de celuy a que le
 dommaige se faisoit par l'aduertissement du
 Voisin fut moult desplaisant en remerciant
 son parent et voisin; et dist que brieuement
 il y pourueiroit, et qu'il se bouteroit du
 soir en sa maison affin qu'il veist mieux qui
 yroit et viendrait en son hostel; et sembla-
 blement faignit d'aller dehors et dist a sa
 femme et a ses gens qu'il ne scauoit quant
 il retourneroit; et luy party au plus matin,
 ne demoura que jusqu'a la vesprée qu'il
 bouta son cheual quelque part et vint cou-
 uertement chez son Cousin, et la regar-
 da par vne petite treille attendant s'il ver-
 roit ce que guères ne luy plairoit. Et tant
 attendit que enuiron neuf heures en la nuyt

le Galant a qui la Damoiselle auoit fait sca-
 uoir que son Mary estoit allé dehors passa
 tant pardeuant l'Hostel de la belle et regar-
 da a l'huys pour veoir s'yl y pouroit entrer,
 mais encores le trouua il fermé. Si pensa
 bien qu'il n'estoit pas heure pour les dou-
 tes; et ainsi qu'il varioit entour, ce bon
 Marchant que pensa bien que c'estoit son
 Homme, descendist et vint a luy et luy dist:
 Mon amy nostre Damoiselle vous a bien
 aperceu, et pource qu'il est encores temps
 assez et qu'elle a doubte que nostre Maistre
 ne retourne, elle ma requis et prié que je
 vous mette dedans s'il vous plaist. Le Com-
 paignon cuydant que ce fut le Varlet, s'ad-
 uentura d'entrer leans auecques luy, et tout
 doucement luis fut ouuert, et le mena tout
 derriere en vne Chambre en laquelle auoit
 vne moult grande huche, laquelle il deffer-
 ma et fist entrer dedans, afin que se le Mar-
 chant reuenoit qu'il ne le trouua pas, et
 que sa Maistresse reuiendrait assez tost met-
 tre dehors et parler a luy, et tout ce souf-
 frit le gentil Galant pour le mieulx et aussy
 pource qu'il pensoit que l'autre dist verité.
 Et incontinent se partit le Marchant le plus
 celement qu'il peut, et s'en alla a son Cou-
 sin, et a sa Femme, et leurs dist: je vous
 prometz

pardieu vous n'estes pas venuë de lieu pour vous gouuerner ainſy ! Mes Soeurs, diſt elle, par tous les Saints de Rome, ie n'ay rien fait que une Femme de bien ne doie et puiſſe faire, ne ie ne doute point qu'on doie le contraire monſtrer ſur moy. Tu as menty, diſt ſon Mary, ie le te monſtreray incontinent, et ſera le Ribault tué en ta preſence, ſus toſt ouurez ceſte huſche, Moi diſt elle ? Et en verité je croy que vous reuez, ou que vous eſtez hors du ſens ; car vous ſcauez bien que je n'en portes oncques la clef ; mais pend avecques les voſtres dès le temps que vous y mettiez vos beſongnes, et pourtant ſe vous la voulez ouurir, ouurez la. Mais je prie a Dieu que auſſy vrayement que oncques je n'euz compaignie avecques celui que eſt la dedens enclos qu'il m'en deliure a joye et a honneur, et que la mauuiſe enuie que l'on a ſur moy puiſſe icy eſtre aueréé et demonſtréé, et auſſy ſera elle comme bien ay bon eſpoir. Je croy diſt le Mary, qui la veoit a genoulx pleurant et gemiſſant, quelle ſcait bien faire la Chatte mouilléé et que la voudroit croire elle ſcauroit bien abuſer les gens, et ne doutez, ie me ſuis piéca aperceu de la trainéé. Or ſus je voys ouurir la huſche, ſi vous prie.

Mef-

Messeigneurs que chascun mette la main a ce Ribault qu'il ne nous eschappe; car il est fort et roide. N'ayez paour, dirent ils tous ensemble, nous scaurons bien faire, adonc tirerent leurs espees et prindrent leurs maillets pour affommer le poure amoureux, et luy dirent, oreste confesses; car jamais n'auras Prestre de plus prez. La Mere et les Soeurs qui ne vouloient point veoir ceste occision se tirerent d'une part, et aussitost qu'il eust ouuert la hulche, et que cest Asne vit la lumiere si tres grande, il commença a han-nir si hydeusement qu'il n'y eut si hardy leans qui ne perdit et sens et maniere. Et quant ils virent que c'estoit vng Asne, et que il les auoit ain sy abuséz, ils se voulurent prendre au Marchant et luy dirent autant de honte comme saint Pierre eut oncques d'honneur, et mesmes les Femmes si luy vouloient courir sus et de fait s'il ne s'en fust fouy, les Freres de la Damoiselle l'eussent la tué pour le grant blasme et deshonneur qu'il leurs auoit fait et vouloit faire. Et finablement en eut tant a faire qu'il conuint que la paix et traictéz en furent reffaits par les Notables de la Ville, et en furent les Accuseurs tousjours en indignacion du Marchant et dist le compte qu'a la paix faire
il y

il y eust grande difficulté et plusieurs protestacions des amis a la Damoiselle ; Et d'autre part de bien estroites promesses du Marchant qui depuis bien et gracieusement se gouuerna, et ne fut oncques homme meilleur a sa femme qu'il fut toute sa vie, et ain-
sy vserent leur vie ensemble.



NOUVELLE LXII.

L'ANNEAU

P E R D U.

ENviron le mois de Juillet alor^s que certaine Conuencion et Assemblée se tenoit entre

entre la Ville de Calais et Garnelinghes assez prez du Chastel doye, a laquelle Assemblée estoient plusieurs Princes et grans Seigneurs tant de la partie de France comme d'Angleterre pour aduiser et traicter de la rençon de Monseigneur d'Orleans estant lors prisonnier du Roy d'Angleterre, entre lesquels de ladicte partie d'Angleterre estoit le Cardinal de Viscestre qui a ladicte Conuencion estoit venu en grant et noble estat tant de Cheualiers, Escuyers que d'autres gens d'Eglise; et entre les autres nobles Hommes, auoit vng qui se nommoit Jehan Stotton Escuyer tranchant et Thomas Brampton Eschanfon dudit Cardinal, lesquels Jehan et Thomas Brampton se entre-aymoient autant ou plus que pouroient faire deux Freres germains ensemble; car de vestures habillemens et harnois estoient tousjours d'une facon au plus prés que ils pouoient, et la plus part du temps ne faisoient que vng lit et vne chambre, et oncques n'auoit on veu que entre eulx deux aucunement y eut quelque couroux, noise ou maltalent. Et quant ledit Cardinal fut arriué audit lieu de Calais on bailla pour le logis desdits nobles Hommes l'Hostel de Richard Fery qui est le plus grant Hostel de

ladiète ville de Calais et ont de coustume les
 grands Seigneurs quant ils ariuent audict lieu
 passans et reuenans d'y logier. Ledit Ri-
 chart estoit marié et estoit sa Femme de la
 nacion du pays de Hollande, que estoit
 belle gracieuse, et bien luy aduenoit a rece-
 uoir gens; et durant ladiète Conuencion a
 laquelle on fut bien l'espace de deux mois,
 yceux Jehan Stotton et Thomas Brampton
 qui estoient si comme en l'aage de 27. a 28..
 ans ayant leur couleur de cramoisy viue,
 et en point de faire armes par nuyt et par
 jour; durant lequel temps nonobstant les
 priualtez et amitiés qui estoient entre ces
 deux seconds et Compaignons d'armes,
 ledit Jehan Stotton au desceu dudit Thomas
 trouua maniere d'auoir entreé, et faire le
 gracieux enuers leur dite Hostesse et y con-
 tinuoit souuent en deuises et semblables
 gracieusetez que on a coustume de faire en la
 queste d'amours; et en la fin s'enhardit de
 demander a ladiète Hostesse la courtoisie,
 c'est a scauoir, qu'il peust estre son amy, et
 elle sa Dame par amours; a quoy comme
 faignant d'estre esbahye de telle requeste luy
 respondit tout froidement que luy ne aultre
 elle ne hayoit, ne vouldroit hayr et qu'elle
 aymoit chascun par bien et par honneur;
 mais

mais il pouoit sembler a la maniere de sediterequeste quelle ne pouroit ycelle accomplir, que ce ne fut grandement a son deshonneur et scandal et mesmement de sa vie, et que pour chose du monde a se ne voudroit consentir.

Adonc ledit Jehan repliqua disant qu'elle luy pouoit tres bien accorder; car il estoit celuy qui luy vouloit garder son honneur, iusques a la mort, et aymeroit mieulx estre pery, et en l'autre siecle tourmenté que par sa coulpe elle eust deshonneur, et qu'elle ne doubta en riens que de sa parr son honneur ne fut gardé: luy supliant de rechief que sa requeste luy voulsist accorder, et a tousjours mais se repunteroit son Seruiteur et loyal amy. Et a ce elle respondit faisant maniere de trembler disant que de bonne foy, il luy faisoit mouuoir le sang du corps de crainte et de paour qu'elle auoit de luy accorder sa requeste. Lors il s'aproucha d'elle, et luy requist vng baiser dont les Dames et Damoiselles dudit pays d'Angleterre sont assez liberales de l'accorder et en la baisant luy pria doucement qu'elle ne fust paoureuse et que de ce qui seroit entre eulx deulx jamais nouvelle n'en seroit a personne viuant. Lors elle luy dist: Je voys bien que je ne puis

de vous eschapper que ne face ce que vous voulez : et puis qu'il faut que ie face quelque chose pour vous, sauf toutteffois tousjours mon bon honneur, vous scauez l'Ordonnance qui est faicte de par les Seigneurs estant en cestedicte Ville de Calais : comment il conuient que chascun Chief d'Hostel face vne fois la sepmaine en personne le guet par nuyt sur la muraille de ladite Ville; et pource que les Seigneurs, et nobles Hommes de l'Hostel de Monseigneur le Cardinal vostre Maistre sont ceans logiez, mon Mary a tant fait par le moyen d'aucuns ses amis enuers mondit Seigneur le Cardinal qui ne fera que demy guet, et entens qu'il le doit faire Jeudy prochain depuis la Cloche du guet sonnant au soir jusques a minuyt; et pource tandis que mon Mary sera au guet se vous me voulez dire aucunes choses, je les orray tres volentiers, et me trouuerez en ma Chambre avec ma Chamberiere, laquelle estoit en grant vouloir de conduire et accomplir les volentez et plaisirs de sa Maistresse. Ledit Jehan Stotton fust de cela moult joyeux, et en remerciant sadicte Hostesse luy dist que point ny auroit de faulte que audit soir il ne venist comme elle luy auoit dit. Or ce faisoient

ces

ces deuises le lundy precedent après dîner, mais il ne faut pas oublier de dire comment ledit Thomas Brampton auoit au desceu de sondit Compaignon Jehan Stotton fait pareille diligence et requeste a leur Hostesse, laquelle ne luy auoit oncques voulu quelque chose accorder, fors luy bailler vne fois espoir, et l'autre doubte, en luy disant et remonstrant qu'il pensoit trop peu pour l'honneur d'elle; car se elle faisoit ce qu'il requeroit, elle scauoit de vray que son Mary Richard Fery et ses parens et amys luy osterioient la vie du corps. Et a ce respondit ledit Thomas, ma tres douce Damoiselle amye et hostesse, pensez que ie suis noble Homme, ne pour chose qui me peut aduenir ne vouldroye faire chose qui destourna vostre deshonneur ne blasme; car ce ne seroit poing vlé de noblesse, mais croyez fermement que le vostre honneur vouldroye sauuer et garder comme le mien, et sy aymeroye mieulx a mourir qu'il en fut nouuelle, et n'ay Amy ne personne en ce monde tant soit mon priué a qui ie voulusse en nulle maniere descouurir nostre fait. La bonne Dame voyant la singuliere affection et desir dudit Thomas, luy dist le Mercredy ensuyuant que ledit Jehan auoit

eu la gracieuse response cy dessus de leur-
 dite Hostesse, que puis quelle le veoit en si
 grande volenté de luy faire seruice en
 tout bien et tout honneur, qu'elle n'estoit
 point si ingratte qu'elle ne se voulsist bien
 recongnoitre; et lors luy alla dire com-
 ment il conuenoit que son Mary lendemain
 au soir allaist au guet comme les autres
 Chiefs d'Hostel de la Ville en entretenant
 l'Ordonnance qui sur ce estoit faite de par
 la Seigneurie estant en la ville: mais la Dieu
 mercy son Mary auoit eu de bons amys au-
 tour de Monseigneur le Cardinal: car ils
 auoient tant fait envers luy qu'il ne feroit
 que demy guet, c'est a scauoir depuis mi-
 nuyt jusqu'au matin seulement; et que ce-
 pendant s'il vouloit venir parler a elle, elle
 ourroit volentiers ses doulces deuises; mais
 pour Dieu qu'il y vinfist si secretement
 quelle n'en peust auoir blasme. Et ledit
 Thomas luy sceut bien respondre, que ainsi
 desiroit il de faire, et a tant se partit en
 prenant congié. Et le lendemain qui fut
 ledit jour de Jeudy au vespres après ce que
 la Cloche du guet fut sonnée le deuantdit
 Jehan Stotton n'oublia pas aller a l'heure
 que sadiète Hostesse luy auoit mise, et ain-
 si il vint vers la Chambre d'ycelle, et y en-
 tra

tra et la trouua toute seule, laquelle le receut et luy fist tres bonne chiere; car la table y estoit mise. Adonc ledit Jehan requist que auecques elle il put couchier, pour eulx ensemble mieulx deuiser ce quelle ne luy vouloit de prime face accorder, disant quelle pouroit auoir charge se on le trouuoit auecques elle; mais il requist tant et par si bonne maniere qu'elle si accorda, et le souper fait qui sembla estre audit Jehan moult long, se coucha auec sa diète Hostesse; et après s'esbatirent ensemble nud a nud; et auant qu'il entra en ladite chambre, il auoit bouté en l'vng de ses doigts vng Aneau d'or garny d'un bon gros Dyamant qui bien pouuoit valoir la somme de xxx. Nobles. Et comme ils se delectoient ensemble ledit Aneau luy cheut de son doigt dedans le lit, sans ce qu'il s'en apperceust; et quant ils eurent ainsi illec esté ensemble jusques après la xi. heure de la nuit ladite Damoiselle luy pria moult doucement que en gré voulüst prendre le plaisir que elle luy auoit peu faire, et que a tant il fut content de soy habiller, et partir de ladite chambre afin qu'il n'y fust trouué de son Mary qu'elle attendoit s tost que la minuyt seroit venue, et qu'il luy voulüst garder son honneur, com-

H 5

me

me il luy auoit promis. Lors ledit Stotton ayant doubte que ledit Mary retournaſt incontinent ſe leua et ſe habilla, et partit de celle chambre ainſy que douze heures eſtoient ſonnées ſans auoir ſouuenance de ſon Dyamant qu'il auoit laiffé oudit lit; et en yſſant hors de ladite chambre au plus près d'ycelle ledit Jehan Stotton encontra ſon Compaignon Thomas Brampton, cuydant que ce fut ſon hoſte Richard; et pareillement ledit Thomas qui venoit a l'heure que ſadiſcte Hoſteſſe luy auoit miſe; cuydant ſemblablement que ledit Jehan Stotton fuſt ledit Richard, il attendit vng peu pour veoir quel chemin il tiendroir, et puis il ſ'en alla entrer en la chambre de ladite Hoſteſſe qu'il trouua comme eutreouuerte, laquelle tint maniere comme toute eſperduë et effroyée en demandant audit Thomas en maniere de grant doubte et paour ſe il auoit point rencontré ſon Mary que ſe partoioit d'illec pour aller au guet. Adonc ledit Thomas luy diſt que trop bien auoit il rencontré vng homme, mais il ne ſcauoit qu'il eſtoit ou ſon Mary ou autre, et qu'il auoit vng peu attendu pour veoir quel chemin il tiendroir et quant il eut ce dit, elle print hardieſſe de le baiſer en luy diſant qu'il fut le bien venu,

venu, et assés tost après sans demander qui la perdu ne gaigné ledit Thomas troussa la Damoiselle sur le lit en faisant cela. Et puis après quant elle vit que c'estoit a certes se despouillerent et entrèrent tous deux au lit, car ils firent armes en sacrifiant au Dieu d'amours, et rompirent plusieurs lances: mais en faisant lesdites armes il aduint audit Thomas vne adventure, car il sentit dessous sa cuisse le Dyamant que ledit Jehan auoit laissé, et comme non fol et non esbahy le print et le mist en l'un de ses doigts; et quant ils eurent esté ensemble jusques a lendemain du matin que la Cloche du guet estoit preste de sonner, a la requeste de la dite Damoiselle il se leua, et en parlant s'entreaçcollerent ensemble d'vng baiser amoureux. Ne demoura guères après que ledit Richard retourna du guet, ou il auoit esté toute la nuyt, en son hostel fort refroidy, et chargé du fardeau de sommeil qui trouua sa femme qui se leuoit, laquelle luy fist faire du feu, et quant il se fut chauffé il sen alla couchier et reposer, car il estoit travaillé de la nuyt; et sa femme luy fait accroire que aussi lest elle, car pour la doubte quelle auoit eu du travail de son Mary elle auoit bien peu dormi toute la nuyt. Et enuiron

uiron deux jours après toutes les choses faictes, comme les Anglois ont de coustume après ce qu'ils ont ouy la Messe de aller desjeuner en la Tauerne au meilleur vin, ledit Jehan et Thomas se trouuerent en vne compaignie d'autres Gentilshommes et Marchands qui allerent desjeuner ensemble; et se affirent ledit Jehan Stotton et Thomas Brampton l'vng deuant l'autre; et en mengeant ledit Jehan regardast sur les mains dudit Thomas qui auoit en l'vng de ses doigs ledit Dyamant; et quant il l'eut longuement aduisé, et regardé ledit Dyamant, il luy sembloit vrayment que c'estoit celuy qu'il auoit perdu, ne scauoit en quel lieu ne quant. Et Adonc ledit Jehan Stotton pria audit Thomas qu'il luy voulust montrer ledit Dyamant lequel luy bailla volentiers, et quant il l'eut en sa main il recongneut bien que c'estoit le sien et demanda audit Thomas dont luy venoit, et que vrayement il estoit sien. A quoy ledit Thomas respondist au contraire que non estoit, mais que a luy apartenoit. Et ledit Stotton maintenoit que depuis peu de tems l'auoit perdu et que s'il auoit trouué en leur chambre ou ils couchoient qu'il ne faisoit point bien de le retenir, attendu l'amour et fraternité que
tous-


tousjours auoit esté entre eulx deulx, tellement que plusieurs autres parolles sen esmeurent et fort le couroucerent ensemble, l'vng contre l'autre; touttefois ledit Thomas Brampton vouloit tousjours auoir ledit Dyamant, mais il ne peust oncques finer. Et quant les autres Gentilshommes et Marchands virent ladicte noise chascun s'employa a l'appaisement d'ycelle pour trouuer quelque maniere de les accorder, mais riens ny vault : car celuy qui perdu auoit ledit Dyamant ne le voulust laisser partir de ses mains, et celuy qui l'auoit trouué le vouloit rauoir, et le tenoit a belle aduenture de l'auoir trouué, et auoir j'ouy de l'amour de sa Dame, et ainsi estoit la chose difficile a appointer. Finalement l'vng desdits Marchands voyant que au demené de la matiere on n'y proufitoit en riens, si dist qu'il luy sembloit qu'il auoit aduisé vng autre expedient appointment dont lesdits Jehan et Thomas deuroient estre contens, mais ils n'en diront mot, se lesdites parties ne se soubzmettoient en paine de dix Nobles de tenir ce qu'il en diroit dont chascun de ceux qui estoient en ladite Compaignie respondirent que tres bien auoit dit ledit Marchand, et inciterent ledit Jehan et Thomas de faire ladite submission et tant en

en furent requis et par telle maniere qu'ils se y accorderent. Adonc ledit Marchant ordonna que ledit Dyamant seroit mis en ses mains, puis que tous ceulx qui de ladite difference auoient parlé et requis de l'appaiser n'en auoient peu estre crus : il ordonna que aprez qu'ils seroient partis de l'Hostel ou ils estoient au premier homme de quelque estat ou condition qu'il fut qu'ilz trouueroient a l'issuë dudit Hostel compteroient toute la maniere de ladite difference et noise, estant entre ledit Jehan Stotton et Thomas Brampton, et tout ce qu'il en diroit ou ordonneroit en seroit tenu ferme et stable par lesdites deux parties. Ne demoura gueres que dudit Hostel se partit toute la belle Compaignie et le premier homme qu'ils encontrerent au dehors dudit Hostel se fust ledit Richard hôte desdites deux parties auquel par ledit Marchand fut narré et racompté toute la maniere de ladite difference. Adonc ledit Richard aprez ce qu'il eut tout ouy, et qu'il eut demandé a ceux qui illec estoient presens se ainsi en estoit allé et que lesdites parties ne s'estoient en nulle maniere voulu laissé appointer ne appaiser par tant de notables personnes dist par la sentence
diffi-

diffinitive que ledit Dyamant luy demon-
streroit comme sien et que l'une ne l'autre
partie ne l'auroit. Et quant ledit Thomas
Brampton vit qu'il auoit perdu l'adventure
dudit Dyamant fust bien desplaissant, et
fait acroire que autant estoit ledit Jehan
Stotton qui l'auoit perdu, et lors requist le-
dit Thomas a tous ceux qui estoient en la
Compaignie reserué leurdit Hoste qu'ils
voulussent retourner en l'Hostel ou ils
auoient desjeuné, et qu'il leurs donneroit
a disner afin qu'ils fussent aduertis de la
maniere et comment ledit Dyamant estoit
venu en ses mains, lesquelz d'un accord
luy accordoient volentiers: et en at-
tendant le disner qui s'apareilloit, il leurs
compra l'entree et la maniere des deuises
qu'il auoit eu avecques son hostesse Femme
dudit Richard Fery et comment et a quel-
le heure elle luy auoit mis heure pour soy
trouuer avecques elle tandis que son Mary
seroit au guet, et le lieu ou ce Dyamant
auoit esté trouué. Lors ledit Jehan Stot-
ton oyant ce en fut moult esbahy soy don-
nant de ce grant merueilles, et en soy
faignant dist que tout le semblant luy estoit
aduenue en celle propre nuyt ainsi que cy
deuant est desclairé, et qu'il tenoit et
creoit fermement auoir laissé cheoir son
Dya-

Dyamant ou ledit Thomas l'auoit trouué, et qu'il luy deueroit faire plus de mal de l'auoir perdu qu'il ne faisoit audit Thomas, lequel ny perdoit aucune chose, car il luy auoir chier cousté. Ledit Thomas respondit en ceste maniere, et dist que vrayement il ne deuoit point plaindre se leudit Hoste l'auoit jugié estre sien, attendu que leurdicte Hostesse auoit eu beaucoup a souffrir: et aussi pource qu'il auoit eu le pucelage de la nuyté, et ledit Thomas auoit esté son Paige en allant après luy. Et ces choses contenterent assez bien ledit Jehan Stotton de la perte de sondit Dyamant pource que autre chose n'en pouuoit auoir et le porta plus patiemment et legierement que s'il n'eust point sceu la verité de la matiere; et de ceste aduenture tous ceulx qui estoient presens commencerent a rire et a mener grant joye; adoncques se mirent a table et disnerent, mais vous pouuez penser, que ce ne fut pas sans boire d'autant. Et après qu'ilseurent disné, ils se despartirent et chascun s'en alla ou bon luy sembla et ainsi fut tout le maltalent pardonné et la paix faicte entre les parties, c'est a scauoir entre ledit Jehan Stotton, et ledit Thomas Brampton et furent bons amys ensemble.

NOU-



NOUVELLE LXIII
 MONTBLERU,
 OU LE LARRON.

Montbleru se trouua vng jour que pas-
 sa a la Foire d'Anuers en la compai-
 gnie

Tom. II.

I

gnie de Monseigneur d'Estampes lequel le deffrayoit et payoit ses depens qui est vne chose qu'il print assez bien en gré. Ung jour entre les autres d'aventure il rencontra Maistre Himbert de la plaine, Maistre Rouland Pipe, et Jehan le Tourneur qui luy firent grant chiére. Et pource qu'il est plaisant et gracieux comme chascun scait, ils desirerent sa compaignie et luy prierent de venir loger avec eulx, et qu'ils feroient la meilleure chiére de jamais. Montbleru de prime faces'excusa sur Monseigneur d'Estampes, qui l'auoit la admené, et dist qu'il ne l'oseroit abandonner, et la raison y est bonne, dist il, car il me deffraye de tous points; neantmoins touttefois fut content d'abandonner Monseigneur d'Estampes, en cas que entre eulx le voulsissent déffrayer, et eulx que ne desiroient que sa compaignie, accorderent legierement ce marché. Or escoutez comment il les paya. Ces trois bons Seigneurs demourerent a Anuers plus qu'ils ne pensoient, quant ils partirent de la Court, et soubz'esperance de brief retourner n'auoient apporté que chascun vne chemise; si deuindrent les leurs salles, ensemble leurs couurechiefs et petits draps; et a grant regret leur venoit de eulx trouuer
en

en ceste malaise; car il faisoit bien chaud comme en la saison de Penthecouste. Si les baillerent a blanchir a la Chamberiere de leur logis vng famedy au soir, quant ils se coucherent, et les deuoient auoir blanches le lendemain a leur leuer; mais Montbleru les garda bien, et pour venir au point, la Chamberiere quant vint au matin qu'elle eut blanchy ces chemises et cocuurechiefs et les eut seichez, et bien et gentement ployées, elle fut de sa Maistresse appelée pour aller a la Boucherie querir la provision pour le disner. Elle fist ce que sa Maistresse commanda, et laissa en la Cuisine sur vne Escabelle tout ce bagaige esperant a son retour tout retrouver a quoy elle faillit bien: car Montbleru quant il peut veoir du jour, il se leua de son lit et print vne longue robbe sur sa chemise, et descendit en bas pour faire cesser les Cheuaux qui se combattoient ou pour aller au retrait; et luy la venu, il vint veoir en la Cuisine que on disoit, ou il ne trouua ame, fors seulement ces chemises et ces couurechiefs qui ne demandoient que Marchands. Montbleru congneut tantost que s'estoit sa charge sy y mist la main, et fust en grand es-moy où il les pouroit sauluer: une fois pen-

soit de les boutter dedens les Chaudières et grans Pots de cuyure qui estoient en la cuisine: autrefois de les boutter dedens la manche: brièvement il les boutta en l'estable des cheuaulx bien enfardeleés dedens du foing, en vng gros monceau de fiens; et cela fait, il s'en vint couchier emprez Jehan le Tourneur dont il estoit party. Or vecy la Chamberiere retourneé de la Boucherie, laquelle ne trouue pas ses chemises, qui ne fut pas bien contente de ce, et commença a demander par tout que en scait nouuelles. Chascun a qui elle demandoit disoit qu'il n'en scauoit rien, et Dieu scait la vie quelle menoit. Et vecy les Seruiteurs de ces bons Seigneurs qui attendoient après leurs chemises qui n'osoient monter vers leurs Maistres, et craignoient moult: aussi faisoit l'Hoste et l'Hostesse et la Chamberiere. Quant vint enuiron neuf heures, ces bons Seigneurs appellent leurs gens, mais nul ne vient tant craignant a dire les nouuelles de ceste perte a leurs Maistres; touttefois en la fin qu'il estoit entre 11. et 12. l'Hoste vint et les Seruiteurs, et fut dit a ces Seigneurs comment leurs chemises estoient desrobeés dont les aucuns perdirent patience, comme Maistre

Himbert

Himbert et Maistre Rolland; mais Jehan le Tourneur tint assés bonne maniere, et n'en faisoit que rire, et appella Montbleru que faisoit la dormeueille, que scauoit et oyoit tout et luy dist: Montbleru vécy gens bien en point, on nous a désrobé nos chemises. Sainte Marie que distes vous? dist Montbleru contrefaisant l'endormy, vécy bien mal venu. Quant on eut grant piece tenu parlement de ces chemises que estoient perduës dont Montbleru congnoissoit bien le Larron, ces bons Seigneurs commencerent a dire: Il est ja bien tard et nous n'auons point encore ouïy de Messe et si est Dimenche, et toutefois nous ne pouuons bonnement aller dehors de ceans sans chemises; quest il de faire? Par ma foy, dist l'Hoste, ie ne scauroye point trouuer d'autre remede, sinon que ie vous preste a chascun vne chemise des miennes, telles quelles sont, combien que elles ne sont pas pareilles aux vostres; mais elles sont blanches, et si ne pouuez mieulx faire se me semble. Ils furent contens de ces chemises de l'Hoste qui estoient courtes et estroittes et de bien dure et aspre toille, et Dieu scait qui les faisoit bon veoir. Ils furent prests Dieu mercy: mais il estoit si tard que ils ne scauoient ou ils pouroient

ouïr la Messe. Alors, dist Montbleru, que tenoit trop bien maniere: Quant est pour ouïr Messe, ie scay bien vne Eglise en ceste Ville ou nous ne fauldront point a tout le moins de veoir Dieu. Encores il vaut mieulx de le veoir que rien, dirent ces bons Seigneurs, allons, allons, et nous aduancons vistement, c'est trop tardé: car perdre nos chemises, et ne ouïr point aujourd'hui de Messe, ce seroit mal sur mal: et pourtant il est temps d'aller a l'Eglise, si meshuy nous voulons ouïr la Messe. Montbleru incontinent les mena en la grant Eglise d'Anuers ou il y a vng Dieu sur vng Asne, et quant ils eurent chascun dit leurs patenostres et leurs deuotions: Ils dirent a Montbleru, ou est ce que nous verrons Dieu? Je le vous montray, dist il, tout maintenant. Alors il leurs monstra ce Dieu sur l'Asne, et puis il leurs dist: vela Dieu, vous ne fauldrés jamais de veoir Dieu ceans a quelque heure que ce soit. Adonc ils commencerent a rire, ja soit ce que la douleur de leurs chemises ne fut point encores appaisiee: et sur ce point s'en vindrent disner et furent depuis ne scay quans jours a Anuers; et après s'en partirent sans rauoir leurs chemises; car Montbleru les mist en lieu sur, et les vendist depuis
cinq

cinq escus d'or. Or aduint comme Dieu le
 voulut que en la bonne sepmaine du Caref-
 me ensuiuant le mercredy, Montbleru se
 trouua au dîner avec ces trois bons Sei-
 gneurs dessus nommés, et entre autres pa-
 rolles, il leurs ramenteult les chemises qu'ils
 auoient perduës a Anuers et, dist: Helas! le
 pource larron que vous desroba, il sera bien
 damné se son meffait ne luy est pardonné
 de par vous, et pardieu vous ne le voul-
 driez pas? Ha! dist Maistre Himbert, pardieu
 beau Sire il ne m'en souuenoit plus, ie l'ay
 piéca oublié. Et au moins, dist Montbleru,
 vous luy pardonnés, ne faictes pas? Sainct
 Jehan oüy, dist il, ie neouldroye pas qu'il
 fut damné pour moy. C'est bien dit, dist
 Montbleru: et vous Maistre Rolland ne luy
 pardonnés vous point aussi? A grant peine
 disoit il le mot, toutesfois en la fin il dist
 quil luy pardonnoit; mais pource qu'il
 perdoit a regret, le mot plus luy coustoit
 a prononcer. Et vrayement, dist Mont-
 bleru, vous luy pardonnez aussi Maistre Rol-
 land: que auriez vous gagné de damner
 vng pource larron pour vne meschante che-
 mise et vng couurechief? Et ie luy par-
 donne vrayement, dist il lors, et l'en clame
 quitte, puis que autre chose n'en puis auoir.

Et par ma foy vous estes bon homme ! Or vint le Tourneur, si luy dist ledit Montbleru : Or ca Jehan vous ne ferés pas pis que les autres, tout est pardonné a ce pource Larron des chemises, se a vous ne tient ? A moy ne tiendra pas dist il, ie luy ay pieca pardonné ; et luy en baille derechief tout maintenant deuant vous l'absolution. On ne pouroit mieulx dire dist Montbleru, et par ma foy ie vous scay bon gré de la quittance que vous auez faicte au Larron de vos chemises, et entant qu'il me touche ie vous en mercie tous : car je suis le Larron mesme que vous desroba a Anuers ; je prens ceste quittance et a mon prouffit, et derechief vous en remercie toutefois ; car ie le doy faire. Quant Montbleru eut confessé ce larrecin, et qu'il eut trouué sa quittance par le party que auéz ouy, il ne fault pas demander se maistre Rolland, et Jehan le Tourneur furent bien esbahis ; car ils ne se fussent jamais douté, qu'il eut fait ceste courtoisie, et luy fut bien reprouché ce pource larrecin voire en esbatant. Mais luy que scait son entregent se desarmoist gracieusement de tout ce dont chargier le vouloyent, et leur disoit bien que c'estoit sa coustume que de gagner et de prendre

cc

ce qu'il trouuoit fans garde et specialement a telz gens comme ils estoient. Ces trois bons Seigneurs n'en firent que rire, mais trop bien ils luy demanderent comment il les auoit prinſes et auſſi en quelle facon et maniere il les deſroba? Car il leurs declaira tout au long et diſt auſſi qu'il auoit eu de tout ce butin cinq eſcus d'or dont ils n'eurent ne demanderent oncques autre choſe.

NOU-



NOUVELLE LXIV.
LE CURE' RASE.

IL est vray que n'aguères en vng lieu de
ce Pays que ie ne puis nommer et pour
cause au fort que le scait si s'en taïse comme
je

je fais; et en ce lieu la auoit vng Maistre
 Curé que faisoit raige de bien confesser ses
 Paroissiennes; et de fait il n'en eschappoit
 nulles qu'ilz ne passassent par la, voire des
 jeunes Dames, au regard des vieilles il n'en
 tenoit compte. Quant il eut longuement
 maintenüe ceste sainte vie et ce vertueux
 exercice, et que la renommée en fust espan-
 duë par toute la Marche et es terres voisines,
 il fut puny ainſy que vous orrez par l'indu-
 strie d'un sien prochin, a qui touttefois il
 n'auoit point encores rien meffait touchant
 sa Femme. Il estoit vng jour au disner et fai-
 soit bonne chiére a l'hostel d'un sien paroif-
 sien que ie vous ay dit, et comme ils estoient
 au meilleur endroit de leur disner et qu'ils
 faisoient plus grande chiére, vecy venir
 leans vng Homme qui s'appelle trenche c...
 ..., lequel se mesle de tailler gens, d'arra-
 cher dents, et d'un grant tans de broüil-
 lerie et n'auoit ne ſcay quoy a besongner,
 a l'Hostel de leans. L'Hoste le recueillit, et le
 fist seoir, et sans se faire trop prier, il se
 foure avec nostre Curé et les autres, et s'il
 estoit venu tard il mettoit paine daconsuir
 les autres qui le mieulx auoient viandé. Ce
 Maistre Curé que estoit vng grant farceur
 et vng fin Homme commença a prendre la
 parolle

parolle a ce trencher c.... et le trencher c....
 luy respondist a propos de ce qu'il scauoit.
 Certaine piece après maistre Curé se vire
 vers l'hoste et en l'oreille luy dist: Voulons
 nous bien tromper ce trencher c...? Ouy
 ie vous en prie dist l'Hoste; mais en quelle
 maniere le pourons nous faire? Par ma foy
 dist le Curé nous le tromperons trop bien
 se me voulez aucunement ayder. Et par ma
 foy ie ne demande autre chose dist l'hoste. Je
 vous diray que nous ferons, dist le maistre
 Curé: ie feindray auoir grant mal en vng
 c....., et puis ie Marchanderay a luy de
 le me oster, et me metteray sur la table et
 tout en point comme pour le trenchier; et
 quant il viendra après, il voudra voir que
 c'est, et ouurer de son mestier; ie luy mon-
 treray le derriere. Et que c'est bien dit res-
 pondit l'hoste, lequel a coup se pensa ce qu'il
 vouloit faire. Vous ne feistes jamais mieulx,
 laissés nous faire entre nous autres nous
 vous ayderons bien a parfaite la farce. Je le
 vueil dist le Curé. Aprez ces parolles Mon-
 seigneur le Curé de plus belle raffaillit nostre
 taille c.... d'vnes et d'autres, et en la par-
 fin luy commença a dire pardieu qu'il auoit
 bien mestier d'vng tel homme qu'il estoit,
 et que veritablement il auoit vng c.....
 pour;

potiry et gasté, et voudroit qu'il luy eust
 cousté bonne chose, et qu'il eust trouué
 homme qui bien luy sceut oster, et vous
 deuez scauoir qu'il le disoit si froidement
 que le trenche c..... cuidoit veritablement
 qu'il dist tout vray. Adoncques il luy res-
 pondit, Monseigneur le Curé, ie vüeil bien
 que vous saichiez, sans nul despriser ne moy
 vanter de rien, qu'il ny a homme en ce pays
 qui mieulx que moy vous sceut ayder, et
 pour l'amour de l'hoste de ceans, ie vous fe-
 ray telle courtoisie de ma peine se vous vou-
 lez mettre entre mes mains que par droit
 vous en ferez et deuerés estre content. Et
 vrayment, dist Maistre Curé, cest tres bien
 dit a vous. Conclusion pour abregier, ils
 furent d'accord, et incontinent après fut la
 table ostée, et commença nostre Maistre
 trenche c....., a faire ses preparatoires pour
 besongner : d'autre part le bon Curé se met-
 toit a point pour faire la farce que ne luy
 tourna pas a jeu, et deuisoit a l'hoste et aux
 autres qui estoient presens comment il de-
 uoit faire. Et cependant que ces apprestes
 se faisoient, d'vng costé et d'autre l'hoste de
 ceans vint au trenche c....., et luy dist :
 gardes bien quelque chose que ce Prestre te
 die, quant tu le tiendras en tes mains, pour
 ouurer

ouurer en ses c..... que tu luy trenchés tous deux rasibus, et gardes bien que tu n'y failles pour chiér que tu aymes ton corps. Et par saint Martin si feray ie, dist le trenché c..... puis qu'il vous plaist Jay vng instrument qui est si prést et si bien trenchant, que ie vous feray present de ses genitoires auant qu'il ait loisir de riens me dire. Et on verra que tu feras, dist l'hoste, mais se tu faulx, par ma foy ie ne te fauldray pas. Tout fut prest et la table appointée, et Monseigneur le Curé en pourpoint qui bien contrefaisoit l'Idole et promettoit bon vin a ce trenché c....., l'Hoste aussi, et pareillement les Seruiteurs de leans deuoient tenir damp Curé, qui n'auoient garde de le laisser eschapper, ne remuer en quelque maniere que ce fut. Et afin d'estre plus seur le lierent trop bien et estroit, et luy disoient que c'estoit pour mieulx et plus couuertement faire la farce; et quant il voudroit le laisseroient aller; il les crut comme fol. Or vint ce vaillant trenché c..... garny en sa cornette de son petit rasoir, et incontinent commença a vouloir mettre les mains aux c..... de Monseigneur le Curé. Ha! dist Monseigneur le Curé, faictes adré et tout beau tastés les plus doucement que vous pourés

pourés, et puis après je vous diray lequel
 je vuëil auoir osté. Et bien dist le trenché
 c....., et lors tout souëf liéue la chemise
 du Curé, et prent les Maistresses c.....
 grosses et quarrées et sans plus enquerir
 subitement comme l'esclipse les luy trencha
 tous deux d'vng seul coup; et bon Curé
 de crier, et de faire la plus malle vie que
 jamais fist homme. Hola, hola, dist l'hoste, pa-
 cience ce qui est fait est fait, laissés vous
 adober si vous voulez. Alors le trenché
 c..... le mist a point du surplus que en tel
 cas appartient, et puis part et sen va, at-
 tendant de l'hoste il scauoit bien quoy Or
 ne fault il pas demander se Monseigneur le
 Curé fut bien camus de se veoir ainsi de-
 garny de les instrumens, et mettoit sus a
 l'hoste qu'il estoit cause de son meschief et
 de son mal; mais Dieu scait s'il s'en excusoit
 bien et luy disoit que si le trenché c..... ne
 se fut si tost departy et saulué, qui l'eut mis
 en tel point que jamais n'eust fait bien après.
 Pensés, dist il, qu'il me desplaist de vostre
 ennuyt, et plus beaucoup encores de ce
 qu'il est aduenü en mon hostel. Ces nou-
 uelles furent tost volées et semées par toute
 la Ville et ne fault pas dire que aulcunes Da-
 moiselles n'en fussent bien marries d'auoir
 perdu

perdu les instrumens de Monseigneur le Curé; mais aussi d'autre part les dolens Marys en furent tant joyeux qu'on ne vous scauroit dire, ne décrire la dixiesme partie de leur lieffe. Ainsy que vous auez ouy fut puny maistre Curé, qui tant en auoit d'autres trompés et deceus, et oncques depuis ne se olast veoir ne trouuer entre gens, mais comme reclus et plain de melencolie fina bien tost apres ses dolens jours.

NOU-



NOUVELLE LXV. L'INDISCRETION

MORTIFIÉE ET NON PUNIE.

ET comme souvent l'en met en termes
plusieurs choses dont en la fin on se re-
pent,
Tom. II. K

pent, aduint n'aguères que vng Gentil
 Compaignon demourant en vng Villaige
 assez près du Mont Saint Michel se devoit
 a vng soupper present de sa Femme, aucuns
 Estrangers et plusieurs de ses Voisins d'vng
 Hostelier dudit Mont Saint Michel, et di-
 soit, affermoit et juroit sur son honneur
 qu'il portoit le plus beau membre le plus
 gros et le plus quarré que fut en toute la
 Marche d'environ, et avec ce et que n'em-
 piroit pas le jeu, il s'en aydoit tellement
 et si bien que les quatre, les cinq, les 6.
 fois ne luy constoient non plus que son les
 prenoit en la cornette de son chapron.
 Tous ceux de la table, ouyrent volentiers
 ce bon bruit que on donnoit a cest Hostelier
 du Mont Saint Michel, et en parlerent cha-
 cun comme ils l'entendoient; mais qui y
 print garde ce fut la Femme du Racompteur
 de l'Histoire laquelle y presta tres bien l'o-
 reille, et luy sembla bien que la Femme
 estoit heureuse et bien fortunée qui de tel
 Mary estoit douée, et pensa dés lors en son
 cueur que s'elle peult trouuer honneste
 voye subtile, elle se trouuera quelque jour
 audit lieu de Saint Michel, a l'Hostel de
 l'Homme a ce gros membre se logera et ne
 tiendra que a luy qu'elle n'epreuue se le
 bruit

bruit qu'on luy donne est vray. Pour ex-
 cuter ce quelle auoit proposé & mettre a fin
 ce qui en son couraige est deliberé, enui-
 ron cinq ou six ou huit jours aprez elle print
 congié de son Mary pour aller en pelerinaige
 au Mont Saint Michel: et pour mieulx cou-
 lurer l'occasion de son voiaige, elle, com-
 me Femmes sceurent bien faire trouua vne
 bourde toute affaictée. Et son Mary ne luy
 refusa pas le congié combien qu'il se doubta
 tantost de ce qui estoit. Aduant quelle par-
 tit son Mary luy dist qu'elle fist son offran-
 de a Saint Michel, et quelle se logea a l'Ho-
 stel dudit Hostelier, et quelle le recom-
 manda a luy beaucoup de fois. Elle pro-
 mist de tout accomplir, et de faire son
 messaige, ainsi qu'il luy auoit commandé,
 et sur ce present congié s'en va, et Dieu
 scait beaucoup desirant soy trouuer au lieu
 de Saint Michel. Tantost qu'elle fut partie
 son Mary monte a cheual et par au-
 tre chemin que celuy que sa Femme tenoit,
 picque tant qu'il peut au Mont Saint Mi-
 chel, et vient descendre tout secrettement
 auant que sa Femme, a l'Hostel de l'Hoste-
 lier dessusdit, lequel très liément le receut,
 et luy fist grant chiére. Quant il fut en sa
 Chambre il dist a l'Hostelier. Or ca mon

K 2

Hoste

Hoste je scay bien que vous estes mon Amy
 de piéca, ie suis le vostre fil vous plaist, et
 pource ie vous vueil bien dire qui me mai-
 ne maintenant en ceste Ville. Il est vray que
 enuiron a six ou huit jours nous estions au
 souper en mon hostel vng grant tas de bons
 Compaignons et vrays gaudisseurs et Fre-
 res de l'Ordre, et comme vous scauez que
 on parle de plusieurs choses, en deuissant
 les vngs aux autres, ie commencay a parler
 et a compter comment on disoit en ce pays
 qu'il ny auoit homme mieulx oustillé que
 vous; et au surplus luy dist au plus ce qu'il
 sceut. Bref toutes parolles qui touchoient
 ce propos furent mueés en jeu ainsi com-
 me dessus est touché. Or est il ainsi, dist il,
 que ma Femme entre les autres receut tres
 bien mes parolles, et na jamais arresté tant
 qu'elle ayt trouué maniere de impetrer son
 congié pour venir en ceste Ville. Et par
 ma foy ie me doubte fort et croy verita-
 blement que sa principale intencion est des-
 prouuer, se elle peult, se mes parolles sont
 vrayes que i'ay dictes touchant vostre gros
 membre: elle fera tantost ceans ie n'en doub-
 te point: car il luy tarde de foy y trouuer,
 si vous prie quant elle viendra que la recep-
 uez lyement et luy faictes bonne chiére,
 et

et luy demandez la courtoisie et faictes tant que elle le vous accorde; mais toutteffois ne me trompez point, gardés bien que vous n'y touchéz, prenez terme d'aller vers elle, quant elle sera couchiéé, ie me metteray en vostre lieu, et vous orrez après bonne chose. Laissez moy faire dist l'Hostelier, et je vous promets que je feray bien mon personnage. Ha dea toutteffois, dist l'autre, ne me faictes point de desloyaulté, ie scay bien qu'il ne tiendra point a elle que vous ne le faciez. Par foy, dist l'Hostelier, je vous assure que je ny toucheray ja, et non fist il. Il ne demoura guères que vecy venir nostre Gouge et sa Chambriere bien lassée Dieu le scait, et bon Hoste de saillir aduant, et de recepuoir la Compaignie comme il luy estoit enjoint, et qu'il luy auoit promis. Il fist mener Madamoiselle en vng tres beau lieu, et luy fist de bon feu et fist apporter du meilleur vin de leans, et alla querir de belles cerises toutes fresches, et vint banquetter avecques elles en attendant le souper. Il commença de faire ses approches quant il vit son point, mais Dieu scait comment on le getta loing de prime face, en la parfin toutteffois pour abregiér, marché fut fait qu'il viendroit couchiér avec-

ques elle enuiron la minuyt tout secretement. Il s'en vint deuers le Mary de la Gouge et luy compta le cas, lequel a l'heure prinse entre elle, et l'Hostelier s'en vint boutter en son lieu et besongna la nuyt le mieulx qu'il peut et se leua sans mot dire aduant le jour et se vint remettre en son liect. Quant le jour fut venu nostre Gouge toute melencolieuse, pensue et despiteuse pource que point n'auoit trouué ce quelle cuidoit, appella sa Chamberiere, et se leuerent et au plus hastiement quelles purent s'habillerent, et voulurent payer leur escot; mais l'Hoste dist que vrayement pour l'amour de son Mary qu'il n'en prendroit riens d'elle. Et sur ce elle dist Adieu et print congé de luy, et s'en va Mademoiselle toute couroucéé sans ouïr Messe, ne veoir Saint Michel, ne desjeuner aussy, et sans vng seul mot dire se mist a chemin, et s'en vint a sa maison; mais il faut dire que son Mary y estoit arriué qui luy demanda qu'on disoit de bon a Saint Michel. Elle tant marrie qu'on ne pouroit plus a peu s'elle daignoit respondre. Et quelle chiére, dist le Mary vous a fait vostre Hoste? Par Dieu, il est bon Compagnon! Bon Compagnon, dist elle, il n'y a rien d'oul-

d'oultraige, ie ne m'en scauroye louer que tout a point. Non Dame, dist il, et par Saint Jehan ie pensoye que pour l'amour de moy il vous deust festoyer et faire bonne chiére! Il ne me chaud, dist elle, de sa chiére, ie ne voys pas en pelerinaige pour l'amour de luy ne d'aultre, je ne pense que a ma deuotion. Dea, dist il, par nostre Dame vous y auez failly, ie scay trop bien pourquoy vous estes tant refraigniéé, et pourquoy vous auez le cueur tant enflé, vous n'aez pas trouué ce que vous cuydiez, il y a bien a dire vne once. Dea dea, Madame, j'ay bien sceu la cause de vostre pelerinaige, vous cuydiez taster et esprouuer le grant Brichonard de nostre Hoste de Saint Michel; mais par Saint Jehan je vous en ay tres bien gardée, et garderay si ie puis. Et affin que vous ne pensiez pas que ie vous mentisse, quant ie vous disoye qu'il l'auoit si grand, pardieu ie n'ay dit chose qui ne soit vraye, il n'est ja mestier que vous en sachez plus auant que par ouy dire, combien que s'il vous eust voulu croire, et je n'y eusse contredit vous auiez bonne deuocion d'essayer sa puissance; regardez comment ie scay les choses. Et pour vous oster hors de suspecion, saichéz de vray que je vins a minuyt a l'heure

que a luy auiez assigné, et ay tenu son lieu, si prenez en gré ce que j'ay peu faire, et vous passez doresnauant a ce que vous auez. Pour cette fois il vous est pardonné, mais de recheoir gardéz vous en, pour tant qu'il vous touche. La Damoiselle fut toute confuse et esbahye voyant son tort euident. Quant elle peut parler elle cria mercy, et promist de plus n'en faire, et ie tiens que non fist elle.

NOU-



NOUVELLE LXVI. LA FEMME

AU BAIN.

N'Agüeres que j'estoye a Saint Omer avec
vng grant tas de gentils Compaignons.
K s tant

rant de ceans comme de Boulongne et d'ailleurs Et après le jeu de paulme nous alastmes souper en l'Hostel d'ung Tauernier qui est homme de bien et beaucoup joyeux, et a vne tres belle femme, et en bon point dont il a eu vng tres beau filz de l'aage d'environ six ans. Comme nous estions tous assis au souper, le Tauernier sa femme et leur filz d'emprés elle avecques nous, les aucuns commencerent a deuiser, les autres a chanter et faisoient la plus grant chiere de jamais, et nostre Hoste pour l'amour de nous ne s'y faignoit pas. Or auoit esté sa femme ce jour aux Estuues, et son petit filz avecques elle. Si s'aduifa nostre Hoste pour faire rire la Compaignie de demander a son filz de l'estat et gouuernement de celles qui estoient aux Estuues avec sa mere. Si va dire vien ca nostre filz dy moy par ta foy laquelle de toutes celles qui estoient aux Estuues auoient le plus beau c... et le plus gros? L'Enfant que se ouïoit questionner deuant sa mere qu'il craignoit comme Enfans ont de coustume, regardoit vers elle et ne disoit mot, et le Pere que ne l'auoit pas aprins de veoir si muet luy dist de rechief: Or me dy mon filz, qui auoit le plus gros c... dy hardiment? Je ne scay mon Pere, dist l'Enfant, tousjours

tousjours virant le regard vers sa mere. Et pardieu tu as menty le dist son Pere: or le me dy ie le vuëille scauoir. Je n'oseroye, dist l'Enfant pour ma Mere, car elle me batteroit. Non fera, non, dist le Pere, tu n'as garde, ie t'asseure. Et nostre Hostesse sa Mere non pensant que son filz deut tout dire ce qu'il fist, luy dist, dy hardiment ce que ton Pere te demande. Vous me batteriez, dist il. Non feray dist, elle. Et le Pere que vist son filz auoir congié de souldre sa question luy demanda derechief: Or ca mon filz par ta foy as tu regardé les c... des Femmes que estoient aux Estuues? Saint Jehan! ouy mon Pere. Et y en auoit il largement d'y ne mens point? Je n'en veis oncques tant, ce sembloit vne droite garenne de c... Or ca dy nous maintenant qui auoit le plus gros? Vrayement, ce dit l'Enfant, ma mere auoit le plus beau et le plus gros; mais il auoit si grant nez! Si grant nez, dist le Pere? Va, va, tu és bon Enfant, et nous commencames tous a rire et a boire d'autant, et a parler de cet Enfant qui quaquetoit si bien. Mais la Mere ne scauoit pas la contenance tant estoit honteuse, pource que son filz auoit parlé du nez, et croy bien qu'il en fut depuis trop bien torché, car il
auoit

156 **LES CENT NOUVELLES**
auoit encusé le secret de l'escole. Nostre
Hoste fist du bon Compaignon, mais il se
repentit assez depuis d'auoir fait la question
dont l'absolucion le feist rougir, et puis
c'est tout,

NOU-



NOUVELLE LXVII.

LA DAME

A TROIS MARIS.

Maintenant a trois ans ou environ que
vne assez bonne Aduenture aduint a
vng

vng Chaperon fourré du Parlement de Paris et affin qu'il en soit memoire, ien fourniray ceste dicte Nouvelle, non pas touttefois que je vuëille dire que tous les Chaperons fourrés ne soient bons et veritables: mais pour ce qu'il y eut non pas vng peu de desloyaulté au fait de cestuy cy mais largement, que cest chose bien estrange et non accoutumée comme chascun scait. Or pour venir au fait, ce Chaperon fourré en lieu de dire ce Seigneur de Parlement deuint amoureux a Paris de la Femme d'vng Cordonnier que estoit belle et bien enlangagée a laduenant et selon le terroüer. Ce Maistre Chaperon fourré fist tant par moyens d'argent et autrement qu'il parla a la belle Cordonniere dessoubz sa robe a part: et s'il en auoit esté bien amoureux auant la jouissance, encores l'en fut il trop plus depuis, dont elle se perceuoit et donnoit trop bien garde, dont elle s'en tenoit plus fière, et si se faisoit achepter. Luy estant en ceste raige pour mandement, priere, promesse, don ne requeste qu'il sceut faire, elle se pensa de plus comparoir afin de luy encores rengreger et plus accroistre sa maladie. Et vecy nostre Chaperon fourré, qui enuoyt ses Embassades deuers la Dame la Cordonniere; mais cest pour

neant

neant, elle n'y viendrait pour mourir. Finalement pour abregier, afin qu'elle voulust venir vers luy comme autrefois luy promist'en la presence de trois ou de quatre qui estoient de son conseil quant a telles besongnes, qu'il la prendrait a Femme se son Mary le Cordonnier terminoit vie par mort. Quant elle eut ouy ceste promesse, elle se laissa ferrer, et vint comme elle saouloit au coucher, au leuer, et aux autres heures quelle pouoit eschapper deuers le Chaperon fourré que n'estoit pas mains feru que l'autre jadis d'amours; et elle sentant son Mary desja vieil et ancien et ayant la promesse dessusdicté se reputoit desja comme sa Femme. Peu de temps après la mort de ce Cordonnier tres desiré fut sceüe et publiée, et bonne Cordonniere se vint bouter de plain fault en la maison du Chaperon fourré que joyeusement la receut, promist aussi de rechief qu'il la prendrait a Femme. Or sont maintenant ensemble sans contredit ces deux bonnes gens, le Chaperon fourré et Madame la Cordonniere; mais comme souuent aduient chose qui a danger est plus chière tenuë que celle dont on a le bandon ainsy aduint il icy. Car nostre Chaperon fourré commença a soy ennuyer, et
laisser

laisser la Cordonniere, et de l'amour d'elle refroidir. Et elle le pressoit tousjours de paraccomplir le mariage dont il auoit fait la promesse; mais il luy dist ma mye, par ma foy ie ne me puis jamais marier; car ie suis homme d'Eglise et tiens Benefices comme vous scauez, la promesse que je vous fis jadis est nulle; et ce que i'en fis lors estoit pour le grant amour que je vous portois esperant aussi par ce moyen plus legièrement vous retraire. Elle cuydant qu'il fut lyé a l'Eglise, et soy voyant aussi bien Maistresse de leans, que selle fut sa Femme espousée ne parla plus de ce mariage et alla son chemin accoutumé: mais nostre Chaperon fourré fist tant par belles parolles, et plusieurs remonstrances, quelle fut contente de soy partir de luy, et espouser vng Barbier auquel il donna trois cens escus dor comptant. Et Dieu scait s'elle partit bien baguée! Or deuez vous scauoir que nostre Chaperon fourré ne fist pas legièrement ceste departie ne ce mariage et n'en fut point venu a bout, si neut esté qu'il disoit a sa Dame qu'il vouloit doresnauant seruir Dieu et viure de ces Benefices et soy du tout rendre a l'Eglise. Or fist il tout le contraire, quant il se vist desarmé d'elle et elle allée

au

au Barbier; il fist secrettement traicter environ vng an aprez pour la auoir en mariage, la fille d'vng notable Bourgeois de Paris; et fut la chose faicte et passé et jour assigné pour les nopces; disposa aussi de ces Benefices qui n'estoient que a simple tonsure. Ces choses sceuës parmy Paris, et venuës a la congnoissance de la Cordonniere, créés quelle fut bien esbahye. Voire dist elle, le vray traistre, ma til ainsy decuë? Il ma laissé soubz vmbre de aller seruir Dieu et ma baillé a vng autre, et par nostre Dame la chose ne demourera pas ainsy. Non fist elle, car elle fist comparoir nostre Chaperon fourré deuant l'Euesque, et illec son Procureur remontra bien gentement sa cause disant comment le Chaperon fourré auoit promis a la Cordonniere en la presence de plusieurs que se son Mary mouroit qui la prendroit a femme. Son Mary mort, il la tousjours tenuë jusques enuiron a vng an que la baillé a vng Barbier, et pour abregiër, les tesmoings et la chose bien debattuë, l'Euesque anichila le mariage de la Cordonniere au Barbier, et enjoignit au Chaperon fourré que la print comme sa Femme; car elle estoit sienne accusée de la compaignie charnelle qu'il

Tom. II.

L

auoit

auoit eu a elle. Et s'il estoit mal content de rauoir sa Cordonniere, le Barbier estoit bien autant joyeux d'en estre despeché, en la facon que auez ouy, c'est puis naguères gouverné l'vng des Chaperons fourrés du parlement de Paris.

NOU-



NOUVELLE LXVIII.
LA GARCÉ

DEPOUILLE'E.

CE n'est pas chose peu accoutumée ne
de nouveau mise sus, que Femmes ont
fait

L 2

fait leurs Marys jaloux, voire pardieu ceux. Si aduint naguères a ce propos en la Ville d'Anuers que vne femme mariée qui n'estoit pas des plus seures du monde, fut requise d'vng gentil Compaignon de faire la chose que scauez: et elle courtoise, et telle qu'elle estoit ne refusa pas le seruice qu'on luy presentoit; mais debonnairement se laissa férrer, et maintint ceste vie assez longuement. Et en la parfin comme fortune qui ennemie et desplaisante estoit de leur bonne cheuance, fist tant que le Mary trouua la brigade en present meffait, dont en y eut de bien esbahys; ne scay toutteffois lequel estoit le plus de l'Amant, de l'Amye ou du Mary; neantmoins, l'Amant a l'aide d'vne bonne espee se saulua sans nul mal auoir. Or demourerent le Mary et la Femme, de quoy leurs propos furent il se peut assez penser. Apres toutteffois aucunes parolles dictes d'vng costé et d'autre, le Mary pensant en soy mesme, puis elle auoit commencé a faire la folie, que fort seroit de l'en retirer, et quant plus elle n'en feroit si étoit tel cas, il estoit ia venu a congnissance du monde, de quoy il en estoit norté, et quasi deshonoré; considera aussi de la battre ou injurier de parolles, que c'estoit

c'estoit paine perdue; si s'aduifa apréz a
 chief qu'il la chasseroit paistre hors d'auec-
 ques luy, et ne sera jamais d'elle ordoyée
 sa maison. Sy dist a sa Femme: Or ca ie voy
 bien que vous ne me estes pas telle que vous
 deussiez estre, par raison touttefois espe-
 rant que jamais ne vous aduiendra, de ce
 qui est fait n'en soit plus parlé, mais deu-
 lions d'vng autre: j'ay vne affaire qui me
 touche beaucoup, a vous aussi: si nous
 fault engaiger tous nos joyaulx, et se vous
 aués quelque minot d'argent a part, il le faut
 mettre auant, car le cas le requert. Par ma
 foy dist la Gouge ie le feray de bon cueur;
 mais que me pardonnez vostre maltalent.
 N'en parlez, dist il, non plus que moy. Elle
 cuydant estre absolue, et auoir remission
 de ses pechez, pour complaire a son Mary
 après la noise dessusdicte, bailla ce qu'elle
 auoit d'argent, ses verges, ses tissus, cer-
 taines bourses estoffées bien richement,
 vng grant tas de couurechiefs bien fins, plu-
 sieurs pennes entieres et de bonne valeur.
 Brief tout ce qu'elle auoit, et que son Ma-
 ry voulut demander, elle le bailla pour en
 faire son bon plaisir. En dea, dist il, encores
 n'en ay ie pas assez. Quant il eut tout jus-
 qu'a la Robbe, et la Cotte simple quelle
 L 3 auoit

auoit sur elle, il me faut auoir ceste Robbe dist il. Voire dist elle, et ie n'ay autre chose a vestir, uoulez vous que je voisse toute nuë? Force dist il que la me baillez, et la Cotte simple aussy, et vous aduancez, car soit par amour ou par force il la me faut auoir. Elle voyant que la force n'estoit pas sienne despoüilla sa Robbe et sa Cotte, et n'auoit que sa chemise; tenez dist elle, fais je bien ce qu'il vous plaist? Vous ne l'avez pas tousjours fait, dist il, se a ceste heure uous me obeissez Dieu scait, se c'est de bon cueur, mais laissons cela et parlons d'vng autre. Quant je vous prins a mariage a la male heure vous n'aportastes gueres auecques vous, et encores le tant peu que ce fut, si l'avez vous forfait et confisqué: il n'est ja mestier que l'on vous die vostre gouvernement: vous scauez mieulx quelle vous estes que nulle autre, et pour telle que vous estes a ceste heure je vous baille le grant congié, et uous dy le grant Adieu; vela lui, prenez ce chemin se vous faictes que saige; et ne vous trouuez jamais deuant moy. La poure Gouge plus esbahie que jamais n'osa plus demourer après ceste horrible leçon, ainsi se partit et s'en vint rendre ce croy ie a l'hostel de son Amy par
amours

amours pour cette premiere nuyt et fist mettre sus beaucoup d'Ambassadeurs pour auoir ces bagues et ces habillements de corps, mais ce fut pour neant; car son Mary obstiné et endurcy en son propos, n'en uoulut oncques ouïr parler, et encores moins de la reprendre, si en fut beaucoup pressé tant des amis de son costé comme de ceux de la Femme. Touttefois elle fut contrainte de gagner des autres habillements, et en lieu de Mary vsfer de Amis attendant le rapaisement de sondit Mary que a leure de ce compte estoit encores mal content, et ne la vouloit voir pour riens que fut.



NOUVELLE LXIX. L'HONNÊTE

FEMME A DEUX MARIS.

IL n'est pas seulement congneu de ceux
de la ville de Gand, ou ce cas que ie vous
ay

ay a descrire, est na pas long temps adue-
nu; mais de la plus part de ceux du Pays de
Flandres, et de plusieurs autres, que a la
bataille qui fut entre le Roy d'Hongrie et le
Duc Jehan, lesquels Dieu absolue d'une
part, et le grant Turc en son Pays de Tur-
quie d'autre, ou plusieurs notables Che-
ualiers et Escuyers François, Flamans, Alle-
mans, et Picards furent prisonniers és mains
du Turc. Les aulcuns furent morts et per-
secutés present ledit Turc; les autres fu-
rent enchartéz a perpetuité; les autres con-
damnés a faire office de Clerc desclaues,
du nombre desquelz fut vng Gentil Cheua-
lier dudit Pays de Flandres nommé Messire
Clays Etenchone; et par plusieurs fois
exerca ledit office d'esclaue qui ne luy estoit
pas petit labeur, mais martire intolerable
attendu les delices ou il auoit esté nourry et
le lieu dont il estoit party. Or deuez vous sca-
voir qu'il estoit marié par deca a Gand et
auoit espousé vne tres belle et bonne Dame
qui de tout son cueur l'aymoit, et le te-
noit cher, laquelle prioit Dieu journalle-
ment que brief le peüst reueoir par deca se
encores il estoit vif; que s'il estoit mort, que
par sa grace luy voulsist ses pechéz pardon-
ner et le mettre au nombre des glorieux

L 5

mar-

martyres qui pour le reboutrement des Infidels, et l'exaltation de la sainte Foy Catholique se sont volontairement offerts et abandonnez a mort corporelle. Ceste bonne Dame qui riche belle et bien jeune estoit et bonne, estoit de grands Parents continuellement pressée et affaillie de ses amis qu'elle se voulsist remarier, lesquelz disoient et affermoient que son Mary estoit mort, et que s'il fut vif, il fut retourné comme les autres; s'il fust aussi prisonnier, on eut eu nouvelle de faire sa finance et rancon. Quelque chose qu'on die a ceste bonne Dame, ne raison qu'on luy sceut amener ne dire d'apparence en celuy fait, elle ne vouloit condescendre en cestuy mariage, et au mieulx quelle scauoit s'en excusoit : mais que luy valut ceste excusance, certes pou ou rien; car elle fut tant menée de ses parents et amys que elle fut contente d'obeir. Mais Dieu scait, que ce ne fut pas a peu de regret, et estoient environ neuf ans passez quelle estoit priuée de la presence de son bon et leal Seigneur, lequel elle reputoit piéca mort, et aussi faisoient la plus part, et presque tous ceux qui le congnoissoient. Mais Dieu qui ses Seruiteurs et Champions preserve et garde, lauoit autrement disposé,

posé; car encores viuoit et faisoit son ennuyeux office d'esclau. Pour rentrér en matiere ceste bonne Dame fut mariée a vng aultre Cheualier, et fut enuiron demy an en sa compaignie, sans ouïr autres nouuelles de son bon Mary que les precedentes, c'est a scauoir qu'il estoit mort. D'auanture comme Dieu le voulut, ce bon et leal Cheualier Messire Clays estant encores en Turquie, a leure que Madame sa Femme c'est ailleurs alieé, en faisant le beau mestier d'esclau, fist tant par le moyen d'aulcuns Chretiens Gentilshommes, et autres qui ariuerent au Pays qu'il fust deliuré, et se mist en leur galeé, et retourna par deca. Et comme il estoit sur son retour il rencontra et trouua en passant Pays plusieurs de sa congnoissance qui très joyeux furent de sa deliurance; car a la verité il estoit très vaillant homme bien renommé et très vertueux, et tant se espendit ce très joyeux bruit de sa desirée deliurance qu'il paruint en France au Pays d'Artois en Picardie, ou ses vertus n'estoient pas moins congnuës que en Flandres, dou il estoit natif; et après ce, ne tarda guères que ces nouuelles vindrent en Flandres jusques aux oreilles de sa tresbelle et bonne Dame, qui fust bien esbahye,

hye, et de tous ses sens tant alteré et surprinse qu'elle ne scauoit sa contenance. Ha, dist elle, après certaine pièce quant elle peut parler, mon cuëur ne fut oncques d'accord de faire ce que mes parents et amis mont a force contrainte de faire ! Helas ! que dira mon très loyal Seigneur et Mary, auquel ie n'ay pas gardé loyaulté comme je deusse ; mais comme Femme legiere, fresse et muable de couraige, ay baillé part et porcion a autruy de ce dont il estoit et debuoit estre Seigneur et Maistre ? Le ne suis pas celle que doye ne ose attendre sa presence, ie ne suis pas aussy digne qu'il me vueil ou doye regarder, ne jamais veoir en sa compaignie ; et, ces parolles dictes & accompaignées de grosses larmes, son très honneste, très vertueux cueur s'esvanoüit, et cheut a terre pasmé. Elle fut prinse et portée sur vn lit, et luy reuint le cueur ; mais depuis ne fut en puissance de homme ne de femme de la faire menger ne dormir, aincoys fut trois jours continuelz tousjours plorant en la plus grant tristesse de cueur de jamais. Pendant lequel temps elle se confessa et ordonna comme bonne Chretienne, criant mercy a tout le monde especialement a Monseigneur son Mary. Et après elle

elle mourut dont se fut grant dommaige;
et n'est point a dire le grant desplaisir qu'en
print mondit Seigneur son Mary quant il
sceut la nouvelle; et acause de son deuil fut
en grant dangier de luyr par semblable acci-
dent sa très loyale Espouse; mais Dieu qui
l'auoit faulué d'autres grans perils le pre-
serua de ce dangier.

NOU-



NOUVELLE LXX.
 LA CORNE
 DU DIABLE;

VN gentil Cheualier d'Allemaigne grant
 Voiaquier et aux armes preux et courtois,
 et de

et de toutes bonnes vertus largement doüé ,
 au retourné d'vng loingtain voyage estant
 en vng sien Chateau , fut requis d'vn Bour-
 geois son Subget demourant en sa Ville mes-
 mes, d'estre Parrain et tenir sus Fonds son En-
 fant , dequoy la Mere estoit deliureé droit a
 la venuë du retour dudit Cheualier, laquel-
 le requeste fut audit Bourgoys liberalement
 accordée. Et jasoit ce que ledit Cheualier
 eust en sa vie tenu plusieurs Enfans sur Fonds,
 si n'auoit il jamais donné son entente aux
 saintes parolles que le Prestre profere au my-
 stere de ce saint et digne Sacrement, comme il
 feist a ceste heure, et luy sembloit comme el-
 les sont a la verité plaines de haulx et diuins
 mysteres. Ce Baptisme, acheué comme il es-
 toit liberal et courtois, affin d'estre veu de ses
 hommes, il demoura au disner a la Ville sans
 monter au Chasteau, et luy tindrent com-
 paignie le Curé, son Compere et aulcuns au-
 tres des plus Gens de bien. Deuises monte-
 rent en jeu d'vnes et d'autres matieres, tant
 que Monseigneur commença a louer beau-
 coup le digne Sacrement de Baptisme, et
 dist hault et cler oyant tous : se ie scauoye
 veritablement que a mon Baptisme eussent
 esté prononcées les dignes et saintes pa-
 rolles que i'ay ouyes a ceste heure au Ba-
 ptisme

ptesme de mon nouveau Feilleül, ie ne craindroie en rien le Dyable qu'il eust sur moy puissance ne auëtorité, sinon seulement de moytanter, et me passeroie de faire le signe de la Croix, non pas, affin que bien vous m'entendez, que ie ne saiche très bien que ce Signe est suffisant a rebouter le Dyable, mais ma foy est telle que les parolles dictes au Baptesme d'vng chascun Chrestien, se elles sont telles comme aujourdhuy jay ouyës, sont vaillables a rebouter tous les Dyables d'Enfer s'il y auoit encores autant. Et en uerité respondit lors le Curé, Monseigneur ie vous assure *in verbo Sacerdotis*, que les mesmes parolles que ont esté aujourdhuy dittes et célébrées au Baptesme de vostre Feilleül furent dictes et célébrées a vostre Baptisement, ie le scay bien; car moy mesme vous Baptisé et en ay aussi fresche memoire comme si eut esté hier. Dieu face mercy, a Monseigneur vostre Pere, il me demanda le landemain de vostre Baptesme, qu'il me sembloyt de son nouveau Filz, telz et telz furent vos Parains, et telz et telz y estoient; il raconta toute la maniere du Baptesme et le fist bien certain que mot auant ne mot arriere ny eüst plus en son Baptisement que a celuy de son Feilleül. Et puis que ainsi est, dist alors le Cheualier,

halier, ie promets a Dieu mon Créateur tant honnorer de ferme foy le Sacrement de Baptême, que jamais pour quelque peril, ou ennuy que le Dyable me face, ie ne feray le Signe de la Croix; mais par la seule memoire du mystere du Sacrement de Baptême ie l'en chasseray arriere de moy, tant ay ferme esperance en ce diuin Mistere! Et ne me semblera jamais que le Dyable, puisse nuyre a homme armé de tel escu; car il est tel et si ferme que seul y vault sans autre ayde voire accompaignié de vraye foy. Ce disner passa et ne scay quans ans après ce bon Cheualier se trouua en vne Ville en Allemaigne pour aulcunes affairres qui l'y, tirerent, et fut logié en l'hostellerie. Comme il estoit yng soir avec ses Gens après souper, deuissant et esbattant avec eux, fain le prist d'aller au retrait, et pource que ses Gens s'esbattoient, il n'en voulut nulz oster de l'esbat. Si print vne chandelle et tout seul s'en va au retrait. Comme il entra dedans, il vit deuant luy yng grant Monstre horrible et terrible ayant grandes et longues cornes, les yeux plus allumés que flambes de Fournaise, les bras gros et longs, les grifs aguz et tranchans, brief c'estoit yng très espouuentable Monstre et yng Dyable comme

Tom. II,

M

je

je croy, et pour tel le tenoit le bon Cheualier, lequel de prime face fut assez esbahy d'auoir ce rencontre. Neantmoins toutesfois print cueur hardyement, et vouloit de foy deffendre s'il estoit assailly, et luy souuint du veu qu'il auoit fait, et du saint et diuin Mistere du Sacrement de Baptésme. Et en ceste foy marche vers ce Monstre que je appelle le Dyable, et luy demanda que il estoit, et qu'il demandoit. Ce Dyable le commença a accoupler, et le bon Cheualier de foy deffendre, qui n'auoit toutesfois pour toutes armeures que ses mains, car il estoit en pourpoint comme pour aller coucher, et son Escu de ferme foy ou Mistere de Baptésme. La lute dura longuement, et fut ce bon Cheualier tant las que merueilles, de soutenir ce dur assault; mais il estoit tant fort armé de son Escu de foy que peu luy nuysoient les faits de son ennemy. En la parfin après que ceste bataille eut bien duré vne heure le bon Cheualier se print aux Cornes de ce Dyable, et luy en arracha vne dont il le baccula trop bien et maulgré luy comme Victorieux se departit du lieu, et le laissa comme recreu, et vint trouuer ses Gens qui se esbattoient comme ils faisoient auant son partement, qui furent bien effrés de

de voir leur Maistre en ce point eschauffé qui auoit tout le visage esgratiné, le pourpoint chemise et chausses tout derompus et déchirés et comme tout hors d'alaine. Ha! Monseigneur, dirent ils, dont venez vous, et qui vous a ainsi habillé? Qui, dist il? Ca esté le Dyable a qui ie me suis tant combattu que j'en suis tout hors d'alaine et en tel point que me veés, et vous assure, par ma foy, que ie tiens veritablement qu'il meut estranglé et deuoré, se a ceste heure, ne me fust souuenu du Baptême, et du grant Mistere de ce vertueux Sacrement, et de mon veu que fis adoncques, et créés que ie ne l'ay pas faulcé; car quelque dangier que jaye oncques ny fis le signe de la Croix; mais comme souuent du Saint Sacrement dessusdist me suis hardyement deffendu, et franchement elchappé, dont ie louë et mercie Nostre Seigneur Jesus Christ que par ce bon Escu de sainte foy, ma si haultement preseruë; viennent tous les autres qui en enfer sont, tant que ceste Enseigne demeure ie ne les crains; viue, viue nostre benoist Dieu qui ses Cheualiers de telz armes fait adouber. Les Gens de ce bon Seigneur oyant leur Maistre ce cas racompter furent bien joyeux de le voir en bon point.

M 2

Mais

Mais esbahis de la Corne qu'il leurs monstroït qu'il auoit efrachée de la teste du Dyable et ne scauoient juger, non fist oncques Personne qui depuis la vit, dequoy elle estoit se c'estoit os ou corne, comme autres cornes sont ou que c'estoit. Alors vng des gens de ce Cheualier dist qu'il vouloit aller voir si ce Dyable estoit encore ou son Maistre l'auoit laissé, et sil, le trouuoit il se combattroit a luy, et luy arracheroit de la teste l'autre corne. Son Maistre luy dist qu'il ny allast point, il dist que si feroit. N'en fais rien, dist son Maistre, car le peril est trop grant. Ne m'en chaud, dist l'autre, ie y vuëil aller. Se tu me crois, dist son Maistre, tu nyras pas. Quoy qu'il fut il y voulut aller, et desobeyr a son Seigneur. Il print en sa main vne torche et vne grande hache, et vint au lieu ou son Maistre s'estoit combattu; quelle chose il y fit, on nen scet rien; mais son Maistre qui de luy se doubtoit, ne le seut si tost suy, qu'il ne le trouua pas, ne pareillement le Dyable aussy; et n'ouyt oncques plus nouvelles de son homme. En la facon que auez ouy se combatit ce bon Cheualier au Dyable, et le surmonta par la vertu du Saint Sacrement de Baptesme.

NOU-



NOUVELLE LXXI.
LE CORNARD
DE BONNAIRE.

A Saint Omer n'a pas long temps ad-
uint yne assez bonne Hystoire qui n'est
M 3 pas

pas moins vraye que l'Euangile comme il a esté et est congneu de plusieurs notables gens dignes de foy et de croire, et fut le cas tel pour le brief faire. Ung gentil Cheualier des Marches de Picardie pour lors bruyant et frisque de grant auctorité et de grant lieu se vint logier en vne Hostellerie qui par le Fourrier de Monseigneur le Duc Philippe de Bourgogne son Maistre luy auoit esté deliuree, tantost qu'il eut mis le pié a terre et qu'il fust descendu de son cheual ainsi comme il est de coustume auxdictes Marches. Son Hostesse luy vint au deuant et tres gracieusement comme elle estoit accoutumée et bien aprinse de ce faire, aussy le receut moult honnorablement : et luy qui estoit des courtois le plus honorable et le plus gracieux, l'accola et la baisa doucement ; car elle estoit belle et gente et en bon point, et mise sur le bon bout appellant sans mot dire trop bien son marchant a se baisier & accolement, et de prinsault n'y eut celuy des deux qui ne pleut bien a son Compaignon ; si pensa le Cheualier par quel train et moyen il paruiendroit a la jouissance de son Hostesse, et s'en descourrit a vng sien Seruiteur, lequel en peu d'eure batist tellement les besongnes, qu'ils se trouuerent

rent ensemble. Quant ce gentil Cheualier vit son Hostesse preste d'ouyr et d'entendre ce qu'il vouldroit dire, pensez qu'il fut joyeux oultre mesure ; et de grant haste et ardent desir qu'il eut d'entamer la matiere qu'il vouloit ouurir, il oublia de ferrer l'huys de la Chambre, et son Seruiteur au partir qu'il fist de leur assemlent, laissa l'huys entreouuert. Alors ledit Cheualier commença sa Harangue bonne alleure, sans regarder a autre chose, et l'Hostesse qui ne l'escoutoit pas a regret si luy respondit au propos, tant qu'ils estoient si bien d'accord que oncques Musique ne fust pour eulx plus douce ne Instrumens ne pouroient mieulx estre accordés que eulx deulx, la mercy Dieu, estoient. Or aduint ne scay par quelle aduerture, ou se l'hoste de leans mary de l'Hostesse queroit sa Femme pour aulcune chose luy dire en passant d'aduerture pardeuant la Chambre, ou sa Femme avec le Cheualier joüoient ensemble des Cymbales. Il en ouyt le son si se tira vers le lieu, ou ce beau deuduit se faisoit et au heurter a l'huys qu'il fist trouua l'ateleé du Cheualier et de sa Femme dont il fut de eulx trois le plus esbahy de trop, et en reculant subitement doubtant l'empescher et destourber de ladicte oeuvre

faisoient, leurs dist pour toutes menaces et rançons, et par la mort bieu vous estes bien meschans gens, et a vostre fait mal regardans, qui n'avez eu en vous tant de sens quant vous voulez faire telz choses que de ferrer et tirer l'huys après vous; or pensés que ce eust esté se vng autre que moy vous y eust trouué? Et pardieu vous estiez gastez et perdus, et eust esté vostre fait descelé, et tantost sceu par toute la Ville, faites autrement vne autrefois de par le Dyable; et sans plus dire, tire l'huys et s'en va. Et bonnes gens de raccorder leurs musettes, et parfaire la note encommencée: et quant ce fut fait chascun s'en alla en sa chambre sans faire semblant de riens; et n'eust esté comme i'espore leurs cas jamais decouuert, ou aumoins si publicq de venir a vos oreilles ne tant d'autres gens, ce n'eut esté le Mary qui ne se douloit pas tant, de ce que l'on l'auoit fait coux que de luy qu'il trouua deserré.

NOU-



NOUVELLE LXXII.
LA NECESSITE
 EST INGENIEUSE.

A Propos de la Nouvelle precedente,
 és Marches de Picardie auoit naguères
 M 5 res

res vng Gentilhomme, lequel estoit tant amoureux de la Femme d'vng Cheualier son prochain voisin, qu'il n'auoit ne jour ne heure de repos, se il n'estoit auprès d'elle, et elle pareillement l'aymoit tant qu'on ne pouroit dire ne penser, qui n'estoit pas peu de chose : mais la douleur estoit qu'ils ne scauoient trouuer facon ne maniere d'estre a part et en lieu secret pour a loisir dire et desclairer ce qu'ils auoient sur le cueur. Au fort après tant de males nuyts et jours douloureux, amours que a ses loyaux Seruiteurs ayde et secoure quant bien luy plaist leur apresta vng jour tres desiré auquel le douloureux Mary plus jaloux que nul homme viuant, fut contraint d'abandonner le mesnage, et aller aux affaires que tant luy touchoient, que sans y estre en personne il perdoit vne grosse somme de deniers, et par sa présence il la pouoit conquerir ce qu'il fist, en laquelle gagnant il conquist bien meilleur butin comme d'estre nommé ceux, avec le nom de jaloux qu'il auoit auparauant. Car il ne fut pas si tost sailly de l'hostel que le Gentilhomme qui ne glatissoit après autre beste, et sans faire long sejour incontinent executa ce pourquoy il venoit et print de sa

Dame

Dame tout ce que vng Seruiteur en ose ou peut demander si plaisamment et a si bon loisir que on ne pouroit mieulx souhaitter, et ne se donnerent de garde que la nuyt les surprint dont ne se donnerent du mal temps, esperans la nuyt parachuteuer ce que de jour tres joyeux et pour eux trop court auoient encommencé, pensant a la verité que ce Dyable de Mary ne deust point retourner en sa maison jusques a lendemain au disner voire au plus tard; mais aultrement en alla; car les Dyables le rapporterent a l'Hostel ne scay en quelle maniere, et aussi ne chault de scauoir comment il sceut tant abregier de ses besongnes; assez souffit de dire qu'il reuint le soir dont la belle Compagnie, c'est a scauoir de nos deux Amoureux fut bien esbahie, pource qu'ils furent si hastiuement surprins; car en nulle maniere ne se doubtoient de ce dolent retourner. Aussi jamais neussent cuydé que si soudainement et si legierement il eut fait et accompli son voyage. Touttefois nostre pource Gentilhomme ne sceut autre chose que faire ne ou se mucer sinon que de soy bouter dans le retrait de la Chambre, esperant de saillir par quelque voye que sa Dame trouueroit auant que le Cheualier y eut mis
le

le pié dont il vint tout autrement. Car nostre Cheualier qui ce jour auoit cheuauché 16. ou 18. grosses lieues estoit tant las qu'il ne pouoit ses rains tourner et voulut souper en sa Chambre ou il festoit deshouffé, et si voulut tenir sans aller en la Salle. Pensés que le pource Gentilhomme rendoit bien gaige du bon temps qu'il auoit eu ce jour; car il mouroit de fain de froit et de paour; encores pour plus engreiger son mal, vne toux le va prendre si grande et si horrible que merueille, et ne se failloit guères que chascun coup qu'il touffoit qu'il ne fut ouï de la Chambre ou estoit l'assemblée du Cheualier de la Dame et des autres Cheualiers de leans. La Dame que auoit l'oeil et l'oreille tousjours a son Amy, l'entrouyt d'auenture dont elle eut grant freeur au cueur doubtant que son Mary ne l'ouïst aussy. Si trouue maniere tantost après souper de soy bouter seulette en ce retrait, et dist a son amy, pour Dieu qu'il se garda ainsy de touffer. Helas, dist il, Madame, ie ne puis pas, mais Dieu scait comment ie suis pugny, et pour Dieu pensés moy tirer dicy! Si feray ie, dist elle, et a tant se part: et bon Escuyer de recommencer sa chanson, voire si tres hault que lon peut bien ouïr de la Chambre

se

se neut esté les deuises que la Dame faisoit mettre en termes. Quant ce bon Escuyer se vit en ce point assailly de la toux il ne sceut autre remede , afin de non estre ouïy que de bouter sa teste au trou du retrait où s'il fut bien ensencé Dieu le scait , de la confiture de leans ; mais encores aymoît il ce mieux que estre ouy. Pour abregier il fut long temps la teste a ce retrait , crachant , toussant et mouchant , tant il sembloit que jamais ne deust faire autre chose : neantmoins après ce bon coup sa toux le laissa et se cuydoit tirer hors ; mais n'estoit pas en sa puissance de ce retirer , tant estoit auant et fort boutté leans , pensés qu'il estoit bien a son aise , brief il ne scauoit trouuer facon de saillir quelque peine qu'il y mist , auoit tout le Col escorché et les oreilles arracheés. En la parfin comme Dieu le voulut , il se forcatant qu'il arracha l'ais percé du retrait , et le raporta a son col ; mais en sa puissance ne eut esté de l'en oster , et quoy qu'il luy fut ennuyeux si aymoît il mieux estre ainsy que comme il estoit pardeuant. Sa Dame le vint trouuer en ce point dont elle fut bien esbahye , et ne luy sceut secourir : mais luy dist pour tous potages qu'elle ne scauroit trouuer fa-
con

le pié dont il vint tout autrement. Car nostre Cheualier qui ce jour auoit cheuauché 16. ou 18. grosses lieues estoit tant las qui ne pouoit ses rains tourner et voulut souper en sa Chambre ou il se estoit deshouffé, et si voulut tenir sans aller en la Salle Pensés que le poure Gentilhomme rendoit bien gaige du bon temps qu'il auoit eu ce jour; car il mouroit de fain de froit et de paour; encores pour plus engreiger son mal, vne toux le va prendre si grande et si horrible que merueille, et ne se failloit guères que chascun coup qu'il touffoit qu'il ne fut ouï de la Chambre ou estoit l'assemblée du Cheualier de la Dame et des autres Cheualiers de leans. La Dame que auoit l'oeil et l'oreille tousjours a son Amy, l'entroÿt d'auenture dont elle eut grant freeur au cueur doubtant que son Mary ne l'ouÿst aussy. Si trouue maniere tantost après souper de soy bouter seulette en ce retrait, et dist a son amy, pour Dieu qu'il se garda ainſy de touſſer. Helas, dist il, Madame, ie ne puis pas, mais Dieu scait comment ie suis pugny, et pour Dieu pensés moy tirer dicy! Si feray ie, dist elle, et a tant se part: et bon Escuyer de recommencer sa chanson, voire si tres hault que lon peut bien ouïr de la Chambre

se

se neut esté les deuises que la Dame faisoit mettre en termes. Quant ce bon Escuyer se vit en ce point assailly de la toux il ne sceut autre remede , afin de non estre ouïy que de bouter sa teste au trou du retrait où s'il fut bien ensencé Dieu le scait , de la confiture de leans ; mais encorés aymoit il ce mieux que estre ouy. Pour abregier il fut long temps la teste a ce retrait , crachant , toussant et mouchant , tant il sembloit que jamais ne deust faire autre chose : neantmoins après ce bon coup sa toux le laissa et se cuydoit tirer hors ; mais n'estoit pas en sa puissance de ce retirer , tant estoit auant et fort boutté leans , pensés qu'il estoit bien a son aise , brief il ne scauoit trouuer facon de saillir quelque peine qu'il y mist , auoit tout le Col escorché et les oreilles arracheés. En la parfin comme Dieu le voulut , il se forcat tant qu'il arracha l'ais percé du retrait , et le raporta a son col ; mais en sa puissance ne eut esté de l'en oster , et quoy qu'il luy fut ennuyeux si aymoit il mieux estre ainisy que comme il estoit pardeuant. Sa Dame le vint trouuer en ce point dont elle fut bien esbahye , et ne luy sceut secourir : mais luy dist pour tous potages qu'elle ne scauroit trouuer fa-
con

con du monde le traire de leans. Est ce cela, dist il, par la mort bieu je suis assez armé pour combattre vng autre, mais que j'aye vne espee en ma main dont il fut tantost faisly d'une bonne. Sa Dame le voyant en tel point, quoy quelle eut grant doubte ne se scauoit tenir de rire ne l'Escuyer aussy. Or ca a Dieu me commend, dist il lors, je men voys essayer, comment je passeray par ceans; mais premier brouillés moy le visage bien noir, si fist elle, et le commanda a Dieu. Et bon Compaignon a tout l'ays du retrait a son col, l'epee nue en sa main sa face plus noire que charbon, commenca a faillir de la chambre et de bonne encontre le premier qu'il trouua ce fut le dolent Mary que eut de le veoir si grant paour cuydant que ce fut le Dyable qu'il se laissa tomber du haut de luy a terre que a peu qu'il ne se rompit le col, et fut longuement pasmé. Sa Femme le voyant en ce point faillit auant, monstrant plus de semblant deffray qu'elle ne sentoit beaucoup, et le print au bras en luy demandant qu'il auoit, puis après qu'il fut reuenu dist a voix cassée et bien piteuse : Et n'avez vous point veu ce Dyable que j'ay encontré? Certes sy ay dist elle, a peu que ie n'en suis morte de la
frayeur

frayeur que j'ay eu de le veoir. Et dont peut il venir ceans, dist il, et que le nous a enuoyé? Je ne feray de cest an, ne de l'autre rassuré tant ay esté espouuenté. Ne moy pardieu, dist la deuote Dame, créés que c'est signifiante de aucune chose: Dieu nous vuëil garder et deffendre de toute maladventure: le cueur ne me gyft pas bien de ceste vision. Alors tous ceux de l'Hostel dirent chascun sa rateleé de ce Dyable a l'espeé cuydant que la chose fust vraye, mais la bonne Dame scauoit bien la trainée qui fut bien joyeuse de les veoir tous en cette opinion. Et depuis continua le Dyable dessusdit le mestier que chascun fait si volentiers au deceu du Mary et de tous autres, fors vne Chamberiere secrette.

NOU-



NOUVELLE LXXIII.
 L' O Y S E A U
 EN LA CAGE.

Comme il aduint en la Comté de Saint
 Pol en vng Villaige assez prochain de la-
 diète

d'icte ville de Saint Pol auoit vn homme La-
 boureur marié avec vne femme belle et en
 bon point de laquelle le Curé dudit village
 estoit amoureux, et pource qu'il se sentit
 si ésprins du feu d'amours et que difficile
 luy estoit seruir sa Dame sans estre suspe-
 cionné; se pensa qu'il ne pouoit bonnement
 venir a la jouissance d'elle sans premier auoir
 celle du Mary. Cest aduis decourrit a sa
 Dame pour en auoir son opinion, laquelle
 luy dist que tres bonne et propre estoit pour
 mettre a fin leurs amoureuses intencions.
 Nostre Curé donc par gracieux et subtiles
 moyens s'accointa de celuy dont il vouloit
 estre le Compaignon, et tant bien se con-
 duisit avec le bon homme qu'il ne mengeoit
 sans luy, et quelque besongne qu'il fist tous-
 jours parloit de son Curé, mesmement cha-
 cun jour le vouloit auoir au disner et au
 souper; bref riens n'estoit bien fait a l'Hostel
 du bon homme se le Curé n'estoit present.
 Quant les Voisins de ce pource simple Labou-
 reur veirent ce qu'il ne pouoit veoir, luy
 dirent qu'il ne luy estoit honneste auoir ain-
 si continuellement le repaire du Curé, et
 qu'il ne se pouoit ainsi continuer sans grant
 deshonneur de sa Femme: mesmement que
 les autres Voisins amis len aduisoient, et

Tom. II.

N

par-

parloient en son absence. Quant le bon homme se sentit ainfi aigrement reprins de ses Voisins, et qu'ilz luy blasmoient le repaire du Curé en sa maison, force luy fut de dire au Curé que se deportast de hanter en sa maison : et de fait luy deffendit par motz exprés et menaces que jamais ne s'y trouuast s'il ne luy mandoit, affermant par grant serment que s'il luy trouuoit, il compteroit avecques luy et le feroit retourner outre son plaisir, et sans sauoir gré. La deffence desplut au Curé plus que je ne vous scauroie dire : mais nonobstant qu'elle fut aigre, pourtant ne furent les amourettes rompuës car elles estoient si profond enracinées és cueurs des deux parties que impossible estoit les rompre ne desjoindre. Or oyez comme nostre Curé se gouerna apréz que la deffence luy fut faite. Par l'ordonnance de sa Dame, il print regle et coustume de la venir visiter toutes les fois qu'il sentoit le marry absent ; mais lourdement sy conduisit, car il n'eust sceu faire la visitacion sans le sceu des Voisins qui auoient esté cause de la deffence ausquelz le fait desplaisoit autant que s'il leurs eut touché. Le bonhomme fut de rechief aduertty que le Curé alloit estaindre le feu a son Hostel comme auparauant de

de la deffence. Nostre simple Mary oyant ce , fut bien esbahy et encores plus couroucé la moitié, lequel pour y remedier pensa tel moyen que je vous diray. Il dist a sa Femme qu'il vouloit aller vng jour , tel qu'il nomma, mener a Saint Omer vne charette de blé, et que pour mieux besongner , il y vouloit luy mesme aller. Quant le jour nommé qu'il deuoit partir fut venu, il fist ainsy qu'on a de coustume en Picardie spécialement és Marchés d'autour Saint Omer : chargea son Chariot de blé a minuit, et a celle mesme heure voulut partir et print congé de sa Femme, et vuida avec son Chariot; et si tost qu'il fut hors, sa Femme ferma tous les huys de sa maison. Or vous debuez entendre que nostre Marchand fist son Saint Omer chez l'vng de ses amys qui demouroit au bout de la Ville, ou il allast arriuer et mist son Chariot en la Cour dudit amy, que scauoit toute la trainée, lequel il enuoya pour faire le guet et escouter tout entour de sa maison pour veoir se quelque Larron y viendrait. Quant il fut la' arriué, il se tapit au coin d'vne forte haye, duquel lieu il veoit toutes les entrées de la maison dudit Marchant, dont il estoit Seruiteur et grant amy; en ceste partie guères neut escouté que vecy, Maistre Curé que

vint pour allumer sa chandelle, ou pour mieulx dire lestaindre, et tout coyement et doucement heurter a l'huys de la Cour, lequel fut tantost ouy de celle que n'auoit talent de dormir a celle heure, laquelle sortit habillement en chemise, et vint mettre dedans son Confesseur: et puis ferme l'huys le menant au lieu, ou son Mary deust auoir esté. Or reuenons a nostre guet, lequel quant il apperceut tout ce qui fut fait se leua de son guet, et sen alla sonner sa trompette et declaira tout au bon Mary, surquoy incontinent conseil fut prins et ordonné en ceste maniere. Le Marchant de blé faignit retourner de son voyage avec son Chariot de blé pour certaine aduenture qu'il doubtoit luy aduenir. Si vint heurter a sa porte et hucher sa Femme que se trouua bien esbahye quant elle ouyt sa voix: mais tant ne le fut quelle ne print bien le loisir de mussier son amoureux le Curé en vng Casier que estoit en la Chambre: et pour vous donner entendre quelle chose est vng Casier, c'est vng garde mengier en la facon d'une Huche long et estroit pour raison et assés profond; et après que le Curé se fut mussé ou l'en mussé les oeufs et le beure, le fourmaige et autres telles vitailles, la vaillante Mesnagere comme moitié

tié

tié dorm
nant son
mon bon
auoir qu
nement il
te vostre
le moy. L
Chambre
retour. C
Curé c'e
tenca a
son voyag
qu'il auoit
trés fort el
appelle co
en moyen
toit retou
trouué ho
estoit ven
estoit son l
changer. I
gnacion d
elle heure
garder se f
compaign
acheué les
Dame s'el
dont vous

tié dormant, moitié veillant se presenta devant son Mary a l'huy et luy dist : Helas ! mon bon Mary quelle aduventure pouéz vous auoir que si hastiuement retournéz ? Certainement il y a aulcun que ne vous laisse faire vostre voyage. Helas ! pour Dieu dictes le moy. Le bon homme voulut aller en sa Chambre et illec dire les causes de son hastif retour. Quant il fut ou il cuydoit trouuer son Curé c'est a scauoir en sa chambre, commenca a comter les raisons du retour de son voyage. Premier dist, pour la suspicion qu'il auoit de la desfloyauté d'elle, craignoit très fort estre du rang de bleus vestus qu'on appelle communement nos amys, et que au moyen de ceste suspicion estoit il ainfty tost retourné. Item, que quant il s'estoit trouué hors de sa maison, autre chose ne luy estoit venu au deuant, sinon que le Curé estoit son Lieutenant, tandis qu'il alloit marchander. Item, pour experimenter son imagination dist qu'il estoit ainsi retourné et a celle heure voulut auoir la chandelle et regarder se sa femme osoit bien coucher sans compaignie en son absence. Quant il eut acheué les causes de son retour la bonne Dame s'escria disant, ha ! mon bon Mary, dont vous vient maintenant ceste vaine ja-

N 3

lousie?

lousie? Auez vous aperceu en moy autre chose qu'on ne doit ne juger d'une bonne loyale et prudente Femme? Helas! que maudite soit l'heure que oncques ie vous congneuë pour estre suspecionnée de ce que mon cuëur ne sceut penser, vous me congnoissez mal, et ne scauez vous combien net et entier mon cuëur veult estre et demourer? Le bon Marchant eut peu estre contraint de ses bourdes, fil n'eut rompu la parolle: sy dist qu'il vouloit guerir son ymaginacion et incontinent vint chercher et visitter les Cornets de sa Chambre au mieux qu'il fut possible, mais il ne trouua point ce qu'il queroit. Adonec se donna garde du Casier, et jugea que son Compaignon y estoit, et sans en monstrier semblant hucha sa Femme et luy dist, ma mye, a grant tort je vous ay suspecionnée de me estre desloyalle, et que telle ne foyez que ma faulse ymaginacion me aporte: toutesfois, ie suis si aheurté et enclin a croire et m'arrester a mon opinion que impossible me est de jamais estre plaissamment avec vous: et pource je vous prie que foyez contente que la separation soit faite de nous deux, et que amoureusement partissions nos biens communs par esgalle porcion. La Gouge qui desiroit assés le marché affin que
plus

plus aysement se trouua avec son Curé accorda sans guères faire difficulté a la requeste de son Mary, par telle condicion toutesfois quelle faisant la partition des meubles elle commenceroit et feroit le premier choix. Et pour quelle raison, dist le Mary voulez vous choisir la premiere? C'est tout contre tout droit et justice. Ils furent long tems en difference pour choisir, mais a la fin le Mary vainquist, car il print le Casier, ou il n'y auoit que fians, tartes et fromaiges, et autres menuës virailles, entre lesquels nostre Curé estoit enseuely, lequel oyoit les bons deuis qui a ceste cause se faisoient. Quant le Mary eut choisy le Casier, la Dame choisit la Chaudiere, puis le Mary vng autre meuble; puis elle consequemment jusqua ce que tout fut party et porcionné, après laquelle porcion faicte le bon Mary dist; Je suis content que vous demourés en ma maison jusqua ce que vous aurés trouué logis pour vous, mais de ceste heure je vuëil emporter ma part, et la mettre a l'hostel d'vng de mes Voisins. Faictes en, dist elle, a vostre bon plaisir. Il print vne bonne corde et en lia et adouba son Casier, et fist venir son Charretton a qui il fist atteller son Casier a vng che-

ual, et luy chargea qu'il mena a la maison d'vng tel fondit sien Voisin. La bonne Dame tout oyant ceste deliberacion laissoit tout faire, car de donner conseil au contraire ne se osoit aduanciér doubtant que le Casier ne fut ouuert; si habandonna tout a telle aduenture que souruenir pouoit. Le Casier fut ain sy que dist est attellé au cheual, et mené par la ruë pour aller a l'Hostel ou le bon homme l'auoit ordonné: mais guéres n'allast que le Maistre Curé a que les oeufs et le beure creuoient les yeux, cria pour Dieu mercy. Le Charton oyant ceste piteuse voix raisonnante du Casier, descendit tout esbahy, et hucha les Gens et son Maistre qui ouvrirent le Casier, ou ilz trouuerent ce pource prisonnier, doré et empapiné d'oeufs de fromaige et de lait et autres choses plus de cent. Ce pource amoureux estoit tant piteusement appointé qu'on ne scauoit duquel il auoit le plus. Et quant le bon Mary le vit en ce point il ne se peut contenir de rire, combien que couroucé deust estre, si le laissa courir, et vint a sa Femme monstrier comment il auoit eu tort d'estre suspeconneux de sa faulse desloyauté. Elle qui se vit par exemple vaincüe cria mercy et il luy fut pardonné par telle con-

dicion

dicion c
elle fust
me autre
auoit est
et après
temps;
ne scay
lequel p
comme
fiet.

dition que se jamais le cas luy aduenoit que elle fust mieulx aduiseé, de mettre son homme autre part que ou Casier. Car le Curé en auoit esté en peril de estre a tousjours gasté, et après ce ils demourerent ensemble long temps; et raporta l'Homme son Casier, et ne scay point que le Curé si trouua depuis lequel par le moyen de ceste aduerture fut comme encores est appellé sire Vadin Casier.



NOUVELLE LXXIV.
LE CURE

TROP RESPECTUEUX,

A Insy que naguères Monseigneur le
Seneſchal de Boulennois cheuauchoit
parmy

parmy le Pays d'une Ville a l'autre en passant par vn Hamelet ou l'en sonnoit au Sacrement, et pource qu'il auoit doubté de non pouoir venir a la Ville ou il contendoit en temps pour ouyr Messe, car leur estoit prest de midy, il s'aduisa qu'il descendroit audit Hamelet pour veoir Dieu en passant. Il descendit a l'huys de l'Esglise, et puis s'en alla rendre assés prés de l'Autel, ou l'en chantoit la grande Messe et si prochain se mist du Prestre qu'il le pouoit en celebrant de costiere apperceuoir. Quant il eut leué Dieu et Calice, et fait ainsy qu'il appartenoit pensant a part luy après qu'il eut perceu Monseigneur le Seneschal estre derriere luy et non sachant se a bonne heure estoit venu pour veoir Dieu leuer ayant touttefois opinion qu'il estoit venu tard, appella son Clerc et luy fist allumer arriere la torche, puis en gardant les Cerimonies qu'il fault garder, leua encores vne fois Dieu, disant que c'estoit pour Monseigneur le Seneschal; et puis ce fait, proceda oultre jusqu'a ce qu'il fut paruenue a son *Agnus Dei*, lequel quant il eut dit trois fois, et que son Clerc luy bailla la Paix pour baiser, il la refusa, et en rabrouiant très bien son Clerc, il dit qu'il ne scauoit ne bien ny hon-

honneur, et la fit bailler a Monseigneur le Senechal, qui la refusa de tout point deux ou trois fois. Et quant le Prestre vit que Monseigneur le Senechal ne vouloit prendre la Payx devant luy, il laissa Dieu qu'il tenoit en ses mains, et print la Paix qu'il apportoit a mondit Seigneur le Senechal, et il luy dist que s'il ne la prenoit devant luy il ne la prendroit ja luy mesme et ce n'est pas dist le Prestre raison que j'aye la Paix devant vous. Adonc Monseigneur le Senechal voyant que sagesse n'auoit illec lieu se accorda au Curé et print la Paix premier, puis le Curé après, et ce fait s'en retourna parfaire sa Messe de ce qui restoit, et puis c'est tout ce que on m'en a racompté.

NOU-



NOUVELLE LXXV.
LA MUSETTE.

Par aucun temps de la guerre des deux parties les vngs nommés Bourgoignons, les autres Armignacz, il aduint en la Ville de Troye

Troye vne assez gracieuse aduenture qui très bien vault le réciter, et mettre en compte qui fut telle. Ceulx de Troye pour lors que onques parauant ils eussent esté Bourgoignons c'estoient tournés Armignacz en entre eulx auoit conuersé vng Compaignon a demy fol, non pas qu'il eut perdu l'entiere congnoissance de Raison, mais a la verité il tenoit plus du costé de Dame Folie qu'il ne tenoit de raison, combien que aucunneffois il executast, et de la main et de la bouche plusieurs besongnes que plus faige que luy n'eust sceu acheuer. Pour venir donc au propos encommené, le Galant deffusdit estoit en garnison avec les Bourgoignons a Sainte Mencho, mist vne journée en terme a ses Compaignons, et leurs commença a dire, que s'ils le vouloient croire qu'il leur bailleroit bonne doctrine pour attrapper vng Hoste des lourdiers de Troye lesquelz a la verité ilz hayoit mortellement, et ilz ne l'aymoient guères, mais le menassoient toujours de pendre s'ils le pouoient tenir. Vecy qu'il dist, je m'enyray deuers Troye, et m'aproucheray des Faulx-Bours, et feray semblant d'espier la Ville, et de taster de ma lance les fossés et si près de la Ville me tireray que ie feray prins.

Je

Je suis seur si tost que le bon Bailly me tiendra qu'il me condamnera a pendre et nul de la Ville ne sy opposera pour moy car ilz me hayent trestous, ainisy feray ie bien matin au Gibet, et vous soiez embusqués au Bosquet qui est au plus près dudie Gibet, et tantost que vous orrés venir moy et ma Compaignie vous sauldrés sur l'assemblée, et en prendrés et tiendrés a vostre voulenté, et me deliurés de leurs mains. Tous les Compaignons de la garnison s'y accorderent très voulentiers, et luy commencerent a dire que puis qu'il osoit bien entreprendre cette aduventure que ilz ayderoient a la fournir aux mieulx qu'ils scauroient, et pour abreger le gentil folastre saprocha de Troye, comme il auoit deuant dit, et aussi comme desiroit fut prins dont le bruit s'espandit tost parmy la Ville et ny eut celuy qui ne le condamnaist a pendre : mesmement le Bailly si tost qu'il le vit dist et jura par ses bons Dieux qu'il sera pendu par la gorge. Helas ! Monseigneur, disoit il, ie vous requiers mercy ie ne vous ay rien meffait. Vous mentéz Ribault, dist le Bailly, vous avez guidé les Bourgoignons en ceste Marche, et avez accusé les Bourgeoys et bons Marchands de ceste Ville ;

Ville : vous en aurés vostre payement, car vous en serés au Gibet pendu. Ha ! pour Dieu, Monseigneur, dist notre bon Compaignon puis qu'il faut que ie meures au moins qu'il vous plaise que ce soit bien matin, et qu'en la Ville ou jay tant eu de congnissance et d'acointance ie ne recoiue trop publique punicion. Bien dist le Bailly on y pensera. Le lendemain dés le point du jour le Bourreau avec la Charette fut deuant la prison ; ou il n'eust guère esté que vecy venir le Bailly a cheual et ses sergens et grant nombre de gens pour l'accompaigner, et fut nostre homme, mis, trouffé et lié sur la Charette, et tenant sa Musette dont il jouïoit constumierement on le maine deuers la Justice, ou il fut plus accompaigné que beaucoup d'autres n'eussent esté tant estoit hay en la Ville. Or deuez vous scauoir que les Compaignons de la garnison de Saincte Meneho noublièrent point eulx embuscher au boys auprès de la Justice, dés la minuyt, tant pour sauuer l'homme quoy qu'il ne fust pas des plus sages, comme pour gagner prisonniers et autre chose'ilz pouoient. Eux la doncques arriuez disposerent de leurs besongnes comme de guerre et ordonnerent vng guet sur

vng

vng art
de Tro
te ainfi
devoir.
flice de
ment q
da qn'o
que est
gnons
ces Ril
son
niere,
voit rie
ment q
Prêtre.
le ; et
scair, re
c'estoit
né pou
devoien
ne scau
homme
nier jou
fist ses
hart au
il vit c
bien P
Baillif
Tom

vng arbre qui leurs deuoit dire quant ceux de Troye seroient a la Justice. Ceste Guette ainsi mise et logée dist qu'elle feroit bon deuoir. Or sont descendus ceulx de la Justice deuant le Gibet, et le plus abregeé-ment que faire se peult. Le Baillif commanda qu'on déspechast nostre pource Coquart que estoit bien esbahy ou ses Compaignons estoient qui ne venoient ferir dedans ces Ribaulx Armignaz. Il n'estoit pas bien a son aise, & regardoit deuant et derriere, et le plus vers le Bois, mais il n'oyoit riens. Il se confessa le plus longuement qu'il peut, touttefois il fut osté du Prestre, et pour abrégier monta sur l'eschelle; et luy la venu bien esbahy, Dieu le scait, regarde tousjours vers ce Boys, mais c'estoit pour néant; car la Guette ordonnée pour faire faillir ceux que recourre le deuoient estoit endormie sur cest arbre, si ne scauoit que dire ne que faire ce pource homme, sinon qu'il pensoit estre a son dernier jour. Le Boureau a certaine piéce après fist les preparatoires pour luy boutter la hart au col pour le déspecher. Et quant il vit ce il se aduifa d'vng tour qui luy fut bien proufitable et dist: Monseigneur le Baillif, ie vous prie pour Dieu, que auant

Tom. II. O qu'on

qu'on me te plus la main a moy, que ie puisse jouier vne chanson de ma Musette, et ie ne vous demande plus autre chose, ie suis après content de mourir, et vous pardonne ma mort et a tout le monde. Ceste requoste luy fut passéé, et sa Musette luy fut en haut portée, et quant il la tint, le plus a loisir qu'il peut, il la commença sonner et jouier vne chanson que ceulx de la Garnison dessusdicte congnoissoient tres bien, et y auoit, tu demeures trop Robin tu demeures trop; et au son de la Musette la Guette s'esueilla, et de paour quelle eut se laissa cheoir du haut en bas de l'arbre ou elle estoit, et dist on pend nostre homme, auant, auant, hastez vous tost, et les Compaignons estoient tous prêts; et au son d'une Trompette saillirent tous hors du Boys, se vindrent fourer sur le Baillif, et sur tous ceux qui deuant le Gibet estoient. Et a cest effroy le Boureau fut tant espedu qu'il ne scauoit ne eust oncques d'aduis de luy boutter la hant au col ne le boutter jus, mais luy pria qu'il luy sauua la vie, et qu'il eut fait tres voulentiers, mais il ne fut en sa puissance, trop bien y fist autre chose et meilleure, car luy que estoit sur l'eschelle, crioit a ses Compaignons prenez

nez cestuy ca, prenez cestuy la, vng tel est riche, vng tel est mauuais, brief les Bourgoignons en tuèrent vng grant tas en la venuë de ceux de Troye et prindrent des prisonniers vng grant nombre, et fauuerent leur homme en la facon que vous oyez que leurs dist que jour de sa vie n'eust si belles affres qu'il auoit a ceste heure eues.



NOUVELLE LXXVI.

LE LAQS

D'AMOUR.

L'On m'a plusieurs fois dist et racompté
par Gens dignes de foy vng bien gra-
cieux

cieux cas dont ie fourniray vne petite Nouvelle, sans y descroitre ne adjouster chose que ce que sert au propos. Entre les autres Cheualiers de Bourgoigne en y auoit vng naguères lequel contre la coustume et vsage du Pays tenoit a pain et a pot vne Damoiselle belle et gente en son Chasteau que point ne vuëil nommer. Son Chappellain qui estoit jeune et frais voyant ceste belle fille n'estoit pas si content que souuent ne fut par elle tempté et en deuint amoureux, et quand il vit mieulx son point compta sa ratelleé a la Damoiselle qui estoit plus fine que monstarde; car la mercy Dieu elle auoit rodé, et couru le pays tant que du monde ne scauoit que trop. Elle pensa bien en soy mesme que s'elle accorderoit au Prestre sa requeste que son Maistre qui veoit cler, quelque moyen que elle scauroit trouver, il s'en donneroit bien garde, et ainsi perderoit le plus, pour le moins: si delibera de descouurer l'embusche a son Maistre, lequel quant il le sceut n'en fist que rire; car assés s'en doubtoit attendu le regard, déuis et ésbatement qu'il auoit veu entre culx deux; ordonna neantmoins a sa Gouge qu'elle entretenist le Prestre sans faire la courtoisie. Et si fist elle si bien que

O 3

nostre

nostre Sire en auoit tout au long du bras, et nostre bon Cheualier souuent luy disoit : Pardieu nostre Sire vous estes trop priué de ma Chamberiere , ie ne scay qu'il y a entre vous deux , mais se ie scauoye que vous y pourchassissiez a mon desauantaige par Nostre-Dame ie vous pugniroye bien: En verité Monseigneur, respondit Maistre *Domine* , ie ny chalange ne demande riens, ie me deuise a elle, et passe temps comme font les autres de ceans , mais oncques jour de ma vie ne la requis d'amours ne d'autres choses. Pourtant le vous dy ie, ce dist le Seigneur, se autrement en estoit ie n'en seroye pas content. Se nostre *Domine* en auoit bien pourfuy auparauant ses parolles , plus aigre et a toute force continua la poursuite; car ou qu'il rencontra la Gouge de tant près la tenoit, que contraincte estoit, voulüst ou non, donner l'oreille en sa douce requeste; et elle duite et faicte a l'esperon et a la lance , endormoit nostre Prestre et en son amour tant fort le bouttoit qu'il eut pour elle vng Ogier combatu. Si tost que de luy s'estoit saulueé, tout le plaidoyé d'entre eulx deux estoit au Maistre par elle racompté pour plus grant plaisir en auoir, et pour faire la farce au vif,

vif, et bien tromper son Chapelain, il commanda a sa Gouge quelle luy assignast jour-
 née d'estre en la ruëlle du lit ou ilz cou-
 choient et luy dist: si tost que Monseigneur
 sera couché, ie feray ce que vous voul-
 drez, rendez vous donc en la ruëlle du lit
 tout doucement. Et fault, dist il, que tu
 luy laisses faire, et moy aussi, ie suis seur
 que quant il cuidera qui ie dorme que il
 ne demourera guères que il ne t'enferres,
 et jauray apresté a l'environ de ton deuant
 le laqs joly ou il sera attrappé. La Gouge en
 fut joyeuse, et bien contente, et fist son
 raport a nostre *Damne*, qui jour de sa vie
 ne fut plus joyeux, et sans penser ne yma-
 giner peril ne dangier ou il se boutoit,
 comme en la Chambre de son Maistre, au lit
 et a la Gouge de son Maistre toute la raison
 estoit de luy a ce arriere mise, seulement
 luy chailloit d'accomplir sa folle volenté,
 combien que naturelle est de plusieurs ac-
 coustumeé. Pour faire fin a long procès,
 Maistre Prestre vint a leure assignée bien
 doucement en la ruëlle Dieu le scait, et sa
 Maistresse luy dist tout bas: Ne sonnez
 mot, quant Monseigneur dormira bien, fort
 ie vous toucheray de la main, et viendrés
 emprés moy. En la bonne heure, ce dist il.

Le bon Cheualier que a ceste heure ne dor-
moit mie se tenoit a grant paine de rire,
Touttefois pour parfaire la farce il s'en gar-
da et comme il auoit proposé et dit, il ten-
dit son fil ou son laqs lequel quon veut,
tout a l'endroit de la partie ou Maistre Pre-
stre auoit plus grant desir de se heurter.
Or est tout prest et nostre *Domine* apellé,
et au plus doucement qu'il peult entra de-
dans le lit, et sans plus barguigner il monte
sur le tas pour veoir plus loing. Si tost qu'il
fut logié le bon Cheualier tire son laqs bien
fort, et dist bien hault : Ha ! Ribault Prestre
estes vous tel ? Et bon Prestre a soy retirer,
mais il ne alla guères loing, car l'instrument
qu'il vouloit accorder au bedon de la Gou-
ge estoit si bien enueloppé du laqs, qu'il n'a-
uoit garde d'eslongner, dont si tres esba-
hy se trouua qu'il ne scauoit sa contenance
ne que luy estoit a aduenir, de plus fort
tiroit son Maistre le laqs que grant douleur
luy eust esté, se paour et esbahissement ne
luy eussent tollu tout sentement. A petit de
pièce il reuint a luy, et sentit tres bien ses
douleurs, et bien piteusement cria mercy,
a son Maistre que tant grant fain auoit de
rire que a peine scauoit il parler. Si luy dist
il neantmoins après qu'il feut auant en la
Cham-

Chambr
Sire et
vous se
roit irrei
pond il
cause de
alla et N
ce que l
chez qu
Prestre
estre qu
Gouge e
science a
tellement
valut pis
Au surpl

Chambre, parbondy allez vous en nostre Sire et ne vous aduiengne plus, ceste fois vous sera pardonné; mais la seconde seroit irremissible. Helas ! Monseigneur, se respond il, jamais ne m'aduiendra, elle est cause de ce que j'ay fait. A ce coup, il s'en alla et Monseigneur se recoucha qui acheua ce que l'autre auoit commencé. Mais faichez que oncques puis ne si trouua le bon Prestre au sceu du Maistre. Il peult bien estre que en recompense de ses maux la Gouge en eut depuis pitié, et pour sa conscience acquitter, luy presta son bedon, et tellement s'accorderent que le Maistre en valut pis tant en biens comme en honneurs. Au surplus ie me tais et a tant ie fais fin,



L. Schmitt

NOUVELLE LXXVII.
 LA ROBBE
 SANS MANCHES.

VN Gentilhomme des Marches de Flan-
 dres auoit sa Mere bien ancienne, et
 tres

tres fort debilitée de maladie, plus languissant et vivant a malaise que nulle autre Femme de son aage esperant d'elle mieulx valloir et amender, et combien que és Marches de Flandres il fist sa residence, si la visitoit il souuent, et a chascune fois que vers elle venoit tousjours estoit de mal oppresseé, tant quelle en cuidast que lame en deust partir. Et vne fois entre les autres, comme il estoit venu veoir elle, au partir luy dist : Adieu mon filz, je suis seur que jamais ne me verrés, car ie m'en vois mourir. A Dea ! Mademoiselle ma Mere, vous m'avez tant de fois ceste leçon recorderé, que i'en suis saoul, et a trois ans passez que tousjours ainsi m'avez dit, mais vous n'en avez rien fait, prenez bon jour je vous en prie, si ne faillez point. La bonne Damoiselle oyant de son filz la responce quoyque malade et vieille fust, en soubzriant luy dist Adieu. Or se passerent puis vng an, puis deux ans tousjours en languissant. Ceste Femme fut arriere de sondit filz visitée et vng soir comme en son lit en l'Hostel d'elle estoit couché, tant oppresseé de mal qu'on cuidast bien quelle allast a mortaigne, si fust ce bon filz appellé de ceulx que sa Mere gardoient et luy dirent que en haste a sa Mere venist,

venist; car seurement elle s'en alloit. Dictes vous donc, dist il, qu'elle s'en va, par ma foy, ie ne l'ose croire, tousjours dit elle ainsi, mais riens n'en fait. Nenny, nenny, dirent ses gardes, c'est a bon escient, venez vous en, car on veoit bien qu'elle s'en va. Je vous diray, dist il, alléz vous en deuant et ie vous suyura, et dictes bien a ma Mere puis quelle s'en veult aller, que par Douïay point ne s'en aille, que le chemin est trop mauuais, a peu que deuant hyer moy et mes cheuaux n'y demourasmes. Il se leua neantmoins, et hougé de sa Robbe longue se mist en train pour aller veoir se sa Mere feroit la derniere et finable grimace. Luy la venu, la trouua fort malade et mal disposée, pasé auoit subite faulte que la cuidoit bien emporter, mais Dieu mercy, elle estoit vng petit mieulx. Nest ce pas ce que ie vous dy, commence a dire ce bon filz, l'en dit tousjours ceans et si fait elle mesme qu'elle se meurt et riens n'en fait? Prenné bon terme de pardieu, comme tant fois luy ay dit, et si ne faille point, ie m'en retourne dont ie viens; et si vous aduise que plus ne m'appellez s'elle deuoit s'en aller toute seule si ne luy feray ie pas a ceste heure compaignie. Or conuient il que ie vous compte
la

la fin de mon entreprise. Ceste Damoiselle ainsi malade, que dist est, reuint de ceste extremme maladie, et comme auparavant depuis vesquit en languissant l'espace de trois ans pendant lesquels le bon filz la vint veoir d'auanture vne fois, et au point qu'elle rendit l'esperit. Mais le bon fut quant on le vint querir pour estre au trépas d'elle, il vestoit vne Robbe neufue, et ny voulut aller, messages sur aultres venoient vers luy, car sa bonne Mere qui tiroit a sa fin le vouloit veoir et recommander aussi son ame. Mais tousjours aux messagers respondoit, je scay bien qu'elle n'a point de haste, qu'elle n'attende bien que ma Robbe soit mise a point. En la parfin tant luy fut remonstré qu'il s'en allast tantost deuers sa Mere, sa Robbe vestuë sans les manches, lequel quant en ce point fut d'elle regardé, luy demanda ou estoient les manches de sa Robbe? Et il dit elles sont la dedans que n'attendent a estre parfaictes sinon que vous descombréz la place. Elles seront donc tantost acheuées, ce dist la Damoiselle; je men vois a Dieu auquel humblement mon ame recommande et a toy aussi mon filz. Lors rendit l'ame a Dieu sans plus mot dire la Croix entre ses bras, laquelle chose voyant

voyant son bon filz commenca tant fort
a plourer que jamais ne fut veu la pareille,
et ne le pouoit nul reconforter, et tant
en fist que au bout des quinze jours il mou-
rut de dūcil.

NOU-



NOUVELLE LXXVIII.
LE MARI
CONFESSEUR.

OU bon Pays de Brabant qui est bonne
Marche et plaisante, fournie, adroite
et

et bien garnie de belles filles, et bien faiges coustumierement, et le plus et des hommes on veult dire et se trouue assez veritable que tant plus viuent que tant plus sont foz. N'aguères aduint que vng Gentilhomme en ce point né et destiné il luy print vouldenté d'aller oultre mer voyager en diuers lieux, comme en Cypre en Rhodes et és Marches d'environ, et au dernier fust en Jherusalem ou il receut l'ordre de Cheualerie. Pendant lequel temps de son voyage sa bonne Femme ne fut pas si oyseuse quelle ne presta son *Quoniam* a troys Compaignons, lesquels comme a tout seruent par temps et termes eurent audience et tout premier vng gentil Escuyer, fréz et frisqué et en bon point qui tant remboura son bras a son chier coust et substance tant de son corps comme en depence de pecune; car a la verité elle tant bien le pluma qu'il n'y faillioit point renvoyer, qu'il s'en nuya et retira, et de tous points l'abandonna. L'autre après vint qui Cheualier estoit et homme de grant bruyt que bien joyeux fut d'auoir gaigné la place et besongné au mieulx qu'il peut comme dessus moyennant du *Quibus* que la Gouge tant bien scauoit auoir, que nul autre ne la passoit: et brief se l'Escuyer qui auparauant auoit

auoit la place auoit esté rongé , damp
Cheualier n'en eut pas mains. Si tourna bride
et print congié et aux autres habandonna la
queste. Pour faire bonne bouche la bonne
Damoiselle d'vng Maistre Prestre s'accointa,
et quoy qu'il fut subtil de son argent bien gar-
der, si fut il raconné de Robbes, de Vaiselle
et des autres Bagues largement. Or aduint,
Dieu mercy, que le vaillant Mary de ceste
Gouge fist scauoir sa venuë, et comme en
Jherusalem auoit esté fait Cheualier. Si fist
sa bonne Femme l'Hostel apprestier, tendre,
parer et nettoyer au mieulx qu'il fut possi-
ble. Briéftout estoit bien net et plaisant fors
elle seulement : car le plus de Butin qu'elle
auoit a force de rains gagné auoit acquis
Vaiselle, Tapissierie et d'autres Meubles assez.
A l'arriué qu'il fit le doux Mary, Dieu scait
la ioye et la feste qu'on luy fist, celle en
especial qui le mains en tenoit compte, c'est
a scauoir sa vaillante Femme. Je passe tous
ses biens veillans et viens a ce que Monsei-
gneur son Mary quoy Coquart qu'il fut, si
se donna garde de foison de Meubles, que
auant son partement n'estoient pas leans.
Vint aux Coffres aux Buffets, et en assez
d'autres lieux et treuve tout multiplié dont
le hutin luy monta en la teste, et de prin-

fault son cueur en voulut descharger ; si s'en
 vint eschauffé et malméu deuërs sa bonne
 Femme , et luy demanda tantost d'ou sour-
 doient tant de biens comme ceulx que j'ay
 dessus nommez. Saint Jehan ! Monseigneur ,
 ce dist ma Dame , cè nest pas mal deman-
 dé, vous auez bien causé den tenir telle ma-
 niere , et de vous eschauffer ainssi , il sem-
 ble que vous soyez couroucé a vous veoir ? Je
 ne suis pas bien a mon aise , dist il , car ie ne vous
 laissé pas tant d'argent a mon partir , et si ne
 pouez pas tant auoir espargné que pour auoir
 tant de vaiselle , de tapisserie , et le surplus de
 bagues que iay trouué par ceans : il fault et ie
 n'en doubte point , car jay cause , que quel-
 qu'un se soit de vous accointé , que nostre
 mesnage a ainssi remforcé. Et pardieu , Mon-
 seigneur , respond la simple Femme , vous
 auez tort que pour bien faire me mettez
 sur telle vilennie : ie vuëil bien que vous
 saichez que ie ne suis pas telle , mais meil-
 leure en tous endroits que a vous n'appar-
 tient ; et ne esse pas raison avec tout le
 mal que i'ay eu d'amasser et espargner
 pour accroistre et embellir vostre Hostel
 et le mien i'en soye reprouchée et tenceé ?
 C'est bien loing de congnoistre ma peine ,
 comme bon Mary doit faire a sa bonne
 preude

preude Femme ; telle l'auiez vous melchant malheureux dont c'est grant dommaige ; par mon ame se n'estoit pour mon honneur et pour mon ame ! Ce procès quoy qu'il fut plus long, pour vng temps cessa, et s'aduifa Maistre Mary pour estre acertené de l'estat de sa Femme qu'il feroit tant avec son Curé, que son tres grant amy estoit, que d'elle orroit la deuote Confession ; ce qu'il fist au moyen du Curé que tout conduit ; car vng bien matin en la bonne sepmaine que de son Curé pour confesser aproucha en vne Chapelle, deuant, il enuoya et a son Mary vint, lequel il adouba de son habit et l'enuoya deuers sa Femme. Se Nostre Mary fut joyeux il ne le faut ja demander ! Quant en ce point il se trouua, il vint en la Chapelle et au siege du Prestre sans mot dire entra et sa Femme d'aprocher que a genoux se mist deuant ses piez cuidant pour vray estre son Curé et sans tarder commença a dire *Benedicite* ; et nostre Sire son Mary respondit *Dominus*, au mieux qu'il sceut &c comme le Curé l'auoit appris acheua de dire ce qui affiert. Après que la bonne Femme eut dit la generale confession, elle descendit au particulier, et vint parler

ler comment durant le temps que son Mary auoit esté dehors, vng Escuyer auoit esté son Lieutenaut dont elle auoit tant en or & en argent que en bagues beaucoup amendé. Et Dieu scait qu'en oyant ceste confession, si le Mary estoit bien a son aise ! S'il eut osé, volentiers l'eust tueé, et a ceste heure touttefois affin de oüyr le surplus il eust patience. Quant elle eut dit tout au long de ce bon Escuyer, du Cheualier c'est accuseé qui comme l'autre l'auoit bien baguéé, et bon Mary qui de duél se créue ne scait que faire de soy descourrir, et bailler l'Abolution sans plus attendre : si n'en fist il riens neantmoins, print loisir descouter ce qu'il orra. Après le tour du Cheualier le Prestre vint en jeu, mais a ce coup bon Mary perdit patience et ne peut plus oüyr, si getta jus Chapron et Surplis en soy monstrant luy dist : faulx et desloyale, or voyge et congnois vostre grant trahison ! Et ne vous suffisoit il de l'Escuyer et puis du Cheualier, sans a vng Prestre vous donner qui plus me desplait que tout ce que fait auez ? Vous debuez scauoir que de prin fault ceste vaillante Femme fut esbahye, mais le loisir quelle eut de respondre tres bien, l'asseura et sa contenance si bien ordonna de maniere qu'a

louyr

loüyr a sa responce, plus asseuré estoit que
 la plus juste de ce monde disant a Dieu son
 Oraison, si respondit tantost après comme le
 Saint Esperit l'inspira, et dist bien froide-
 ment, pource Coquart, qui ainsi vous
 tourmentés, scauez vous bien pourquoy?
 Or oyez moy, s'il vous plaît: et pensés vous
 que ie ne sceusse bien que cestiés vous a qui
 me confessoye? Si vous ay serui comme le
 cas le requeroit, et sans mentir de mot vous
 ay tout confessé mon cas, vecy comment
 de l'Escuyer me suis accusée, et cestes vous,
 quant vous meustes en mariage vous estiez
 Escuyer, et lors feistes de moy ce qu'il vous
 pleut: le Cheualier aussy dont jay touché
 c'estes vous, car a vostre retour vous m'a-
 uez fait Dame; et vous estes le Prestre aussy,
 car nul se Prestre, n'est ne peut ouyr con-
 fession. Par ma foy, ma Mie, or m'avez vous
 vaincu et bien monstéré que sage vous estes
 et a tort vous ay chargée dont je me re-
 pens et vous en cry mercy, promettant de
 l'amender a vostre dit legièremment. Il vous
 est pardonné ce dist sa Femme puis que le
 cas vous congnoissez. Ainisy qu'avez ouy
 fut le bon Cheualier deceu par le subtil en-
 gin de sa Femme.



NOUVELLE LXXIX.

L' A N E

RETROUVE.

AU bon Pays de Bourbonnois ou de
coustume les bonnes besongnes se font,
auoit

auoit l'autre hyer vng medecin, Dieu scait quel! Oncques Ypocrate ne Galien ne pratiquerent ainſy la ſcience comme il faiſoit. Car en lieu de Ciros, et de Breuuages, et de Electuaires et de cent mille autres beſongnes que Medecins ſcaient ordonner tant a conſeruer la ſanté de l'Homme que pour la recouurer ſe elle eſt perduë, ce bon Medecin de quoy je vous parle ne viſoit ſeulement que d'une maniere de faire, c'eſt a ſcauoir de bailler Clifteres. Quelque maniere qu'on luy apportast, il faiſoit tousiours bailler clifteres, et touttefois ſi bien luy venoit en ſes beſongnes et affaires que chaſcun eſtoit très bien content de luy et guarissoit chaſcun, dont ſon bruit crut et augmenta tant et en telle maniere que on l'appelloit Maistre Jehan par tout, tant es maiſons des Princes et Seigneurs comme és groſſes Abahyes et bonnes Villes. Et ne fut oncques Ariſtote ne Galien ainſi auctorifé par eſpecial du commun peuple que ce bon Maistre deſſusdit. Et tant monta ſa bonne renommée que pour toutes choſes on luy demandoit conſeil et eſtoit tant embeſongné inceſſamment qu'il ne ſcauoit auquel entendre. Se une Femme auoit mauuais Mary rude et diuers, elle venoit au remede vers

ce bon Maistre; bréf de tout ce dont on peult demander bon conseil de homme, nostre bon Medecin en auoit la hueé, et venoit on a luy de toutes parts pour enseigner les choses perduës. Aduint vng jour que vng bon simple homme champestre auoit perdu son Asne, et après la longue queste d'yceluy, sy s'aduifa vng jour de tirer vers celuy Maistre qui très saige estoit, et a leure de sa venue estoit tant enuironné de peuple qu'il ne scauoit auquel entendre. Ce bon homme neantmoins rompit la presse et en la presence de plusieurs luy conta son cas, c'est a scauoir de son Asne qu'il auoit perdu, priant pour Dieu qu'il luy voulsist radrecier. Ce Maistre qui plus aux autres entendoit oyant le bruyt et son de son langaige se vira deuers luy cuydant qu'il eut aucune enfermeté, et affin d'en estre despeché dist a ses gens baillez luy vng Clistere; et le bon simple Homme que l'Asne auoit perdu non saichant que le Maistre auoit dit, fut prins des gens du Maistre que tantost comme il leurs estoit chargé luy baillerent vng clistere dont il fut bien esbahy, car il ne scauoit que c'estoit. Quant il eut ce Clistere tel qu'il fut dedans son ventre, il pique et s'en va sans plus demander son Asne cuidant certainement par ce le trouuer.

uer. Il n'eut guères allé auant que le ventre
 luy broüilla tellement qu'il fut contraint de
 soy boutter en vne vieille masure inhabitee
 pour faire ouuerture au Clistere que deman-
 doit la clef des champs, et au partir qu'il
 fist il mena si grant bruit que l'Asne du po-
 ure homme que passoit assés prés comme es-
 garé commenca a reclamer et crier, et bon
 homme de s'auancer de leuer sus et chanter
Te Deum Laudamus, et venir a son Asne qu'il
 cuidoit auoir retrouué par le Clistere que luy
 auoit fait bailler le Maistre qui eut encores
 plus de renommée sans comparaison qu'au-
 parauant; car des choses perduës on le te-
 noit vray Enseigneur et de toute science aus-
 sy le parfait Docteur, combien que d'vng seul
 Clistere toute ceste renommée vint.



NOUVELLE LXXX.

LA BONNE

M E S U R E.

Naguères que és Marches d'Allemai-
gne comme pour vray oüy naguères
racompter

racompter a deux Gentils et Nobles Seigneurs dignes de croire , que vne jeune Fil-
le , de l'aage d'environ 15. a 16. ans fut
donnée en mariage a vng loyal & gentil
Compaignon bien gracieux qui tout deb-
voir faisoit de payer le deuoir que vou-
lentiers demandent les Femmes sans mot
dire quant en cest aage et estat sont. Mais
quoy que le poure homme fist bien la be-
songne et se efforcast j'espore plus souuent
qu'il ne deust, touttefois n'estoit l'oeuvre
qu'il faisoit en aulcune maniere agreable
a la Femme ; car incessamment ne faisoit
que rechiner , et souuent plouroit tant
tendrement comme ce tous ses amis fus-
sent tous morts. Son bon Mary la voyant
ainsi lamenter , ne se scauoit assés esba-
hayr quelle chose luy pouoit faillir , et
luy demandoit doucement : Helas ! ma mye,
et qu'aués vous, et n'estes vous pas bien
vestuë et bien logé et bien serui de tout
ce que Gens de nostre estat peuuent par
raison desirer bien conuenablement par-
tie ? Ce n'est pas la qui me tient , dist elle.
Et quesse donc distes le moy , dist il , et se
ie y puis mettre remede pensés que ie le
feray pour y mettre corps et biens ? Le
plus des fois elle ne respondit mot , mais
tous-

tousjours rechinoit et de plus en plus triste chere matte et morne elle faisoit, laquelle chose le Mary ne portoit pas bien patiemment, quant scauoir il ne pouoit la cause de ceste doleance. Il enquist tant qu'il en sceut vne partie, car elle luy dist qu'elle estoit desplaisante de ce qu'il estoit si petitement fourny de cela que vous scauez, c'est a scauoir du baston de quoy on plante les hommes comme dist Bocace. Voire, dist il, est ce cela dont tant vous doulez? Et par Saint Martin vous auez bien cause, touttefois il ne peult estre aultre, et faut que vous en passés tel qu'il est, voire ce vous ne voulez aller au change. Ceste vie se continua vng grant temps, tant que le Mary voyant ceste obstinacion d'elle assembla vng jour a vng disner vng grant tas des amys d'elle, et leurs remonstra le cas comme il est cy dessus touchié, et disoit qu'il luy sembloit qu'elle n'auoit cause de foy douloir de luy en ce cas, car il cuydoit aussy estre bien party d'instrument naturel que Voisin qu'il eut; et afin, dist il, que i'en soye mieulx creü, et que vous voyez son tort euident je vous monstrey tout. Adonc il mist sa danrée auant sur la table deuant tous

tous et toutes, et dist vecy de quoy. Et sa Femme de plourer de plus belle. Et par Saint Jehan! dirent sa Mere, sa Sœur, sa Tante sa Cousine, sa Voisine, ma mie vous auez tort, et que demandez vous, voulez vous plus demander? Qui estce qui ne debueroit estre contente d'un Mary ainsi outillé? Ainsy maist Dieu, je me tien-droye bien heureuse d'en auoir autant, voire beaucoup moins: appaisés vous et faictes bonne chiére dorefnauant. Par-dieu vous estes la mieulx partie de nous toutes se croy ie! Et la jeune Espousée oyant le coliége des Femmes ainsy parler, leurs dist bien fort en pleurant: vecy le petit Asnon de ceans qui na guéres auecques demy an d'aage, et si a l'instrument grand et gros de la longueur d'vng bras, et en ce disant tenoit son bras par le coude, et le branloit trop bien, et mon Mary que a bien 33. ans n'en a que ce tant petit qu'il a mon-stré, et vous semble til que i'en doye estre contente? Chascun commença a rire, et elle de plus plourer tant que l'assemblée fut longuement sans mot dire. Alors la Mere print la parolle et a part dist a sa fille tant d'vnes et d'autres, que
aucu-

aucunement se contenta, mais ce fut à grant paine, et vecy la guise des filles d'Allemaigne, se Dieu plaist seront tost ainsi en France.

NOU-



NOUVELLE LXXXI.
LE MALHEUREUX.

Puis que les Comptes et Histoires des
Asnes sont acheués , je vous feray en
bref et a la verite vng gracieux Compte
d'vng

d'vng Cheualier que la plus part de vous mes bons Seigneurs congnoissez de piéca. Il fut bien vray que ledit Cheualier s'enamoura treffort, comme il est assés bien de coustume aux jeunes Gens, d'vne tres belle gente et jeune Dame, et du Cartier du Pays ou elle se tenoit la plus bruyante la plus mignonne et plus renommée; mais touttefois quelque semblant, quelque deuoir qu'il sceut faire pour obtenir la grace de celle Dame, jamais ne peust paruenir d'estre Seruiteur retenu, dont il estoit tres desplaisant et bien mary; attendu que tant ardamment, tant loyallement et tant entierement l'aymoit que jamais Femme ne le fust mieulx. Et n'est point a oublier que ce bon Cheualier faisoit autant pour elle que oncques fist Seruiteur pour sa Dame, comme de joustes, d'abillemens et plusieurs esbattements, et neantmoins, comme dist est, tousjours trouuoit sa Dame rude et mal traictable et luy monstroit moins de semblant d'amours que par raison ne deust; car elle scauoit bien et de vray, que loyallement et chiérement estoit de luy aymée. Et a dire la verité elle luy estoit trop dure, et est assez a penset qu'il procedoit de fierté, dont elle estoit plus chargée que bon ne luy feust, comme

on

on pouroit dire remplie. Les choses estant comme dit est, vne autre Dame voisine et amye de la dessusdicte voyant la queste dudit Cheualier, fut tant esprinse de son amour que plus on ne pouroit. Et, par trop bonne facon et moyen que trop long seroit a descrire, fist tant par subtilz moyens que en petit de temps le bon Cheualier s'en aperceut, dont il ne se meut que bien a point, tant cestoit fort donné auparauant a sa rebelle et rigoureuse Maistresse, trop bien comme gracieux que il estoit et bien saichant, tant sagement entretenoit celle de luy esprinse que se a la congnoissance de l'autre fut paruenue cause neust eu de blâmer son Seruiteur. Or escoutez quelle chose aduint de ses amours et quelle en fut la conclusion. Ce Cheualier amoureux, pour la distance du lieu, n'estoit si souuent auprès de sa Dame que son loyal cueur et trop amoureux desiroit; si s'aduifa vng jour de prier aulcuns Cheualiers et Escuyers ses bons amys, qui touttefois de son cas rien ne scauoient d'aller esbattre, voler et querir les liéures en la Marche du pays ou sa Dame se tenoit, saichant de vray par ses espies que le Mary d'elle n'y estoit point, mais estoit venu a la Cour ou souuent se tenoit.

Tom. II,

Q

Adonc

Adonc ce Gentil Cheualier amoureux et ces Compaignons partirent le lendemain bien matin de la bonne Ville ou la Cour se tenoit et tout querant les lièvres passèrent le temps joyeusement jusques a basses Nonnes sans boire et sans menger; & en grant haste vinrent repaitre en vng petit Village, et après le disner lequel fut court se monterent a cheual et de plus bel s'en vont querant les lièvres; et le bon Cheualier qui ne tiroit qu'a vne menoit tousjours sa brigade le plus qu'il pouoit arriere de la bonne Ville, ou ses Compaignons auoient grant enuie de retirer, et souuent luy disoient Monseigneur le vespres aproche, il est heure de retirer a la Ville; se nous ny aduison nous serons enfermés dehors, et nous fauldra gesir en vng meschant Village, et tous mourir de faim. Vous n'avez garde se disoit nostre Amoureux, il est encores assez hault heure et au fort ie scay bien vng lieu en ce quartier, ou l'en nous fera tres bonne chere, et pour vous dire, se a vous ne tient, les Dames nous festoieront le plus honnestement du monde. Et comme Gens de Cour se treuent volentiers entre les Dames, ils furent contens d'eux gouverner a l'appetit de celluy qui les auoit mis en train

train et passerent le temps querant les lièvres, et volant les perdrix tant que le jour si leurs dura. Or vint l'heure de tirer au logis, si dist le Cheualier a ses Compaignons: Tirons, tirons pais, je vous menneray bien. Enuiron vne heure ou deux de nuyt ce bon Cheualier et sa brigade arriuerent a la Place, ou se tenoit la Dame defusdicté, de qui tant estoit feru la Guide de la Compaignie qui mainte nuyt en auoit laissé le dormir. On heurta a la porte du Chasteau, et les Varlets assez tost vindrent auant, lesquelz leurs demanderent qu'ils vouloient. Et celuy a que le fait touchoit le plus print la parolle et leurs commenca a dire: Messieurs, Monseigneur et Madame, sont ils ceans. En verité respondit l'vng pour tous, Monseigneur ny est pas, mais Madame y est. Or vous luy dirés s'il vous plaist que telz, et telz Cheualiers et Escuyers de la Cour, et moy vng tel, venons d'esbattre et querir les lièvres en ceste Marche et nous sommes esgairez jusques a ceste heure que est trop tard de retourner a la Ville. Si luy prions qu'il luy plaise nous recevoir pour ses hostes, pour meshuy. Voulentiers, dist l'autre, ie luy diray. Il vint faire ce messaige a la Maistresse laquelle fist

Q 2

faire

faire la responce sans venir deuers eulx, qui fut telle. Monseigneur, dist le Varlet, Madame vous fait scauoir que Monseigneur son Mary n'est pas icy, dont il luy desplaist : car s'il y fut il vous fist bonne chiére, et en son absence elle noseroit receuoir personne, si vous prie que luy pardonnez. Le Cheualier meneur de l'assemblée penséz qu'il fut bien esbahy et tres honteux d'oüyr ceste responce; car il cuidoit bien veoir et a loisir sa Maistresse, et deuiser tout a son cueur saoul dont il se treuue arriére et bien loing; et encores beaucoup luy greuoit d'auoir amené ses Compaignons en lieu ou il s'estoit vanté de les faire festoyer. Comme faichant et gentil Cheualier, il ne monstra pas ce que son poure cueur portoit, si dist de plain vifaige a ses Compaignons : Messieurs, pardonnéz moy que je vous ay fait payer labaye, ie ne cuidoie pas que les Dames de ce Pays fussent si peu courtoises que de reffuser vng giste aux Gentilz et Nobles Cheualiers errans, prenez en patience. Je vous prometz par ma foy, de vous menér ailleurs, vng peu au dessus de ceans, ou l'en nous fera toute autre che-re. Or auant donc, dirent ilz les autres, picqués auant, bonne aduventure nous doint

doint Dieu. Et ils se mettent au chemin, et estoit l'intencion de leur guide de les mener a l'Hostel de la Dame dont il estoit le chiér tenu, et dont moins de compte il tenoit que par raison il ne deust et conclud a ceste heure de soy oster de tous points de l'amour de celle que si lourdement auoit refusé la Compaignie, et dont si peu de bien luy en estoit adueni en estant en son Seruice, et se delibera d'aymer, seruir et obeir tant que possible luy seroit a celle que tant de bien luy vouloit, et ou se Dieu plaist se trouuera tantost. Pour abreger après la grosse pluye que la Compaignie eut plus d'une grosse heure et demye sur le dos, on arriua a l'Hostel de la Dame dont n'aguères parloye, et heurta l'en de bon hait a la porte; car il estoit bien tard, et entre neuf et dix heures de nuyt et doubtoient fort qu'on ne fust couché. Varlets et Meschines saillirent auant que s'en vouloient aller coucher et demanderent quest cela et on leurs dist. Ils vindrent a leur Maistresse qui estoit ja en Cotte simple et auoit mis son Couurechief de nuyt et luy dirent, Madame: Monseigneur de tel lieu est a la porte qui veut entrer et avecques luy aulcuns autres Cheualiers de la Cour jusqu'au

Q 3

nombre

nombre de troys. Ils soient les très bien venus, dist elle, auant, auant, vous telz et telz, acoup alléz tuër Chappons et Poullailles et ce que nous auons de bon en haste. Brief elle disposa comme Femme de grant facon comme elle estoit et encores est tout subit ses besongnes comme vous orrés tantost. Elle print bien en haste sa robe de nuyt et ainsy atournée quelle estoit le plus gentement quelle peut vint au deuant des Seigneurs dessusdits deux torches deuant elle et vne seule Femme avec sa tres belle fille et les autres mettoient les Chambres a point. Elle vint rencontrer ses hostes sur le pont du Chasteau, et le Gentil Cheualier que tant estoit en sa grace, comme des autres la guide et meneur, se mist en front deuant et en faisant les recongnoissances il la baisa, et puis après tous les autres pareillement la baisèrent. Alors comme Femme bien enseigné dist aux Seigneurs dessusdits : Messeigneurs vous soyez les tres biens venus, Monseigneur tel c'est leur guide, ie le congnois de piéca, il est de sa grace tout de ceans s'il luy plaist, il fera mes accointances vers vous. Pour abregér accointances furent faictes, le soupper assez tost après bien appresté et chascun d'eux logié en

en belle et bonne Chambre bien appointée et bien fournie de tapisseries et de toutes choses necessaires. Si vous fault dire que tandis que le soupper s'aprestoit la Dame et le bon Cheualier se deuiferent tant et si longuement, et se porta conclusion entre eulx que pour la nuyt ils ne feroient que vng lit car de bonne aduventure le Mary n'estoit point leans, mais a plus de 40. lieues loing de la. Or est heure tandis que le soupper est prest et que ces deuises se font que l'en soupe le plus joyeusement qu'on pourra. Après les aduentures du jour que je vous die de la Dame qui son Hostel refusa a la brigade dessusdite, mesme a celuy qui moult bien scauoit que plus l'aymoit que tout le monde, et fut si mal courtoise que oncques vers eulx ne se monstra, elle demanda a ses Gens quant ils furent vers elie retournés de faire son mesaige, quelle chose auoit respondu le Cheualier? L'vng luy dist, Madame, il le fist bien court, trop bien dist il, qu'il menoit ses Gens en vng lieu plus en sus dicy ou l'en leurs feroit bon recüeil et meilleure chere. Elle pensa tantost ce que estoit et dist, ha! il s'en est allé a l'Hostel d'vne telle, qui comme bien scay ne le voit pas enuis;

Q 4

leans

leans se traictera ie ne doubte point quelle chose a mon prejudice; et elle estant en ceste ymaginacion et pensée, tantost tout subitement le couraige que tant auoit rigoureux enuers son Seruiteur porté tout changé et alteré et en tres cordial et bon vouloir transmué dont enuie fut pour ceste heure trop plus ne soit douce et desireuse d'accorder a son Seruiteur tout ce qu'il voudroit requerir et demander; et doubtant que la Dame ou la brigade estoit ne jouyst de celluy que tant auoit traicté durement, escriuit vne Lettre de sa main a son Seruiteur, dont la plus part des lignes estoient de son precieux sang que contenoient en effect que tantost ces Lettres veuës toute autre chose mise arriere, il venist vers elle tout seul avec le porteur, et il seroit si agreablement receu que oncques Seruiteur ne fut plus content de sa Dame qu'il seroit et en signe de plus grande verité mist dedans la Lettre vng dyamant que bien congnoissoit. Le porteur que seur estoit print ladicte Lettre et vint au lieu dessusdict et trouua le Cheualier auprès de son Hostesse au soupper et toute l'assemblée. Tantost après graces le tira d'vng costé, et en luy baillant la Lettre dist qu'il ne fist semblant de riens, mais qu'il accomplit

plit le c
bon Cl
plus joy
et delib
le que a
si conue
ne luy i
son Ho
Maistre
ce luy
et mon
desplai
plus jo
desiré
faire me
ual et la
le porte
uer apr
quelle l
Cour,
dont D
que for
ses Let
jour au
des lier
la port
dont f
fer. S

plit le contenu de ce. Ces Lettres veuës le bon Cheualier fut bien esbahy et encores plus joyeux, car combien que eust conclud et deliberé de soy retirer de l'amour de celle que ainſy luy eſcripuoit, ſi n'eſtoit il pas ſi conuertſy que la choſe que plus deſiroit ne luy fut par ceſte Lettre promiſe. Il tira ſon Hoſteſſe a part et luy diſt comment ſon Maïſtre le mandoit haſtiuement et que force luy eſtoit de partir tout a ceſte heure, et monſtroit bien ſemblant que fort luy en deſplaïſoit. Elle qui auparauant eſtoit la plus joyeuſe attendant ce que tant auoit deſiré deuint triſte et ennuyeuſe, et ſans faire monſtre ledit Cheualier monte a cheual et laiſſe ſes Compaignons leans, et avec le porteur de ces Lettres vient tantost arriuer après minuyt a l'Hoſtel de ſa Dame de laquelle le Mary eſtoit naguères retourné de Cour, et s'appreſtoit pour ſaller coucher, dont Dieu ſcait en quel point en eſtoit celle que ſon Seruiteur auoit mandé querir par ſes Lettres. Ce bon Cheualier que tout le jour auoit culleté ſa ſelle, tant en la queſte des lièvres comme pour querir logis, ſceut a la porte que le Mary de ſa Dame eſtoit venu dont fut auſſi joyeux que vous pouez penſer. Si demanda a ſa guide qu'il eſtoit de

Qs

faire?

faire? Ils aduiferent ensemble qu'il feroit semblant d'estre esgaré de ses Compaignons, et que de bonne aduenture il auoit trouué ceste guide que leans l'auoit adrecé. Comme il fut dist, il fut fait en la male heure, et vint trouuer Monseigneur et Madame et fist son personnage ainsi qu'il sceut. Après boyre vne fois que peu de bien luy fist on le mena en sa Chambre ou guéres ne dormit la nuyt, et lendemain avec son Hoste a la Cour retourna sans rien accomplir du contenu de la Lettre dessusdite. Et vous dy bien que la ne aultre depuis il ne retourna, car tost après la Cour se despartit du Pays et il suyuit le train, et tout fut mis a non chaloir et oubly, et ne se donna plus de mauuais temps.

NOU-



NOUVELLE LXXXII.

LA MARQUE.

O Rescoutés s'il vous plaist qu'il aduint
en la Chastellenie de l'Isle d'vng Bergier
des champs, et d'vne jeune Pastourelle qui
ensem-

ensemble gardoient leurs brebis. Marché se porta entre eulx deulx vne foys entre les autres a la semonce de Nature que les auoit ja esleués en aage de congnoistre que c'est de ce Monde, que le Bergier monteroit sur la Bergiere pour veoir de plus loing, pourueu toutefois qu'il ne l'embroscheroit non plus auant qu'elle mesme fist le signe de la main sur l'instrument naturel du Bergier qui fut environ deux doits la teste franche, et estoit le signe fait d'une meure noire qui croist sur les hayes. Cela faict ils se mettent a l'ouvrage de Pardieu, et bon Bergier fourre dedans comme s'il ne coustast riens sans regarder marché ne promesse qu'il eut faicte a la Bergiere; car tout ce qu'il auoit enseuely jusques au manche et se plus en eut eu il trouua lieu assez pour le loger. Et la belle Bergiere qui jamais n'auoit esté a telz nopces tant aise se trouuoit que jamais ne vouldist faire autre chose. Les armes furent acheuées, et se tira chascun tantost vers ses brebis qui desja estoient deulx eslongnées accause de leur absence. Tout fut rassemblé et mis en bon train, et bon Bergier que on appelloit Hacquin, pour passer temps comme il auoit de coustume, se mist en contrepois entre deux hayes sur vne baldichere, et la s'esbattoit

toit et estoit plus aise que vng Roy. La Bergiere se mist a faire vng chappellet de florettes sur la riue d'vng fossé et regardoit tousjours, disant la chansonnette jolye, se le Bergier reuiendrait point a la meure; mais c'estoit la moindre de ses pensées. Et quant elle vit qu'il ne venoit point elle le commence a huchier. Et Hacquin, Hacquin! Et il respond que veux tu? Vien ca, vien ca, dist elle, si feras cela. Et Hacquin, que en estoit faoul luy respondit, ha! mon Dieu j'ay aussi cher de n'en faire rien, ie m'esbas bien ainsy. Et la Bergiere luy dist, vien ca Hacquin ie te laisseray boutter plus auant sans faire marché. Sainct Jehan! dist Hacquin, jay passé le signe de la meure, aussi n'en aurez vous plus maintenant. Il laissa la Bergiere a qui bien desplaisoit de demourer ainsy oyseuse.

NOU-



NOUVELLE LXXXIII.
LE CARMÉ
GLOUTON.

ET comme il est de coustume que par
tous Pays és villages souuent s'espendent
les

les bons Religieux mendiens tant de l'Ordre
 des Jacopins, Cordeliers, Carmes et Au-
 gustins, pour prescher au Peuple la Foy Ca-
 tholique, blasmer et reprocher les vices,
 les biens et vertus exaulcer, et louer; ad-
 uint que en vne bonne petite Ville en la
 Comté d'Artoys arriua vng Carme du Con-
 uent d'Arras par vng Dimanche matin ayant
 intenſion dy prescher comme il fist bien de-
 uotement et haultement, car il estoit bon
 Clerc et bon langaigier. Tandis que le Curé
 disoit la grande Messe ce Maistre Carme se
 pourmenoit attendant que quelqu'un le fist
 chanter pour gagner deux patars, mais
 nul ne s'en aduançoit. Et ce voyant vne
 vieille Damoiselle veufue a que il print pitié
 du poure Religieux, le fist dire Messe, par
 son Varlet, bailler deux patars, et encores
 le fist prier de disner. Et Maistre Moyne
 happa cest argent promettant de venir au
 disner comme il fist après le Preschement,
 et que la grant Messe de la paroisse fut fi-
 née. La bonne Damoiselle, qui l'auoit fait
 chanter et semondre au disner, se partit de
 l'Eglise elle et sa Chamberiere, et vindrent
 a l'Hostel faire tout prest pour receuoir le
 Prescheur, que en la conduite d'vng Seruiteur
 de ladicte Damoiselle vint arriuer a l'Hostel

ou

ou il fut receu. Après les mains lauées, la Damoiselle luy assignast sa place, et elle se mist auprès de luy ; et le Varlet et la Chambrière se mirent a seruir, et de prinsault apporterent la belle porée auec le beau lart et belles trippes de Porc et vne langue de Boeuf rotie. Dieu scait comment, tantost que damp Moyne vit la viande il tira vng beau long et large cousteau bien tranchant qu'il auoit a sa sainture tout en disant *Benedicité*, et puis se met en besongne a la porée tout premier qu'il eut despechéé, et le lart aussi cy prins, cy mis de la il se tire a ses trippes belles et grasses, et fiert dedans comme le Loup fait dans les brebis. Et auant que la bonne Damoiselle son hostesse eust a moitié mengé sa porée il ny auoit trippes ny tripettes dedens le plat. Si se prent a ceste langue de Boeuf et de son cousteau bien tranchant en fist tant de pièces qu'il n'en demoura oncques lopin. La Damoiselle qui tout ce sans mot dire regardoit gettoit souvent loeil sur son Varlet et sa Chambrière, et eulx tout doucement soubzriant pareillement le regardoient. Elle fist apporter vne pièce de bon Boeuf allé, et vne belle pièce de Mouton, et de bon endroit, et mettre sur la table, et ce bon Moyne que n'auoit d'appetit

d'appetit non plus qu'un chien venant de la chasse, se print a la piece de boeuf, et s'il auoit eu peu de pitié des trippes, et de la langue de boeuf, encores en eut il mains de ce beau boeuf entrelardé. Son Hostesse que grant plaisir prenoit a le veoir menget trop plus que le Varlet et la Meschine qui entre leurs dents le maudioient, luy faisoit tousjours emplir la tasse si tost quelle estoit vuide; et pensés qu'il descouvroit bien viande, et n'espargnoit point le boire. Il auoit si très grant haste de bien fournir son pourpoint qu'il ne disoit mot; au mains si peu que rien. Quant la piece de boeuf fut comme toute despeschée, et la plus part de celle du mouton, de laquelle l'Hostesse auoit vng tantinet menagé, et elle voyant que son Hoste n'estoit point encores saoul fist signe a sa Chamberiere que elle apportast vng gros jambon cuit du jour de deuant. La Chamberiere tout maudissant, le Prestre qui tant gourmandoit, fist le commandement de sa Maistresse, et mist le jambon a la table, et bon Moyne sans demander qui viue, frapa sus, et le naura; car de prinfault il luy trancha le jaret, et de tous points le demembra, et ny laissa

Tom. II.

R

que

que les os. Qui adonc eu veu le Varlet et la Meschine, il n'eust eu jamais les fiebvres, car il auoit degarny tout l'Hostel et auoient grant paour qu'il ne les mengeast ausy. Pour abregier la Dame fist mettre a table vng tres bon fourmaige, et vng plat bien fourny de tartes et pommes avec la belle piece de beure frais, dont on nen raporta si petit que rien. Le disner fut fait ainsi qu'avez ouy et vint a dire *Graces* que maistre Moyne arbrega plus rond que vng tiquet, se leua sus et dist a son Hostesse Damoiselle, je vous remercie de vos biens, vous m'avez tenu bien aise a la vostre mercy. Je pense a ce luy que repeut cinq mille hommes de trois Pains et de deux Poissons dont demoura de relief douze Corbeilles qui le vous vueil rendre. Saint Jehan ! dist la Chamberiere qui s'auanca de parler: Sire vous en pouvez bien tant dire, je croy se vous eussiez esté l'vng de ceulx qui furent repeus, qu'on n'en eut point tant rapporté de reliefs; car vous eussiez bien tout mangié et moy ausy se ie y eusse esté. Vrayement ma Mys, dist le Moyne, ie ne vous eusse pas mengeé, mais ie vous eusse bien embroché et mise en rost ainsi que vous pouvez

uez penser qu'on fait. La Dame commen-
ca a rire, aussi firent le Varlet et la Cham-
beriere maulgré qu'ils en eussent, et nostre
Moyne s'en alla.

R 2

NOU-



NOUVELLE LXXXIV.
 LA PART
 AU DIABLE.

T Andis que quelqu'un s'advancera de
 dire quelque bon Conte, j'en feray
 yng

ung petit que ne vous tiendra guères, mais
 il est veritable et de nouuel aduenu. Ja-
 uoye vng Mareschal qui bien et longuement
 m'auoit serui de son mestier: il luy print
 voulenté de soy marier, aussi le fut il a la
 plus merueilleuse Femme qui fut en tout le
 Pays; et quant il vit que par beau ne parlaid
 il ne la pouoit oster de sa mauuaiseié, il l'a-
 bandonna et ne se tint plus avec elle,
 mais la fuyoit comme la tempeste. Quant
 elle vit qu'il la fuyoit ainsi, et qu'elle n'a-
 uoit a qui toucher ne monstrier sa derniere
 maniere, elle se mist en la queste de luy,
 par-tout le suyuoit, Dieu scay disant quelz
 mots, et l'autre se taisoit, et picquoit son
 chemin, et elle le suyuoit tousjours et di-
 soit plus de mots que vng Dyable ne scau-
 roit faire a vne ame dampnée. Vng jour en-
 tre les autres voyant que son Mary ne respon-
 doit mot a chose quelle luy proposast en le
 suyuant par la rue, crioit tant qu'elle po-
 uoit: Vien ca traistre, parle a moy, ie suis a
 toy. Et mon Mareschal que estoit deuant
 disoit a chascun mot quelle disoit, i'en don-
 ne ma part au Dyable, et ainsi la mena tout
 du long de la Ville tousjours criant, ie suis a
 toy; et l'autre disoit j'en donne ma part au
 Dyable, Tantost après comme Dieu le per-
 mist

R 3

mist ceste bonne Femme mourut et chascun
 demandoit a mon Mareschal fil estoit cour-
 roucié de la mort de sa Femme? Et il leurs
 disoit que jamais si grant heur ne luy aduint
 et que se Dieu luy eut donné vng louchait a
 son desir, il eust demandé la mort de sa
 Femme laquelle il disoit estre si tres mauuai-
 se que se ie la scauoye en Paradis, ie ny voul-
 droye jamais aller tant qu'elle y fut; car im-
 possible seroit que Paix fust en nulle assem-
 bleé ou elle fut; mais ie suis seur quelle est
 en Enfer, car oncques chose créé naprou-
 cha plus a faire la maniere des Dyables qu'el-
 le faisoit. Et puis on luy disoit, vrayement
 il vous faut remarier et enquerre vne bon-
 ne et paisible. Me marier! disoit il, j'ayme-
 roye mieulx me aller pendre au Gibet que
 jamais me reboutter au dangier de trouuer
 l'Enfer que j'ay la Dieu mercy a ceste heu-
 re passé. Ainsy demoura et est encores, ne
 scay qu'il fera le temps aduenir.

NOU-



NOUVELLE LXXXV.
 LE CURE'
 CLOÛE.

Depuis cent ans en c'a ou environ, en
 ce Pays de France est advenu en vne
 R 4 bonne

bonne et grosse Cité vne joyeuse Aduenture que ie mettray icy pour accroistre mon nombre ; et aussi pource quelle est digne d'estre ou reng des autres. En ladicte bonne Ville auoit vng Orfeure marié de que la Femme estoit belle et gracieuse et avec tout ce très amoureuse d'vng Seigneur d'Eglise son propre Curé, que ne laymoit rien mains que elle luy ; mais de trouuer la maniere comment ils se pouroient joindre amoureuxment ensemble, fut tres difficile, combien que en la fin fut trouuée, et par l'engin de la Dame, en la facon que je vous diray. Le bon Mary orfeure estoit tant allumé et ardent en conuoitise d'argent, qu'il ne dormoit vne seule heure de bon somme. Pour labourer chascun jour se leuoit vne heure ou deux deuant le jour, et laissoit sa Femme prendre sa longue crastine jusqu'a huit ou neuf heures, ou si longuement qu'il luy plaisoit. Ceste bonne amoureuse voyant son Mary continuer chascun jour la diligence et entente de soy leuer, pour ouurer et marteller, s'aduisa quelle emploiroit son temps avec son Curé ou elle estoit habandonnée de son Mary, et que a telle heure foudit Amoureux la pouroit visiter sans le sceu de son Mary ;

car

car la maison du Curé tenoit a la sienne sans moyen ; la bonne maniere fut descouverte et mise en termes a nostre Curé que la prisa tres bien, et luy sembla bien que aysement la feroit. Ainsi doncques que la facon fut trouuée et mise en termes ainſy fut elle executée, et le pluſtoſt que les Amans peurent, et la continuerent aucun temps qui dura assez longuement ; mais comme Fortune enuycuse peult estre de leur bien et de leur doux passetemps, leurs voulut leur cas descourir en la maniere que vous orrés. Ce bon Orfeure auoit yng Seruiteur que estoit amoureux et jaloux tres amerement de sa Dame, et pource que tres souuent auoit apperceu nostre Maistre Curé parler a elle, il se doubtoit treffort de ce qu'il estoit. Mais la maniere comment se pouoit faire, il ne le scauoit ymager, si n'estoit que nostre Curé venist a leure qu'il forgeoit au plus fort avec son Maistre. Ceste ymaginacion luy heurta tant la teste qu'il fist le guet et se mist aux escouttes pour scauoir la verité de ce qu'il querroit. Il feist si bon guet qu'il apperceut et eut vraye experience du fait. Car vne matinee il vit le Curé venir tantost après que l'Orfeure fut vuydé de sa Chambre et y en-

R 5 trer,

trer, puis fermer l'huys, Quant il fut bien
 asseuré que sa suspicion estoit vraye, il se
 descouvrit a son Maistre et luy dist en ceste
 maniere: Mon Maistre je vous fers de vo-
 stre grace, non pas seulement pour gai-
 gner vostre argent, manger vostre pain,
 et faire bien et loyalement vostre beson-
 gne, mais aussi pour garder vostre hon-
 neur, et se autrement faisoie digne ne se-
 roye d'estre vostre Seruiteur. J'ay eu des
 piéca suspicion que nostre Curé ne vous fist
 desplaisir et si le vous ay celé jusques a ceste
 heure; et affin que ne cuydiez que ie vous
 vuëil troubler en vain, je vous prie que nous
 allions en vostre Chambre, et ie scay de
 vray que nous l'y trouuerons. Quant le
 bon homme ouyt ces nouvelles il se tint
 très bien de rire, et fut bien content de
 visitter sa Chambre en la Compagnie de son
 Varlet qui luy fit promettre qu'il ne tièroit
 point le Curé; car autrement il n'y vou-
 loit aller. Ils monterent en sa Chambre
 que fut tantost ouuerte et le Mary entre le
 premier, et vit que Monseigneur le Curé
 tenoit sa Femme entre ses bras, et vit qu'il
 forgeoit ainsy qu'il pouoit; si s'escria di-
 sant, a mort Ribault! Que vous a icy bauté?
 Le pource Curé fut bien esbahy et deman-
 da

da mercy. Ne sonnez mot Ribault Prestre où je vous tûray a ceste heure dist l'Orfeure. Faictes de moy ce qu'il vous plaira dist le pource Curé. Par l'ame de mon Pere auant que meschappés, je vous metteray en tel estat, que jamais n'aurez vouldenté de marteler sur Enclume feminine. Le pource malheureux fut lié par ses deux Ennemis si bien qu'il ne pouoit rien mouuoir que la teste, puis il fut porté en vne petite maisonnette derriere la maison de l'Orfeure, et estoit la place où il fondoit son argent. Quant il fut ou lieu, l'Orfeure enuoya querir deux grands cloux a large teste desquels il attacha au long du banc les deux marteaux qui auoient forgé en son absence sur l'Enclume de sa Femme, et puis le deslia de tous points; cy prist après vne poignée d'estrain, et bouta le feu en sa maisonnette; puis il s'enfuyt en la ruë crier au feu. Quant le Prestre se vit enuironné de feu, et que remede ny auoit qu'il ne luy faillit perdre ses Genitoires où estre brulé, si s'en courut et laissa sa boure clouée. L'effroy du feu fut tantost esleué par toute la ruë, si venoient les Voisins pour l'estaindre; mais le Curé les faisoit retourner disant qu'il en venoit, et que tout le dommage qui en pouoit

pouoit aduenir estoit ja aduenu , mais il ne disoit pas que le dommage luy competoit. Ainsy fut le pource amoureux Curé fallarié du seruice qu'il fist a amours par le moyen de la faulx et traistre jalousie comme vous auez ouy.

NOU-



NOUVELLE LXXXVI.

LA TERREUR

PANIQUE, OU L'OFFICIAL JUGE.

N Aguères en la Ville de Roüen puis peu
de temps en ca vng jeune homme print
en

en mariage vne tendre jeune fille aagée de 15. ans ou enuiron. Le jour de leur grant Feste, c'est a scauoir des Nopces; la Mere de ceste fille pour garder et entretenir les ceremonies accoustumees en tel jour, escola et introduit la Dame des nopces, et luy aprint comment elle se deuoit gounerner pour la premiere nuyt avec son Mary. La belle fille a que tardoit l'attente de la nuyt dont elle receuoit la doctrine, mist grosse paine et grande diligence de retenir la Lecon de sa bonne Mere, et luy sembloit bien que quant leure seroit venuë ou elle deuroit mettre a execution celle Lecon, quelle en feroit si bon deuoir que son Mary se loueroit d'elle, et en feroit tres content. Les Nopces furent honnorablement faictes en grande solemnité, et vint la desirée nuyt, et tantost après la Feste faillie, que les jeunes Gens furent retraits, et qu'ils eurent prins le congié du Sire des nopces, et de la Dame, la bonne Mere, les Cousines, Voisins, et autres priuees Femmes prirent nostre Dame des nopces, et la menerent en la Chambre ou elle deuoit coucher pour la nuyt avec son Espouse, ou elles la desarmerent de ses atours joyeux, et la firent coucher ainssi qu'il est de raison, puis luy donnerent bon-

ne

ne nuyt; l'une disant ma mie, Dieu vous doint joye et plaisir de vostre Mary, et tellement vous gouverner avec luy que ce soit au salut de vos deux ames; l'autre disant ma mie, Dieu vous doint telle Paix et concorde avec vostre Mary que puissiez faire oeuvre dont les saints Cieux soient remplis; et ainsi chascune faisant sa priere se partit. La Mere que demoura la derreniere reduit a memoire son escoliere sur la doctrine et lecon que aprins luy auoit luy, priant que penser y voulüst: et la bonne Fille que n'auoit pas son cueur ainsi que l'en dit communement, en sa chause, respondit que tres bonne souuenance auoit de tout, et que bien retenu l'auoit Dieu mercy. C'est bien fait, dist la Mere, or ie vous laisse et recommande a la garde de Dieu belle fille. Adieu ma bonne et saige Mere. Si tost que la Maistresse d'escole fut vuidée, nostre Mary, qui n'attendoit a l'huys aultre chose, entra dedens et la Mere l'enferma et tira, et luy dist qu'il se gouverna doucement avec sa fille. Il promist que aussi feroit il, et si tost que l'huys fut fermé luy que n'auoit plus que son pourpoint en son dos le ruë jus et monte sur le lit et se joint au plus près de sa Dame des nopces, la lance au poing et luy

luy presente la bataille. A l'aprocher de la barriere ou l'escarmouche se deuoit faire, la Dame print et empoigna ceste lance droit et roide comme vn cornet de Vachier, et tantost quelle la sentit ainſy dure et de groſſeur tres bonne, elle fut bien esbahye, et commença a s'escrier tresfort en disant que son Ecu n'estoit pas assez puissant, pour recevoir et soutenir les Horions de si gros fust. Quelque deuoir que nostre Mary peust faire, ne peut trouver la maniere de estre receu a ceste Joust, et en cest estrif la nuyt se passa sans riens besongner, que despleut moult a nostre Sire des nopces. Mais au fort il print en patience esperant tout recouurer la nuyt prochaine où il fut autant ouy que a la premiere et ainſi a la troisieme, et jusques a la quinzieme ou les armes furent accomplies comme je vous diray. Quant les quinze jours furent passez que nos deux jeunes Gens furent mariez, combien qu'ils neussent tenus encore ensemble meſnage, la Mere vint viſſiter son Escoliere, et après entre mille deuſes qu'elles eurent ensemble parlé, elle parla de son Mary et luy demanda quel homme il estoit, et ſ'il faisoit bien son deuoir? Et la Fille diſoit qu'il estoit tres bon
homme

homme doux et paisible. Voire, mais disoit la Mere, fait il bien ce que l'en doit faire? Ouy disoit la fille, mais quelz? Mais, il y a dire en son fait, dist la Mere, ie l'entens bien, dictes le moy et ne me les celés point car je veulx tout scauoir a ceste heure. Est il Homme pour accomplir le deu, ou il est obligé par mariage et dont je vous ay baillé la leçon? La bonne fille fut tant pressée, qu'il luy conuint dire que l'en n'auoit encores riens besongné, mais elle taisoit qu'elle fut cause de la dilacion, et que tousjours eut reffusé la iousterie. Quant la Mere entendit ces douloureuses nouuelles, Dieu scait quelle uie elle mena, disant que par ses bons Dieux elle y mettroit remede, et briéf aussi que tant auoit elle bonne accointance a Monseigneur l'Official de Roüen qui luy seroit amy, et fauorisant a son bon droit. Or ca ma fille, dist elle, il vous conuient desmarier, ie n'en fais nulle doubte que ie n'en treuve bien la façon, et soyez seure que auant qu'il soit deux jours vous le laisserez, et de ceste heure vous feray auoir vng autre homme qui si paisible ne vous laissera pas, laissez moy faire. Ceste bonne Femme a demy hors du sens vint comp-

ter ce grant meschief a son mary pere de la fille dont ie fais mon Conte, et luy dist bien comment ils auoient bien perdu leur belle et bonne fille, amenant les raisons pourquoi et comment et concluant aux fins de la desmarier. Tant bien compta sa cause que son mary se tira de son costé, et fut content que l'en fist ester nostre nouveau Marié que ne scauoit rien de ce que ainsi l'en se plaignoit de luy sans cause, toutteffois il fut cité personnellement a comparoir allencontre de Monseigneur le Promoteur, a la Requête de sa Femme, et par devant Monseigneur l'Official pour quitter sa Femme, et luy donner licence d'autre part se marier, ou alleguer les causes pourquoy en tant de jours qu'il auoit esté avec elle, n'auoit monstré qu'il estoit homme comme les autres, et fait ce qu'il appartient aux mariez? Quant le jour fut venu les Parties se presenterent en temps et en lieu et furent huchiez a dire leurs causes. La Mere a la nouvelle Marieé, commença a compter la cause de sa fille, et Dieu scait comment elle allegua Les loix que l'en doit maintenir en mariage, lesquelles son Gendre n'auoit accomplies ne d'elles vsé,
par-

parquoy requerroit qu'il fut desjoint de sa fille, et dès ceste heure mesme sans faire long procès. Le bon jeune Homme fut bien esbahy quant ainsy ouyt blasonner ses Armes, mais guères n'attendist à respondre aux aleguacions de son adversaire, & froidement de maniere rasise compter son cas et comment sa Femme luy auoit fait refus quant il auoit voulu faire le deuoir de mariage. La Mere oyant ses responses plus marrie que deuant, combien que a peine le vouloit croire, demanda a sa fille se il estoit vray ce que son Mary auoit respondu ? Et dist elle vraiment Mere ouïy. Ha malheureuse ! dist la Mere, comment l'avez vous refusé ? Ne vous auois je pas dit par plusieurs fois vostre leçon ? La pauvre fille ne scauoit que dire tant estoit honteuse. Toutteffois dist la Mere, je veuëil scauoir la cause pourquoy vous auez fait reffus, ou se ne le me diètes, vous me ferez courouciér mortellement. La fille dist tout couuertement et en jugement que pource quelle auoit trouué la Lance de son Champion si grosse, ne luy auoit osé bailler l'Escu, doutant qu'il ne la tuast, comme encores elle en

doubtoit; et ne se vouloit demouuoir de ceste doubte, combien que sa Mere luy disoit que doubter n'en deuoit. Et après ce adresse sa parole au Juge en disant; Monseigneur l'Official: Vous auez ouy la confession de ma fille et les deffences de mon Gendre, je vous requiers, rendez en vostre Sentence diffinitive. Monseigneur l'Official pour appointment fist faire vng liât en sa maison, et ordonna par Arrest que les deux Mariés yroient coucher ensemble; enjoignant a la Marieé quelle empoigna chaudement le Bourdon ou Oustil, et qu'elle le mist au lieu ou il estoit ordonné. Et quand celle Sentence fut renduë, la Mere dist grant mercy, Monseigneur l'Official, vous auez tres bien jugé. Or auant, dist la Mere, ma fille faictes ce que vous deuéz faire, et gardés de venir allencontre de l'Apoinctement de Monseigneur l'Official, mettez la Lance au lieu ou elle doit estre. Et ie suis au fort contente, dist la fille, de la mettre ou il fault, mais s'elle y deuoit pourir ie ne l'en retireray ne sacqueray ja. Ainsy se partirent de Jugement, et allerent mettre a execution la Sentence sans Sergent, car eux mesmes firent

frent l'exécution. Par ce moyen nostre Gendre vint a chief de ceste jousterie, dont il fut plustost saoul que celle qui n'y vouloit entendre.



NOUVELLE LXXXVII
LE CURE

DES DEUX.

EN vne bonne ville du Pays de Hollan-
de auoit n'a pas cent ans vng Cheualier
logié

logié en vne belle et bonne Hostellerie, ou il y auoit vne tres belle jeune fille Chamberiere seruante, de laquelle il estoit tres amoureux; et pour l'amour d'elle, il auoit tant fait au Fourrier du Duc de Bourgongne, que cest Hostel luy auoit desliuré affin de mieux pourchasser sa queste, et venir aux fins ou il contendoit, et ou amours le faisoient incliner. Quant il eut esté enuiron cinq ou six jours en ceste Hostellerie luy suruint par accident vne malheureuse aduventure. Car vne maladie le print en l'oeil si grieue, qu'il ne le pouoit tenir ouuert, ne en vser tant estoit aspre la douleur: et pource que tres fort doubtoit le perdre, mesmement que c'estoit le membre ou il deuoit plus de guer, manda le Chirurgien de Monseigneur le Duc de Bourgongne que pour ce temps estoit a la Ville: et deuez scauoir que ledit Chirurgien estoit vn gentil Compaignon Escuyer tout fait et bien duit de son mestier; car si tost que le maistre Chirurgien vit cest oeil, il le jugea comme perdu; ainsy que par aduventure ils sont coustumiers de juger des maladies, affin que quant ils les ont sanées et gueries, ils en raportent plus de prouffit tout premier, et secondement plus de louenge. Le bon Cheualier a que desplaisoit

d'ouyr telles nouuelles demanda s'il n'y auoit point de remede a le guérir? Et l'autre respondist que tres difficile seroit, neantmoins il oseroit bien entreprendre a le guérir avec l'aide de Dieu, mais qu'on le voulsist croire. Se vous me voulez deliurer de ce mal sans perte de mon oeil, je vous donneray bon vin, dist le Cheualier. Le Marché fut fait, et entreprint le Chirurgien a guérir c'est oeil, Dieu deuant, et ordonna les heures qu'il viendroît chascun jour pour le mettre a point. A chascunefois que nostre Chirurgien visitoit nostre maladie, la belle Chamberiere le complaignoit, et aydoit a remuer le pource patient. Se ce bon Cheualier, estoit feru auant de ceste Chamberiere, si fut le Chirurgien que, toutes les fois qu'il venoit faire la visitacion, fichoit ses doux regards sur le beau et poly visaige de celle Chamberiere, et tant fort si ahurra qui luy declara son cas; et en eut tres bonne audience et de prinsault on luy accorda sa requeste; mais la maniere comment l'en pouoit mettre a execution ses ardans desirs, on ne la scauroit trouuer. Or touttefois a quelque paine que ce fut, facon fut trouuée par la prudence du Chirurgien que fut telle. Je donneray, dist il, a entendre a Mon-

Mon-

Monseigneur le patient, que son oeil ne se peut guérir, ce n'est que son autre oeil soit caché, car l'usage qu'il a de regarder empesche la guarison de l'autre malade. S'il est content, dist il, qu'il soit caché comme l'autre, ce nous fera la plus conuenable voye du monde pour prendre nos delitz et plaisances, et mesmement en sa Chambre, afin que l'on y prenne moins de suspicion. La fille, que auoit aussi grant desir que le Chirurgien, prisa très bien ce conseil ou cas que ainsi ce pouroit faire. Nous l'essayerons, dist le Chirurgien. Il vint a l'heure accoustumée veoir cest oeil malade, et quant il eut decouvert il fist bien de l'esbahi. Comment, dist il, ie ne vis oncques tel mal! Cest oeil cy est plus lait qu'il n'estoit il y a quinze jours, certainement, Monseigneur, il sera bon mestier que vous ayez patience. Comment, dist le Cheualier? Il faut que vostre bon oeil soit couuert et caché, tellement qu'il n'ayt point de lumiere vne heure ou enuiron incontinent que j'auray assis l'emplastre, et ordonné l'autre, car en uerité il l'empesche a guérir sans doubte. Demandés a ceste belle fille que la veu chascun jour que ie l'ay remué comment il amende? Et la fille disoit qu'il estoit plus lait que parauant. Or ca,

S 5

dist

dist le Cheualier, je vous habandonne tout, faictes de moy ce qu'il vous plaist, ie suis content de cligner l'oeil, et de faire tant que l'en voudra, mais que guarison s'ensuyue. Les deux Amants furent adonc bien joyeux quant ils virent que le Cheualier estoit content d'auoir l'oeil caché. Quant il fut appointé, et qu'il eut les yeux bandés Maistre Cirurgien fainst se partir, et dist Adieu comme il auoit de coustume, promettant tantost de revenir pour descouurir cest oeil. Il n'alla guères loing, car assez préz de son Pacient sur vne couche gecta sa Dame, et d'autre planette qu'il n'auoit regné sur l'oeil du Cheualier visitta les cloistres secrets de la Chamberiere, trois ou quatre fois maintint ceste maniere de faire enuers ceste belle fille sans que le Cheualier s'en donna garde, combien qu'il en ouyt la tempeste. Mais il ne scait que ce pouoit estre jusqu'à la fixiesme fois qu'il se doubta pour la continuacion, a laquelle fois quant il ouyt le tabourement et noise des combattans, il arracha bande et emplastre et vit les deux Amoureux qui se demenoient tellement l'ung contre l'autre, que il sembloit proprement qu'ils deussent menger l'ung l'autre, tant joignoient leurs jambes ensemble. Et queisse

la maistre Chirurgien, dist le Cheualier, m'auez vous fait jouer a cligne musette pour me faire ce desplaisir, mon œil doit il estre guery par ce moyen? Que dictes vous? Et maistre Chirurgien part et s'en va, et oncques puis le Cheualier ne le manda; aussi il ne retourna point querir son payement de ce qu'il auoit fait a l'oeil de nostre Pacient; car bien saluarié se tenoit par sa Dame qui fort gracieuse et abandonnée estoit, et a tant fais fin de ce present Conte.

NOU.



NOUVELLE LXXXVIII.
LE COCU
SAUVÉ.

EN vne petite Ville cy entour que je ne
vuëil pas nommer est naguères aduenu
l'Aduen-

l'Aduenture dont ie vous fourniray ceste
 Nouuelle. Il y auoit vng simple et rude Pay-
 sant marié, a vne plaisante et gente Femme,
 laquelle laissoit le boire et le manger pour
 aymer par amour. Le bon Mary auoit d'v-
 sage de demourer tres souuent ez Champs en
 vne maison qu'il y auoit, aucunesfois trois
 jours, aucunesfois quatre, aucunesfois plus;
 ainsy que luy venoit a plaisir, et laissoit sa
 Femme prendre du bon temps à la bonne
 Ville. Car affin qu'elle ne se espouuentast,
 elle auoit tousjours vng homme que gar-
 doit la place du bon Homme, et entrete-
 noit son deuant de paour que le rouil ny
 vint. La reigle de ceste bonne Bourgoyle
 estoit d'attendre son Mary jusques a ce que
 l'en ne voyoit guères; et jusques a ce quel-
 le se tenoit seure de son Mary qu'il ne re-
 tornoit point, ne laissoit venir le Lieute-
 nant, de paour que trompée ne fust. Elle
 ne sceut mettre si bonne ordonnance en
 sa reigle accoustumée que trompée ne fust;
 car vne fois ainsy que son Mary auoit de-
 mouré deux jours ou trois jours et pour le
 quatriesme auoit attendu aussi tard qu'il
 estoit possible auant la porte close, cuydant
 que pour ce jour il ne deust point retour-
 ner, si ferma l'huy et les fenestres comme
 les

les autres jours, et mist son Amoureux au logis et commencent a boire d'autant, et faire chiére tout oultre. Guéres assis n'auoient esté a la table que nostre Mary vint huchier a l'huyt tout esbahy qu'il le trouuoit fermé. Quant la bonné Dame l'ouïst, fist sauuer son Amoureux sous le liect pour le plus abregier, puis vint demander a l'huis que auoit heurté? Ouurés, dist le Mary. Ha! mon Mary, dist elle, estes vous la? Je vous deuoyes demain enuoyer vng messaiger comment ne retournissiez point. Quelle chose y a til, dist il? Quelle chose, dist elle? Helas! les Sergens ont esté ceans plus de deux heures et demye, vous attendant pour vous mener en prison. En prison, dist il! Et comment en prison? Quelle chose ay ie meffait, a qui dois je, qui se plaint de moy? Certes ie n'enscay rien, dist la rusee, mais ils auoient grant vouloir et desir de mal faire, il sembloit qu'ils voulussent tuër vng Carefme si fiérs estoient ils. Voir se disoit il, nos Amys ne vous ont ils point dit quelque chose qu'ils me vouloient? Nenny, dist elle, fors que s'ils vous tenoient vous n'eschapperiez de la prison deuant long temps. Ils ne me tiennent encores pas Dieu mercy. Adieu ie me retourne.

tourne Où yres vous, dist elle, que ne demandoit autre chose ? Dont ie viens, dist il. Je yray doncques avec vous, dist elle. Non feréz, gardez bien et gracieusement la Maison, et ne dictes point que j'aye icy esté. Puis que vous voulez retourner aux Champs, dist elle, hastéz vous auant que l'en ferme la Porte, il est ja bien tard. Quant elle seroit ferméé, si fera tant le Portier dist il pour moy, qu'il la me ouurira très-vou-lentiers. A ces mots il se partit, et quant il vint a la Porte il la trouua ferméé, et pour prière qu'il sceut faire le Portier ne la vou-lut ouurir ; si fut bien mal content de ce qu'il conuenoit qu'il retournast a sa maison doubtant les Sergens ; toutesfois failloit il qu'il y retournast s'il ne vouloit coucher sur les ruës. Il vint arriere heurter a son huis, et la Dame que faisoit la rateleé avec son Amoureux fut plus esbahye que deuant. Elle sault sus et vint a l'huis tout esperduë di-sant : mon Mary n'est point reuenue, vous perdez temps. Ouurés, ouurez, dist il, ma mie ce suis je. Helas ! vous n'avez point trouué la Porte ouuerte, ie m'en doubroy ie bien, dist elle, veritablement ie ne vois remede en vostre fait que ne soyez prins ; car les Sergens me dirent, il m'en souuient main-

maintenant qu'ils retourneroient sur la nuyt. Or ca, dist il, il n'est mestier de long sermon aduison ce qu'il est raison de faire. Il vous faut mussier quelque part ceans, dist elle, et si ne scay lieu ne retraite où vous puissiez estre bien assure. Serois je point bien, dist l'autre, en nostre Coulombier, que me chercheroit la ? Et elle que fut moult joyeuse de ceste inuencion et expedient feignant touttefois, dist le lieu n'est brain honneste il y fait trop puant. Il ne me chault, dist il, i'ayme mieux me bouter la pour vne heure où deux et estre sauué que en autre honneste lieu où ie seroye par aduventure trouué. Or ca, dist elle, puis que vous auez ce ferme courage ie suis de vostre opinion. Ce vaillant Homme monta en ce Coulombier qui se fermoit par dehors a clef et se fist illec enfermer, et pria sa Femme que se les Sergens ne venoient tantost, elle le mist dehors. Nostre bonne Bourgoyse habandonna son Mary, et le laissa toute la nuyt racouler avec les Coulons qui ne plaisoit gueres et tousjours doubtoit ces Sergens. Au point du jour qu'il estoit heure que l'Amoureux se despartit ceste bonne preude Femme vint huchier son Mary et luy ouurit l'huys, qui demanda comment on l'auoit

l'auoit laissé si longuement tenir Compaignie aux Coulons, et elle qui estoit faicte et pourueuë de bourdes, luy dist que les Sergens auoient toute la nuit veillé autour de leur maison, et que plusieurs fois auoit a eux deuisé, et qu'ilz ne faisoient que partir, mais qu'ils auoient dit qu'ils viendroient a telle heure qu'ils le trouueroient. Le bon Homme bien esbahy quelle chose Sergens luy pouoient vouloir, se partit incontinent et retourna aux Champs promettant que de long temps ne reuiendrait. Et Dieu scait que la Gouge le print bien en gré, combien que s'en monstroît douloureuse! Et par tel moyen, elle se donna meilleur temps que deuant, car elle n'auoit quelque soing sur le retour de son Mary.

CHAPITRE V. DE LA VUE

DE LA VUE DE LA VUE

DE LA VUE DE LA VUE

Tom. II. T NOV.



NOUVELLE LXXXIX.

LES PERDRIX

CHANGE EN POISSON.

EN vng certain petit Hamelet ou Village
de ce monde assez loing de la bonne
Ville,

Ville, est aduenue vne petite Histoire qui est digne de venir en l'audience de vous mes bons Seigneurs. Ce village ou hamelet estoit habité d'vng moncelet de rudes et simples payfans que ne scauoient comment ils deuoient viure, et se bien rudes et non faichans estoient, leur Curé ne l'estoit pas vne once mains. Car luy mesme faillloit a congnoistre ce qui estoit de necessaire a tous generalmente, comme ie vous en donneray l'experience par vng cas qu'il luy aduint. Vous debuez scauoir que ce Prestre Curé, comme i'ay dit, auoit la feste affublée de simplessie si parfaicte, qu'il ne scauoit point annoncer les Festes des Saints que viennent chascun an, en vng jour déterminé comme chascun fait. Et quant ses Paroissiens demandoient quant la Feste seroit, il faillloit bien coup a coup a ce dire vrayement, et entre aultres telles fautes que souuent aduenoient, en fit vne qui ne fut pas petite; car il laissa passer cinq semaines du Carême, sans l'annuncer a ses Paroissiens. Mais entendez comment il se apperceut qu'il auoit failly. Le samedi que estoit la nuit de la blanche Pasque que l'en dit Pasques Fleuries, luy vint vouldenté d'aller a la bonne Ville pour aucune chose qui luy besongnoit.

T 2

fongnoit.

songnoit. Quant il entre en la Ville en che-
uauchant parmy les ruës, il apperceut que les
Presbres faisoient prouision de Palmes, et au-
tres verdures, et veoit que au Marché on
les vendoit pour seruir a la Procession pour
lendemain. Qui fut bien esbahy ce fut le Cu-
ré combien que semblant nen fist. Il vint
aux Femmes que vendoient ces Palmes ou
Bois, en achepta faisant semblant que pour
aultre chose ne fut il venu a la bonne Ville,
et puis monta hatiuement a cheual chargé
de sa Marchandise, et picque a son Village
et le plustost que possible luy fut, il s'y trou-
ua. Auant que il fut descendu de dessus son
cheual, il rencontra aucuns de ses Paroissiens
ausquels il commenda que l'en allast sonner
les cloches, et que chascun vint a l'Eglise
de ceste heure: car il leurs vouloit dire aul-
cunes choses necessaires pour le salut de
leurs ames. L'Assemblée fut tantost faicte, et
se trouua chascun en l'Eglise. Monseigneur
le Curé tout housé et esperonné vint bien
embeloigné Dieu le fait, il monta en son
propre, et dist les motz qui s'ensuiuent.
Mes bons Seigneurs ie vous signifie et vous
fais a scauoir que aujourd'hui a esté la veil-
le et solennité de la Feste de Pasques Fleuries,
et de ce jour en huit prochain, vous aurez
la

la veille de la grant Pasques que l'en dit la Resurrection Nostre Seigneur. Quant ces bonnes Gens ouïrent ces nouuelles commencerent a murmurer, et eux esbahys tres fort comment ce pouoit faire. Mot dist le Curé, je vous appaiseray bien tantost, et vous diray vrayes raisons pourquoy vous n'avez que huit jours de Carefme a faire vos penitences pour ceste année, et ne vous esmayez ja de ce que je vous diray, et que le Carefme est ainsi venu tard. Je tiens qu'il n'y a celuy de vous qui ne sache bien et soit records, comment les froidures ont esté longues et aspres, ceste année merueilleusement plus que oncques mais, et long temps a qu'il ne fist aussi perilleux et d'angereux cheuaucher comme il a fait tout l'hyuer pour les verglats et neiges que ont longuement durés. Chascun de vous fait cecy estre vray comme l'Euangile, pourquoy ne vous donnés merueilles de la longue demourée de Carefme, mais ésmerveillez vous aincoys comment il a peu venir mesmement que le chemin est tres long jusqu'a sa maison. Si vous prie que le vuëillés tenir pour excusé, et mesme il vous emprie, car aujourd'hui j'ay dîné avec luy, et leurs nomma le lieu, c'est a scauoir la Ville où il

T 3

auoit

auoit esté; et pourtant, dist il, disposez vous ceste sepmaine de venir a confesse, et de comparoir demain a la Procession comme il est de coustume, et ayez patience ceste fois, lanneé que viendra, se Dieu plaist, sera plus douce, parquoy il viendra plustost ainsi qu'il a d'village chascun an. Ainsi Monseigneur le Curé trouua le moyen d'excuser sa simplessie et ignorance, et leurs donna la Benediction disant, priés Dieu pour moy et ie pri-ray Dieu pour vous. Ainsi descendit de son Profne, et sen alla a sa maison appoin-ter son Bois et ses Palmes, pour les faire len-demain seruir a la Procession et puis ce fut tout.

NOU-



NOUVELLE XC.
 LA BONNE
 MALADE.

P Our accroistre et employer mon nom-
 bre des Nouvelles que jay promises
 T 4 conter

conter et descrire i'en metteray icy vne dont la venue est fresche. Au Pays de Brebant qui est celuy du monde où les bonnes aduentures aduiennent le plus souuent, auoit vng bon et loyal Marchand de que la Femme estoit tres fort malade et gisante pour la griesueté de son mal continuellement sans abandonner le lit. Ce bon Homme voyant sa bonne Femme ainsi atteinte et languissante menoit la plus douloureuse vie du monde, tant mary et desplaisant estoit qu'il ne pouoit plus, et auoit grant doubte que la mort ne l'en fist quitte. En ceste doleance perseuerant et doubtant la perdre, se vint rendre près d'elle et luy donnoit esperance de garison, et la reconfortoit au mieulx qu'il scauoit, l'amonnestant de penser au sauement de son ame. Et après qu'il eut aucun petit de temps deuisé avec elle et finé ses admonestemens et exortacions luy cria mercy, en luy requerrant que s'aucune chose luy auoit meffait qu'il luy fut par elle pardonné. Entre les cas ou il sentoit l'auoir couroucée, luy declaira comment il estoit bien records qu'il l'auoit troubleé plusieurs foys et tres souuent, de ce quil n'auoit besongné sur son harnois que l'en peut bien appeller cuir a chair, toutes

toutes les fois qu'elle eut bien voulu ; et
 mesmes que bien le scauoit , dont tres
 humblement requeroit pardon et mercy.
 Et la poure malade ainsi quelle pouoit par-
 ler , luy pardonnoit les petits cas et legiers ,
 mais ce derrain ne pardonnoit elle point
 volentiers sans scauoir les raisons qui
 auoient meu et induit son Mary a non luy
 fourbir son harnois quant mesmes il sca-
 uoit bien que c'estoit le plaisir d'elle , et que
 elle ne apetoit autre chose ne demandoit.
 Comment , dist il , voulez vous mourir sans
 pardonner a ceux que vous ont meffait ? Je
 suis bien contente de le pardonner , mais
 je vuëil scauoir qui vous a meu , autrement
 ie ne le pardonneray point. Le bon Mary
 pour trouuer moyen d'auoir pardon cuy-
 dant bien faire la besongne luy commença
 a dire : ma mye , vous scauez bien que par
 plusieurs fois auez esté malade , et deshai-
 teé , combien que non pas tant que main-
 tenant je vous voy , et durant la maladie
 ie n'ay jamais tant osé presumer que de
 vous requerre de bataille , ie doubtoye qu'il
 ne vous en fut du pire , et soyés toute seu-
 re que ce que i'en ay fait amour le ma fait
 faire. Tailés-vous menteur , dist ceste po-
 ure patiente , oncques ne fus si malade ne

T s

si

si deshaiteé pourquoy i'eusse fait reffus de combattre a vous : querés autre moyen si vous voulés auoir pardon : car cestuy cy ne vous aydera ja, et puis qu'il vous conuient tout dire meschant et lasche. Homme que vous estes et aultre ne fustes oncques ; pensés vous que en ce monde soit Medecine, qui puisse plus ayder ne susciter la maladie, d'entre nous Femmes que la douce et amoureuse compaignie des Hommes ? Me voyés vous bien deffaite et seiche par griefueré de mal, autre chose ne me est necessaire sinon compaignie de vous. Ho ! dist l'autre ie vous guériray prestement. Il fault sur ce lyt et besongna le mieulx qu'il peut, et tantost qu'il eut rompu deux lances, elle se lieué, et se mist sur ses piedz. Puis demye heure après allast, par les ruës et ses Voisines que la cuydoient comme morte, furent tres ésmerveilleés, jusqua ce quelle leurs dist par quelle voye et comment elle estoit reuiueé, qu'ilz dirent tantost qu'il ny auoit que ce seul remede. Ainsi nostre bon Marchand aprint a guarir sa Femme qui luy tourna a grant préjudice, car souvent faignoît estre malade pour receuoir la Medecine.

NOU-



NOUVELLE XCI.
LA FEMME

OBEISSANTE.

A Insi que j'estoye naguères en la Comté
de Flandres en l'une des plus grosses
Villes



Villes du Pays, vng gentil Compaignon me fist vng joyeux Conte d'vng Homme marié de qui la Femme estoit tant luxurieuse et chaude sur le potage, et tant publique qu'a paine estoit elle contente qu'on la coingnast en plaines ruës auant qu'elle ne le fut. Son Mary scauoit bien que de celle condicion estoit, mais de subtilité pour querir remede a luy donner empechement il ne scauoit trouuer tant estoit a ce joly mestier ruseé. Il la menassoit de la battre et de laisser seule, ou de la tuer. Mais querés que le face, autant eust il profité a menasser vng chien enraigé ou quelque autre beste. Elle se pourchassoit a tous les et ne demandoit que lutin, il y auoit bien pou d'Hommes en toute la contrée ou elle repairoit, pour estaindre vne seule estincelle de son grant feu, et quiconque la bargignoyt il auoit aussi bien a creance que a argent sec, fust homme bossu ou vieulx, contrefait ou autre quelque defigurance, brief nul ne s'en alloit sans denrées reporter. Le pource Mary voyant ceste vie continuer, et que toutes ses menasses ny prouffitoient riens, il s'aduisa qu'il l'espouuenteroit par vne maniere qu'il trouua. Quant il la peut auoir seule en sa maison,

il

il luy. dist : or ca Jehanne ou Biatrix ainsi qu'il l'appelloit, ie voy bien que vous estes obstinée en vostre meschance, et que quelque menasse que ie vous face ou punicion, vous n'en tenez non plus de compte que se je m'en taisoye. Helas ! mon Mary, dist elle, en bonne foy j'en suis la plus marie, et trop me desplaist, mais je ny puis mettre remede, car je suis née en telle Planette pour estre preste et seruante aux hommes. Voire dea, dist le Mary, y estes vous ainsi destinée ? sur ma foy ie ay bon remede et hastif. Vous me tuéres donc, dist elle, autre remede ny a. Laissez moy faire, dist il, ie scay bien mieulx. Et quoy, dist elle, que ie le saiche ? Par la mort bieu, dist il, ie vous hocheray vng jour tant, que ie vous boutteray vng quarteron d'Enfans dedans le ventre, et puis je vous abandonneray, et les vous laisseray toute seule nourrir. Vous, dist elle ! Voire, mais ou prins ? Vous n'avez pas pour commencer, telles menasses m'espouuentent bien pou, ie ne vous crains de cela pas vng niquet, se j'en desmarche, ie veux que l'en me tonde en croix ; et s'il vous semble que ayez puissance de ce faire, auancés vous, et commencés, de ceste heure ie suis preste pour liurer le moule. Au Dyable de telle

Femme

Femme dist le Mary, qu'on ne peult par quelque voye corriger ! Il fut contraint de la laisser passer sa destinée ; et il se fut plustost esceruelé et fendu la teste pour la reprendre que luy faire tenir cœy le derriere ; par quoy la laissa courre comme vne lisse entre deux doulzaines de chiens et accomplir tous ses vouldoirs et defordonnés desirs.

NOU-



NOUVELLE XCII.

LE CHARIVARI.

EN la Cité de Méts en Lorraine auoit
puis certain temps en ca vne bonne
Bourgeoise mariée qui estoit tout oultre de
la

la Confrerie de la Houlette, riens ne faisoit plus volentiers que ce joly esbattement que chascun scait, et ou elle pouoit deployer ses armes, elle se monstroit vaillante et pou redoubtant les horions. Or entendez quelle chose luy aduint en exerçant son mestier. Elle estoit amoureuse d'vng gros Chanoine, que auoit plus d'argent, que vng chien n'a de puces. Mais pource qu'il demouroit en lieu où les gens estoient a toute heure comme on diroit a vne gueulle Bée ou place Publique, elle ne scauoit comment se trouuer avec son Chanoine. Tant pensa et subtila a sa besongne, quelle s'aduisa que se descouuriroit a vne sienne Voisine que estoit sa Soeur d'armes touchant le mestier et vñce de sa houlette, et luy sembla que elle pouroit aller veoir son Chanoine accompaignié de sa Voisine sans que l'en y pensast nul mal ou suspicion. Ainsi que elle aduisa fut fait, et comme se pour vne grosse matiere fust allée vers Monseigneur le Chanoine, ainsi honnorablement y alla elle accompaignée comme dit est. Pour le faire brief, incontinent que nos Bourgeoises furent arriuees, apres toutes les salutacions, ce fut la principale memoire que l'enclote avec son Amoureux Chanoine,

hoine et fist tant que le Chanoine luy bail-
la vne monture, ainsi comme il scauoit. La
Voisine voyant l'autre auoir l'audience, et
le gouuernement du Maistre de leans,
n'en eut pas peu d'enuie, et luy desplai-
soit moult que non ne luy faisoit ainsi
comme a l'autre. Au vuidier de la Chambre,
celle qui auoit sa pitance, dit a sa Voisine, nous
en yrons nous? Voire, dist l'autre, s'en va
l'en ainsi se l'on ne me fait la courtoisie,
comme a vous Pardieu, je accuseray le mes-
nage, ie ne suis pas icy venüe pour eschauf-
fer la cire. Quant l'en apperceut sa bonne
volenté on luy offrit le Clerc de ce Cha-
noyne que estoit vng fort et roide Galant,
et Homme pour la tres bien, fourbir de
quoy elle ne tint compte, mais le reffusa
de tous points, disant que aussi bien vou-
loit auoir le Maistre, que l'autre, autrement
ne feroit elle point contente. Le Chanoine
fut contraint pour sauuer son honneur de
s'accorder, et quant ce fut fait, elle voulut
bien adoncques dire adieu et se partir.
Mais l'autre ne le vouloit pas, ains dist
toute couroucée, que elle que l'auoit ame-
né et estoit celle, pour que l'assemblée estoit
faicte, deuoit estre mieulx partie que l'au-
tre, et qu'elle ne se departiroit point s'elle

Tom. II.

V

n'auoit

n'auoit encore vng Picotin dauoyne. Le Chanoine fut bien esbahy quant il entendit ces nouuelles, et combien qu'il priaist celle, qui vouloit auoir le surcroist, toutefois ne se vouloit elle rendre contente. Or ca, dist il, de Pardieu ie suis content puis qu'il faut que ain sy soit, mais n'y reuenez plus pour tel prix, ie seroie hors de la Ville. Quant les armes furent accomplies, ceste Damoiselle au surcroist au dire adieu dist a son Chanoine, qu'il failloit donner aucune gracieuse chose pour souuenance. Sans se faire trop importuner ne trauailler de requestes, et aussi pour estre desliuré ce bon Chanoine, auoit vne piece d'vng demourant de couurechief que leur donna, et la principale recut le don ain sy dirent, adieu. C'est, dist il, ce que ie vous puis maintenant donner, prennés chascune en gré. Elles ne furent guères loing allées que en plaine ruë la Voisine, qui n'auoit eu sans plus que vng Picotin, dist a sa Compaigne qu'elle vouloit auoir sa porcion de leur don. Et bien, dist l'autre, ie suis contente, combien en voulez vous auoir? Fault il demander cela, dist elle, i'en doy auoir la moitié et vous autant. Comment osez vous demander, dist l'autre, plus que vous

vous n'avez defferui ? Auez vous point de honte ? Vous scauez bien que vous n'avez esté que vne fois au Chanoine , et moy deux fois , et Pardieu ce n'est pas raison , que vous soyez partie aussi auant que moy. Pardieu j'en auray autant que vous , dist l'autre , ay ie pas fait mon deuoir aussi auant que vous , comment l'entendez vous ? N'est ce pas autant d'une fois comme de dix , et afin que vous congnoissiez ma voulenté sans tenir icy halle de neant , ie vous conseille que me baillez ma part justement la moitié , ou vous aurez incontinent Hutin , me voulez vous ainsi gouverner ? Voire dea , dist la Compaigne , y voulez vous proceder d'armure ? De fait et par la puissance Dieu , vous n'en aurez fors ce qu'il sera de raison , c'est a scauoir des trois pars l'une , et j'auray tout le demourant , nay ie pas eu deux fois plus de paine que vous ? Adonc l'autre haulce et de bon poinct charge sur le visage de la Compaigne , pour que l'assemblée auoit esté faicte , qui ne le tint pas longuement sans rendre , brief elles se battirent tant et de si bonne maniere , que a bien petit qu'elles ne s'entretuerent , et

V 2

l'une

l'une appelloit l'autre ribaulde. Quant les gens de la ruë virent, la bataille des deux Compaignes qui peu de temps deuant auoient passé par la ruë ensemble amoureuxment furent tous esbahis, et les vindrent tenir et deffaire l'une de l'autre. Puis après les Gens que la estoient huchèrent leurs maris que vindrent tantost, et chascun deux demandoit a sa Femme, la matiere de leur difference. Chascune comptoit a son plus beau, et tant par leur faux donner a entendre, sans toucher de ce pourquoy la question estoit meüe, les esmeurent tellement l'vng contre l'autre, qu'ils se vouloient entretüer, mais les Sergens les menerent refroidir en prison. La Justice voulut scauoir dont estoit procédé le fondement de la question entre les deux Femmes, elles furent mandées, et contrainctes de confesser que ce auoit esté pour vne piéce de couurechief *et cetera*. Les Gens de Conseil, voyant que la congnissance de ceste cause, n'appartenoit a eulx la renuoierent deuant le Roy de Bordelois, tant pour les merites de la cause, comme pource que les Femmes estoient de ses Subgectes, et pendant le procès les bons Maris demourerent en la prison

atten-

attendants la Sentence diffinitive qui pour le nombre infini deulx , en est taillée de demourer penduë au clou.



NOUVELLE XCIII.
 LA POSTILLONE
 SUR LE DOS.

T Andis que j'ay bonne audience je vueil
 compter vng gracieux Conte aduenu
 au

au Haynault en vng Village du Pays que i'ay nommé , avec vne gente Femme marice qui aymoit plus chier le Clerc de la Paroisse dont elle estoit Paroissienne que son Mary , et pour trouuer quelque moyen d'estre avec son Clerc , faignit a son Mary quelle deuoit vng pelerinage a vng Sainct qui n'estoit gueres loing de la , et que promis luy auoit quant elle estoit en trauail , luy priant qu'il fut content , qu'elle y allast vng jour quelle nomma. Le bon simple Mary qui ne se doubtoit de rien accorda ce pelerinage , et pource que le Mary demouroit seul , il luy dist quelle appresta son disner et soupper tout ensemble auant qu'elle se partist , autrement il yroit menger a la tauerne ; elle fit son commendement et appresta vng bon Pouffin , et vne piece de Mouton , et quant toutes ces preparatiues furent faictes elle dist a son Mary que tout estoit prest , et quelle aloit quérre de l'Eau benoiste pour soy partir après. Elle entra en l'Eglise , et le premier Homme qu'elle trouua ce fut celluy quelle querroit , c'est a scauoir son Clerc , a qui elle compta les nouvelles comment elle auoit congié d'aller en pelerinage *et cetera* , pour toute la journée , mais il y a vng cas , dist elle , je suis seur que

fitost qu'il me sentira hors de l'hostel qu'il s'en yra a la tauerne , et n'en retournera jusqu'au Vespere bien tard , ie le congnois tel , et pourtant j'ayme mieulx demourer a l'hostel tandis qu'il n'y sera point , que aller hors : adoncques vous vous rendrez dedans vne demye heure autour de nostre hostel , afin que ie vous mette dedans , par derriere s'il aduient que mon Mary ny soit point , et s'il y est nous yrons faire nostre pelerinage. Elle vint a l'hostel ou elle trouua encores son Mary dont elle ne fut point contente , qui luy dist , comment estes vous encores icy ? Je m'en vois , dist elle , chauffer mes souliers , et puis ie ne songeray plus gueres que ie ne parte. Elle alla au Cordouennier , et tandis qu'elle faisoit chauffer ses souliers , son Mary passa par deuant l'hostel du Cordouennier avec vng autre son Voisin qui alloit de coustume volentiers a la tauerne. Et combien qu'elle supposast que pource qu'il estoit accompaignié , dudit Voisin qu'il s'en allast a la tauerne , touttefois n'en auoit nulle volenté , mais il s'en alloit sur le Marché , pour trouuer encores vng bon Compaignon ou deux , et les amene disner avec luy au commencement qu'il auoit dauantage , c'est assauoir le Pouffin et la

a piece de Mouton. Or nous laisserons icy nostre Mary chercher compaignie, et retournerons a celle qui chaussoit ses souliers, que sitost que ils furent chauffez, reuint a l'hostel le plus hastiuement, qu'elle peut ou elle trouua le gentil Escolier, qui faisoit la proceffion tout autour de la maison, a qui elle dist : Mon Amy, nous sommes les plus heureux du monde, car j'ay veu mon Mary aller a la tauerne, j'en suis seure, car il y a vng sien sortes qui le maine par les bras, lequel ne le laissera pas retourner quant il voudra, et pourtant donnons nous joye. Le jour est nostre jusques a la nuyt. Jay appointé vng Pouffin et vne belle piece de Mouton dont nous ferons gouguectes. Et sans plus riens dire le mist dedans, et laissa l'huy entreouuert affin que les Voisins ne s'en doubtassent. Or retournons maintenant a nostre Mary que a trouué deux bons Compaignons avec le premier dont j'ay parlé, lesquels il amaine tous pour deconfire et deuorer ce Pouffin en la compaignie de beau vin de Beaune ou de meilleur s'il est possible de finer. A l'ariuer a sa maison il entre le premier dedans, et incontinent qu'il fut entré, il aperceut nos deux Amants, que s'estoient mis a faire vng tron-

V s

fon

son de bon ouurage, et quant il vit la Femme qui auoit les jambes leuées il luy dist qu'elle, n'auoit garde de vser ses souliers, et que sans raison auoit trauaillé le Cordouennier, puis qu'elle vouloit faire son pelerinage par telle maniere. Il hucha ses Compaignons et dist, Messeigneurs, regardez que ma Femme aime mon prouffit, de paour que elle ~~se~~ vse ses beaux Souliers neufs, elle chemine sur son dos, il ne la pas telle qui veult. Il prent vng petit demourant de ce Pouffin, et luy dist quelle parfist son pelerinage puis ferma l'huy et la laissa avec son Clerc, sans luy autre chose dire, et s'en alla a la tauerne de quoy il ne fut pas tencé au retourner, ne les autres fois aussi quant il y alloit pource qu'il n'auoit rien ou pou parlé de ce pelerinage, que la Femme auoit fait a l'hostel avec son amoureux le Clerc de la Paroisse.

NOU.



NOUVELLE XCIV.

LE CURE

DOUBLE.

ES Marches de Picardie ou Diocèse de
Therouienne auoit puis an et demy en
ca

ca ou enuiron vng gentil Curé demourant en la bonne Ville qui faisoit du Gorgias tout oultre, il portoit robe courte, chaufes tirées a la facon de Court, tant gaillard estoit que l'en ne pourroit plus, qui n'estoit pas paou desclandre aux Gens d'Eglise. Le Promoteur de Theroüenne que telles manieres de gens appelloit le grant Dyable, foy informe du gouuernement de nostre gentil Curé, et le fist citer pour le corriger et luy faire mürer ses meurs. Il comparut és habits courts comme s'il ne tenist compte du Promoteur, cuydant par aduanture que pour ses beaulx, yeulx on le desliurast, mais ainsy n'aduint pas; car quant il fut deuant Monseigneur l'Official et sa partie le Promoteur luy compta sa legende ou long et demanda par sa conclusion, que ses habillemens et autres menuës manieres de faire luy fussent deffenduës, et auec ce qu'il fut condamné a payer certaines amendes. Monseigneur l'Official voyant a ses yeulx que tel estoit nostre Curé que on luy baptisoit, luy fist les deffences sur les paines du Canon que plus ne se desguisast en telle maniere qu'il auoit fait et qu'il portast longues robes et cheueulx longs, et auec ce le condamna a payer vne
bonne

bonne somme d'argent. Il promist que ainsi en feroit il, et que plus ne feroit cité pour telle chose. Il print congié au Promoteur, et retourna a sa Cure et fitost qu'il y fut venu il fist huchier le Drapier, et le Cousturier, si fist tailler vne Robe que luy trainoit plus de Trois quartiers disant au Cousturier les nouvelles de Therouïenne comment c'est assavoir, qu'il auoit esté repris de porter courte Robe, et qu'on luy auoit chargié de la porter longue. Il vestit ceste Robe longue et laissa croistre ses cheueulx de la teste, et de la barbe et en cest estat seruoit la Paroisse, chantoit Messe et faisoit les autres choses appartenantes a Curé. Le Promoteur fut arriere aduertie comment son Curé se gouuernoit outre la reigle et bonne, et honneste conuersacion des Prestres, lequel le fist citer comme deuant, et il se comparut és longs habits. Queste cecy dist, Monseigneur l'Official, quant il fut deuant luy? Il semble que vous trompés des Estaruts, et Ordonnances de l'Eglise, voyez vous point comme les autres Prestres s'habillent? Se se ne fust pour l'amour de vos bons Amis, je vous féroye affubler la prison de ceans. Comment, Monseigneur, dist nostre Curé,

ne

ne m'auez vous pas chargié de porter longue Robe, et longs cheueu ? fais je point ainsi que vous mauez commandé, n'est pas ceste Robe assez longue, mes cheueux sont ils pas longs, que vouléz vous que ie face ? Je vueil, dist Monseigneur l'Official, et si vous commande que vous portés Robe et cheueux a demy longs, ne trop ne pou, et pour ceste grande faulte ie vous condamne a payer dix liures d'amande au Promoteur, vingt liures a la Fabrique de ceans et autant a Monseigneur de Theroienne a conuertir a son Aumosne. Nostre Curé fust bien esbahy. Mais touttefois il faillit qu'il passast par la, il prent congié et s'en reuint en sa maison bien pensant comment il pourroit subtilier pour garder la Sentence de Monseigneur l'Official. Il manda le Cousturier a que il fist tailler vne Robe longue d'vng costé comme celle dont nous auons parlé, et Courte comme la premiere de l'autre costé, puis il se fist barber du costé ou la Robe estoit Courte, en ce point alloit par les rues, et faisoit son diuin Office, et combien qu'on luy dist que c'estoit mal fait, touttefois si n'en tenoit il compte. Le Promoteur en fut encores aduertý, et le fist citer comme de-

deuant. Quant il comparut Dieu scait comment Monseigneur l'Official fut mal content, a paine qu'il ne failloit de son Siege hors du sens quant il regardoit son Curé estre habillé en guise de Mommeur, si les autres deux fois il auoit, esté bien rachassé il fut encores mieulx celle cy, et condamné a belles grosses amendes. Lors nostre Curé se voyant ainssy deplumé de amendes, et de condamnations dist a Monseigneur l'Official: Il me semble, sauue vostre reuerence, que j'ay fait vostre commandement. Et entendez moy je vous en diray la raison. Adonc il couurit sa Barbe longue de sa main qu'il estendit sus, et puis dist: si vous voulez ie n'ay point de Barbe, puis mist sa main de l'autre les couurant, la partie tondue ou rasoée, en disant se vous voulez j'ay longue barbe, esse ce pas ce que m'auez commandé? Monseigneur l'Official voyant que c'estoit vng vray trompeur, et qu'il se trompoit de luy, fist venir le Barbier et le Paramantier, et deuant tous les assistans luy fist faire sa Barbe, et puis couper sa Robe de longueur qu'il estoit de mestier et de raison, puis le renuoya a sa Cure ou il se conduit

hau-

hautement en maintenant ceste dernière maniere qu'il auoit aprinse a la sueur de sa Bourse.

NOU



NOUVELLE XCV.

LE DOIGT

DU MOINE GUERI.

Comme il est assez de coustume, Dieu
 mercy, qu'en plusieurs Communautés
 Tom. II X y a

y a de bons Compaignons au moins quant au jeu des bas instrumens, au propos naguères auoit en vn Conuent de Paris vng tres bon Frere Prescheur que auoit de coustume de visitter ses Voisines. Ung jour entre les autres il choisit vne tres belle Femme que estoit sa prochaine Voisine, jeune et en bon point, et s'entreaymoient de bon couraige; et la jeune Femme estoit mariée nouuellement a vng bon Compaignon, et deuint Maistre Moyne tres bien amoureux d'elle, et ne cessoit déspluser et subtilier voyes et moyens pour paruenir a ses attaintes, qui a dire en gros et en brief, estoient pour faire cela que vous scauez. Or disoit, ie feray ainsi: or conclut autrement, tant de propos luy venoient en la teste qu'il ne scauoit sur quoy s'arrester, trop bien disoit il, que le langage n'estoit point de abattre, car elle est trop bonne et trop seure, force mest que se ie vuëil paruenir a mes fins, que par cautelle et deception ie la gaigne. Or escoutés de quoy le Larron s'aduisa, et comment frauduleusement la pource beste il attrappa, et son desir tres honneste comme il proposa accomplit. Il faignit vng jour auoir mal en vng doy d'empres le poulce, que est le premier des quatre en la main destre, et de

de fait l'enueloppa de draps linges , et le dora d'aucuns oingnemens tres fort sentans. Et en ce point se tint, vng jour ou deux se monstrant aual son Eglise deuant la dessusdite, et Dieu scait s'il faisoit bien la douleur. La Simplette le regardoit en pitié, et voyant a sa contenance que il auoit grant douleur, et pour la grant pitié que elle en eut , luy demanda son cas et le subtil Regnard luy compta si tres piteusement, qu'il sembloit mieux hors du sens que autrement. Ce jour se passa, et a lendemain enuiron l'heure de Vespres que la bonne Femme, estoit a l'Hostel seulette, ce Pacient la vient trouuer ouurant de foye , et auprés d'elle se met, faisant si tres bien le malade, que nul ne l'eut jugié en tres grant dangier. Or se viroit vers la fenestre, maintenant vers la Femme, tant d'estranges manieres il faisoit, que vous fussiez esbahy et abusé a le veoir; et la Simplette qui toute pitié en auoit a paine que larmes ne luy sailloient des yeux le confortoit au mieulx que elle pouoit. Helas ! Frere Henry auez vous parlé aux Medecins telz et telz ? Ouy certes ma mye disoit il, il ny a ny Medecin ne Chirurgien en Paris qui n'ayt veu mon cas. Et qu'en disent ils ? Souffri-

X 2

rez

rez vous longuement ceste douleur ? Helas !
 Ouy, voire encores plus la mort, se Dieu ne
 m'ayde ; car en mon fait n'a que vng seul
 remede, et j'aymeroye autant a paine mou-
 rir que le desceler. Et de fait il est mains que
 bien honnesté et tout estrange de ma pro-
 fession. Comment dea, dist la Pourette,
 puis qu'il y a remede ? Et nesse pas mal fait
 et peché a vous de vous, laisser ainly pas-
 sionner ? Si est en uerité, ce me semble vous
 vous mettez en dangier de perdre sens et
 entendement a ce que je voy vostre douleur
 si aspre et si terrible. Pardieu bien aspre et
 terrible est elle, dist Frere Henry, mais quoy
 Dieu la ma enuoyé, loüé soit, ie prens bien
 la maladie en gré et auray en patience et suis
 tout asseuré d'attendre la mort. Car cest
 le vray remede de ce, voire, excepté vng
 dont ie vous ay parlé qui me gueriroit tan-
 tost, mais quoy, comme ie vous ay dit, ie
 n'oseroye dire quel il est, quant ainsi seroit
 qu'il me seroit force a descelér ce que c'est,
 je n'auroye point le vouloir de l'accomplir.
 Et par Saint Martin, dist la bonne Femme,
 Frere Henry, il me semble que vous auez tort
 de tenir telz termes, et pour Dieu, dictes
 moy qu'il faut pour vostre garison, et ie
 vous asseure que ie metteray painé et dili-
 gence

gence a trouuer ce qui y seruira. Pour Dieu , ne foyez cause de vostre perdicion , laissez vous ayder et secourir ! Or dictes moy que c'est et vous verrés se ie ne vous ayderay. Si feray par Dieu , me deust il couster plus que vous ne pensés. Damp Moyne voyant la bonne-voulenté de sa Voisine , après vng grant tas d'excusances et de reffus , que pour estre brief ie trespasse , dist a basse voix : Puis qu'il vous plaist que ie le die , ie vous obeyray. Les Medecins , mont tous dit d'vng accord , que en mon fait na que vng seul remede , c'est de boutter mon doy malade dedans le lieu secret d'vne Femme nette et honneste , et la le tenir assez bonne piéce , après le oindre d'vng oignement dont ils m'ont baillé la récepte. Vous oyez que c'est , et pourtant que ie suis de ma nature , et de propre coustume honteux , j'ay mieulx aimé endurer et souffrir jusques icy les maulx que j'ay portés qu'en riens dire a personne viuant , vous seule scauez mon cas , et malgré moy. Helas ! helas dist la bonne Femme , je ne vous ay dit chose , que ie ne face , ie vous vuëil ayder et guérir , ie suis contente et me plaist bien pour vostre garison , et vous oster de la terrible angoise qui vous tourmente , que vous preste lieu pour boutter vostre

doy malade. Et Dieu le vous rende, Damoiselle, dist Damp Moine. Je ne vous eusse osé requérir ne autre, mais puis qu'il vous plaist de me secourir ie ne seray ja cause de ma mort. Or nous mettons doncques s'il vous plaist en quelque lieu secret que nul ne nous voye. Il me plaist bien dist elle, si le mena en vne belle garderobe, et serra l'huys, et sur le liect la mist, et Maistre Moyne luy liéue ses drapeaux, et en lieu du doy de la main bouta son perchant dur et roide dedans, et a l'entrée qu'il fist, elle que le sentit si tres gros dist: Et comment! Vostre doy est il si gros? Ie n'oüy jamais parler du pareil. Et enuerité, dist il, ce fait la maladie que en ce point le ma mis. Vous me contés merueille, dist elle. Et durant ces langages Maistre Moyne, accomplit ce pourquoy si bien auoit fait le malade. Et elle qui sentit *et cetera*: Demanda que c'estoit? Et il respondit, cest le clou de mon doy qui est effrondré, je suis demy guery se me semble, Dieu mercy, et là vostre. Et par ma foy, ce me plaist moult, ce dist la Dame, qui lors se leua, se vous nestes bien gary, se retournés toutteffois qu'il vous plaira; car pour vous oster de douleur, il n'est rien que je ne face, et ne

et ne foyez plus si honteux que vous
auez esté pour vostre garison et santé re-
couurer.



NOUVELLE XCVI. LE TESTAMENT

C Y N I Q U E.

Recompter ie vous vuëil ce que aduint
l'autre hyer a vng fimple Curé de Vil-
lage.

sage. Ce bon Curé auoit vng chien qu'il auoit noury et gardé, que tous les autres chiens du Pays passoit sur le fait d'aller en leauë querir le vireton; et a l'occasion de ce son Maistre l'aymoit tant, qu'il ne seroit pas legier a conter combien il en estoit affoté. Aduint touttefois ie ne scay par quel cas, ou s'il eut trop grant chaut, ou trop grant froit, touttefois il fut malade et mourut. Que fist ce bon Curé luy qui son Presbitere auoit tout contre le Cymetiere? Quant il vit son chien tréspassé, il pensa que grant dommaige seroit, que vne si sage et bonne beste demourast sans sepulture. Et pourtant il fist vne fosse assés près de l'huys de sa maison et la l'enfoüit. Je ne scay pas s'il en fist vne de marbre, et par dessus grauer vne Epitaphe, si me tais. Ne demoura guères que la mort du bon chien du Curé, fut par le Villaige anonceé et tant espendue, que aux oreilles de l'Euesque du lieu paruint, et de sa sepulture faicte que son Maistre luy bailla. Si le manda vers luy venir par vne belle citation par vng Chicaneur. Helas! dist le Curé, et quay ie fait qui suis cité d'Office? Quant a moy dist le Chicaneur ie ne scay qu'il y a, se ce n'est pourtant, que vous auez enfoüy vostre

X s

chien

chien en Terre Sainte ou l'en met les Corps des Chrestiens. Ha ! se pense le Curé, c'est cela. Or luy vint en teste qu'il auoit mal fait, et que s'il se laisse emprisonner qu'il sera escorché ; car Monseigneur l'Euesque est le plus conuoiteur de ce Royaulme, et si a Gens autour de luy qui scauent faire venir leauë au Moulin, Dieu scayt comment. Il vint a sa journée, et de plain bond s'en alla vers Monseigneur l'Euesque, qui luy fit vng grant Prologue pour la sepulture du bon chien. Et sembloit a louyr que le Curé eut pis fait que d'auoir regnié Dieu. Et après tout son dire il commanda qu'il fut mené en sa prison. Quant Monseigneur le Curé vit qu'on le vouloit bouter en la boiste aux Cailloux, il fut plus esbahy que vng Canet, et requist a Monseigneur l'Euesque qu'il fut oüy lequel luy accorda. Et deuez scauoir que a ceste calenge estoient grant foison de Gens de bien, et de grant façon, comme l'Official, les Promoteurs, le Scribe, Notaires, Aduocatz, Procureurs, et plusieurs autres, lesquelz tous ensemble grant joye menoient du cas du bon Curé, que a son chien auoit donné la Terre Sainte. Le Curé en sa deffence et excuse parla en brieuf et dist, en verité Monseigneur, se
vous

vous eussiez autant congneu mon bon chien, a qui Dieu pardoint, comme j'ay fait, vous ne seriez pas tant esbahy de la sepulture que ie luy ay ordonnee comme vous estes; car son pareil comme j'espere ne fut jamais trouué, ne sera: et lors commenca a dire baufme de son chien; aussi pareillement s'il fut bien sage en son viuant encores le fut plus a sa mort, car il fist vng tres beau Testament, et pource qu'il scauoit vostre necessité et indigence il vous ordonna cinquante Escus d'or que ie vous apporte. Si les tira de son sein, et les bailla a l'Euesque lequel les receut volentiers, et lors loua et approuua les sens du vaillant chien, ensemble son Testament, et la Sepulture qu'il luy bailla.

NOU-



NOUVELLE XCVII.
LE HAUSEURS.

A Duint naguères que estoit vne assemblée de bons Compaignons faisans bonne chiére en la Tauerne, et beuans d'autant :

tant : et quant ils eurent beu et mangé, et fait si bonne chere jusques a loüer Dieu et aussi *usque ad Hebræos* la plus part, et qu'ils eurent compté et payé leur escot, les aucuns commencerent a dire comment nous serons festoyez de nos Femmes quant nous retournerons a l'ostel ! Dieu scait que nous ne serons pas excommuniez on parlera bien a nos barbes ! Nostre Dame dist l'vng, ie crains bien a m'y trouuer, ainsi maist Dieu dist l'autre, aussy fais je moy, ie suis tout seur d'ouïr la passion. Plust a Dieu que ma Femme fut muette ! Je beueroye trop plus hardyment que ie ne fais. Ainsi disoient tretous, fors l'vng deulx que estoit bon Compaignon, qui leurs alla dire : Et comment beaulx Seigneurs vous estes tous bien malheureux qui auez tous chascun Femme qui si fort vous reprent d'aller a la Tauerne, et est tant mal contente que vous beueez ! Par ma foy, Dieu mercy, la mienne n'est pas telle. Car, si je beuoye dix, voire cent fois le jour, si n'este pas assés a son gré, brief ie ne vis oncques que elle ne eut voulu que ie eusse plus beu la moytié. Car quant je reuiens de la Tauerne, elle me souhaite tousjours le demourant du tonneau dedens le ventre, et le tonneau avecques.

Si

Si n'est pas signe que ie boiue assés a son gré? Quant ses Compaignons ouïrent ceste conclusion, ils se prinrent a rire et louèrent beaucoup son Conte, et sur ce s'en allerent tous, chascun en sa chascune. Nostre bon Compaignon, qui le Conte auoit fait s'en vint a l'hostel, ou il trouua pou paisible sa Femme, toute preste a tencer que de si loing quelle vit venir, commença la souffrance accoustumée, et de fait comme elle souloit, luy souhaita le demourant du vin du tonneau dedens le ventre. La vostre mercy ma mye, dist il, encores auez meilleure coustume que les autres Femmes de ceste Ville, elles enraigent de ce que leurs maris boient ne tant ne quant; et vous, Dieu le vous rende, voudriez bien que ie busse tousjours ou vne bonne fois, qui tousjours durast. Je ne scay, dist elle, que ie voudroye, sinon que ie prie a Dieu que tant beuez vng jour que creuer en puissiez! Comme ils se deuisoient ainsi doucement que vous oyez, le pot a la pourée, qui sur le feu estoit commence a s'enfoïr par dessus, pource que trop aspre feu auoit, et le bon Homme qui voyoit que sa Femme, n'y mettoit point la main luy dist: Et ne voyez vous, Dame, ce pot qui s'enfoït?

foüit? Et elle que encores rapaisée n'estoit
 respondit: si fais Sire ie le vois bien. Or le
 haussés, Dieu vous mette en mal an! Si feray
 ie, dist elle, ie le hauseray, ie le mez a *vij de-*
niers. Voire, dist il, Dame esse la responce,
 haussés ce pot de par Dieu. Et bien, dist el-
 le, ie le metz a *vij soulds*, esse assés hault?
 Hen hen, dist il, et par saint Jehan, ce ne se-
 ra pas sans trois coups de baston; et il choi-
 sit vng gros baston et en descharge de tou-
 te sa force sur le Dos de Madamoiselle en
 disant ce marchié vous demeure; et elle
 commença a crier alarme tant que les Voisi-
 nes sy assemblerent, qui demanderent que
 c'estoit? Et le bon Hommeracompta l'Histoi-
 re comme elle alloit, dont ils rirent tres-
 tous, fors elle a qui le marchié demoura.

NOU-



NOUVELLE XCVIII.
LES AMANS
 INFORTUNES.

A Duint naguères és Marches et Mettes
 de France entre les autres Nobles, auoit
 vng

vng Cheualier riche et noble tant par l'ancienne noblesse de ses Predecesseurs, comme par ses propres nobles et vertueux faits, lequel Cheualier de sa Femme espousée auoit eu seulement vne fille, qui estoit tres belle et tres adressée pucelle comme a son estat appartenoit, aagée de xv. a xvj. ans ou enuiron. Ce bon et noble Cheualier voyant sa fille estre assés aagée, habille et ydoine pour estre allié et accointée par le Sacrement de Mariage, il eut tres grant vouldenté de la joindre et donner a vng Cheualier son voisin, non toutesfois tant noble de parentage, comme de grosses puissances et richesses temporelles, avec ce aussi aagé de 60. a 80. ans ou enuiron. Ce vouloir rongea tant enuiron la teste du Pere dont j'ay parlé, que jamais ne cessa jusques a ce que les alliances et promesses furent faictes entre luy et sa Femme Mere de la fille, et le dit ancien Cheualier, touchant le Mariage de luy avec ladiète fille, qui des assembleés promesses et traictez ne scauoit rien ne ny pensoit aucunement. Assés prochain de l'Hostel de celuy Cheualier, Pere de la pucelle, auoit vng autre Cheualier vaillant et preux, riche moyennement, non pas tant de beaucoup que l'autre ancien dont j'ay parlé,

Tom. II. Y lé,

lé, que estoit très ardamment et fort embrasé de l'amour de ycelle pucelle, et pareillement elle par la vertueuse et noble renommée de luy en estoit très fort entachée, combien que en dangier parlassent l'un l'autre; car le Pere s'en doubtoit, et leurs rompoit les moyens et voyes qu'il pouoit; touttefois il ne les pouoit forclore de l'entiere et très lealle amour dont leurs deux cœurs estoient entreliez et enlacés. Et quant la Fortune leur fauorisoit tant que ensemble les faisoit deuïser, d'autres choses ne tenoient leurs deuïses, comme de pour penser le moyen par lequel leur seul et souuerain desir pouroit estre accompli par legitime Mariage. Or s'aproucha le temps que icelle pucelle deust estre donnée à ce Seigneur ancien, et le marchié luy fut par son Pere descouuert, et assigné le jour quelle le deuoit espouser, dont ne fut pas peu couroucée; mais elle pensa quelle y donneroit remede. Elle enuoya vers son très chier Amy le jeune Cheualier, et luy manda que il venist celéement le plustost que il pouroit; et quant il fut venu, elle luy compta les alliances faictes d'elle et de l'autre ancien Cheualier demandant sur ce conseil, affin de tout rompre; car d'autre que de luy ne vouloit point estre espousée. Le Cheualier luy

luy respondit : Ma Mye tres-chiere , puis-
 que vostre bonté se veut tant humilier , que
 de moy offrir , ce que ie n'oseroye requie-
 rir sans tres grande vergongne , ie vous re-
 mercye , et se vous voulez perseverer en ce-
 ste bonne volenté , jescay que nous deuons
 faire. Nous prendrons et assignerons vng
 jour auquel ie viendray en ceste Ville , bien
 accompaignié de mes Amys , et a certaine
 heure vous rendrés en quelque lieu que
 vous me dirés maintenant ; ou ie vous
 trouueray seule , vous monteray sur mon
 cheual et vous menneray en mon Cha-
 steau ; et puis se nous pouuons appaiser
 Monseigneur vostre Pere et Madame vostre
 Mere , nous procederons a la consommation
 de nos promesses. Laquelle dist que c'estoit
 bien aduisé , et quelle scauoit comment on
 sy pouroit conuenablement conduire. S'y
 luy dist que tel jour , et telle heure venist en
 tel lieu ou il la trouueroit , et puis seroit
 tout bien ainsi qu'il auoit aduisé. Le jour de
 l'Assignation vint , et se comparut le ieune
 Cheualier au lieu ou l'en luy auoit dit , et
 ou il trouua sa Dame , qui montra sur son che-
 ual et picqua fort tant qu'ilz eurent eslon-
 gné la place. Le bon Cheualier craignant
 qu'il ne traueillast sa tres-chiere et parfaite

Y 2

Amye

Amye, rompit son legier pas et fist éspan-
dre tous ses Gens par diuers chemins, pour
veoir se quelqu'un ne les suyuroit point, et
cheuauchoit a trauers champs sans tenir
voies ne sentiers le plus doucement qu'il
pouoit; et chargea ses Gens qu'ils se trou-
uassent ensemble tous a vng tres gros Villai-
ge, qu'il leur nomma, ou il auoit bonne in-
tencion de repaistre. Ce Village estoit assés
estranger et hors de la commune voye des
chemins, et tant cheuaucherent qu'ils vin-
drent arriuer au Village, ou la Dedicasse et
la generale Feste du lieu se faisoit, a laquel-
le Feste y auoit Gens de toutes sortes et
de moult grande facon. Ils entrerent a la
meilleure Tauerne de tout le lieu et incon-
tinent demanderent a boire et a menger;
car il estoit tard après dîner, et la pucel-
le si estoit fort trauaillée. Ils firent faire bon
feu, et tres bien appointer a menger pour
les Gens dudit Cheualier, qui n'estoient pas
encores venus. Guères n'eurent esté en leur
Hostellerie, que voicy venir tout present qua-
tre gros Lourdiers, Charretiers, ou Bou-
uiers par aduenture encores plus vail-
lans, et entrerent en ceste dicte Hostel-
lerie baudement, demendans moult rigou-
reusement, ou estoit la Ribaulde que vng Ruf-
fien

fien naguères auoit amenée derriere luy sur son cheual, et qu'il faillloit que ils beussent avec elle et a leur tour la gouuerner. L'Hoste qui estoit homme bien congnoissant le Cheualier, saichant que ainsi n'estoit pas que les Ribaulx disoient, il leurs dist moult gracieusement, que telle n'estoit pas qu'ils cuydoient. Par la mort bieu, dirent ils, se vous ne nous la liurés incontinent, nous abatrons les huys, et lemmenerons par force maulgré vos dents. Quant le bon Hoste entendit leur rigueur, et que sa douce response ne prouffitoit point, leur nomma le nom du Cheualier, lequel estoit très renommé és Marches, mais peu congneu de gens, a l'occasion que tousjours auoit esté hors du Pays, acquerant honneur et renommée glorieuse és guerres et voyages loingtains. Leurs dist aussi, que la Femme estoit vne jeune pucelle, parente audit Cheualier, laquelle estoit neé et yssuë de grant Maison, de très noble parantaige. Helas ! Messieurs, vous pouez, dist il, sans dangier de vous ne d'aultruy, estaindre et passer vos chaleurs desordonnées avecques plusieurs autres, qui a l'occasion de la Feste de ce Village sont venuës, et non pour autre chose que pour vous, et vos semblables ; pour

Dieu laissez en Paix ceste noble fille, et mettes deuant vos yeulx les grands dangiers, ou vous vous bouttez; pensées a vos vouloirs, et le grant mal que vous voulez commettre a petite occasion. Cessés vostre sermon, dirent les Lourdiers tous allumés du feu de concupiscence charnelle, et donnés nous voye que la puissions sans violence auoir, autrement vous ferons honte; car en Public icy nous l'amenerons, et chascun de nous quatre en fera son plaisir. Ces parolles finées, le bon Hoste monta en la Chambre ou le Cheualier et la bonne pucelle estoient, puis hucha le Cheualier appart, a que les nouvelles compta, lequel quant il eut tout bien et constamment entendu sans estre guères trouble, il descendit garny de son espee, parle aux quatre Ribaulx, leurs demandant tres doucement quelle chose il leurs plaisoit? Et ainsi rudes et maussades qu'ils estoient respondirent qu'ils vouloient, auoir ceste Ribaulde qu'il tenoit fermée en sa Chambre et que se doucement ne leur bailloit, ils luy tolliroient et rauiroient a son dommaige. Beaux Seigneurs, dist le Cheualier, se vous me congnoissiez bien, vous ne me tienderies pour tel qui maine par les champs les Femmes telles que vous appelés

lés ceste ; oncques ie ne fis telle folie la mercy Dieu, et quant la voulenté me feroit telle que Dieu ne vüeil jamais, ne le feroye és Marches dont ie suis, et tous les miens, ma noblesse et netteté de mon couraige ne le pouroient souffrir, que ainsi me gouernasse. Ceste Femme est vne jeune pucelle, ma Cousine prochaine, yssüe de noble Maison, et ie vais pour ésbattre et passer temps doucement, la menant avec moy accompagnié de mes Gens, lesquels jasoit qu'ils ne soyent cy presents, touttefois viendront ils tantost et ie les attens ; et ne soyez pas ja si abusez en vos couraiges, que ie me repute si lasche que ie la laisse villenner ne souffrir luy faire injure tant ne quant, mais la garderay et deffendray aussi auant et longuement, que la vigueur de mon corps pourra durer, et jusques a la mort. Auant que le Cheualier, eut finé sa parolle les villains Platriers luy entrerompirent en nyant tout premier, qu'il fut celuy qu'il auoit nommé, pource qu'il estoit seul, et ledit Cheualier jamais ne cheuauchoit que en grande Compagnie de gens, pourquoy luy conseil-loient qu'il baillast ladicte Femme, s'il estoit sage ou aultrement luy roberoient par force, quelque chose qu'il en peut ensuiuir.

Y 4

Helas!

Helas ! quant le vaillant et courageux Che-
 ualier apperceut que douceur n'auoit lieu
 en ses reſponces , et que rigueur et hau-
 teur occuppoint la place , il ſe ferma en ſon
 couraige , reſolu que les Villains n'auroient
 point la jouiſſance de la pucelle , ou il mour-
 roit en la deffendant. Pour faire fin l'vng
 de ces quatre ſ'auanca de ferir ſon baſton
 a l'huyſ de la Chambre , et les autres l'enſuy-
 uent que furent rebouttés vaillamment de
 celluy Cheualier , et ainſy ſe commença la
 bataille qui dura aſſez longuement. Com-
 bien que les deux parties fuſſent deſpa-
 reillées , ce bon Cheualier vainquit et re-
 boutta ces quatre Ribaulx , et ainſi qu'il les
 pourſuiuoit et chaffoit , pour en eſtre tout
 au deſſus , l'vng de ceux qui auoit vng glai-
 ue ſe vira ſubit et le darda en l'eſtomac du
 Cheualier , et le perca de part en part , et
 du coup incontinent , cheut mort dont ils
 furent très joyeux. Cela fait l'Hoſte fut con-
 traint par eux de l'enſoüir au jardin de l'ho-
 ſtel ſans eſclandre ne noiſe. Quant le bon
 Cheualier fut mort , ils vindrent heurter a la
 Chambre ou eſtoit la pucelle , a que deſplai-
 ſoit que ſon Amoureux tant demouroit , et
 bouterent l'huiſ oultre , et ſiſtoſt qu'elle vit
 les Brigands entrer elle jugea que le Che-
 ualier

ualier estoit mort, disant: Helas! ou est ma garde ou est mon seul refuge, que est il deuenue, dont vient qu'ainsi me blesse le cuer, et qu'il me laisse ainsi seulette? Les Ribaulx voyant quelle estoit moult troubleé, la cuyderent faulcement decepuoir, par douces parolles, en disant que le Cheualier si estoit en vne autre maison, et qu'il luy mandoit qu'elle y allast, avec eulx et que plus seurement pour cela si pouroit garder, mais riens n'en voulut croire; car le cuer tousiours luy jugeoit qu'ils l'auoient tué. Si commença a soy dementer, et de crier plus amerement que deuant. Que se cy, dirent ils, que tu nous fais estrange maniere, cuides tu que nous ne te congnoissons? Se tu as suspicion sur ton Ruffien, qu'il ne soit mort, tu n'es pas abusée, nous en auons deliuré le Pays, pourquoy foyez toute aßeuré, que nous quatre aurons tous chascun l'vng après l'autre ta compagnie, et a ces mots l'vng deux s'auance qui la prend le plus rudement du monde disant qu'il aura sa compagnie auant qu'elle luy eschappe. Quant la pource pucelle se vit ainsi efforcée, et que la douceur de son langaige ne luy portoit point de prouffit, si leurs dist: Helas! Messieurs, puis que vo-

Y s

stre

estre mauuaise voulenté est ainsi tournée, et que humble priere ne la peult adoucir, au mains ayez en vous ceste honnesteté de couraige, que puis qu'il faut que a vous je soye habandonnée, se soit priuement c'est a scauoir a l'vng sans la presence de l'autre. Ils luy accorderent jasoit que très ennuis, et puis luy firent choisir, et pour eslire celuy deux quatre lequel cuidoit estre le plus bening et doulx, elle éleut, mais de tous estoit il le pire. La Chambre fut fermée, et tantost après la bonne pucelle se getta aux pieds du Ribault, auquel elle fit plusieurs piteuses remonstrances, en luy priant que il eut pitié d'elle, mais tousjours perseuerant en malignité, dist qu'il feroit sa voulenté. Quant elle le vit si dur, que sa priere tres humble ne vouloit exhaulcer luy dist: Or ca puis qu'il conuient qu'il soit, je suis contente, mais ie vous supplie que cloiez les fenestres, affin que nous soyons plus secretement. Il accorda bien enuis; et tandis qu'il les cloyoit, la pucelle print vng petit couteau qu'elle auoit pendu a sa sainture, et en faisant vng tres piteux cry se trencha la gorge et rendit l'ame. Et quant le Ribault la vit couchee a terre il s'enfuyt avec ses Compaignons, et est a supposer que depuis

puis ils ont esté punis selon l'exigence du
piteux cas. Ainsi finerent leurs jours les
deux beaulx Amoureux tantost l'vng après
l'autre, sans apercevoir riens des joyeux
plaisirs, ou ils cuidoient ensemble viure, et
durer tout leur temps.

NOU-



NOUVELLE XCIX.

L A

METAMORPHOSE.

S'il vous plaist auant qu'il soit plus tard
d'écouter tout a ceste heure ma petite
ratelée et Conte abrégé d'vng vaillant
Euc-

Euesque de Castille ou d'Espagne, qui pour aucune affaire du Roy de Castille, son Maître ou temps de ceste Histoire, s'en alloit en Court de Rome. Ce vaillant Prelat, dont j'entens fournir ceste Nouvelle, vint vng soir en vne petite Villette de Lombardie, et luy estant arriué par vng vendredy assés de bonne heure, vers le soir ordonna a son Maître d'Hostel, le faire soupper assés de bonne heure, et le tenir le plus aise que faire le pouroit, de ce dont on pouroit recouurer en la Ville; car la Dieu mercy, quoy qu'il fut gros gras et en bon point, et ne se donnast de mauuais temps que bien appoint et sobrement, si n'en ieusnoit journée. Son Maistre d'Hostel pour luy obeir s'en alla au Marché, et par toutes les Poissonneries de la Ville chercha pour trouuer du poisson. Mais pour faire le Conte brief, il n'en put oncques trouuer vng seul loppin, quelque diligence que luy et son hoste en sceussent faire. D'auanture eux retournans a l'Hostel sans poisson, trouuerent vng bon homme des Champs, qui auoit deux bonnes Perdrix, et ne demandoit que marchant; si se pensa le Maistre d'Hostel que s'il en pouoit auoir bon compte, que elles ne luy eschaperoient pas, et que ce seroit bon
pour


pour le Dimenche, et que son Maistre en feroit grant Feste. Il les achepta et en eut bon pris. Il vint vers son Maistre les Perdrix en la main, toutes viues, grasses et bien reffaittes, et luy compta l'eclipse de Poisson qui estoit en la Ville, dont il n'estoit pas trop joyeux, et luy dist, et que pourrons nous souper? Monseigneur respondit il, ie vous feray faire des oeufs en plus de cent mille manieres, vous aurés aussi des pommes et des poirés, nostre hoste a aussi de bon fourmaige et bien gras, nous vous tiendrons bien aise, ayez patience pour meshuy, vng souper est tantost passé, vous serez demain plus aise, se Dieu plaist. Nous yrons en la Ville qui est trop mieulx empoissonnée que ceste cy, et Dimenche vous ne pouez faillir de estre bien disné, car vcey deux Perdrix que j'ay pourueues, qui sont a bon escient bonnes et bien nouries. Ce maistre Euesque se fist bailler ces Perdrix, et les trouua telles quelles estoient, bonnes a bon escient, si se pensa que elles tiendroient a souper la place du Poisson, qu'il cuydoit auoir, dont il n'auoit point, car il n'en peut oncques trouuer, si les fist tuer et bien en haste plumer, larder et mettre en broche. Lors le Maistre d'Hostel voyant qu'il

qu'il les vouloit rostir fust esbahy , et dist a son Maistre : Monseigneur elles sont bonnes tueés , mais les rostir maintenant pour le Dimenche il ne me semble pas bon. Ledit Maistre d'Hostel perdoit son temps , car quelque chose qu'il sceut remonstrer , si ne le voulut il croire , car elles furent mises en broche et rosties. Le bon Prestre estoit la plus part du temps , qu'elles mirent a cuire tousjours present dont son Maistre d'Hostel , ne se scauoit assés esbahir , et ne scauoit plus bien l'appetit desordonné de son Maistre qu'il eut a ceste heure de deuorer ces Perdrix , aincoys cuidoit qu'il le fist pour Dimenche les auoir plus prestes au disner. Lors les fist ainsi habiller , et quant elles furent prestes et rosties , la table couuverte et le vin apporté , oeufs en diuerses facons habilléz , et mis a point , si lassit le Prelat , et le *Benedicite* dit , demanda lesdites Perdrix avec la moutarde. Son Maistre d'Hostel desirant scauoir que son Maistre vouloit faire de ces Perdrix , si les luy mit deuant luy toutes venantes de la broche ardantes , & vne fumeé aromatique assez pour faire venir leauë a la bouche d'vng friant. Et bon Euesque d'assaillir ces Perdrix , et desmembrer d'entree la meilleure , qui y fut
et

et commenca a trencher et menger, car tant auoit haste, que oncques ne donna loisir a son Escuyer, qui deuant luy tranchoit qu'il eut mis son pain ne ses cousteaux a point. Quant ce Maistre d'Hostel vid son Maistre satraper a ces Perdrix, il fut bien esbahy, et ne se peut taire ne tenir de luy dire: ha, Monseigneur, que faictes vous, estes vous Juif ou Sarrazin? Que ne gardez vous autrement le vendredy? Par ma foy ie me donne grant merueille de vostre faict. Tais toy, tay toy, dist le bon Prelat, qui auoit toutes les mains grasses et la barbe aussi de ces Perdrix, tu es beste, et ne scais que tu dis; ie ne fais point de mal, tu scais et congnois bien que par parolles moy et tous autres Prestres, faisons d'une Hostie qui n'est que de bled et d'eauë, le precieux Corps de Jesus Christ, et ne puis je donc pas par plus forte raison, moy qui tant ay veu de choses en Court de Romme et en tant de diuers lieux, scauoir par parolles faire conuertir ces Perdrix, qui est chair de Poisson deuenir, jasoit ce quelles retiennent la forme de Perdrix. Si fais Dea, maintes journées sont passees que i'en scay bien la Pratique, elles ne furent pas fust mises, a la broche que par les paroles que ie scay, ie les char-

mai

mé tellement que en substance de Poisson,
se conuertirent, et en pouries trestous qui
estes icy menger, comme moy sans peché,
mais pour l'imaginacion, que vous en pou-
riés prendre elles ne vous feroient ja bien,
si en feray tout seul le meschief. Le Mai-
stre d'Hostel et tous les autres de ses Serui-
teurs commencerent a rire, et firent sem-
blant de adjouster foy a la bourde de leur
Maistre trop subtillement fardeé et coul-
lourée et en tindrent depuis maniere du
bien de luy, et aussi mainteffois en diuers
lieux joyeusement racompterent.



NOUVELLE C.
LE SAGE NICAISE
 OU L'AMANT VERTUEUX.

EN la puissante Cité de Gennes puis cer-
 tain, temps en ça y demouroit vng Mar-
 chant.

chant tout comblé de biens et de richesses, duquel l'industrie et maniere de viure estoit de mener et conduire grosses marchandises par les Mers et estranges Pays et speciallement en Alexandrie. Tant vacqua et entendit au gouuernement des Nauires, et a entasser et amasser tresors et amonçeler grandes richesses, que durant tout le temps qu'il s'y adonna qu'il fut depuis sa tendre jeunesse, jusqu'a l'aage de cinquante ans, ne luy vint volenté ne souuenance de aultre chose faire. Et comme il fut paruenue en l'aage dessusdit, ainsi comme vne fois pensoit sur son estat, voyant qu'il auoit despendu et employé tous ses jours et ans a rien autre chose faire, que cuider accroistre ses richesses, sans jamais auoir vng seul moment ou minute de temps, auquel sa nature luy eut donné inclination pour le faire penser ou induire de soy marier, afin d'auoir tres belle et bonne generation qui, aux grants biens qu'il auoit a diligence, veille et grant labour amassé et acquis, luy succedast et après luy les possedast, conceut en son couraige vne aigre et tres poignante douleur, et desplaisant estoit a merueilles, que ainsi auoit ex-

Z 2

posé

posé et despendu ses jeunes jours en ceste aigre doleance, et a regret demoura aucuns jours : lesquels jours pendant aduint que en la Cité dessus nommée les jeunes et petits enfans, après qu'ils auoient solennisé aulcune Feste accoustumée entre eulx pour chascun an habillés et déguisés diuerfement, & assés estrangement les vns d'une maniere, et les autres d'autres se vindrent rendre en grant nombre en vng lieu, ou les publiques et accoustumez esbattemens de la Cité se faisoient communement, pour jouer en la presence de leur Pere et Mere, et aussi affin de remporter gloire et renommée et louenge. A ceste Assemblée se comparut et se trouua ce bon Marchant rempli de fantaisies, et de soulcy, et voyant les Peres et les Meres prendre grant plaisir a voir leurs enfans jouer, et faire souplesses et appertises agraua sa douleur que parauant auoit de soy mesme conceüe, et ce point sans le pouoir plus aduiser ne regarder, triste et marry retourna en sa maison et seulet se rendit en sa Chambre, ou il fut aucune espace de temps, faisant complaintes en ceste maniere: Ha pource malheureux viellard, tel que ie suis et tousjours

jours ay esté , de qui la fortune et desti-
 née sont dures , amères et mal goustables !
 O Chetif Homme plus que tous recreant !
 Helas ! par les veilles , peines et labeurs et
 ententes que tu as prinſes et portées , tant
 par Mer que par Terre , ta grande richesse
 et tes comblés trefors sont bien vains ,
 lesquels sous perilleuse , aduventure en pei-
 nes dures et sueurs tu as amassé et
 amoncelé , et pour lesquels tout ton temps
 as despendu sans auoir oncques vne petite
 espace ne souuenance de penser a qui toy
 mort , et party de ce siecle les possedera ,
 et a qui par loy humaine , les deuras lais-
 ser en memoire de toy et de ton nom ! Ha
 meschant couraige ! Comment as tu mis en
 non chaloir cela , a quoy tu deuois don-
 ner entente singuliere ? Jamais ne ta
 pleu mariage , et tousjours las craint et re-
 fusé , mesmement hay , et mesprilé les bons
 et justes conseils de ceulx qui ty ont vou-
 lu induire , affin que tu eusse lignée qui per-
 petua ton nom , ta louenge aussi ta renom-
 meé. Et bien heureux sont les Peres et les
 Meres , qui laissent a leurs successeurs
 bons et sages Enfans ! Combien ay ie
 aujourdhuy regardé et apperceu des Pe-
 res estans aux jeux de leurs enfans que

se disoient tres heureux , et jugeoient tresbien auoir employé leurs ans, le après leurs deceds, leur pouoient laisser vne petite partie des grands biens que ie possede maintenant. Mais quel plaisir et soulas puis je jamais auoir, quel nom et quelle renommée auray ie après la mort, ou est maintenant le fils qui maintiendra et fera memoire de moy après mon trepas? Benoit soit ce Saint Mariage, par lequel la memoire et souuenance des Peres et des Meres est entretenüe et dont tenons possessions, et heritaiges ont pour leurs doulx enfans, a eternelle permanence et durée! Et quant ce bon Marchant eut a soy même longue espace de temps argué, subit donne remede et solution a ses argumens disant ces paroles: Or ca, il ne m'est desormais mestier nonobstant le nombre de mes ans tourmenter, ne troubler de douleurs, d'angoise, ne de pensément. Au fort ce que i'ay par cy deuant fait prend ressemblance aux Oyseaulx qui font leurs nids et les preparent, auant qu'ils pondent leurs œufs. Jay, la mercy Dieu, richesses suffisantes pour moy et pour vne Femme et pour plusieurs enfans,

fans, fil aduient que i'en aye, et ne suis si ancien ne tant defourni de puissance naturelle que ie me doye soulcier de perdre esperance, de n'en pouoir jamais auoir generacion. Si me conuient arrester et donner toute entente, veiller, et trauailler, aduisant ou ie trouueray Femme propice et conuenable a moy. Ainly finant son procès vuida de sa Chambre, et fist venir vers luy deux de ses Compaignons Mariniers comme luy, ausquels il decouurit son cas tout au plain, les priant tres affectueusement que ils luy voulsissent ayder a trouuer et querir pour luy qui estoit la chose de ce monde, que plus il desiroit. Les deux Marchands ayant entendu le bon propos de leur Compaignon, le priferent et louierent beaucoup, et prindrent la charge, de faire toute la diligence et inquisition possible, pour luy trouuer Femme. Et ce temps pendant que la diligence et enqueste se faisoit, nostre Marchand tant eschauffé de marier que plus il ne pouoit, faisoit de l'ameoureux cherchant par toute la Cité, entre les plus belles la plus jeune et d'autres ne tenoit compte. Tant chercha que a la parfin il en trouua vne a son plaisir,

fir, et ceste telle qu'il la demandoit; car de honnestes Parents néé, belle a merueille, jeune de quinze ans ou environ, gente, douce et très bien adreſſée estoit. Après qu'il eut congneu les vertus et condicions douces d'elle, il eut tel affection et desir quelle fut Dame, de ses biens par juste mariage; qu'il la demanda a ses Parents et Amys, lesquels après aucunes petites difficultés et legières qui guères ne durerent, luy donnerent, volentiers en la mesme heure et luy firent fiancer, et donner caution et seureté du Douaire, dont il la vouloit doüer. Le bon Marchant auoit prins grant plaisir en sa marchandise pendant le temps qui la menoit, encores leut il plus grant, quant il se vit asſeuré de estre marié et mesmement avec Femme telle, que il en pouoit auoir de beaux enfans. La Feste et Solemnité des nopces fut honnorablement et en grant sumptuosité faicte et celebrée, laquelle feste faillie il mist en oubly, et non chaloir sa premiere maniere de viure, c'est a scauoir sur la Mer. Il faisoit tres bonne chere, et prenoit grande plaifance avec sa belle et douce Femme, mais le temps ne luy dura guères que

que saoul et ennuyé en fut ; car la première année avant qu'elle fut expirée , print desplaisance de demourer a l'hostel en oyfance et de y tenir mesnage, en la maniere que conuient a ceulx qui y sont liez , se hoda et ennuya ayant tres grant regret a son autre mestier de Marinier, qui luy sembloit plus aisié et legier a maintenir que n'estoit celuy, qu'il auoit si volentiers entrepris a gouuerner par nuyt et par jour. Autre chose ne faisoit que subtilier et penser comment ils se pouroit, trouuer en Alexandrie en la maniere qu'il auoit accoustumée , et luy sembloit qui n'estoit pas seulement difficile de soy abslenir de Mariner et non hanter la Mer et l'abandonner de tous points , mais aussi chose la plus impossible de ce monde. Et combien que sa volenté fut plainement delibérée et resoluë de soy retraire et remettre a son premier mestier , toutteffois le celoït il a sa Femme , doubtant que ne le print a desplaisance ; et aussi auoit vne crainte et doubte qui le destournoit et donnoit vng moult grant empeschement a executer son desir ; car il congnoissoit la jeunesse du couraige de sa Femme, et luy estoit bien aduis que s'il s'absentoit, elle ne

se pouroit contenir. Consideroit aussi la müable et variableté de couraige femennin, et mesmement que les jeunes galans, luy present, estoient coustumiers de passer souuent deuant son huys, pour la veoir dont il supposoit que en son absence, ils la pouroient de plus près visiter, et aussi par aduanture tenir son lieu. Et comme il eut esté par longue espace pointé et esguillonné de ces difficultés et diuerses ymaginacions sans en dire mot, et qu'il congneut qu'il auoit ja acheué et passé la plus part de ses ans, il mit a non challoir Femme et tout le demourant, qui affiert au mesnaige et aux argumens et disputacions qui luy auoient troublé la teste, donna briefue solution, disant en ceste maniere: Il mest trop plus conuenable viure que mourir, et se ie ne laisse et abandonne mon mesnaige en briefs jours, il est certain que ie ne puis longuement viure ne durer. Laisseray ie donc ceste belle et doulce Femme? Ouy ie la lairray, elle ayt dorefnauant la cure et le soing de elle mesme s'il luy plaist, ie n'en vuël plus auoir la charge. Helas! que feray ie, quel deshonneur, quel desplaisir sera ce pour moy s'elle ne se contient et garde chasteté?

chasteté? Ho! il vaut mieux viure que mourir pour prendre soin pour la garder ; ja Dieu ne vüeil que, pour le ventre d'une Femme, ie prengne si estroite cure ne soing sans auoir loyer ne salaire, et ne en recepuoir que torment de corps et d'ame! Ostés moy ces rigueurs et angoises que plusieurs souffrent pour demourer avec leurs Femmes, n'est chose en ce monde plus cruelle ne plus greuant les personnes. Ja Dieu ne me laisse tant viure, que pour quelque aduenture que en mariage puissent soudre, ie m'en courouce ne monstre triste! Je vüeil auoir maintenant liberté et franchise de faire tout ce qu'il me vient a plaisir. Quant ce bon Marchant eut donné fin a ses tres bonnes deuises, il se trouua avec ses Compaignons mariniers et leurs dist qu'il vouloit encores vne fois visiter Alexandrie, et charger marchandises comme autresfois, et souuent auoit fait en leurs compaignie; mais il ne leurs declara pas les troubles qu'il prenoit a l'occasion de son mariage. Ils furent tantost d'accord et luy dirent, qu'il se fist prest pour partir au premier bon vent qui suruiendrait. Les Mariniers et Batteaux furent chargés et préparés pour partir, et mis

misés lieux ou il failloit attendre, vent propice et opportun pour nager. Ce bon Marchant donc ferme et tout arresté en son propos comme le jour precedent, celuy donc qui se deuoit partir se trouua seul après soupper avec sa Femme en sa Chambre, et luy descourrit son intencion, et maniere de son prochain voyage, et afin que très joyeuse fust luy dit ces paroles: Ma tres chière espoule, que j'aime mieux que ma vie, faites ie vous requiers bonne chière, et vous monstres joyeuse, et ne prenés de desplaisance ne tristesse en ce que ie vous declaireray. J'ay proposé de visiter se c'est le plaisir de Dieu, vne fois encores Alexandrie en la facon que j'ay de long temps accoustumée, et me semble que n'en deués estre marie, attendu que vous congnoissés que cest maniere de viure mon art et mon mestier ausquelz moyens j'ay acquis richesses, maisons, nom, renommée, et trouué grant nombre d'amis et de familiarité, les beaux et riches aornemens, anneaux vestemens, et tous les autres precieuses bagues dont vous estes pareé et aorné plus que nulle aultre de ceste Cité. Comme bien scauez ie les ay acheteés du gain et aduantaige que
ie

ie ay faict en mes marchandises. Ce voyage donc ne vous doit gueres , ennuyer car le retour sera brief. Et ie vous promets que a ceste fois , comme i'espere se la Fortune ne me donne heur , que jamais plus ny veux retourner , ie y vüeil prendre congé a ceste fois. Il conuient donc que preniez maintenant couraige bon et ferme , car ie vous laisse la disposition administration et gouuernement de tous les biens que je possède ; mais auant que ie me parte , ie vous veüil faire aulcunes requestes. Pour la premiere je vous prie , que vous soyez joyeuse tandis que ie feray mon voyage , et viués plaisamment et se j'ay quelque peu d'ymagination , que ainsi le fâces , ie en chemineray plus lyément. Pour la deuxiéme vous scauez qu'entre nous deux rien ne doit estre tenu couuert ne celé ; car honneur , proffit et renommée doyuent estre , comme ie tiens qu'ils sont , communs a tous deulx ; et la louenge et l'honneur de l'vng ne peut estre sans la gloire de l'autre , non plus que le deshonneur de l'vng ne peut estre sans la honte de tous deux. Or je vuëil bien que vous entendez que ie ne suis pas si tres despourueu de sens , que ie ne pense bien
com-

comment ie vous laisse jeune, belle fille, douce, fresche et tendre, sans soulas d'Homme, et que de plusieurs en mon absence vous serés desirée. Combien que ie cuyde fermement que vous auez maintenant nette pensée, couraige ferme, toutesfois quand ie congnois quel est vostre aage, et l'inclination de la secrette chaleur en quoy vous abondez, il ne me semble pas possible, qu'il ne vous faille par pure necessité et contrainte au temps de mon absence, auoir compaignie d'homme dont c'est bien mon plaisir, que vous vous accordés ou vostre nature vous forcera et contraindra. Vecy doncques le point ou je vous vuëil prier, c'est que gardés nostre mariage le plus longuement que vous pourés en son entiere intention, ne ay volenté aucune de vous mettre en garde de autrui, pour vous contenir; mais vuëil que de vous mesme ayez la cure et le soing, et en soyez gardienne. Veritablement il n'est si estroite garde au monde, qui puisse destourber la Femme oultre sa volenté, a faire son plaisir. Quant doncques vostre chaleur vous esguillonnera et poindra, ie vous prie, ie vous prie chere espouse, que en l'exécution

tion de vostre desir, vous vous aduifiez prudemment, et tellement qui n'en puisse estre publique renommée, que se autrement le faictes vous, et moy et tous nos Amys sommes diffammés, et deshonorés en faict. Doncques et par effect, se vous ne pouués garder chasteté, au mains, mettés peine de la garder tant, qu'il touche fame et commune renommée. Mais ie vous vuëil apprendre et enseigner la maniere que vous devez tenir en ceste maniere, si elle suruient. Vous scauez qu'en ceste bonne Cité, a tres grant nombre et foyson de beaux jeunes hommes, d'entre eulx tous vous en choisirés vng seul, et vous en tenez contente, pour faire ce ou vostre nature vous inclinera. Touttefois ie vuëil que vous ayez en faisant l'eslection singulier regard, que il ne soit homme vague, deshoneste et pou vertueux; car de tel ne vous devez accointer, pour le grant peril qui vous en pouroit soudre. Car sans doubte il descouuriroit et publieroit a la vollée vostre secret. Doncques vous elirés celuy que vous congnoitrés fermement estre saige et prudent, affin que se le meschief vous aduient, il mette auffi grant paine a le celer comme vous, de ceste Ar-
ticle

ticle vous requiers je, et que me promettez en bonne et ferme loyaulté, que vous garderés ceste leçon. Si vous aduise que ne me respondés sur ceste matiere en la forme et facon que ont de coustume les autres Femmes, quant on leurs parle de tels propos, comme ie vous dis maintenant ie scais bien leurs responce, et de quelz motz scaiuent vsér qui sont telz. He! mon doulx et parfait Mary, qui vous a meu a dire ce? Ou auez vous chargée ceste opinion cruelle plaine de tempeste? Par quelle maniere ne quant me pouroit aduenir vn si abominable delit? Nenny, nenny, ja Dieu ne vuëil que ie vous fasse telles promesses, a qui ie prie que il permette la terre ouurir qui m'englotiue, et deuore toute vifue au jour et heure que ne dy pas commettray, mais auray vne seule pensée a le commettre. Ma chiére espouse ie vous ay ouuert les manieres de respondre, affin que vers moy, en vsiez aulcunement en bonne foy. Je croy et tiens fermement que vous auez pour ceste heure moult bon et entier propos, auquel ie vous prie que demourez autant que vostre nature en pourra souffrir. Et ne entendez point que ie vuëil que me promettez faire

ce entretenir ce que ie vous ay mon-
stray , fors seulement au cas que ne pou-
rés donner resistance ne batailler contre
l'appetit de vostre fresle et doulce jeunef-
se. Quant ce dit bon Marchant eut finé
sa parolle , la belle et doulce et debonnaire
sa Femme, la face toute roseé, se print a
trembler , quant deut donner responce aux
requestes que son Mary luy auoit faictes.
Ne demoura guéres touttefois que la ro-
geur s'esuanouit et print asseurance en fer-
mant son couraige de constance, et en ce-
ste maniere causa sa gracieuse responce.
Mon doulx et tresaymé Mary, ie vous asseu-
re que oncques ie ne feus si espouuentée
ne troubleé de mon entendement, que i'ay
esté presentement par vos parolles , quant
elles me ont donné la congnoissance de ce
que oncques ie ouïy , ne aprins, ne pensé ;
vous congnoissés ma simplesse , jeunesse et
innocence , certainement il n'est point pos-
sible a mon aage de faire ou pourpenser
vng tel meschief, ou deffaulte comme vous
m'avez dit que vous estes seur et scauez
vrayement que vous absentez, ie ne pouroye
contenir ne garder l'entiereté de nostre
mariage ; ceste parole me tourmente fort
le couraige , et me fait trembler toute et

Tom. II.

A a

ne

ne scay quelle chose ie doy maintenant dire respondre ne proposer a vos raisons; ainsi m'auez priué et tollu l'vsage de parler. Je vous diray touttefois vng mot qui viendera de la profondeur de mon cüeur, et en telle maniere qu'il y gyft en telle vuidera til de ma bouche. Je requiers tres humblement a Dieu et a jointes mains luy prie qu'il face et commande vng abisme ouuir, ou ie soye gettée les membres tous arrachés et tourmentée de mort cruelle, se jamais le jour vient, ou je doye non seulement commettre de leaulté en nostre mariage, mais sans plus en auoir vne briefue pensée de le commettre et comment ne par quelle maniere vng tel delit ne pouroit aduenir ie ne scauroye entendre. Et pource que m'auez forticos et reclus de telles manieres de respondre, disant que les Femmes sont coustumieres d'en vsar pour trouuer les eschappatoires et alibis forains, affin de vous faire plaisir et donner repos a vostre ymaginacion et que voyez que a vos commandements ie suis presté d'obeir garder et maintenir, je vous prometz de ceste heure de couraige ferme arresté et estable oppinion d'attendre le jour de

de vostre reuenuë en vraye pure et entiere chasteté de mon corps, et que Dieu ne vuëil pas qu'il aduiengne le contraire, tenez vous en tout asséuré, et ie le vous prometz. Je tiendray la regle et doctrine que m'auez donnéé, en tout ce que ie feray sans la trépasser aucunement, s'il y a autre chose dont vostre couraige soit chargé, je vous prie descouurez tout et me commandez faire et accomplir vostre bon desir, autre rien ne desire non pas le mien. Nostre Marchant ouye la responce de sa Femme, fut tant joyeux qu'il ne se peut contenir de plourer, disant ma tres chière espouse, puis que vostre douce bonté ma voulu faire la promesse que i'ay requise, je vous prie que l'entretenez. Le lendemain matin le bon Marchant fut mandé de ses Compaignons pour entrer en la mer. Si print congié de sa Femme, et elle le commanda a la garde de Dieu, puis monta en la mer, et se mirent a cheminer et nager vers Alexandrie, ou ils paruindrent en briefts jours tant leurs fut le vent agreable et propice, ou quel lieu s'arrestèrent longue espace de temps, tant pour deliurer leurs marchandises comme pour en charger des

A a 2

nou-

nouvelles , pendant et durant lequel temps la tres gente, et gracieuse Damoiselle dont j'ay parlé demoura garde de l'Hostel , et Pour toute Compaignie , n'auoit que vne jeune petite fillette qui la seruoit. Et comme i'ay dit ceste belle Damoiselle , n'auoit que quinze ans , pourquoy se aulcune faulte fist , on ne le doit pas tant imputer a malice comme a la fragilité de son jeune aage. Comme donc le Marchant eut esté plusieurs fois absent des yeux d'elle , pou a pou il fut mis en oubly. Sirost que les jeunes Gens sceurent ce partement , ils la vindrent visitter , laquelle au premier ne vouloit vuidier de sa Maison ne soy monstrier , mais toutesfois par force de continuation et frequentacion quotidienne , pour le tres grant plaisir quelle print aux doux et melodieux chants et armonie de tous instrumens , dont on jouoit a son huys , elle s'aduanca de venir beyer et regarder par les creuaces des fenestres et secrets trillis d'ycelle , par lesquelles tres bien pouoit veoir ceux qui l'eussent plus volentiers veüe. En escoutant les chansons et dances prenoit a la fois si grant plaisir , que amour esmouuoit son couraige tellement , que char-

leur

leur naturelle souuent l'induisoit a briser sa continence. Tant souuent fut visitté en la maniere dessusdicté, quen la parfin sa concupiscence et desirs charnels la vainquirent et fut touchée du dard amoureux bien auant. Et comme elle pensa souuent comment elle auoit, si a elle ne tenoit, tres bonne habitude et opportunité de temps et de lieu, car nul ne la gardoit, nul ne luy donnoit empeschement pour mettre a execution son desir; conclud et dist que son Mary estoit tres sage, quant si bien luy auoit acertené, que garder ne pouroit sa continence et chasteté, de qui toutteffois elle vouloit garder la doctrine, et avec ce la promesse que faicte luy auoit.

Or me conuient il, distelle, vser du conseil de mon Mary, en quoy faisant ie ne puis encourir deshonneur, puis qu'il m'en a baillé la licence, mais que ie ne ysse les termes de la promesse que i'ay faicte. Il m'est aduis et il est vray, qu'il m'enchargea que quant le cas aduiendroit, que rompre me conuiendroit ma chasteté, que ie esleusse Homme qui fust saige, bien renommé et de grande vertu, et non autre, en bonne foy, aussi feray ie; mais que ie puisse

A a 3

en

en non trespasſant le bon conſeil de mon Mary il me ſouffift largement ; et ie tien qu'il n'entendoit point que l'Homme deuft eſtre ancien , ains comme il me ſemble qu'il fuſt jeune , ayant autant de renommée en clergie et ſcience comme vng autre viel , telle fut la leçon comme il me eſt aduiſ. Es meſmes jours que ces argumens ſe faiſoient pour la partie de noſtre Damoiſelle , et que elle queroit vng ſaige jeune Homme pour luy refroidir les entrailles , vng tres ſaige Clerc arriua de ſon heur , qui venoit freſchement de l'Uniuerſité de Boulongne la Graſſe , la ou il auoit eſté pluſieurs ans ſans retourner. Tant auoit vacqué et donné ſon attente a l'eſtude quen tout le Pays n'y auoit Clerc de plus grant renommée par les Magiſtraux de la Cité et avec eux aſſiſtoit continuellement. Il auoit couſtume d'aller par chaſcun jour ſur le Marchié a l'Hoſtel de la Ville , et jamais ne pouoit paſſer que par deuant la Maiſon de la dicté Damoiſelle , a laquelle pleut tres-bien ſa douce maniere , et combien qu'elle ne l'eut jamais veu exercer l'Office de Clergié , toutesfois elle jugea tantost qu'il eſtoit tres grant Clerc , auſquelz
moiens

moïens elle ficha toute son amour en luy , disant qu'il garderoit la leçon de son Mary. Mais par quelle maniere elle luy pouroit monstrier son grant et ardent amour , et ouurir le secret desir de son couraige elle ne scauoit , dont elle estoit tres desplaisante. Elle s'aduïsa neantmoins pource que chascun jour ne failloit point de passer deuant son huys allant au Marchié , elle se mettoit au perron paré le plus gentement que pouroit , afin que au passer quant il getteroit son regard sur sa beaulté , il la conuoitast et requist de ce dont on ne luy feroit refus. Plusieurs fois la Damoiselle se monstra , combien que ce ne fut au parauant sa coutume. Et iasoit ce que très plaisante fut et telle pour que vng jeune couraige deuoit tantost estre esprins et allumé d'amours ; touttefois le saige Clerc jamais ne l'aperceust , car il marchoit si gracieusement , que en marchant ne gestoit sa veüe ne ca ne la ; et par ce moyen la bonne Damoiselle ne prouffitast rien en la facon quelle auoit pourpensée et aduïsee. S'elle fut dolente , il n'en est ja mestier de faire enqueste ; et plus pensoit a son Clerc , et plus allumoit et espre-

A a 4

noit

noit son feu. A fin de pièce après vng tas d'ymaginacions, que pour abregier ie passe le reciter, conclud et se determina d'enuoyer sa petite Meschinette deuers luy. Si la hucha et commanda qu'elle s'en alla demander vng tel, c'est a scauoir de ce grant Clerc, et quant elle l'auroit trouué ou qu'il fust, luy dist: que le plus en haste qu'il pouroit, venist a l'Hostel d'une telle Damoiselle, Femme et espouse d'vng tel; et que fil demandoit quelle chose il plaisoit a la Damoiselle, elle luy respondit que rien nen scauoit; mais tant seulement luy auoit dit qu'il estoit grande necessité qu'il venist. La Fillette mist en sa memoire les mots de sa charge, et se partit pour querir celuy qu'elle trouua et ne demoura guères; car l'en luy enseigna la Maison, ou il mangeoit au disner en vne grande compaignie de ses Amys et autres Gens de grant facon. Ceste Fillette entra dedans et en salüant toute la Compaignie, se vint adresser au Clerc lequel elle demandoit, et oyant tous ceux de la table, luy fist son message bien saigement, ainsi que sa charge le portoit. Ce bon Seigneur qui congnoissoit de sa jeunesse le Marchant, dont la fille

luy

luy parloit et sa Maison aussi bien comme la sienne, mais ignorant qui fut marié ne que fust sa Femme, pensa tantost que pour l'absence dudit Marchand, sa dicte Femme le demandoit pour estre conseillé en aucune grosse cause, comme elle vouloit; car ledit Clerc scauoit bien que le bon Mary estoit dehors et n'entendoit point la cautelle ainsi comme elle, toutesfois il dist a la fillette: Ma Mye, allez dire a vostre Maistresse que incontinent que nostre dîner sera passé ie yray vers elle. La Messagiere fist la responce telle qu'il faillloit, et que on luy auoit enchargé, et Dieu scait comme elle fut receuë de sa Maistresse, quant elle entendit les nouuelles, que le Clerc son Amy par amours deuoit venir. Elle estoit la plus joyeuse que oncques fut Femme, et pour la grande joye que elle auoit de tenir son Clerc en sa Maison, trembloit et ne scauoit tenir maniere. Elle fist balaiz courre, par tout espan dre la belle verdure en sa Chambre, cou urir le lit et la couchette, desploier riches couuertures tapis et courtines et se para et atourna des meilleurs atours et plus precieux qu'elle eust. En ce point

A a 5

l'atten-

l'attendit aucun petit de temps , qui luy sembla long a merucilles pour le grant desir qu'elle auoit. Tant fut desiré et attendu qu'il vint , et ainsi qu'elle laperceut venir de loing , elle montoit et descendoit de sa Chambre, alloit et venoit maintenant cy , maintenant la , tant esmuë , qu'il sembloit qu'elle fut rauie de son sens ; et en la fin monta en sa Chambre et illec prepara et ordonna les bagues et joyaux quelle auoit attains et mis dehors , pour festoyer et receuoir son Amoureux. Si fist demourer en bas la fillette Chamberiere , pour l'introduire et mener ou estoit sa dicte Maistresse. Et quant il fut arriué , la fillette le receut tres gracieusement et le mit dedans et ferma l'huys , laissant tous ses Seruiteurs dehors , ausquels il fut dit qu'ils attendissent illec leur Maistre. La Damoiselle oyant son Amoureux estre arriué , ne se peut tenir de venir en bas a lencontre de luy quelle le salua doucement quant elle le vit , le print par la main et le mena en la Chambre que luy estoit appareilleé , et ou il fut bien esbahy , quant il se trouua , tant pour la diuersité des parements belles et precieuses ordonnances qui y estoient , comme
aussi

aussi pour la tres grande beaulté de celle qui le menoit. Sitost qu'il fut en la Chambre entré, elle se assit sur vne esca- belle auprès de la couchette, puis le fist seoir sur vne autre joingnant d'elle, où ils furent aucune espace tous deux sans mot dire; car chascun attendoit tous- jours la parole de son Compaignon, l'vng en vne maniere, l'autre en l'autre; car le Clerc cuydant que la Damoiselle, luy deust ouurir aucune grosse et difficile matière la vouloit laisser commencer. Et elle d'autre costé pensant qu'il fut si saige et si prudent que sans rien luy dire ne remonstrer plus auant, il deut entendre pourquoy elle l'auoit mandé. Quant elle vit que semblant ne faisoit pour parler elle commenca et dist: Mon tres chier parfait Amy et tres saige homme, je vous vuëil dire presentement la raison pour- quoy et la cause qui ma meu a vous mander. Je cuide que vous avez bonne congnoissance et familiarité avec mon Ma- ry, en l'estat que vous me voyez icy ma il laissé et abandonné pour aller sur la Mer, et mener ses Marchandises en Ale- xandrie comme il a de long temps ac- coustumé. Auant son partement me dist que

que quant il seroit absent, il se tenoit tout
 seur que ma nature et fragilité me con-
 traindroient a rompre et briser ma conti-
 nance, et que par necessité me conuien-
 droit conuerſer avec homme, affin d'estain-
 dre la chaleur qui en moy deuoit venir
 après son partement. En bonne foy, ie le
 repete vng tres ſaige homme; car de ce
 qu'il me ſembloit adonques impossible
 aduenir ie vois l'experience veritable; car
 mon jeune aage, ma beaulté et mes ten-
 dres ans ne peuuent ſouffrir ne endurer
 que le temps deſpende et couſume ainſi
 mes jours en vain, ma nature auſſi ne
 ſe pouroit contenter, et affin que vous
 m'entendez bien a plain, mon ſage et
 bien aduiſé Mary, qui auoit regard a mon
 cas quant il ſe partit en plus grande di-
 ligence, que moy meſmes voyant comme
 les jeunes et tendres fleurettes ſe ſei-
 chent et amatiſſent, quant aucun acci-
 dent leur aduiant, et contre l'ordonnan-
 ce et inclination de leur nature par telle
 maniere conſideroit il ce que m'eſtoit
 a aduenir. Et voyant clèrement que ſe
 ma complexion et condicion n'eſtoient
 gouuernés ſelon l'exigence de leurs natu-
 rels principes, guères ne luy pouroye du-
 rer

rer. Si me fist jurer et promettre que quant il aduiendroit ainsi que ma nature me forceroit a rompre et briser mon entiereté, je esleusse vng homme saige et de haulte auctorité, qui couuert et subtil fust a garder nostre secret. Si est il que en toute la Cité ie n'ay sceu penser, pour homme qui soit, plus ydoine que vous; car vous estes jeune et tres saige homme. Or m'est il aduis que ne me refuserés pas ne rebouterés, vous voyez quelle ie suis, et si pouez l'absence de mon Mary supplier et son lieu tenir, voire maintenant se c'est vostre bon plaisir; car nul homme n'en scaura parler. Le lieu le temps, toute opportunité nous fauorifant. Le bon Seigneur preueni et anticipé fut tout esbahy en son couraige, de ce que la bonne Dame dist, combien que nul semblant n'en fist. Il print la main d'estre a la Damoiselle, et de joyeux viaire et plaisante chère luy commenca a dire ces parolles: Je doy bien rendre et donner Graces infinies a Madame Fortune, qui aujourdhuy me donne tant d'eur, et me fait perceuoir le fruit du plus grant desir que ie pouuoye au monde auoir jamais, ne me reputeray
ne

ne clameray infortuné, quant en elle treuve si large bonté. Je puis seurement dire que ie suis aujourdhuy le plus eureux de tous les autres; car quant ie concoy en moy ma tres belle et doulce Amye, comment ensemble passerons joyeusement, nos jeunes jours sans ce que personne sen puisse apercevoir ne donner garde, ie senglatis de joye. Ou est maintenant l'homme qui est plus aimé de Fortune que moy, si ne fut vne seule chose qui me donne vng petit et legier empeschement a mettre a execution de ce dont la dilacion aygre me poise et desplaist, ie seroye le plus et mieulx fortuné de tout le monde, et me desplait souuerainement que ie ne le puis amander.

Quant la bonne Damoiselle qui a nul mal ny pensoit, oüyt qu'il y auoit aucun empeschement qui ne luy laissoit déployer ses armes, elle tres dolente et bien marie luy priaist qu' il le declarast pour y remedier s'elle pouoit. L'empeschement dist il, n'est point si grant quen petit de temps n'en soye deliuré, et puis qu'il plaist a vostre doulceur le scauoir, ie le vous diray. Du temps que i'estoye a l'estude a l'Université de Boulongne la Grasse, le Peuple

ple de la Cité fut seduit et meu tellement, que par Muthemathe s'esleua contre le Seigneur, si fus accusé avec les autres mes Compaignons d'auoir esté cause et moyen de la seduction de Muthemathe-rie, pourquoy ie fus mis en prison estroite, ou quel lieu quant ie m'y trouuay craingnant, perdre la vie pource que ie me sentoye innocent du cas, ie me donnay et vouïay a Dieu, luy promettant que s'il me deliuroit des prisons, et rendoit icy entre mes Parens et Amys, ie jeune-roye pour l'amour de luy vng an entier chascun jour au pain et a l'eauë, et durant ceste abstinence, ne feroye peché de mon corps. Or ay ie par son aide fait la plus part de l'année et ne men reste guères, je vous prie et requiers toutes-fois puis que vostre plaisir a esté moy eslire pour vostre, que vous ne me changiez pour nul autre qui viue, et ne vous vüeil ennuyer le petit delay que ie vous donneray, pour accomplir mon abstinence, qui sera brief faicte et qui pieca eut esté parfaite, se ie me eusse osé confier en autrui qui me eut peu ayder et donner secours; car ie suis quicte de chascune jeune que vng aultre feroit pour moy comme
me

me se ie la faisoie, et pource que i'apercoy vostre grande amour et confiance que vous auez fiché en moy, ie mettray s'il vous plaist la fiance en vous que jamais n'ay osé mettre sur Freres, Amis ne Parens que jaye, doubtant que faulte ne me feissent touchant la jeune, et vous prieray que m'aydiez a jeuner vne partie des jours, qui restent a l'accomplissement de mon an, affin que plus brief ie vous puisse secourir en la gracieuse requeste que vous m'auez faicte. Ma douce et entiere Amye, ie n'ay mais que soixante jours, lesquelz se cest vostre plaisir et voulenté ie partiray en deux parties de quoy vous en aurez l'une et moy l'autre, par telle condicion que sans fraude me prometterés m'en acquitter justement; et quant ils seront accomplis nous passerons plaisamment nos jours. Doncques se vous auez la voulenté de moy ayder en la maniere que j'ay cy-dessus dicte, dictes le moy maintenant. Il est a supposer que la grande et longue espace de temps ne luy pleut guères, mais pource quelle estoit si doucement requise de son Amy, et aussi qu'elle desiroit moult la jeune estre parfaite, et accomplie, affin quelle peust accomplir ses

voulours

vouloirs et desirs avec son amoureux, pensant aussi que 30. jours n'arresteroient guères, elle promist de les faire et accomplir sans fraude ne sans deception ou mal engin. Le bon et notable Seigneur dessusdit voyant qu'il auoit gaigné sa cause, et que ses besongnes se portoient tres bien, si print congé a la bonne Damoiselle que n'y pensoit nul mal, en luy disant: que puis que sa voye et son chemin si estoit en venant de sa maison au Marchié de passer deuant son huys, que sans faulte il la viendroit bien souuent visitter, et a tant se departit. Et la belle Dame commença le lendemain a faire son abstinence en prenant ordonnance, que durant le temps de sa jeûne elle ne mangeroit son pain et son eauë jusques après soleil réconfié. Quant elle eut jeuné trois jours, le sage Clerc ainsy qu'il sen alloit au Marchié, a l'heure qu'il auoit accoustumé, vint veoire sa Dame, a qui il se deuisa longuement, puis au dire Adieu, il luy demanda si la jeune estoit ainsi encomencée, et elle respondit que ouy. Entretenés vous ainsy, dist il, et gardés vostre promesse ainsy que l'avez faicte.

Tom. II.

B b

Tout

Tout entierement, dist elle, ne vous en doutez. Il print congié et se partit, et elle perseverant de jour en jour en la jeune, et gardant l'observance en la facon qu'elle auoit promis tant estoit de bonne nature, elle n'auoit pas jeuné huit jours, que sa chaleur naturelle commença fort a refroidir, tellement que force luy fut de changer habillemens; car les mieux fourrez et enpennez qui ne seruoient qu'en l'yuer, vindrent servir au lieu des fengles, et tendres quelle portoit auant l'abstinence entreprinse. Au quinziésme jour fut arriere visitté de son amoureux le Clerc, qui la trouua foible que a grant paine pouoit elle aller par la Maison, et la bonne simplette ne se scauoit donner garde de la tromperie, tant s'estoit abandonné a amours, et parfaitement mis son entente a perseverer a celle jeusne, et pour les joyeux et plaïsans delits qu'elle attendoit seurement a auoir avecques son grant Clerc, lequel quant a l'entrer en la Maison la veoit ainsi foible luy dist: quelle viaire esse la, et comment marchez vous maintenant? J'appércoy que faictes l'abstinence a regret, et comment ma tres doulce

doulce Amye, ayéz ferme et constant couraige, nous auons aujourd'hui acheué la moitié de nostre jeune, se vostre nature est foible vainquez la par roideur et constance de cüeur, et ne rompez vostre lealle promesse. Il lamonestä si doulcement qu'il luy fist prendre couraige par telle facon, qu'il luy sembloit bien que les autres quinze jours qui restoit ne luy dureroient gueres. Le vingtiesme vint auquel la simplette auoit perduë toute couleur, et sembloit a demy morte, et ne luy estoit plus le desir si grant comme il auoit esté. Il luy conuint prendre le lit et y continuellement demourer, ou elle se donna aucunement garde que son Clerc luy faisoit faire abstinence pour chastier son desir charnel, si jugea que la facon et maniere estoient saigement aduisees, et ne pouoient venir que d'homme bien saige; touttefois ce ne la desmeüt point ne descourist qu'elle ne fust deslibérée et arrestée de entretenir sa promesse. Au penultiesme jour elle enuoya querir son Clerc, que quant il la vit coucheé au lit, demanda se pour vng seul jour qui restoit auoit perdu courage?

B b 2

raigé?

raige? Et elle entrerompant sa parole luy respondit : ha mon bon Amy , vous m'auez parfaictement et de loyalle amour aymée , non pas deshonneſtement comme j'auois préſumé vous aimer : pourquoy ie vous tiens et tien dray tant que Dieu me donnera vie et a vous auſſi pareillement, mon très chier et ſingulier Amy, qui auez gardé et moy aprins mon entiere chaſteté, et l'honneur et la bonne renommée de moy mon Mary mes Parens et Amys. Benoist ſoit mon cher Espoux de qui j'ay gardé, et entretenu la leçon qui donne grant apaiſement a mon cœur. Or ca mon Amy , ie vous rends telles graces et remercie, comme ie puis du grant honneur et biens que m'auez fait , pour leſquels ie ne vous ſcauroye ne pouroye jamais rendre ne donner ſuffiſantes graces, non feroient tous mes Amys. Le bon et ſaige Seigneur voyant ſon entreprinſe eſtre bien acheuée, print congé de la bonne Damoiſelle, et doulcement l'amoneſta qu'il luy ſouuint de chaſtier deſormais ſa nature par abſtinence, et toutes les fois qu'elle s'en ſentiroit eſguillonée, par lequel moyen elle demoura entiere

entiere, jusques au retour de son Mary
qui ne sceut rien de l'adventure; car
elle luy cela si fist le Clerc pareille-
ment.

*Cy finissent les Cent Nouveaux Contes des Cent
Nouvelles, composées et recitées par nouvel-
les gens depuis nasguières.*

Nargue des Amours
Sans les beaux Tours.









